







£4.13.4

A

1123





81  
JACOBI RÆVARDI

BRUGENSIS  
JURISCONSULTI EGREGII

ET

ANTECESSORIS DUACENI  
OPERA OMNIA  
SELECTISSIMA ERUDITIONE REFERTA

*ET IN DUOS TOMOS DIGESTA*

CUM INDICE CAPITUM, RERUM, VERBORUM, ET AUCTORUM  
LOCUPLETISSIMO

NUNC DEMUM

POST QUINQUE ALIAS EDITIONES SUMMA CUM DILIGENTIA  
EXCUSA, AC PRISTINÆ INTEGRITATI RESTITUTA

ADJECTIS INSUPER

CLARORUM VIRORUM DE AUCTORE TESTIMONIIS.

---

TOMUS PRIMUS.

---



NEAPOLI MDCCLXXIX.

EX OFFICINA VINCENTII MANFREDII.

ÆRE, ET CURA CAJETANI MARIE ALTABELLI.

---

UTRIUSQUE POTESTATIS PERMISSU.



DOCTORUM VIRORUM  
DE RÆVARDO  
TESTIMONIA.

JUSTUS LIPSIUS

AD SECUNDUM ANNALIUM TACITI.



Ide Plutarchum in Pompejo: Fessum Censio: Aulum Gellium lib. 4. & 7. sed ante omnes JACOBUM RÆVARDUM Variorum lib. 2. c. 15. Belgarum jurisque magnam spem cujus immatura mortis invidiam ne nunc quidem sustinent fata:

EX ELOGIIS AUBERTI MIRÆI BRUXELLENSIS.

Felix illa ingeniorum parens urbs Brugenfis, unde Pameli; Curiii, Damhouderii, Carriones, Laurini prodire JACOBUM quoque RÆVARDUM nobis extulit, Virum singulari, ac prope Divino ingenio præditum. Ea quippe in eo naturæ bonitas, ac præstantia fuit, ut si longior vitæ usura obtigisset, constanti omnium sententia, cum summis Jureconsultis paria facere potuisset. Cujus expeditum animi vigorem, acris ingenii aciem, in consiliis de magnis, & dubiis rebus capiendis, & expediendis solertis mentis celeritatem, atque eximiam eloquentiam hodieque loquuntur; *Comment. ad Leges XII. Tabularum, De Regulis Juris, De Auctoritate prudentium, De Præjudiciis. Libri item Variorum, ac Conjecturarum.* Cæterum Duaci Flandrorum Antecessor renunciatus, cum in felicissimo studiorum cursu versaretur, in ipso ætatis flore, luctuoso novæ, ac surgentis Academiz fato, CIO. sublatus est, spesque, ac messis immensæ amplitudinis, quo pleno gradu tendebat, quasi in herba conciderunt.

PAULUS FRÆHERUS  
THEATRUM VIRORUM CLARORUM.

Parte II. Sessio IV. pag. 856.

JACOBUS RÆVARDUS natus est in Eiswegz, municipio agri Brugenfis Anno Dom. 1534. Parentes habuit domi celebres, opibus, & virtute honestos. Adolescens Lovanium missus, animum ad Jurisprudentiæ studium appellit. Inde Aureliam in Galliam transit ubi biennio exacto Doctoris titulo ornatus est Bello inter Reges Hispanos, & Gallos exorto, in suos reversus, in Urbe Brugenfi sedem fixit allectus sæpius in ordinem Senatorum. Post ab Academia Duacena ad juris Professionem evocatus, munus suum cum laude obit. Cum ex studiis nimis phthisim contraxisset, Brugas reversus, ibi mortuus est.

est primo Junii Anno 1568. etatis 34. E conjuge liberos aliquot fustulit, his Petrum summæ spci; sed vitæ itidem brevis præclara Ingenii RÆVARDI Monumenta sunt hæc:

*Ad Leges XII. Tabularum liber singularis.*

*Variarum Libri V.*

*Protribunalium Liber.*

*De Præjudiciis Libri II.*

*De veris Usucapionum differentiis Liber.*

*De Auctoritate Prudentum Liber.*

*Ad Titulum de Regulis Juris Commentarius*

*Item Consecrancorum Libri III.*

Ex Melchiore Adamo in Vitis Jurisconsultorum.

## LOUYS MORERI

### LE GRAND DICTIONNAIRE.

**R**EVARD ( JACQUES ) Jurisconsulte celebre, que Juste Lipse appelloit ordinairement le Papien du Pais-Bas, naquit vers l'an 1536. dans un Village prez de Bruges. Il étudia à Louvain, & puis à Orleans, où il reçut les honneurs du Doctorat. Apres cela il revint à Bruges où il se fit bientôt connoître pour être extrêmement habile. On luy offrit peu aprez una Chaire de Professeur; mais sa nauvaïse santé l'obligea de retourner chez luy, où il mourut en 1568. JACQUES REVARD a composé divers Ouvrages:

*De Juris Ambiguitatibus Libri V.*

*De Præjudiciis Libri II.*

*Protribunalium.*

*De Auctoritate Prudentum.*

*De diversis Regulis Juris Antiqui.*

*De veris Usucapionum differentiis.*

*Ad Legem Scriboniam.*

*Ad Leges XII. Tabularum.*

*Consecrancorum Libri III.*

Jahus Lernutius composa l'Epitafe de Revard, qui étoit son amy. La voicy:

*Si fas est immortalis mortalia flere?*

*Atque homini lacrymas persoluisse Deam;*

*Cum videt extinctas Leges, Romanoque Jura,*

*Es tecum hinc raptam Flandria Justitiam.*

*Macte animis RÆVARDE tuæ. Nam post tua cernes,*

*Fata, Deam lacrymis reddere justa tibi.*

Aubert Le Mire, in *Elogiis Belgicis* Valere André Biblioth. Belgica.

## BURCARDUS STRUVIUS

### IN BIBLIOTHECA JURIS SELECTA.

**V**ARIA ad hoc argumentum pertinentia ( ad Historiam scilicet Fori Romani ) erudite observavit JACOBUS RÆVARDUS: *Protribunalium libro singulari; Brugis 1569.8. & Francofurti 1601.8.* atque inter opera Viri edita.

NO.

NOBILI, ET ERUDITO  
MARCO LAURINO  
DOMINO DE WETERULIET

JACOBUS RÆVARDUS

S. D.



Emper amavi, ut scis, VIR GENEROSISSIME, fratrem tuum *Guidonem Laurinum*, propter ejus summum ingenium, suavissimos mores, singularem probitatem, atque constantiam. Is, quum me omnem industriam, operam, & cogitationem ad studium juris prisce, antiquitatumque Romanarum contulisse, annis ab hinc aliquot intelligeret, me vicissim hac de causa singulari quodam animo etiam est prosequutus. Is mecum eo nunc animo est, ut si in hoc studio vita nobis ponenda foret præclare actum nobiscum putaremus. Illud etiam erat amoris nostri, quem ab annis aliquot susceptum, non servavimus nos solum inter nos, sed nunc etiam consuetudine sua auximus, orare te, ut in idem antiquitatum studium, cui perpetuo te totum tradidisti, omni cogitatione, curaque sic incuberes, ut virtuti tuæ, & gloriæ nascenti, cujus seles jam foras semina projicere gestiunt, liberaliter indulgeas. Nihil est, mihi crede, virtute formosius, nihil pulchrius, nihil amabilius. Moriar, si præter te quenquam reliquum habemus, per quem aliquam antiquæ Romanorum Reipublicæ imaginem possimus agnoscere. Continget tibi, quod haud scio an nemini, ut tua in conquirendis per omnem terrarum orbem numismatibus industria, non grata modo eruditis hominibus, sed etiam popularis futura sit, & quam præcipuis omnibus, tum etiam infimo cuique gratissima. Hoc si tibi fortuna quædam contigisset, gratularer felicitati tuæ, sed contigit magnitudine tum animi, tum etiam ingenii longe præstantissimi. Virum quoque nactus est, in imaginibus Cæsarum, & instrumentis Sacerdotalibus, Magistratumque insigni-

bus

VI  
 bus exprimendis ita exercitatum , ut eo exercitatio inveniri nemo possit .  
 Hubertum Goltzium dico , quem quum per se video lubentissime , tum hoc  
 lubentius , quod illum audiens te audire videor . Is singularem in explicandis  
 marmoribus scientiam , & in exprimendis imaginibus antiquis industriam , &  
 in omni genere prudentiam mihi tuam jamdudum exposuit ; præterea sum-  
 mam erga se liberalitatem tuam adjunxit , quæ omnia mihi jucunda , hoc  
 extremum etiam gratum fuit . Et idcirco quantum tibi docti omnes C. Julio  
 Cæsare fastisque tui Goltzii Consularibus editis jure debebant , quominus tan-  
 tumdem ego unus debeam non recuso . Ut igitur in eam curam , & cogita-  
 tionem , quæ tibi commendationem aliquam adferre possent , nunc incuberem ,  
 tua id fecit , mira cum eruditione humanitateque conjuncta , Virtus singularis .  
 Scripsi ad eas , quas extare cognovi , Legum Decemviralium reliquias , exiguos  
 commentarios . Quos non ut commemoratio posteritatis me ad spem aliquam  
 immortalitatis raperet , verum ut opinioni , quam de me concepisti , respon-  
 derem , sub firmissimo tui Nominis clarissimi patrocinio , in medium adferri  
 passus sum . Et quia Romanæ Historiæ esse peritissimum te , nemini omnino  
 dubium est , ideo de Legum Decemviralium causa , & origine nihil hic præ-  
 fabimur ; quæ omnia ex eruditorum aliquot harum Legum interpretum com-  
 mentariis sine labore ab imperitis percipi possunt . Accipe igitur munusculum  
 istud , CLARISSIME DOMINE , ab eo qui tuis laudibus ita favet , ut omne  
 suum studium , officium , operam , & diligentiam , ad Virtutem tuam ampli-  
 ficandam , publice privatimque perpetuo sit collaturus . Vale . Brugis Flandro-  
 rum . Kal. Januar. M.D.LXIII.



---

*ELENCHUS OPERUM*  
**JACOBI RÆVARDI**  
 QUÆ IN HISCE DUOBUS TOMIS HABENTUR.

---

*T O M O P R I M O*

**A**D Leges XII. Tabularum liber singularis editus Anno Domini 1563.  
 Ad Titulum de diversis Regulis Juris antiqui Commentarius anno 1568.  
 Conjectaneorum libri tres opus posthumum.

*T O M O S E C U N D O*

**V**ariorum, sive de Juris Ambiguitatibus libri V. editi anno Domini 1564.  
 Tribonianus, sive de veris usucapionum differentiis adversus Tribonianum liber unus anno 1560.  
 Ad Legem Scriboniam liber singularis anno 1560.  
 De Præjudiciis libri duo anno 1565.  
 Protribunalium liber singularis anno 1565.  
 De Auctoritate Prudentum liber singularis anno 1566.



## C A P I T A

## H U J U S L I B R I S I N G U L A R I S

*Veram prisci Juris antiquitatemque ad hanc usque diem incognitarum  
explicationem continens.*

<b>D</b> E Legibus populi Romani. CAP. I.	De Sumptibus Funerum, & jure Sepulchrorum.	XV.
De Privilegiis sublatis.	De Mancipationibus.	XVI.
De Patria potestate.	De Usucapionibus.	XVII.
De Prisco Patronatus Jure.	De Testamentis.	XVIII.
De in Jus vocando.	De Successionibus ab intestato.	XIX.
De Prisco Jure vindictiarum.	De connubio Patrum.	XX.
De Litis additione.	De Divortiis.	XXI.
De Nexis.	De Tigno juncto.	XXII.
De Vindicibus.	De Frugum excantationibus.	XXIII.
De Testibus.	De Damno dato.	XXIV.
De ejus cui Testimonium defuit ob- gulatione.	De Injuriis, & famosis libellis.	XXV.
De Tutelis.	De Furtis.	XXVI.
De Curatoribus furiosi, vel prodigi.	De publicis Judiciis, & capitalibus.	XXVII.
De Servitutibus itineris, actus, & vizæ.	Miscellanea quædam.	XXVIII.
XIV.		

## I N D E X L E G U M

QUE NOVO SENSU IN HOC LIBELLO DECLARANTUR.

<b>L</b> A 26. D. De Legibus.	fol. 2	L. 3. Ad L. Jul. pecul.	fol. 54
L. 4. de bis qui sunt sui.	3	L. 48. de verb. signifi.	9. 10
L. 2. §. 2. si quis caus.	7	L. 53. de verb. sign.	24
L. pen. Qui satisf. cog.	10	L. 125. de verb. sign.	33
L. 2. de leg. tus.	24	L. 233. de verb. sign.	8
L. 1. de servis. rust. prad.	26	L. 234. de verborum sign.	52
L. 2. §. 13. de orig. jur.	14	Ex Codice.	
L. 2. §. bis legibus latis de orig. jur.	37	L. ult. C. de patr. possst.	3
L. 3. de usurpationibus.	38	L. unic. de Asteis.	30
L. 6. Ad exhibendum.	45	L. unic. de nud. jure Quirit.	34
L. 98. in fin. de solus. ibid. &	46	L. 3. de suis, & legit.	39
L. 18. §. signum de rei vind.	45	Ex Institut.	
L. 7. §. cum in suo de acquir. rer. dom.	45	§. Vendite. de rerum divif.	33
L. 1. de tigno juncto.	ibid.	§. Cum filius de hered. quæ ab inie-	
L. 2. de tigno juncto.	46	stato def.	40
L. 5. de injuriis.	50		JA.

# JACOBI RÆVARDI JC.

## AD LEGES DUODECIM TABULARUM

### LIBER SINGULARIS.

#### C A P U T L

##### De legibus Populi Romani.



OPULUS Romanus ut legem ferre, sic legem antiquare, & abrogare potuit. Antiquabat legem, quæ non perferrebat. Quo sensu antiquata fuisse Tribuniam rogationem de Vejos commigrando, scripsit libro quinto Livius. Postquam enim Tribuni plebem assiduus concionibus agitaissent, ut relictis Romanæ civitatis ruinis, in urbem paratam Vejos transmigrarent, tandem antiquata, inquit Livius, hujusmodi lege, urbs edificari coepit. Quæ autem semel perlata iterum tollebatur, lex illa abrogari dicebatur. Lex, inquit Ulpianus, aut rogatur, id est, fertur, aut abrogatur id est, prior lex tollitur. Et hujus quidem abrogationis ea fuit auctoritas, ut novis legibus antiquæ abrogatæ cederent, quemadmodum Varro testatus est lib. 8. de lingua Latina. An non, inquit, sæpe veteres leges abrogatæ novis cedunt? Cicero quoque ad Atticum lib. 3. auctor est, nunquam esse observatas sanctiones earum legum, quæ abrogarentur. Nam si id esset, inquit, nulla fere abrogari possit, neque enim ulla lex est, quæ non se superat difficultate abrogationis.

Tom. I.

nis. Cæterum unde jus illud ortum sit, ut veteres leges abrogatæ novis cedant, & nunquam observentur sanctiones earum legum, quæ abrogarentur, exposuit Livius. Legis enim cujusdam Decemviralis libro septimo meminit, cujus hæc fuisse verba videntur. JUSSUS POPULI, ET SUFFRAGIA SUNTO, QUODCUNQUE POSTREMUM JUSSIT, ID JUS RATUMQUE ESTO. Ad quam legem visus est auctor ad Herennium libro secundo respexisse, quum eam defensionem tenuem esse contenderet, qua ostenditur id factum esse, quod ea lex sanciat, cui legi abrogatum, vel derogatum sit: id quod posteriori lege sancitum sit, esse neglectum. Nimirum quia illud demum jus, & ratum erat, ut ajunt. Decemviri, quod postremum populus jusserat. Proinde si nova lege vetus esset abrogata sanctio, legi novæ lex vetus omnino cedebat. Nec quidem in legum abrogationibus dumtaxat locum lex ista Decemviralis habuit, verumetiam si cui legi derogatum, subrogatum, aut obrogatum esset. Derogatur legi, auctore in fragmentis Ulpiano, cum primæ legis pars tollitur: vel ut Festus definit, cum quid ex lege veteri quo minus fiat sancitur nova lege: Derogare ergo de-

A

tra-

trahere est. Subrogatur, cum aliquid primæ legi adjicitur: Obrogatur denique, quum mutatur aliquid ex prima lege. Ergo quodcumque populus abrogando, derogando, subrogando, & obrogando postremum jussit, id juratumque erat. Quod autem Paulus contendit, *non esse novum u. priores leges ad posteriores trabantur*, cap. 26. de legibus hoc ad legum abrogationes non pertinet, verum tunc locum habebat, si cui legi veteri aliqua sanctione nova derogatum, subrogatum, aut obrogatum esset, tunc enim lex vetus ex nova lege sic dependebat, ut hæc sine illa, & e contra, in usu esse, aut in judiciis versari nulla ratione posset: id quod auctore ad Herennium demonstravimus.

## CAPUT II.

*De privilegiis sublati.*

**A**LIO sensu Decemviri, alio item Jurisconsulti privilegia sunt interpretati. Illi quidem omnes illas leges privilegiorum nomine complexi sunt, quæ in privatos homines ferebantur: cum e contrario legis ea vis semper esset, ut ad omnes pertineret. Jureconsulti vero jus illud singulare privilegium appellarunt, quod manifesta, & evidens æquiratis ratio, contra vulgaris, juris communis regulas, aliquando cogit indulgeri Decemviri nulla admittunt privilegia: Jureconsulti ea requiri non dissimulant. Nec enim comitiis centuriatis aliqua irrogari privilegia passim Decemviri. Expresse enim pro domo sua testatus est apud Pontifices Cicero, vetare leges sacratas, veteres 12. tabulas, leges privatis hominibus irrogari, id esse enim privilegium, ne minem unquam tulisse; nihil esse cru-

delius, nihil perniciosius, nihil quod minus Romana civitas ferre possit. Idem Cicero hujus legis verba libro 3. de legibus hunc in modum refert: **PRIVILEGIA NE IRROGANTO**. Et quia in iisdem tabulis hujusmodi caput sequitur: *De capite civis nisi per maximum comitiatum ne ferrentur*. Inde quidam statim ratiocinati sunt, privilegia per comitiatum maximum irrogari potuisse: quo nihil potest absurdius dici, præsertim cum eodem in loco Cicero leges hæc duas præclarissimas de duodecim tabulis translata scribebat, earumque alteram privilegia tollere, alteram de capite civis rogari nisi maximo comitiatu vetare. Nec quem moveat, quod in eodem de legibus lib. 3. dixerit expresse Cicero, ferri de singulis nisi centuriatis comitiis, Decemviros noluisse. Illud enim non ad privilegia, sed ad rogationem de capite Romani civis omnino pertinet. Vetant, inquit, privilegia irrogari, hoc est, in privatos homines leges ferri: vetant, inquit, de capite civis nisi per maximum comitiatum ferri, hoc est, de singulis. Igitur privilegium omne secundum Decemviros injustum est, & improbum, & idcirco nec irrogandum: secundum Jureconsultos vero probum, injustum, ac sæpe necessarium: qualia sunt, creditorum privilegia, privilegium fisci, & id genus alia.

## CAPUT III.

*De patria potestate.*

**S**TIPULATIO quatenus conventio est, juris non civilis tantum, sed etiam gentium est: quatenus contractus juris civilis est, non gentium. Testamentum quatenus suprema voluntas des-

Definitur, juris tam gentium est, quam civilis: quatenus vero iusta voluntas, juris civilis est, non gentium. Sic quoque patria potestas, juris civilis, & gentium est, & est quoque juris civilis tantum. Est quidem juris civilis, & gentium ratione potestatis, quia omnibus hoc gentibus innatum est, & ab iis observatur, ut filius in sui patris sit potestate, c. 2. de iustitia, & jure. Est vero juris civilis tantum, quia ex iustis nuptiis, quas soli cives Romani contrahunt, ea sic constat, ut jure civili plurima patri concessa sint, quæ gentium jure eidem non conceduntur. Ideoque jûs potestatis, quod soli cives Romani liberos habent, jûs dicitur proprium civium Romanorum, c. 3. de his qui sunt sui. §. 2. infit. de patr. potest. Neque enim peregrinus civem Romanum, nec civis Romanus peregrinum in potestate habere potest. Et idcirco si patri, vel filio aqua, & igni interdictum esset, patria hujusmodi potestas tollebatur: siquidem is cui aqua, & igni interdictum erat, peregrinus fiebat, auctore in fragmentis Ulpiano, tit. 10. Eoque respexisse omnino visus est libro decimo epistolarum Plinius ab Imperatore Trajano Chrysippo cuidam ejusque uxori civitatem postulans. *Rogo ergo, inquit, ut propinquis ejus des civitatem Chrysippo Mitridatis, uxoriq;e Chrysippi Sratonica Epigoni. Item liberis ejusdem Chrysippi, Epigono & Mitridati, ut ita sint in patris potestate, utque iis in libertos servetur jûs patronorum.* Illud autem jûs potestatis, quod cum reliquis gentibus cives Romani habent commune, ad jûs non solum civile, sed etiam gentium referri debet. Idque inter ceteros aperte testatus est idem Plinius, de hæreditatum vigesima differens in Panegyrico. *Tu quidem, inquit, Cæsar illam excepisti.*

*nem remouisti, si modo filius in patris potestate fuisset: iniquitas opinor vim legemque natura, qua semper in ditione parentum esse liberos jussit. Et hoc illud est, quod hunc in modum Cicero scribit. lib. 3. offic. Majors aliud jûs gentium, aliud civile esse voluerunt: quod enim civile, non idem continens gentium: quod autem gentium, id civile debet esse.* Jus autem potestatis, quod proprium civium Romanorum dicitur, inde ab ipso Romanæ civitatis exordio trahit originem. Temporibus siquidem Romuli, omnis etiam necis in filium patri jure civili auctoritas indulgebatur: majorque concessa patri in filium potestas fuit, quam domino in servum. Servus enim venditus, deinde libertatem adeptus, sui juris fiebat. Filius vero a patre venditus, si liber fieret, rursus in patris potestatem redigebatur, & post tertiam demum venditionem eximebatur e potestate, ut auctor est Dionysius lib. secundo. Proinde si quid commisitisset filius, quod castigationem, aut etiam severiorem aliquam requireret animadversionem, castigandi, & in filium animadvertendi, omnem patri permisit Romulus potestatem: adeo ut occidere, vendere, in exilium mittere, aliisque suppliciis filium pro arbitratu afficere pater sine fraude potuerit. Nec quidem videri potest Romulus tyrannidem, aut carnificinam aliquam parentum jure injustam tollerasse, ut imperitis quibusdam persuasum esse intelligo, verum scelera filiorum iustis parentum decretis vindicari voluisse. Hæc cum ita sint, videamus quo sensu accipi debeat, quod c. ult. C. de pat. potest. hunc in modum Constantinus scribit: *Libertati a majoribus tantum impensum est, ut patribus quibus jûs vitæ in liberos, necisque potestas olim erat permissa, libertatem ori-*

*pere non liceret.* Nonne qui filium vendit, libertatem eripit. Si pater, qui filium vendit, eriperet libertatem filio, utique filius manumissus non ingenuus, sed ut reliqui servi libertinus efficeretur. *Libertatem autem pro ingenuitate accipi, non est novum.* cap. 40. de lib. caussa. c. 21. de stat. hom. Permiserunt itaque majores a patribus filios vendi, & in servitutem redigi, salva tamen libertatis, hoc est, (ut interpretari videtur Julius Paul. lib. 5. sent. tit. 7. in princ.) ingenuitatis prerogativa, sic ut manumissi inter ingenuos censeantur, non autem inter libertinos. Sed an postliminium habeant? Postliminium habere filium a patre venditum, negat aperte Cicero de Orat. libro 1. *Memoria enim proditum esse, ait, quem pater suus, aut populus vendidisset, aut pater patritus dididisset, ei nullum esse postliminium.* Ceterum an jus istud potestatis scripta lege proditum sit, an vero sine lege dubitat Dionysius. Nobis aliquando placebat expressa quadam Romuli constitutione illud fuisse introductum; sed iu contrarium me vocat Ulpiani sententia; qui jus istud potestatis moribus receptum fuisse arbitratu est, cap. 8. de stat. homin. Scribit etiam Pomponius, in initio Romanæ civitatis populum sine certa lege, sine jure certo primum agere instituisse, cap. 2. in princ. de orig. jur. Proinde hujusmodi jure incerto jus patris potestatis fuisse receptum, quam per certam aliquam legem Regiam est verisimilius. An autem jus istud potestatis ante exactos Reges in usu Romæ desierit esse, videamus. Numa Pompilius omne jus vendendi filios, connubio parentum consensu junctos, parentibus, si Dionysio credimus, expressa lege ademit. Nec quidem jus vendendi hujusmodi filios duntaxat, sed etiam

omne jus necis, & severioris in filios animadversionis Numam ademisse parentibus omnino mihi persuaderem, nisi expresse scripisset Livius, cum de provocatione Horatii, qui propriam sororem interemerat, ad populum certabatur, motos tunc fuisse homines in eo judicio, maxime P. Horatio patre proclamante, se filiam jure casam judicare, seque ni ita esset, patrio jure in filium animadversurum fuisse. Unde statim conjeci, jus in filios animadvertendi necdum Tullii Hostilii, qui tunc regnabat, temporibus ademptum parentibus fuisse. Porro non multo post Hostilium, Servius Tullius Tarquinii successor, legem tulit, qua filium parentes verberantem, Divis parentum sacrum esse voluit. Et quia hujusmodi facinus jure potestatis patris a parentibus vindicari Servius non permisit, si non parentibus omne in filios animadvertendi jus eo tempore ademptum fuisse videatur, saltem patris potestatis jure salvo, tantæ impietatis auctores filios sic Rex voluit puniri, ut a quovis impune possent occidi. Verba legis hæc sunt: SI FUER PARENTEM VERBERARIT, AST OLE FLORASSIT PARENTES, FUER DIVIS PARENTUM SACER ESTO. auctore Festo lib. 14. Quæ lex etiam Virgilio nota fuit: ait enim libro sexto, apud inferos puniri quibus.

*Pulsatusque parens, aut frans innoxia clienti.*

Scribit idem Festus (ut hanc legem obiter explicemus) plorasse parentem, idem esse quod clamarit. Sed quia qui proquirant, qui jubilat etiam clamant, videamus quid inter proquirant, jubilaré, & parentes plorare intersit. Varro scribit libro quinto, de lingua Latina qui fidem Quiritium clamans implorat eum dici proquirant; & ut quiritate urbanorum, sic jubi-

jubilare rusticorum esse. Simili modo qui parens, parentum implorabat auxilium, parentes plorare dicebatur. Solebat autem is cui vis aliqua fiebat, si quidem ruri ageret, jubilate: sin vero in Romana civitate, & civis esset, proquiritare. Unde illud Terentii in Adelphi.

*Obsecro populares ferte misero, atque innocenti auxilium,*

*Subvenite inopi.*

In quem locum Donatus, & hoc rst, inquit, quod veteres quiritare dicebant, Quirites conclamare.

Quo spectat etiam Plauti illud in Curcul.

*— Ergo ambula in jus, bem tibi.*

EN. O civis, civis. MI. Quid clamas?

Si denique, parens esset qui a filio vim pateretur, parens parentes plorabat, hoc est, conclamabat, & Divis parentum facer erat filius, hoc est, ejus facinus conclamatis parentibus Divis parentum sic devotebatur, ut filius a quo vis sine fraude posset occidi, & qui eum occidisset, parricidii non damneretur. Quia quidem lege Regia usi non sunt Romani perpetuo. Scribit enim Ulpianus: Si filius matrem, aut patrem, quos venerari oportet contumeliis affecisset, aut impias manus eis intulisset, praefectum urbis delictum ad publicam pietatem pertinens, pro modo ejus vindicasse, cap. 1. de obseq. parent. & patron. praef. Potestatis itaque patriae jus, quo impune filios vendere, & occidere parentibus omnino erat liberum, ante exaetos Reges, nisi me vehementer conjectura fallit, in usu esse desiit. Quamvis interim inficiari non possim, Decemviros in quartam suam legum tabulam eum quoque morem retulisse, quo non nisi post tertiam venditionem patris potestate filios liberari erat receptum, idque Dionysium scripserit libro secundo. Verum eam fuisse Decemvirorum intentionem, ut

veterem, & incertam illam vendendi filios consuetudinem, quæ Romuli temporibus in usu erat, nova lege confirmare voluerint, mihi nequaquam persuadeo. Dicam itaque quod sentio libere. Romuli temporibus post tertiam demum venditionem filius potestate patria liberabatur, & sui juris fiebat. Voluerunt quoque Decemviri, post tertiam demum venditionem filios sui juris fieri. Sed diversa ratione. Romulus per venditiones tres veras, tres venditiones intellexit. Decemviri vero ne jus antiquum penitus immutatum cum magistratu videretur, aliqua non legum dumtaxat, sed & morum veterum superesse vestigia voluerunt. Ideoque tres illas venditiones, sine quibus & patris potestate filius more majorum non eximebatur, in suas tabulas retulerant. Itaque filius ter mancipatus, ter manumissus, & more majorum, & lege Decemvirali sui juris olim fiebat. More majorum quidem, si ter vere mancipatus, ter vere munumissus fuisset: lege vero Decemvirali fiebat sui juris filiusfamilias emancipatione, hoc est, tribus imaginariis mancipationibus & manumissionibus. Liberi, inquit Ulpianus in fragmentis tit. 10. parentum potestate liberantur emancipatione, id est, si postea quam emancipati fuerint, manumissi sint. Per emancipationem autem, imaginariam apud Ulpianum intelligi, non aliquam veram venditionem, Cajus in suis institutionibus demonstrat lib. 1. tit. 6. Emancipatio, inquit Cajus, hoc est, manus traditio, quadam similitudo venditionis rst. Et ad hujusmodi emancipationem legem hanc Decemviralem pertinuisse expresse testatus est idem Ulpianus cod. tit. 10. Cum enim dixisset, filios patria potestate emancipatione liberari, subjecit: Sed filius quidem ter mancipatus, ter manumissus, sui juris fit. Id enim lex

Quæ quidem Festi definitio alio referri debet. Et certe Livius lib. 3. *L. Valerio, Or. M. Horatio Consulibus, sanctam, ait, novam fuisse legem, ne quis ullum magistratum sine provocacione crederet: qui creasset, eum jus fasque esse occidi, nec eam eadem capitalis noxæ haberi*. Ad quam legem Festi definitio non incommode trahi posse videtur.

## CAPUT V.

*De in jus vocando.*

**Q**UI jus suum volebant persequi, in jus adversarium vocabant, quem sequi nolentem attestacionis medio ducebant, & reluctantem omnino trahebant, sique opus esset, rapiebant. Plaut. in Pen.

*Sed quid ego dubito fugere hinc in malam crucem,*

*Prinsquam oborto collo ad Prætores trabor?*

Erat enim lege sanctum Decemvirali, in jus vocati ut irent. Auctor ad Herennium, lege jus est, inquit, ut in jus eas cum voceris. Cicero l. 3. de legibus: A pueris, Quinte, didicimus, si IN JUS VOCET, ATQUE EAT, & hujusmodi alias leges nominare. Si autem in jus vocatus virio, morbove, id est, neque febriculoso, neque gravi nimium, sed virio quodam imbecillitatis, atque invalentis ire in jus non poterat, ei *jumentum*, hoc est, vestibulum ( ut Cæcilius apud Gellium lib. 20. interpretatur: ( quod junctis pecoribus trahebatur, dari voluerunt Decemviri. Eique haud aliter in jus sequi, quam strata, qua nimis ægri portari solebant, arceram, recusanti, arceram sterni expressa lege prohibuerunt, quam legem hunc in modum apud Gellium esse restituendam existi-

mavi: SI MORBUS AVITASVE VITIUM ESIT, QUI IN JUS VOCASSIT, JUMENTUM DATO: SI VOLET ARGERAM, NE STERNITO. In libris enim impressis mendose legitur: Si nolo, arceram ne sternito, pro, Si vult arceram, ne sternito. Item esset, pro est. Decemviri itaque postulanti arceram reo sterni vetuerunt: non quod eam sternere si actor voluisset prohiberetur, verum quod eam reo sine arceram in jus sequi recusanti, invitus actor sternere non cogeretur. Ea siquidem est ( prout illam Sextus Cæcilius interpretatur ) Decemvirorum sententia, ut in jus vocato pauperrimo homini, vel inopi, qui aut pedibus forte æger esset, aut quo alio casu ingredi nequiret, plausum daretur: ne causatio ægri corporis perpetuum daret fidem detestantibus, jurisque actiones declinantibus, vacationem. Nec quidem si morbus fonticus, quem vehementiorem vimque graviter nocendi continentem interpretatur idem Cæcilius, reum invasisset, arceram sterni permiserunt Decemviri, sed *judicii diem diffusum esse voluerunt*, cap. 11. §. 11. Si quis cautio. Decemviri cum diem diffindi dicebant, qui differebatur. Nec dubium est, quin hanc legem de diffindendo die, a Numa Rege desumpserint. Nam certa quædam vitia enumerasse visus est Numa, quibus si iudex, vel alteruter ex litigatoribus impeditus esset, dies iudicii diffunderetur. Ejusque legis particulam, quæ apud Festum lib. 16. mendosissima exstat, omnino mihi persuasit Jacobus Cujacius acutissimus interpres, sic esse restituendam: SI QUID HORUM FUIT VITIUM JUDICI, ARBITROVE, REOVE, DIES DIFFISUS ESTO. In exemplaribus impressis pro *Diffusus*, legitur *Dissensus*, erroris non admodum obscura origine, siquidem veteres ita scribere solebant,

*diff.*

*diffusus*, pro *diffusus*: quod cum non precipere imperiti librarii, *diffusus* loco, *diffensus* posuerunt. Dies autem ita diffindi solet ex lege duodecim tabularum, ut si morbo fontico actor, vel reus impeditus esset, morbum in jure allegari per amicum curaret; tunc Prætor exculcatione cognita, quia Decemviri ob morbum fonticum volebant diem judicii diffisum esse, in diffindendo die hac formula utebatur: HIC DIES DIFFISUS ESTO, ut auctor est Acron in Horatium. Ergo vocatus in jus, ni morbo esset opus jumento, ni ve morbo fontico dies judicii diffisus esset, statim in jus sequi actorem cogebatur: eique non sequenti præsentibus antestatis actor judicium denunciabat. Antestatos autem inde appellatos putavit Porphyrio, quod ante superstites, sive testes deberent advocari, & in testimonium adhiberi, quam actor eum manu posset præhendere. Et id quidem expressa Decemvirali lege fuisse cautum, idem addidit: quam ego sic restituo: SI VIS VOCATIONI FUAT, TESTAMINI: IGITUR EM CAPITO ANTESTARI. Veteres autem *suat* dixisse pro *fat*; expresse testatur Nonius Marcellus, & in Virgilium Julius Sabinus, *em* quoque pro *cum* antiquos posuisse, auctor est Festus. Itaque si actor adversarium vocaret in jus, & is vi resisteret, ( ut ita vis fieret vocationi ) voluerunt Decemviri actorem testari, hoc est, testes aliquot advocare. *Igitur em capito*, id est, tunc eum capito, sive eum manu præhendito: *antestari*, hoc est, attestando, sive Græcorum more, *ἢ μαρτυροῦντας*. Sic enim antestari Græce dici ex ædis Beati Germani Parisiensis Lexico primus observavit Barnabas Brissionius. Ut ita ne ex lege quidem 12. tabularum reus manu præhendi sine antestatione potuerit. Nec vero satis erat Decemviris mani-

bus antestationis medio reos præhendendi, verum si calverentur, si pedem struerent, hoc est, si frustrarentur, vix pedem pedi præferrent, fugerent, ociose irent, remorarentur ( ut Festus in verbo *Struit*, & Cajus c. 233. de verb. sign. interpretantur, ) manus in reos iniici, hoc est ( ut mihi quidem videtur ) manibus reos trahi, & rapi in jus permisissent Decemviri, his verbis: SI CALVITUR, PEDEMVE STRUIT, MANUM ENDO JACITO. Ut auctor est idem Festus. Antestationes autem sic fieri solebant: Auriculum actor unius ex superstitibus attingens, sic eum interrogabat, *Licet antestari*: Si ille responderet, *Licet*, manus in adversarium injiciebantur, perque manus injectionem ducebatur, trahebatur, sique opus esset, ad Prætores oborto loco rapiebatur. Horatius lib. 1. serm. sat. 9.

— *Casu venit obvius illi*

*Adversarius: & quo tu turpissime?*  
*magna*

*Exclamat voce, &, licet antestari?*  
*ego vero*

*Oppono auriculam: rapis in jus, clamor utrimque,*

*Undique concursus.*

Unde satis perspicuum est; medio antestationis, in adversarios manus sic olim actores injecisse, ut eos reluctantes, pedemve struentes, vi ad Prætores raperent. Hic illius facienda mentio antiqui lapilli est, quem cum tuus Marce generosissime, germanus frater Guido Laurinus mihi nuper exhibuisset, statim ea quæ de antestatione conjecturis aliquot verisimilibus confirmatam, esse verissimam deprehendi. Erat enim insculpta lapillo manus atterens auriculam; cum hac inscriptione MNHMONETE quod idem est cum memor esto. Eoque referendum esse illud Virgilii in Bucol.

*Cyn.*



*Cynthius aurem vellit, & admonuit* vir clarissimus, eruditissimique tibi, & afinitatis nomine clarissimus, Jacobus Sufius nuper dum hæc legeret, recte animadvertit. Et sic quidem aliud nihil in effectu significare videtur antestari, quam testibus uti, vel ut Plautus ait, testes facere, quando actor in reum manus injicere volebat. Plaut. in Curcul.

*Ne facias testes, neque equidem tibi debro quicquam.*

Quin, & Cajus cum de illis ageret, qui neque sequuntur, neque ducuntur, in reum manus injici solere, *reum manibus teneri* scribens, indicare visus est: *Solum*, inquit, non intelligimus eum, qui licet vinculis liberatus, sit, manibus tamen tenetur. cap. 48. de verborum significat. Quod si antestatus non esset actor, & manum injecisset, *injuriarum*, ut existimat Acron, reus constitui poterat. Hinc illud Plauti in Curcul.

*Hocine pacto indemnatus, atque intestatum me arripi?*

Nec immerito, qui enim non reluctantem trahit, aut rapit, vim inferre videtur. Proinde ne sine justa causa sic in adversarios sævirent actores, lege constitutum reor Decemvirali, ut qui sine antestatione in reum manus injecisset, injuriarum posset conveniri. Nec vero hujus antestationis solemnitas in tantum ab aliorum testimoniorum jure discedebat, quin ut a testimonio reliquis, sic ab antestatione servi repellerentur. Plautus in Curcul.

*— Servum antestari? p. v. Vide:*

*c. Hem. ut scias me liberum esse.*

Porro ut quis in jus raperetur, non semper opus antestatione fuit: nam si reus improbus esset, & intestabilis, ut sunt lenones fures, & id genus alii, sine antestatione ad Prætores rapie-

*Tom. I.*

batur: id quid doctissimus Præceptor meus Hopperus in eruditissimo suo de juris arte libro tertio adnotavit. Uti- lius siquidem erat, plagiariorum, & fures privata manu civiumque concursu ad Prætores sine antestatione rapi, quam sub prætextu securitatis tranquillitatisque publicæ, tergiversatione rapinis, plagiiis aut furtis indulgere. Quod cum ita sit, mirum nemini profecto videri debet, in improbos hujusmodi homines manus etiam sine antestatione injici consuevisse. Sic Lyconidem adolescentem aulæ quadrilibris furem suspicans Euclio, in jus rapere visus est voluisse apud Plautum in Aulularia:

*Nisi referes. L. Quid tibi ego resor- ram? E. quod surripuisti manum.*

*Jam equidem ad Prætores hercle te rapiam, & tibi scribam dicam.*

Nam quod nullam hic superstitionem optaverit præsentiam Euclio, quod nullum viatoris imploraverit auxilium, hinc potest probabiliter argui, communis jure in eum quem furem esse non dubitabat adolescentem manus injicere Euclionem potuisse. Similiter in Persa, cum in Dorpalum lenonem manus injiceret Satorius parasitus, interrogatus lenone an antestaretur, respondit:

*— Tuane ego assussa carnis ex*

*Cuiquam mortali libero aures atteram.*

*Qui hic commercaris atrox homines liberos?*

Rursus in Rudente, cum Labrax leno a Pleusidippo in jus vocaretur, sic eum interrogabat Pleusidippus:

*— Raper hinc oborto collo maris, an vultu tibi?*

*— Urnumvis apta dum licet.*

Cumque se neutrum velle leno respondisset, subjecit statim Pleusidippus:

*Abisane ad lictus curricula Trachetio,*

*Jube illos in urbem ire obviam ad portum mibi,*

**B**

*Quæ*

*Quos mecum duxi, qui hunc ad car-*  
*nificem trabant.*

*Ego hunc scelerum in jus rapiam*  
*exulem.*

*Age ambula in jus. L. quid ego de-*  
*liqui?*

Et paulo post:

*Obsecro subveni mi Cbarmides,*

*Rapior oborto collo. CH. quis me*  
*nominat?*

*L. Viden me ut rapior? CH. video*  
*& inspicio lubens.*

*L. Non subvenire mihi audes? CH.*  
*quis homo te rapit?*

*L. Adolescens Plensidippus.*

Cæterum si honestior esset persona,  
quam ut eam rapit conveniret, (erant  
enim qui in jus vocati, duci aut ra-  
pi ne medio quidem antestationis po-  
terant, ut ex epigraphæ cap. 48. de  
verb. sign. colligimus) diem ei dice-  
bat, eamque promissa poena, quam  
multam Plautus appellat, dativæ, nē  
prædia possideret, vadibus vel pigno-  
re dimittebat. Plautus in Capt.

*Hic diem dicam, invogabo multam.*

Nam quod lege cautum fuisse dixi-  
mus, in jus vocati ut irent, Prætor  
illud edicto sic est interpretatus: *In jus*  
*vocati ut eant, aut satis, vel cautum*  
*dent.* Quod enim certos Prætor sessio-  
num haberet dies, quibus postulationi-  
bus, quibus etiam cognitionibus eum  
vacasse, lib. 1. Variorum demonstra-  
vimus: manus in adversarios inji-  
ciendi oportunitate auctores fraudari  
diutius Prætori iniquum videbatur.  
Proinde concessit agere volentibus  
*adversarios suos vadari*, hoc est, sic in  
jus vocare, ut nē poenam stipulantibus  
Actoribus promitterent, aut satis, vel  
cautum aliquo modo darent prædiale  
possiderent, manus injectionem pate-  
rentur, & medio antestationis vel ad  
Prætozem, si is postulationibus operam  
daret, ducerentur, vel si aliis negotiis

occupatus esset Prætor; in car-  
cere proxima postulationum die in  
jure sistendi causa adservarentur. Plau-  
tus in Persa:

— *Vadatur hic me. r. utinam*  
*vades*

*Desint, in carcere ut sis.*

Quod etiam de his qui neque sequun-  
tur, neque ducuntur, Cajus adnotasse  
visus, est, cap. 48. de verb. sig. *Ad*  
*no cum*, inquit, *intelligimus solum,*  
*qui in publico sine vinculis servatur.*  
Per publicum enim carcerem sive  
custodiam intelligi, illud Plauti  
in Amph. liquido demonstrat.

— *Ita*

*Peregre adveniens, hospitio publicitus*  
*accipiar.*

*Vades* autem dicti sunt, qui pro  
altero vadimonium promittebant; di-  
ctosque putat Acron, quod qui eos do-  
derat, *vadendi habere potestatem.* Et  
quamvis putaverit Festus, vades spon-  
siores significare datos in re capitali,  
nihilominus tam in civilibus, quam  
in capitalibus causis vades dari, va-  
dimoniumque promitti solere, ex sola  
quam Cicero pro P. Quintio scripsit  
oratione, satis probari potest. Promit-  
titur autem vadimonium, cum aliquis  
formula præscripta certo tempore se  
spondet præsentibus antestatis in jus  
venturum. Nec aliter exigi vades potuisse  
existimo, quam si de reo sibi non  
satis confideret actor, eum non igno-  
rans rebus inceptis non satis idoneum.  
Tunc enim consuetudinem fuisse scri-  
bit Varro, ut reus pro se alterum  
constitueret. Quasi e contrario, si  
reus inceptis rebus satis esset idoneus,  
vades peti non debuerint. Hinc sa-  
lum deinde suspicor, ut apud Macrum  
possessores rerum immobilium satisfidare  
non debuerint, cap. penult. Qui satis-  
f. cog. Et cum Ulpianus *duplicem esse in*  
*judicio sistendi cautionem*, scriberet,

*nam nudam, satisfactio alteram: si domum revocandi beneficio gauderes reus, nuda cautione promissi vadimonium addidit. Ut sic non solum possessores rerum immobilium, alique rebus incæptis, satis idonei, a satisfactio liberarentur, verum etiam qui domum revocandi jus habebant. Si itaque reus non satis locuples auctori videretur, nec domum revocandi, aut aliud aliquod habere privilegium, sic eum auctor vadari solet, ut si nulla idonea interveniret satisfactio, manus ab injectione non abstineret. Ideoque vades, vel pignus dare vadatus debebat. Vades reum sistere certo die promittebant. De pignore autem addidi, quod ut reis, sic etiam pignoribus idoneo caveri. Ulpianus responderit. cap. 1. §. 7. de colat. Quomodo satisfactio, aut pignoribus datis idoneo caveri, & si fides sine satisfactio habita fuerit promittendi, idoneo cautum videri, respondit idem Ulpianus, capit. 4. §. 6. de fideicom. libertat. Hanc enim veram esse cautionem, quæ judicio sistendi causa in usu erant, distinctionem, satis indicat titulus octavus libri secundum Pandectarum. Et hæc quidem omnia sic olim locum habebant, si Romanum civem civis Romanus in jus vocasset. Cæterum si cum hoste manus esset conferenda, nec trahi, nec rapi peregrinum in jus passus sunt Decemviri, sed diem duntaxat condici. Hostis, inquit Cicero libro I. officior. apud majores nostros is dicebatur, quem nunc peregrinum dicimus: indicant duodecim tabulæ, AUT, STATUS DIES CUM HOSTE. Et hæc hæc haec de in jus vocando.*

## CAPUT VI.

*De prisco jure vindictiarum.*

IN ITIO civitatis Romanæ hæc fuisse privatorum judiciorum ratio videtur, ut qui rem suam vellet persequi, manum cum adversario confereret. Nam de qua re disceptabatur, sive ager, sive quid aliud esset, solet eam auctor cum adversario manu prehendere, & in ea re omnibus verbis vindicare: quæ vindicatio, vindicia dicebatur, eaque vindicia correptione manus in re, atque in loco præsentis, auctore Prætoris ex 12. tabulis, fiebat, in quibus ita scriptum est: SI QUI EX JURE MANUM CONSERUNT. auctore Gellio, lib. 20. cap. 9. Cum enim angustioribus quam quibus Italia circumscribitur, Romanum imperium finibus concluderetur, tunc qui jurisdictioni præerant una cum litigatoribus ex jure in fundum controversum, dicendum vindictiarum causa, proficiscerentur: ibique manuum facta consertione, quem suum esse fundum auctor contendebat, eundem contra vindicabat reus: eamque vim quæ per hujusmodi manus correptionem fiebat, civilem, & fluctuariam verbo dictam, non manu factam fuisse, idem Gellius expresse testatus est. Cæterum postea quam prætores, propagatis Italiæ, orbisque Romani finibus, datis jurisdictionibus, negotiisque occupati, ex jure proficisci dicendarum vindictiarum causa, in res longinquas gravabantur. institutum est contra 12. tabulas, tacito populi consensu, ut litigantes non ex jure apud Prætorem manum conferent, hoc est, non una cum Prætorem manus conferendæ gratia ex jure, sive loco illo in quo jus redditur, in locum

B 2 con-

controverſum proficiſcerentur: ſed ex jure manu conſertum vocarent, id eſt, alter alterum ex jure ad conferendam manum in rem de qua ageretur, vocaret: & ſimul in agrum ( ſi de eo forte controverſa eſſet ) profeſſi, terræ aliquid ex eo, uti unam glebam, in urbem in juſ ad Prætoſem deferrent atque in ea gleba tanquam in toto agro vindicarent. Quomodo autem hujusmodi manus conſertio fieri ſoleat, literæ antiquiores non declarant. Nec quidem perpetuo in fundum profeſſi ſunt litigantes, indeque glebam in juſ deſulerunt. Fuit enim tandem a Jureconſultis nova, & ſolennis quædam manus conferendæ ratio excogitata, quæ certis concepta verbis, & ſuam aſtori, & reo item ſuum, nec non ſuum quoque Prætori carmen præſcribebat. Itaque quemadmodum Prætoſes negotiis variis occupati, tandem dicendarum vindictiarum cauſa proficiſci gravabantur, ſic litigantes etiam manus conferendæ gratia tandem in agros proficiſci, indeque glebas in juſ deferre omnino deſierunt. Nec tamen novis aliquibus inſtitutis omnis priſci judiciorum ordinis ſollemnitas aboleretur, viſum fuit Pontificibus, qui juri civili, & legis aſtionibus præerant, aliquam profeſſionem imaginariam, in veræ profeſſionis locum ſurrogare, qua litigantes certam inire viam, eamque redire docerent. Quo tempore hæc judiciorum ratio in uſu fuiſſe videtur, quantum ex Cicerone pro Murena colligimus, ut aſtor cum in juſ vocaſſet adverſarium, hæc in jure formula uteretur: **FUNDUS QUI EST IN AGRO QUI SABINUS VOCATUR, EGO EUM EX JURE MEUM ESSE AJO: INDE EGO TE EX JURE MANU CONSERNUM VOVO.** Citatus deinde reus uſus eſt hac formula: **UNDE TU ME EX JURE MANU**

**CONSERNUM VOCASTI, INDE EGO TE REVOCO.** Tum Prætor: **UTRISQUE SUPERSTITIIBUS PRÆSENTIBUS, ISTAM VIAM DICO: INITE VIAM.** Præſto aderat ſapiens qui viam inire doceret: **REDITE VIAM.** eodem duce redibant. Hæc jam tum etiam in uſu eſſe deſierunt, cum Prætor additis exceptionibus, & replicationibus juſ in litiſ verba componebat. Tunc enim cuilibet ita ut ſibi videretur, edere aſtionem ſui liberum, ſive per libellum, ſive per ſolam denunciationem: ſatisque erat hac uti formula in fundi vindicatione: *Fundum Tusculanum ex jure Quiritium meum eſſe ajo.* Et quamvis hæc ita tam varie fuerint in judiciis olim uſurpata, una tamen eademque perpetuo obſervabatur litiſ vindictiarum ratio, qua res tamdiu vindicabatur, donec alterutrius ex litigatoribus *sacramentum juſtum eſſet pronuntiatum.* Veteres ſiquidem, & vindictiis, & ſacramentis olim contendiſſe, unico Ciceronis teſtimonio confirmari poteſt pro Milone: *Eum, inquit, denique cui jam nulla lex erat, nullum civile juſ, nulli poſſeſſionum termini, qui non calumnia litiſum, non injuſtis vindictiis, ac ſacramentis alienos fundos, ſed caſtris, exercitum, ſignis inferendis petebat.* Nec id etiam ignoraviſſe viſus eſt Arnobius, adverſus geutes lib. 4. dum ita ſcribit: *Quis quaſitor, quis arbitet cervicibus tantis erit, qui inter perſonas hujusmodi, aut vindictias juſtas dare, aut ſacramenta cometur pronuntiare non juſta?* Vindictiis quidem res petebatur, quoties incertum erat, uter litigantium lite proprietatis pendente, rei controverſiæ futurus eſſet poſſeſſor: ſacramentis vero de ipſa re principaliter, hoc eſt, de rei proprietate contendeſatur. Et ideo fieri poteuit, ut ſolo ſacramento, nulla vindictiarum mota quaſtione, de contro-

ver-

versis rebus disceptaretur. Idque diligenter adnotasse, ac acute animadvertisse Alconius mihi vilis est, litem vindictiarum hunc in modum definiens: *Litis vindictiarum est, cum litigatur de ea re apud Prætorē, cujus incertum est quis debeat esse possessor: Et ideo, inquit, is qui rem tenet, satisfacit pro prædo litis vindictiarum adversario suo, quo illi satisfaciat, nihil se deterius in possessione futurum, de qua iurimus est: rursus cautione præstita, sponsione provocatur ab adversario certa pecunia, aut estimationis, quam amittat si sua sit hereditas, de qua contenditur.* Cæterum si nulla possessionis fieret controversia, solis sacramentis, nulla vindictiarum questione mota sic contendebatur, ut is interim penes quem rei controversæ possessio esset, idonee satisfaceret, auctore Paulo, lib. t. sentent. tit. 11. *Quoties hereditas petitur, inquit, Paulus, satisfactio iure desideratur, Et si satisfactio non datur, in petitorem hereditas transferretur: si petitior satisfacere noluerit, penes possessorem possessio remanet: in pari enim causa, potior est possessor.* Proinde errare mihi plurimum videntur, qui petitionem hereditatis litem appellant vindictiarum. Hereditates enim sacramentis petuntur, id est, legis actionibus: possessiones hereditatum, si sorte de iis esset contentio, lite principali pendente, vindiciis, non sacramentis alterutri ex litigatoribus addici solent. Eoque mihi omnino visus est respexisse Cicero, cum ita scriberet, in Verina 3. *Si quis testamento se heredem esse arbitraretur, quod tum non extaret, lege ageret in hereditatem, aut pro prædo litis vindictiarum, cum satis accipisset, sponsionem faceret, Et ita de hereditate certaret.* Sensus enim est, cum qui se heredem esse arbitratur, hereditatem petere duabus rationibus posse, nimirum sacramento sine vindiciis, aut

vindiciis, & sacramento simul. Sacramento quidem, si nulla possessionis mota controversia, lege in hereditatem agat: quo casu locum habere solet illa, quam modo adnotavimus Pauli sententia: Vindiciis vero, & sacramento simul, in hereditatis petitione locus erat, si non hereditas duntaxat peteretur, sed insuper is qui lege in hereditatem agebat, se pendente legis actione hereditatis possessorem esse oportere contenderet. Idque expresse significant huiusmodi quæ in eadem Ciceronis Verina subsequuntur verba: *Sed quid id ad Prætorē, uter possessor sit? Nonne id quæri oportet, utrum possessor esse oporteat?* Ergo vindictiarum liti, si Alconio, & Ciceroni credimus, tunc demum apud veteres locus erat, cum incertum esset, uter litigantium rei controversæ lite principali pendente, fururus esset possessor. Eoque sensu apud Livium aliosque auctores probatos, vindicias esse accipiendas, ab eruditis quibusdam viris copiose satis est demonstratum. Sane quod Festus scribit: *Vindicias res illas esse de quibus controversia est, illud omnino ad antiquam manus consertionem pertinet.* Cum enim manus conserebantur, tunc si quæ vindictiarum fieret controversia, res controversas in iure præsentēs alterutri ex litigatoribus vindicanti Prætor tamdiu addicebat, quamdiu alter alterum iusto sacramento, & sponsione non superasset. Idque mirum in modum probat vindictiarum, quam Cincius apud eundem Festum dedit, definitio: *Vindicie, inquit, olim dicebantur glebæ (sic legendum est, non illæ, ut passim legitur) quæ ex fundo sumptæ, in ius allatæ erant.* Proinde cui glebas ex fundo in ius allatas, aut alias res mobiles, pendente proprietatis controversia, causa cognita, is qui iurisdictioni præerat, addicebat, eidem vindicie

dicæ addici dicebantur, quantum ex Festo, & Cincio colligimus. Servius autem Sulpitius vocabulo etiam singulariter formato, *vindiciam* esse ait, cum aliqua de re controversa est, ab eo quod vindicatur. Illudque hujusmodi Decemvirali lege confirmat: SI VINDICIAM FALSAM TULIT, REI SIVE LITIS ARBITROS TRES DATO: EORUM ARBITRIIS FRUCTUS DUPLIONE DAMNUM DECIDITUR. Sic primus locum hunc, qui mutilus erat, & omnino depravatus, apud Festum restitui in verbo *Vindicie*, Equis obfecro dubitaverit, quin hæc emendatio verissima sit, præsertim si non ignoret, in legibus sic scribi solitum: *Rem sive litem*, idque Servium Honoratum in Virgilium adnotasse. Quid autem hac in lege sibi voluerint Decemviri, non admodum esse obscurum puto. Voluerunt enim judicem, qui dolo malo in fraudem legis, vindiciam injustam tulerat, tres arbitros constituere, quorum arbitriis fructus duplione damnum decideret. Eoque omnino pertinere, & inde primum ortum vix dubito, quod in Pandectis de iudicibus passim legimus, *qui litem suam fecerunt*. Nec quidem hujusmodi fructus duplione multati perpetuo fuerunt iudices, qui vindiciam sententiamve injustam tulissent dolo malo, nonnunquam enim veram justamque licitæ estimationem præstabant. cap. 15. de iudic. nonnunquam in quantum de ea re æquum religioni iudicantis visum fuerat, pœnam sustinebant, cap. ult. de var. & extraord. cog. Porro vindicias nisi superstitibus præsentibus, eos inter quos erat controversia, sumere non potuisse, Festus adnotatum reliquit: *vindiciasque secundum libertatem semper ex vetere jure*, quod in duodecim tabulas translatum est, *dicendas esse*, testatur Pomponius, cap. 11. §. 13. de orig. jur. Nec quidem

antiquissima ista dicendarum vindiciarum ratio in rebus mobilibus Romæ in usu fuit perpetuo. Fuisse enim tempora, quibus tamdiu res mobiles, de quibus controversiæ movebantur, aut in æde, aut apud sequestrem ponebantur, donec alterutrius ex litigatoribus sacramentum iustum esset pronunciatum, ex innumeris prudentum responsis constat. Sane homines quoque apud sequestres deponi potuisse, testatur Ulpian. cap. 7. de pol. Quin & iudicibus olim homines sequestro datos fuisse, Plautus refert in Mercat.

*De isthac sum iudex captus. D. iudex: jam scio.*

*Nunc tu in consilium istam advocasti tibi. LI. Imo sequestro mihi data est.*

Res autem mobilis quæ apud sequestrem non ponebatur, solet in æde, sive in fano custodiri. Et certe antiquissima fuit, diligentissimeque olim observata rerum pecuniarumque in fanis deponendarum ratio, de qua sic Cicero scribit lib. 5. epist. fam. *Nam de Lucejo, inquit, est ira actum, ut auctore Cn. Pompejo ista pecunia in fano poneretur.*

## C A P U T VII.

*De litis additione.*

QUAM Gellius lib. 16. cap. 2. allegat legem Decemviralem, eam utpote vitiosissimam sic esse resituentam probabilibus aliquot conjecturis demonstrabo: ANTE MERIDIEM CAUSSAM GNOSCITO, QUUM PERORANT AMBO PRÆSENTES. POST MERIDIEM LITEM ADDICITO, SI AMBO PRÆSENTES. SOLE OCCASO, DIEI SUPREMA TEMPESTAS ESTO: Et constat quidem hæc verba, *causam conscito*, non ad litigatores, sed ad ipsum iudicem.

judicem esse referenda, propter hæc verba, *quum perorant ambo præfentes*. Ergo quod causæ conjectio, ut satis ex Alconio, & Marcello constat, non ad judicem, sed ad litigatores referatur, certissimum est loco *conficito*, reponi non posse *conficito*. Ea enim legis videtur esse sententia, ut iudex ante meridiem, quum actor, & reus perorassent, id est, causam dixissent, de causa cognosceret. Veteres autem dixisse causam *conficito*, pro cognoscito, non memini me legisse. Illud quidem dubium non est, pro cognitu auctore Felto gnotu, dixisse veteres. Si gnoto ergo, & gnosco: nam unde gnotu, nisi a gnosco? Certe veteres gnosco dixisse, non Festus solum, sed etiam lib. 2. testatus est Priscianus. Quid igitur obstat, quo minus pro *causam conficito* legamus *causam gnoscito*, aut certe *causam enoscito*. Si non ob aliud, certe quod Latini plerumque G litteram ita formarint, ut Græci suum gamma, quod facile in C Latinum potuit transformari. Imo Festus lib. 13. contendit, C pro G frequenter antiquos posuisse. Idque etiam ex antiquissimis quibusdam nummis deprehendit, in quibus pro Gulo, Gurges, Galba, Glicia, Gellius, Ogulnius Gallus, expresse legitur Culo, Curses, Calba, Clicia, Cellius, Oculnius Callus. Sic pro pago, aliquando est in duodecim paco: & quem Cajum vulgares, cum Florentinæ Pandectæ Cajum appellatum continent, Et ita quidem ex gnosco, interdum ab antiquis enoscito, indeque unius literulæ transpositione, ex enoscito factum ab imperitis videri potest *conficito*. Quod autem subjicitur de litis additione, his verbis: *Post meridiem præfenti litem addicito*, profecto nisi me vehementer conjectura fallit, id etiam vitiosum est. Videamus quid

sit litem addicere: an secundum præsentem litem dare? Sic magis plerisque visum est. Itane vero? Quznam igitur obsecro hujusce legis est æquitas si secundum præsentem sorte petito rem injustum, iudex debuerit iudicare? Constat certe eos, qui cum frustrationis causa latitarent, tribus edictis evocati præsentiam sui facere contemnebant, litem idcirco non perdidisse: verum, si post edictum peremptorium, quum dies ejus supervenisset, citati non respondissent, actam fuisse causam: non utique secundum præsentem, sed *interdum absentem, si bonam causam haberet, vicisse*. cap. 73. de jud. Eum igitur qui ante meridiem peroravit, post meridiem propter absentiam olim lite fuisse multatum audebimus existimare? Qua auctoritate? An quæso Decemvirali? Tam stupidos fuisse Decemviros, & imprudentes, quis est qui sibi persuadet? Ego itaque didici litem addicere, aliud nihil esse in hac lege, quam litigandi potestatem facere. Quam potestatem quia iudex non solet facere, nisi actore cum reo præfente, nisi audita, & cognita causa, hac ratione impulsus secundum Decemviralis hujus legis partem sic ausus sum restituere: *Post meridiem litem addicito, si ambo præfentes*. Tertiam legis partem sic etiam emendo: *Sole occaso, diei suprema tempestas esto*. Scribit enim expresse Gellius, non Sol occasus, sed Sole occaso Decemviros in legibus posuisse. Et sic apud Varronem lib. 6. de lingua Latina, legendum puto, *Sole occaso, diei suprema tempestas esto*, non, *Solis occasu*, ut passim legitur. Quo modo etiam apud Censorinum in libro de die natali, & Macrobiū Saturn. lib. 1. cap. 3. hæc eadem legis pars est restituenda. Sane Solem occasum, pro Solis occasu, auctores

præf-

prifeos quadam vetulitate non inuavi dixiffe, non Gellius folum, fed etiam Plautus in Menach. tellatur, his verbis:

*Namque fi abſque te eſſem bodie, nunquam ad Solem occaſum viverem.*

Supremam autem tempeſtatem idem Varro lib. 4. de ling. Lat. ſic interpretatur: *Suprema*, inquit, *ſummum diei, id a ſupremo: hoc tempus duodecim tabula dicunt occaſum eſſe Solis.* Sed poſtea *lex Prætoria* id quoque tempus jubet eſſe ſupremum, quo *Prætor in comitio ſupremam pronunciauit populo.* Et libros augurum pro tempore tempeſtatem dicere, idem Varro eſt auctor lib. 6. de ling. Lat. Feſtus etiam pro tempore tempeſtatem antiquos poſuiſſe, adnotatum reliquit. Totius igitur legis ſenſus eſt: Judicem ante meridiem cauſſam utrinque cognoscere oportere: poſt meridiem, litem poſtulantı addicere, aut denegare, hoc eſt, ſi ita videretur, litigandi poteſtatem facere, ſin minus, eam denegare: tempuſque pomeridianum ad occaſum uſque Solis extendi. Illud certe conſtat, & aliquando a nobis tractatum eſt, de præjudiciis libro I. eum qui juſ ſuum perſequi volebat, Prætoſem olim adiſſe, cauſſamque præſente adverſario in jure dixiſſe: & tandem audita cognitaque cauſſa, vel dediſſe Prætoſem, vel eam quæ petebatur, actionem denegaſſe. Cæterum antequam Prætoſ eſſet, antequam Cn. Flaviuſ actiones promulgaſſet, eaſ a Pontificibus peti conſueviſſe, neminem puto tam imperitum, qui id ignoret. Siquidem iſ, qui ex Pontificibus ut præſeſſet anno privatiſ erat conſtitutus, iſdem ſere anni ſpatio in reddendo jure partibusungebatur, quibus poſtea Prætoſes functi ſunt. Porro ante hujusmodi Pontificiam juris reddendi poteſtatem, quum

Decemviri juſ dicebant, tunc etiam in uſu actionum fuiſſe impetrationem, & hac eadem, quam tunc interpretor, lege prima introductam utique mihi perſuadeo. Ut ita quidem actionum impetratio lege duodecim tabularum poſſit introducta videri, primumque apud Decemviroſ in uſu fuiſſe, & deinde a Decemviriſ ad Pontificeſ, & a Pontificibus tandem ad Prætoſes tranſiſſe.

## C A P U T VIII.

### De nexis.

GELLIUſ libro vigefimo c. 1. auctor eſt, ſic in duodecim ſcriptum fuiſſe: *Æriſ conſeſſi, rebusquo jure judicatiſ triginta dieſ juſti ſunt.* Poſt deinde manuſ injeſſio eſto, in juſ ducto, ni judicatuſ facit: aut qui pſeudo eo in jure vim dicit, ſecum ducto. *Vincito, aut nervo, aut compedibus quindecim pondo, ne minore, aut ſi volet majore vincito. Si volet, ſuo vivito: ni ſuo vivit, qui eum vinſtum habebit, libraſ ſarris in dieſ dato. Si volet pluſ, dato.* Hic legis ſententiam interrumpens Gelliuſ, quid deinde fieri de nexis voluerint Decemviri, excepta poſtrema legis parte, verbis propriiſ declarat: reliqua legis verba, magno ſtudioſorum incommodo, antiquitatiſ fraude maxima ſupprimens. *Erat*, inquit, *juſ interea paciſcendi, ac niſi paſſi forent, habebantur in vinculis dieſ LX. Inter eoſ dieſ, trinis nundiniſ continuiſ ad Prætoſem in comitium producebantur, quantæque pecunia judicatiſ eſſent, prædicabatur. Tertiis autem nundiniſ capite pœnaſ dabant, aut trans Tyberim peregre venum ibant.* Et paulo poſt: *Si pluſes forent, quibus reuſ eſſet judicatuſ, ſecari*



*quæ si vellet, atque partiri corpus addidit sibi hominis, permiserunt. Et quidem verba ipsa legis dicam, ne existimemus invidiam me istam forte formidare: Tertius nundinis partes secanto: si plus minusve fecerunt, sine fraude esto. Hæstenus Sextus Cæcilius apud Gellium.*

Quia autem legem hanc mendosissimam esse, vel me tacente nemo est qui non animadvertat, idcirco non ejus dumtaxat partem illam quæ verbis Decemvirovum hic apud Gellium mendose legitur, sed universam argumentis aliquot, & conjecturis verisimilibus sic esse restituendam demonstrabo: *ÆRIS CONFESSI, ÆRISQUE DEBITI JUDICATIS, TRIGINTA DIES JUSTI SUNTO, POST DEIN, MANUS INJECTIO ESTO: IN JUS DUCITO, NI JUDICATUM FAXIT, NEMUT QUIPS ENDO EO IN JURE VINDEX ESIT, SECUM DUCITO, VINCITO AUT NERVO, AUT COMPEDIBUS QUINDECIM PONDO, NE MINORE, AUT SI VOLET MAJORE VINCITO, SI VOLET SUO VIVITO, NI SUO VIVIT, QUI EM VINCTUM HABEBIT, LIBRAM FARRIS ENDODIE DATO, SI VOLET PLUS, DATO, NI CUM EO FACIT SEXAGINTA DIES IN VIN- CULIS RETINETO, TRINIS NUN- DINIS CONTINUIS IN COMITIUM PROCITATO, ÆRISQUE ÆSTIMIAM JUDICATI PRÆDICATO, TERTIIS NUNDINIS CAPITE PÆNAS LUITO, AUT TRANS TYBERIM PEREGRE VENUMITO, AST SI PLUSES ESUNT REI, TERTIIS NUNDINIS PARTEIS SECANTO: SI PLUS MINUSVE SECUESUNT, NESI FRAUDE ESTO.* Nunc videamus quæ fuerint hujus restitutionis rationes præcipuæ, quibus impulsu lectionem veterem sic immutavimus: Pro *Rebusque* judicatis, reposuimus, *Ærisque* debiti judicatis.

Tom. I.

Certe quia in hac lege non de confessi tantum, sed etiam de æris debiti judicatis tractatur. Confessi igitur æris, inquit Gellius, ac debiti judicatis 30. dies sunt dati. Et quod apud eundem Gellium sic nullo sensu legitur, *ni judicatum faxit, aut qui pseudo eo in jure vim dicit*; illud sic emendavimus: *ni judicatum faxit, nemut quips endo eo in jure vindex est.* Festus auctor est, veteres pro fecerit faxit, & pro egerit axit dixi: eosque pro nisi etiam unico verbo nemut, usos esse. Jac. Cujacius, in antiquo exemplari, & valde fideli, pro quispiam, testatur legi quips. Cujacii emendationem mirum in modum confirmat vulgaris lectio. Dubium enim non est, quin apud Gellium hæc verba, *qui pseudo eo*, ex his verbis, *quips endo eo*, librariorum imperitia depravata sint. Qui legis verba non percipientes, dictionem *quips*, diviserunt, & ejus postremas litteras duas *ps*, sequenti dictioni *endo*, adje- cerunt: & ita pro *quips endo*, *qui pseudo*, reposuerunt. Pro *vim dicit*, in eodem exemplari, *vindicat* legi, refert idem Cujacius. An veteres vindicet ea forma qua lavit, sonit, dixerint, subsisto. Quod autem sonit, & lavit veteres dixerunt, hoc inde est quod iidem etiam lavere, & sonere dicerent, ut testatur Nonius Marcellus. Vindicere pro vindicare eosdem dixisse, non observavi. Illud profecto certissimum est, *vindicem ab eo appellatum esse*, si Festo credimus, *quod vindicat, quominus is qui pressus est, ab aliquo teneatur.* Quid igitur obstat, quominus pro *vim dicit*, legamus, *vindex est*? Maxime quod hanc emendationem antiqua per vindicem asserendi ratio videatur confirmare, quam eleganter descripsit Livius lib. 6. *Censurionem*, inquit, *nobilis militaribus factis, judicatum pecunie quum duci vidisset M. Manlius, me-*

G

dio

dio loco cum catervis sua accueris, & manum injectis, vociferatusque de superbia pateam, & ceciditque feneratorum, miseris plebis, virtutibusque ejus viri fortunaeque: tuus vera, Ego, inquit, nequiquam hac dextra capitolium, arcemque servavero, si civem commilitonemque meum a Gallis victoribus captum, in servitutem, ac vincula duci vidiam. Inde rem creditori palam populo solvit, libeaeque, & arc liberatum emittis, Deos atque homines obstantem, ut M. Manlio liberatoei suo, pacenti plebis Romanae, gratias referant. Indeque vindicem libertatis appellatum M. Manlium testatur paulo post idem Livius. Ajunt Decemviri, secum ducto. Quo in nervum, in vincula, in carcerem privatum. Livius lib 6. An placeret (sunt verba C. Licinii Stolonis, in legis de aere alieno rogatione) furore circumventam plebem ut potius quam ferrem, cecidit solvat, coepus in nervum, ac supplicia dare? & gregatim quotidie de foro additis duci? & repleti vinctis nobiles domos? & ubicunque patricius habitet, ibi carcerem petratum esse? Quod autem pro libras farris, reposuimus libram facris, certa legis sententia hanc nobis emendationem suadere videbatur: ea siquidem legis est sententia, ut si illa, quam lex constituit, farris quantitate, nexus non sit contentus, velit plus dari. Quis ergo tam erit imperitus, ut non intelligat, certam farris quantitatem legem expressisse? Si itaque legeris, libras farris, qui quaso fieri potest, ut plus petatur? Ideoque certam vix sunt Decemviri farris quantitatem expressisse, nimirum libram unam, qua si contentus non esset nexus, voluerunt plus dari. Voluerunt igitur Decemviri, nexos, nisi suo viverent, a creditoribus ali. Eoque respexisse visus est Terentianus ille Phormio, his verbis:

*Aliis aliud est periculum, unde alii quid abradi potest.*

*Mibi sciunt nil esse, dices; ducem damnatum domum.*

*Alere nolunt hominem edacem.*

Huc quoque pertinet illud Plauti in Menzch.

*Nam ego ad Menachmum nunc eo, quod jamdiu*

*Sum judicatus: ultro eo ut me vinciat.*

*Nam illic bemo, homines non alit, verum educat,*

*Recreatque: nullus melius medicinam facit.*

Sunt qui pro in dies, endo dies legunt. Ego contendo endodie, ea forma, & ratione legendum esse, qua apud Fesum endoprocinctu, unica dictione legimus. Endoprocinctu, in procinctu: endoplorato, implorato: sic endodie, quotidie. Et haec quidem ad illam legis partem, quae apud Gellium ipsis Decemvirorum verbis mendose legitur, sufficiant. Eam vero, quam propriis verbis idem Gellius declarat, verba prout potuimus Decemviralibus, hoc est, antiquis, & quae Decemvirorum temporibus Romae in usu fuisse existimamus, summo studio restituere conati sumus. Itaque haec Gellii verba: *Erat autem interea jus paciscendi, ac nisi pacti forent, habebantur in vinculis dies sexaginta: sic restituiamus: Ni cum eo pacit, sexaginta dies in vinculis retineo.* Sic locuti sunt etiam alio loco Decemviri, *Si membrum eupit, ni cum eo pacit talio esto.* Item haec Gellii verba: *Inter eos dies trinis nundinis comitibus ad Praetorem in cenitiis produebantur, quantaque pecunia judicati essent, praedicabatur: sic in legis formam redeimus: Teinis nundinis comitibus in comitum praetore, acisque astimiam judicati praedicato. Prociaceo veteres dixisse pro vocitare, & producere, scribit Felsus: qui eodem pro*

restitutione, *astimium* dixisse etiam adnotatum reliquit. Denique quod idem Gellius nexos tertiis nundinis capitis pœnas dedisse, aut trans Tyberim peregre venum iisse scribit, hoc etiam in legem ita transulimus: *Tertiis nundinis capitis pœnas luto, aut trans Tyberim peregre venum ito.* Cæterum postrema hujus legis pars, quæ etiam vitiosa passim circumfertur, sic est a nobis restituta: *At si plures esunt rei, tertiis nundinis partes secanto: si plus, minusve fecerunt, nisi fraude esto.* Veteres pro plures, & plurima, plures dixisse, & plurima, est a nobis alio loco demonstratum. Dicebant etiam se vel nisi, pro sine, & reorum nomine, actorem & reum promiscue accipiebant, ut tradit Festus. Illud autem hic quæri potest, cur Decemviri noluerint addictos nervo, aut vinculis quindecim pondo minoribus vinciri? Respondeo; id ita non sine certa, & aperta ratione Decemviri prohibuisse. Scribit lib. 5. Festus, fuisse quædam sacrificia, in quibus ita clamitabat licitor: *Hostis vinctus, mulier, virgo exesto,* scilicet interesse prohibebantur. Ex quo loco vinctos, sive nexos, sacris olim interesse solitos colligo. Et idcirco compedes quindecim pondo majores, quia essent graviores, quam ut iis cum sacris interfune, sese vincti possent subducere, aut fugere expresse videntur requirere Decemviri: ne si minores essent, aut nexis custos perpetuo adesset in sacris, aut sine custode aliquid fugæ periculum subirent creditores. Et eo forte spectat illa legis Decemviralis particula, quæ apud Festum libro duodecimo Antonii Augustini diligentia sic emendata legitur: *AST ET CUSTOS NEC EST, quum antea; Ast custodes nec sine,* perversissimo sensu legeretur. Compedes quoque quindecim pondo graviores, ideo permissæ

runt, ne si forte robustiores essent debitorum, quam ut compedibus quindecim pondo secure possent a fuga retineri, aliqua securitas creditoribus adimeretur. Voluerunt ergo Decemviri addictos compedibus indui quindecim pondo majoribus, non autem minoribus. Non quod creditores si vellent, prohiberentur eos minoribus induere, sed quod inviti minoribus induere non cogerentur. Cæterum ante 12. tabulas, non solum in vincula, in nervum, aut alio, quo creditoribus erat lubitum, addicti ducebantur, juxta Plauti illud in Bacch. *Ducito nos quocunque lubet, tanquam vobis addictos quidem:* sed etiam verberibus cædi, fame teneri, aliisque gravissimis, & inhumaniis cruciatibus affici solebant. Refert enim Livius, anno ab urbe condita 259. Appio Claudio, & P. Servilio COSS. civitatem secum ipsam discordem, intestino inter patres plebemque flagrasse odio, maximo propter nexos ob æs alienum. Magnè, inquit Livius, natu quidam, cum omnium majorum suorum insignibus, se in forum projecit. Obsita erat squalore vestis, sordior corporis habitus, pallore ac macie precepti. Ad hoc promissa barba, & capilli effraverant, speciem oris. Nesciebatur tamen in tanta deformitate, & ordines durissimo agebat, aliquas militia decora vulgo miscentes eum iactabant ipse testes bonestatum aliquot locis pugnarum, cicatrices adverso pectore ostentabat. Scitantis undò ille habitus, undò deformitas, cum circumfusa turba esset, prope in concienis nodum: Sabino bello, ait, se militantem, quia propter populationes agrum, non fructu modo caruerit, sed villa incensa fuerit, direpta omnia, pecora ablata, tributum iniquo suo tempore imperatum, æs alienum facisse, id cumulatam usuris primo se agro potioris, acutius se exuisse, deinde fortunis

*aliis, postremo velut sabem pervenisse ad corpus: ductum se ab creditore, non in servitium, sed in ergastulum, & carnificinam esse. Inde ostentare tergum fœdum recentibus vestigiis verberum. Ad hæc visa audiatque clamor ingens oritur: non jam foro se tumultus continet, sed passim totam urbem pervadit. Nexu vincit, solutisque se undique in publicum proripiunt, implorant Quiritium fidem: nullo loco deest voluntarius seditionis comes. Et idcirco idem Livius Servilium odinisse refert, ne quis civem Romanum vincitum, aut clausum teneret, quominus ei nominis edendi apud Consules potestas fieret, ne quis militis, donec in castris esset, bona possideret, liberos nepotisque ejus moveretur. Unde satis apparet, ante duodecim tabulas hanc legem Decemviralem in usu Romæ non fuisse. Tunc enim nexu vincit, verberibus cædi, perpetuisque vinculis indui, & in privatum carcerem, velut carnificinam conjici tamdiu a creditoribus solebant, donec illi vel creditorum soleratione, vel boni vindicis indulgentia, & liberalitate nexu solverentur. Decemviri vero hanc nimiam crudelitatem alio verum nescio an mitiore addictos territandi, excruciantium medio pensarunt. Quum enim illi antea in nervo, ac vinculis sic detinebantur, ut nisi iis liberarentur, totam in vinculis ætatem confumerent, satius esse existimaverunt Decemviri, certo tempore eos vinciri, deinde peregre venum mitti. Consulatus siquidem esse judicant, eos sexaginta dumtaxat dies in vinculis esse, deinde venum peregre mitti, quam domi perpetuis vinculis contineri, ac seditiosis hominibus perpetua crudelitate, immanique creditorum sævitia, populi illacrymatione, odio patrum, plebisque inconstantia, bellis intestinis, ac seditionibus fenestram aperire. Fuit*

autem hæc Decemviris lex non de consuetudine, sed expressa Consulari lege abrogata anno ab urbe condita 630. L. Papirio Mugellano, qui etiam Censor dicitur, C. Porcelio 2. COSS. & tunc quidem sectionem, pœnamque capitis in bonorum proscriptionem conversam fuisse, recte ex Tertulliano Contiis observavit. Sane si bona judicato non sufficerent, adhuc vincula, & addictio in usu fuisse videntur, auctore Gellio: sed ita, ut nec venum amplius peregre debitores mitterentur, nec sectioni capitisve pœnæ subiecti forent, sed ad hoc tantum in vinculis essent; ut operas in servitute pro judicato præstarent creditoribus, donec illis satis abunde factum esset. Idque confirmat illud Senecæ lib. 7. cap. 10. de benefic. *O miserum, inquit Seneca, si quem delectas sui patrimonii liber magnus, & vasta spatia terrarum colenda per vinctas, & immensi greges pecorum per provincias, ac regna pascendi. Et quamvis Sylla Dictator non omnes qui bonam copiam jurassent, fuerint, dissoluti, auctore Varrone lib. 6. de ling. Lat. idcirco tamen post Syllæ tempora addicti, nequeque debitores non deserunt. Concessisse quidem illud Syllam C. Popilio roganti Varro scribit, forte non ut eo jure cives Romani perpetuo uterentur. Dico Var. sic intelligi posse, siquidem in re tam perplexa definire nihil certi ausus sum.*

## CAPUT IX.

### *De vindictis.*

**C**APITE censi dicebantur, quia nullo, aut perquam parvo ære censebantur: *proletarii* a munere, officioque prolis edendæ appellati sunt, quod cum re familiari parva minus possent Kemp.

Remp. juvare, sobolis tamen gignendæ copia civitatem frequentarent: *assiduus* autem, & pro locuplete ponitur, & pro facile munus faciente: dictus *ab assibus*, id est, ære dando, quum id tempora Reipub. postulare: aut a muneris pro familiari copia faciendi assiduitate, auctore Gellio noct. Attic. lib. 16. cap. 10. Eoque sensu proletarium, & capite censum accepisse vilus est etiam Arnobius, adversus gentes lib. 2. *Desinit*, inquit, *hominem, proletarius enim sit, classibus, & capite censatur, adscribere ordinibus primis: cum sit inops, pauper lare, & inguivi pauperis, nec patricia claritate unquam meritis nuncupari.* Sed quorū hæc? Nimirum ut intelligamus, quid illud sit quod duodecim tabulis idem Gellius ita scriptum fuisse ait: ASSIDUO VINDEX ASSIDUUS ESTO, PROLETARIO CIVI QUIVIS VOLET VINDEX ESTO. Diximus superiore capite, vindicem auctore Festo, *veteres eum appellasse qui vindicabat, quominus is qui presus erat, ab aliquo teneretur: hoc est, qui presum, nexum, sive additum liberabat.* Ea forma, & ratione, qua vindicem æris alieni, libertatisque, pro redemptore in epistolis ad Atticum, aliisque in locis accepisse videtur Cicero, Eoque sensu accepisse etiam vilus est, vindicem libertatis, Livius lib. 6. *id vero*, inquit, *ita accendit animos, ut per omne fas ac nefas secuturi vindicem libertatis viderentur.* Sic Brutum idem Livius vindicem appellat libertatis. lib. 2. *Brutus*, inquit, *prior concedente collega fasces habuit, quod non acrior vindex libertatis fuerat, quam deinde custos fuit.* Imo pro assertore antiquæ vindicem interdum posuisse, in libro de testimonio animæ liquido demonstrat Tertullianus: *Cur*, inquit, *alibi servus, alibi vindicem convenit?* Proinde errare mihi plurimum vi-

dentur, tam hi qui per vindicem in hac lege procuratorem, quam illi qui fideiussorem intelligunt. Alio enim respexisse videntur Decemviri. Eo nimirum, ut noluerint a proletaria civibus, cives assiduos creditoribus addictos vindicari. Certe ne proletarii cum sint tenuioris fortunæ, quam ut asses possint dare, quibus assiduos e vinculis eximerent ipsi pro assiduis, & se, suosque liberos, familiamque totam in discrimen adducant: neve corpus liberum immuneque, assidui hominis liberandi gratia, servituti capitique pænæ, aut sectioni subiceretur: quod quam iniquum sit, nemo est qui non intelligat, Et ita quidem in effectu aliud nihil visum sunt voluisse Decemviri, quam assiduos non servitiis cujusquam, aut deditioibus, sed assibus vindicandos. Nam cum *assiduo lex assiduum esse vindicem jubet, locupletem jubet locupletis*, inquit Cicero in Topicis. *Locuplet enim assiduos*, ut ait Ælius, *appellatus est ab ære dando. Esse quidem perquam iniquum, alterum pro altero pignori, etiam Theodoricus Italiz Gothorumque Rex, apud Cassiodorum libro quarto variat, intellexit: tam inquam, Romani, quam Decemviri. Ideo autem proletario quemvis vindicem esse permiserunt Decemviri, quia eorum debita non solent esse grandiora, quam quæ ære exiguo lui potuerint. Et ita mihi videtur.*

CAPUT X.

De Testibus.

NON solum in testamentis, quæ per æs, & libram fiebant, sed etiam in aliis omnibus mancipationibus, is qui testis libripensve fuerat,

si fidem perhibiti testimonii non approbare, improbus erat, & intestabilis, idque expressa quadam lege Decemvirali esse definitum, Gellius auctor est, lib. 15. c. 13. quam hunc in modum puto restituendam esse:

QUI SE SEIERIT TESTARI, LIBRIPENSVE FUERIT, NI TESTIMONIUM FARIATUR IMPROBUS INTESTABILISQUE ESTO. In omnibus antiquissimis exemplaribus impressis, & manuscriptis, non *in testimonium fariatur*, sed *in testimonium fariatur*, expresse legitur. Unde statim conjecturam duxi, ita legendum esse, *ni testimonium fariatur*: & verbum fariari priscom esse, eoque pro fari veteres esse, usos. Hujusmodi siquidem antiquis fuisse morem testatur Diomedes, ut in dictionibus quibusdam sermonem ex abundanti adderent, nihilque adjeta syllaba dictionibus conferret. Quo modo aggredi, pro aggredi: item mori, pro mori, veteres dixisse sapius animadverti. Plautus in Trucul. *Nullam rem oportet dolose aggredi.* Idem in Rudent.

— *Certum est moriri, quam hunc pati.*

*Leonem in me grassari.*

Et ita fariari etiam antiquos dixisse, pro fari, non dubito. Igitur, *Qui se seierit testari*, hoc est: qui se vocari in testem passus est, librripensve fuit: *ni testimonium fariatur*, hoc est, si de perhibito testimonio rogatus, illud fari, ejusque approbare fidem non voluerit, improbus intestabilisque esto. Sic nimirum ut non tantum, sicut Theophilus videtur interpretari, ex alieno testamento quicquam capere, aut jure testamenti condere, aut in testamento testis esse prohiberetur: verum etiam ut ab omnibus nexus, & mancipationum solemnibus sic arcere-

tur, ut nunquam vel ejus recipi, vel ei testimonium dici posset cap. 26. de testament. Eoque sensu intestabilem Plaut. etiam videtur accepisse in Milite glorioso:

*Quid si id non faxis? r. ut vivam semper intestabilis.* Nunc de illo videndum, qui falsum perhibuit testimonium. Et sane hunc & Tarpeja rupe præcipitare Decemviri voluerunt, idque aperte testatus est Sextus Cecilius apud Gellium lib. 20. cap. 1. Qua de re ab aliis accurate satis plurime sunt in hanc legem adnotata.

## C A P U T XI.

*De ejus cui testimonium desuit obvagulatione.*

PORTUM, inquit Festus, in duodecim, pro domo positum, omnes fere consentiunt: CUI TESTIMONIUM DEFUERIT, IS TERTIIS DIEBUS OBPORTUM OBVAGULATUM ITO. Idem alio loco vagulationem in hac Decemvirali lege, questionem interpretatur eum convitio. Et ob præpositione, antiquos usos esse pro ad testis est Ennius, cum ait lib. quartodecimo.

*Omnes occisi, obcensique in nocte ferena.*

Id est, accensi. Hoc cum ita sint, nunc quid sibi Decemviri voluerint videamus. Cui testimonium deest, hoc est, qui suam intentionem nullo potest testimonio confirmare, is die tertio ad aedes adversarii obvagulatum ibat hoc est, adversario iustum testibus adhibitis convitium faciebat. Veluti si quid esse in tuis aedibus contenderem, quod quum vere ad me pertineret, tamen apud te esse nullo testimonio poteram demonstrare, illudque mihi restituere uno, & altero die roga-

rogatus omnino reculares, mihi permisisse videntur Decemviri, quandoquidem deficiente testimonio inutiliter jure, aut lege ageretur, tertio die ad ædes venire, ibique ante tuas ædes rem meam repetere cum convitio live, ut utar Plauti verbis, *te pipulo ante ædes tuas differre*. Et hanc quidem interpretationem nostram, ita aperte visus est Plautus confirmare, ut verisimiliorem non posse, attentius paululum loco Plautino quem subijciam perpenso, legis hujus declarationem excogitari, nemo non continuo fateatur. Plautus in Aulularia cujusdam Congrionis meminit, qui cum a Megadoro ad nuptialem cœnam coquendam (erat enim coquus) conductus esset, & idcirco vasa in ædes Euclionis intulisset, ædibus vi ejectus vasa sibi ab Euclione petit restitui: cumque ea reddere Euclio negaret, quia Congrioni, defuit testimonium, quo docere posset, sua vasa esse in Euclionis ædibus, certe repetere ea judicio nequivit. Quid igitur fecit? Quid? Pipulo ante ædes Euclionem, ni vasa redderet, differre voluit, hoc est, ut Decemviri loquuntur, *ob portum Euclionis obvagularum ire*. Plauti verba sunt hæc:

*Ita me bene amet Laverna, tu jam nisi reddi*

*Mihi vasa jubes, pipulo hic differram te ante ædes.*

Pipulum idem esse quod convitium Varro scribit lib. 6. de lingua Latina. In Aulularia, inquit, pipulo te differam ante ædes: id est, convitio, declinatum a pipatu pullorum. Quia igitur *obvagularum* etiam nihil est aliud quam convitium, quis dubitabit, quin eadem plane sint, ob portum obvagulare, & pipulo aliquem ante ædes differre? Quod igitur Euclionem ante ædes differre pipulo volebat Congrio,

id omni legis hujus Decemviralis auctoritate facere voluisse visus est. Ceterum effectus obvagulationis is olim fuisse videtur, ut tertio die, jussu præsentibus superstitibus convitio solemniter ob portum facto, licuerit convitatori ejus qui convitium passus erat ædes cum iisdem testibus ingredi: & liberam res suas querendi in suis ædibus potestatem facere is cui convitium factum erat suo convitatori cogebatur. Indeque Festum *obvagulationem* definivisse, quæstionem, hoc est, inquisitionem cum convitio est verisimile. Ea nimirum, ratione, qua furtorum quæstiones cum lance, & licio illæ furtorum inquisitiones veteribus dicuntur, quæ cum lance, & licio fieri solebant.

## C A P U T XII.

### De Tutelis.

**L**EX duodecim tabularum, inquit Cæjus, *pervissum est* parentibus liberis suis, sive *forminini*, sive *masculini* sexus, si modo in potestate sint, tutores testamenti dare. cap. 1. de testament. tutor. Legitque hæc fuisse verba: PATERFAMILIAS UTILEGASIT SUPER PECUNIA TUTELAVE SUÆ REI, ITA JUS ESTO. In fragmentis testatus est Ulpian. tit. 11. & auctor ad Herennium lib. 1. Quam legem deinde interpretans Pomponius, his verbis: *Uti legassit super pecunia tutelave suæ rei, ita jus esto*, (sic enim restituendus est hic Pomponii locus, qui in Pandectis etiam Florentinis mutilus hunc in modum legitur? *Uti legassit suæ rei, &c.*) latissimam putat potestatem tributam videri, & hæredis instituendi, & legata, & libertates dandi, tutelas quoque constituendi:

di: sed id interpretatione coangustatum esse, vel legum, vel auctoritate jura constituentium. c. 120. de verb. sig. Cæterum quibus testamento tutor datus non erat, his agnati legitimi tutores fuerunt. *Legitima tutela*, inquit Ulpianus, *lege 12. tabularum agnatis delata sunt, & consanguineis*, cap. 1. de legit. tut. Decemviri consanguineorum nomen non agnoscunt: liberos eorum appellant suos hæredes, consanguineos vero omnesque qui ex latere familiam attingunt per sexum virilem, communi nomine agnatos vocant, ut alio loco demonstravimus. *Legitimi tutores sunt*, inquit Ulpianus, *qui ex lege aliqua descendunt: per amentiam autem, qui ex lege 12. tabularum introducuntur*. Introducuntur quidem, vel propalam, hoc est, specialiter, sive nominatim, quales sunt agnati, vel per consequentiam, quales sunt patroni. Non enim expressa lege aliqua Decemvirali impuberis liberti patrono defertur tutela, sed quia patronis hæreditates libertorum lege duodecim tabularum ab intestato conceduntur, & quia natura æquum est, ad eum onus tutelæ pertinere, ad quem commodum spectat successionis, ideo per consequentiam manumissor impuberis manumissi tutor efficitur: non tam verbis quam legis sententia, ideoque etiam *legitimus* appellatur. capit. 2. de legit. tutor. Non enim id tantum quod nominatim lege cautum erat legitimum dicebatur, verumetiam quod perinde accipiebatur per interpretationem, atque si legis verbis expresse introductum fuisset. Ea fortassis ratione, qua multorum matrimoniorum experientiam *legitima* cuiusdam *intemperantia* signum appellat Valerius lib. 2. c. 1. Non enim verbis expressis alicujus legis hujusmodi matrimonii imperata fuit intemperantia,

sed legis illiusque contra coelibantum aliquando lata fuit, vera sententia, intemperantiam hujusmodi suadere omnino videbatur, eaque etiam idcirco legitima videtur a Valerio appellata fuisse. Et hæc hæc haec de tutelis, quibus illud etiam addendum videtur: nimirum suspecti tutoris crimen, ex lege 12. tabularum descendere, tutoremque propter admittam administrationem, in duplum eadem lege teneri. cap. 1. de suspect. tutor. cap. 55. de administrat. & peric. tut. quod qua ratione accipiendum sit, alii docuerunt.

## C A P U T XIII.

*De curatoribus furiosi,  
vel prodigi.*

**V**OLUERUNT Decemviri, furiosos in tutela agnatorum esse gentiliumque. Cicero legem his fuisse conceptam verbis testatur, lib. 2. de inventione: SI FURIOSUS ESSE INCIPIT, AGNATORUM GENTILIUMQUE IN EO, PECUNIAQUE EJUS, POTESTAS ESTO. Paulus admonuit, hæc verba *agnatorum gentiliumque*, pro separatis accipienda esse, cap. 53. de verb. sign. Quod quidem verissimum est: Decemvirorum enim hujusmodi videtur esse sententia, ut voluerint agnatis deficientibus; ad eos gentiles qui agnati non sunt onus hujusmodi tutelæ devolvi. *Gentilia*, inquit Festus, *dicitur, & ex eodem genere ortus, & is qui simili nomine appellatur: ut ais Cincius, gentiles mihi sunt, qui meo nomine appellantur*. Ergo gentiles, non eos tantum veteres appellasse videntur, qui ex eodem genere essent orti: sed illos etiam, qui licet non generis ejusdem, ejusdem tamen nominis erant: eoque sensu.



sensu gentiles etiam servi appellabantur, ut Marcipor id est, Marci puer, auctore Plinio: sic etiam ab aliis adnotatum est, Ciceronem Regem Tullium gentilem suum appellasse, cum interim ab eo genus Cicero nequaquam traheret. Sed de istis gentilibus Decemviri hic non loquuntur. Illi siquidem de hujusmodi gentilibus sentiunt, quales definivit, Scevolam secutus, in Topicis Cicero hunc in modum: *Gentiles sunt qui inter se ejusdem nominis sunt, qui ab ingenuis oriundi sunt, quorum majorum nemo servitutem servivit, qui capite non sunt diminuti*. Elegans definitio: in qua majores appellari patrem, & avum, docuit rectissime Connanus. Idem Connanus gentem, familiarum multitudinem denotare, acute ( ut est lepidus, & totus acutus ) adnotatum reliquit. Gentilis igitur appellari non potest is, cujus majores, hoc est, avus & pater, servitutem serviverunt. Certe quia in servis gentilitia natura non suberat in usu in nostris nominibus, qui sumus in Latio, & liberi, necessaria, inquit Varro, libro octavo de lingua Latina. Quia igitur qui ex servis majoribus est ortus, nullum ex aliqua familia genus trahit; idcirco fieri non potuit, ut is aut esse, aut appellari gentilis aliqua ratione posset. Verum ejus nepotes, abnepotes, trinepotes, & ita deinceps, eorumque filii: rursus patruus, ejusque filii, nepotes, eorumque filii, & nepotes, ulque in infinitum, recte gentiles inter se, & erant, & appellabantur, quamvis ille, a quo hi omnes genus primo duxerunt, servitutem aliquando servivisset. Desinuntque gentiles appellari, si capite fuerint diminuti. Ut enim agnationis, ita gentilitatis jura capitis diminutione extinguuntur. Ethanc esse puto sententiam verissimam, illius

Tom. I.

gentilium definitionis, quam ex Cicerone hic adnotavimus. Nunc illud addendum est, agnatos a gentilibus in hoc differre, ut agnati omnes gentiles sint, sed non contra omnes gentiles agnati. Gentem enim quamlibet habuisse olim stirpes varias, hoc est, domos, sive familias. Vartorum lib. 5. a nobis est adnotatum. Quod igitur gentis unius erant familiae, totidem diversae ejusdem gentis fuisse videntur agnationes. Agnatos enim Jureconsulti appellant auctore Ulpiano, cognatos virilis sexus ab eodem ortos. capit. 2. de suis, & legit. Veluti patruus ejusque filii & nepotes, mihi sunt agnati quia ab eodem orti sunt, a quo meus pater. Verum patruus magnus, ejusque liberi, mihi non agnati, sed gentiles duntaxat sunt. Quae cum ita sint, jam facile intelligimus, in hac lege Decemviros aliud nihil voluisse, quam ad agnatos tutelam furiosorum omnino pertinere, & si nullus exstaret agnatus, ad gentilem post agnatos proximum. Nec quidem furiosus duntaxat, verumetiam prodigus ad agnatos, gentilescque deduci solet. Lege enim 12. tabularum prodigo interdictam bonorum suorum administrationem fuisse, antiqua juris ejusdem moribus introducti praerogativa, testatur est Ulpianus capit. 1. de curat. furios. Quo jure Cajum quendam Licinium cognomine Hoplomachum a Praetore postulasse refert libro octavo, Valerius, ut patri suo bonis, tanquam ea dissipanti interdiceretur. Solent enim inquit Ulpianus, Praetores si talem hominem invenerint, qui neque tempus, neque finem expensarum habet, sed bona sua dissipando, & dilacerando profudit, curatorem ei dare exemplo furiosi d. capit. 1.

D

CA.

## CAPUT XIV.

*De Servitutibus itineris,  
actus, & via.*

**A**CTUS, ut Varro, & Festus scribunt, *in latitudinem pedes habet quatuor*, fortassis quod ea quadrupes ageretur. *Via latitudo*, auctore Cajo, *ex lege 12. tabularum in portestum octo pedes continebat: in anfractum, id est, ubi flexum erat, sedecim*, cap. 8. de servit. præd. rustic. Idque sic etiam Varro tradidit de lingua Latina lib. 6. *Anfractum*, inquit est, *ab origine flexum duplici: dictum ab ambitu, & frangendo: ab eo leges jubent viam in directo pedum octo, esse, in anfracto sedecim*, hoc est, in flexu. Iter autem duorum habebat, vel trium pedum latitudinem. Et proinde qui iter habet, actum non habet: sed contra, qui actum habet, is iter habet. cap. 1. de servit. præd. rustic. Cæterum *via, actum, iter, & se continet*: hoc est, qui viam habet jus habet itineris, quod videlicet ex duorum, aut trium pedum latitudine constat: jus habet etiam actus, hoc est, non trium solum, sed etiam jus quatuor pedum; qui simul septem pedes conficiunt. Jam si addideris octavum pedem, non iter, non actum duntaxat, sed etiam se via continebit, hoc est, jus octo pedum. Errant profecto qui sic putant Ulpianum scripsisse: Nam *& iter, & actum in se via continet*. d. cap. 1. Recte enim pro *in se*, legimus. & *se*, in Pandect. Floren. Nec quidem dubium est, quin ad vulgarem actus & itineris, legitimamque viæ latitudinem eo in loco respexerit Ulpianus. Ad quam semper esse respiciendum docet Jabolenus, cum alia, aut latior,

aut angustior octo pedibus, non est inter contrahentes viæ servitus expressa. cap. 13. §. 2. d. titul. Voluerunt itaque Decemviri, legitimam viæ latitudinem octo pedum spatio comprehendendi. Iidem si via esset immunita, cui viæ servitus debebatur, ei qua vellet agere jumentum permisissent: quemadmodum pro Cecinna M. Cicero testatus est. Adderem nonnulla de parietum ambitu, quem esse sesterrium pedem Decemviri voluerunt, nisi ea de re Brissonius in suis elegantissimis antiquitatum Commentariis luculenter scripisset. Sane Varro scribit de ling. Lat. lib. 4. *duodecim tabularum interpretes ambitum parietis circumsum interpretatos esse.*

## CAPUT XV.

*De Sumptibus funerum, &  
jure sepulchrorum.*

**C**ICERO libro 2. de legibus refert, in duodecim tabulis scriptum fuisse: *HOMINEM MORTUUM IN URBE NE SEPELITO, NEVE URITO: ejusque causam fuisse ignis periculum: vel ut Paulus lib. 1. Sent. scribit, ne funestentur sacra civitatis.* Porro Decemvirali. isto jure Romani usi non sunt perpetuo. Ipse enim Cicero auctor est, nonnullos in hoc solutos legibus consecutos esse, ut in urbe & uri, & sepeliri possent. Idem Cicero libro 14. ad Atticum scribit, Cajum Cæsarem in foro combustum laudatumque miserabiliter fuisse. *Memensissime*, inquit, *te clamare causam perisse, si funere elatus esset? At ille etiam in foro combustus, laudatusque miserabiliter, servique, & egenus in urbe nostra cum facibus immixti.* Nec quidem mortuum hominem in urbe duntaxat sepe-

peliri, aut uri prohibuerunt Decemviri, verum etiam nec ascia fieri nec poliri rogum permiserunt. Scribit enim in eodem libro 2. de Legibus Cicero, minutos fuisse sumptus lamentationesque funebres Solonis, & duodecim tabularum legibus: & hoc plus lege Decemvirali contineri, ne rogus ascia fieret, neve poliretur. Sic enim apud Ciceronem legitur: Jam cætera in duodecim tabulis: *Minuendi sunt sumptus lamentationesque funeris*: translata de Solonis fere legibus, *hoc plus*, inquit, *Ne facito rogum ascia, ne polito*. Hæc Cicero. Sensus est, quæ de minuendis sumptibus lamentationibusque funerum Decemviri scripserunt, ea fere omnia de Solonis legibus translata sunt: sed hoc plus lex 12. tabul. inquit: hoc est, lex 12. tab. illud plus continet legibus a Solone latis: *Ne facito rogum ascia, ne polito*. Sunt enim hæc verba, *hoc plus*, non Decemvirorum, sed Ciceronis quibus lex illa Decemviralis denotatur, quæ a Solone repetita non est. Quod qui non animadverterunt fuisse hanc legem his verbis conceptam existimaverunt. *Hoc plus ne facito, rogum ascia ne polito*. Sic igitur legendum est: **NE FACITO ROGUM ASCIA, NE POLITICO**, ut ita asfabre construi rogum, aut dolatis aliis lignis expoliri, videantur Decemviri prohibuisse: sed potius ex incompositis impolitique lignis, sine arte simul congestis, pyram fieri voluisse. *Ascia* enim instrumenti genus erat non solum poliendis lignis, sed etiam construendis, connectendisque aptum: quo in calcis maceratione veteres etiam usus esse, testatur Vitruvius de Architect. libro 7. cap. 2. Igitur Decemviri ascia sine, arte aliqua fabrica, fieri vel expoliri rogum noluerunt. Cæterum sumptu tribus riciniis, & vinculis purpuræ, & decem

tibicinibus extenuato, sustulerunt etiam lamentationem Decemviri, ut eodem loco scribit Cicero. *Ricinium esse*, refert Festus, *omne vestimentum quadratum: eosque qui duodecim tabulas interpretati sunt, ricinium appellasse virilem togam, qua mulieres utebantur, prætextam clavo purpureo*. Quia igitur unumquodque ricinium clavum habebat purpureum, utique obscurum non est, quid hic per tria purpuræ vincula intellexerit M. Cicero. Ait enim sumptum funebrem tribus riciniis, & vinculis purpuræ extenuatum fuisse: haud dubiæ, per tria ricinia & vincula purpuræ, tres viriles togas, tribus clavis purpureis prætextas intelligens, sic ni fallor, ut in funere tres duntaxat feminas tribus riciniis indutas esse Decemviri voluerint, non autem ut una femina tria ricinia indueret. Et cum nœnias ad tibias canere in funeribus more quodam inveterato etiam receptum esset eum morem non sustulerunt: sed quia infinito quodam tibicinum numero funera gravabantur, Decemviri plures in funere tibicines esse quam decem prohibuerunt. Qui quidem tibicines idcirco adhibebantur, ut in funebres eorum tibias (quas flammæ audire nefas erat) nania mortui hominis laudandi causa canerentur, auctore Festo. Fuisse etiam præficias idcirco olim venditas, ut ante domum mortui laudes ejus canerent, Varro testatur est, citans illud Nævii. Hæc quidem bercede opinor præficia est, nam mortuos conlaudat. Eoque spectat Plauti illud in Truculento:

*Sine virtute argutum civem, mihi babeam pro præficia.*

*Quæ alios conlaudare absentes, sese vera non potest.*

Cicero scribit, legem quoque Decemviralem his verbis lamentationem sustulisse: **MULIERES GENAS NE RA-**

DUNTO, NEVE LESUM FUNERIS  
ERGO HABENTO. Plinius libro II.  
cap. 37. *Infra oculos*, inquit, *mala*  
*homini tantum, quas prisca gentes voca-*  
*bant, duodecim tabularum interdito va-*  
*di a feminis eos vetante*. Pudoris hæc  
sedes, ibi maxime offenditur rubor. Ra-  
dere veteribus idem erat quod unguibus  
cruentare, digitisve conterere: indeque  
fidiciens, a radendis sive conterendis fidi-  
bus veteres appellasse rases, testatur Fe-  
stus. Voluerunt igitur in effectu Decem-  
viri, lacrymis cedere permittendum,  
non imperandum. Quid autem per lessum  
Decemviri intellexerint, veteres interpre-  
tes Sextus Ælius, Lucius, Ælius non  
satis se intelligere dixerunt, inquit Ci-  
cero, sed suspicari vestimenti aliquod  
genus funebri esse. Latius lessum in-  
terpretatur, quasi lugubrem ejulationem,  
aut vox ipsa significat. Illudque eo  
magis verum Ciceroni videtur, quod  
lex Solonis idipsum vetet, eoque sen-  
su Plautus lessum videtur accepisse,  
cum sic in Trucul. scriberet.

—Stultus es,

*Qui facta infecta facere verbis postu-*  
*les: Thetis quoque etiam*

*Lamentando lessum fecit filio.*

Quasi dicat Plautus, lamentis gemitu-  
que, & famine ululatu, ut utar Poe-  
tæ verbis, filium dessevit Thetis, &  
tamen suis illa lacrymis quod factum  
erat infectum reddere non potuit. Et  
sic quidem hunc Plauti locum accipien-  
dum esse, evidenter in libro de Ani-  
ma, docet Tertullianus: Plane, inquit,  
stygijs polades Poeta tradidit mortem  
dilucentes. Sed & Thetis filium planxit.  
His addenda est alia quoque lex, quam  
in eodem libro secundo de Legibus ex  
duodecim tabulis Cicero his verbis  
refert: HOMINI MORTUO NE OSSA  
LEGITO, QUO POST FUNUS FACIAS,  
& ait excipi bellicam peregrinam-  
que mortem. Quid autem in hac le-

ge sibi voluerint Decemviri, Cicero  
non exposuit. Et certe, ut quid mi-  
hi videatur paucis exponam, multum  
interesse puto, inter ossa legere homi-  
ni mortuo, & inter hominis mortui  
ossa legere: nam ossa hominis quæ  
disperla sunt, & non cohærent, cum  
simul colliguntur, tunc hominis ossa  
legi dicuntur. Seneca libro secundo,  
de Ira: *Dignus suis cum permisteret*  
*a convivio ad ossa filii legenda disce-*  
*dere*. Apulejus libro tertio Florid. *Re-*  
*cta de auditorio ad exequias eundem,*  
*legenda ejus esse ossa, mox carmina*.  
Cæterum homini mortuo leguntur ossa,  
cum ejus cadaveri aliqua ossa adi-  
muntur. Eoque sensu vivis ossa legere  
dixit idem Seneca in libro de Con-  
solat. *Adjice*, inquit, *incendio, ruinas,*  
*navfragia, lacerationes Medicorum ossa*  
*vivis legentium, & totas in viscera*  
*manus dimittentium*. Legere siquidem  
pro adimere, & auferre veteres dixi-  
se, non esse obscurum, si consider-  
emus eum dicendum esse sacrilegum,  
qui adimit, qui auferit res Deo rite  
consecratas. Horatius Serm. libro pri-  
mo, satyr. 3.

*Nunc vinces ratio, hoc tantundem ut*  
*peccet idemque*

*Qui teneros caules alieni frangeris hort.*

Et qui nocturnus Divum sacra legerit.  
Membrum abscindi mortuo dicebatur,  
inquit Festus, quum digitus ejus deci-  
debatur, ad quod servatum iusta ferebant  
reliquo corpore combusto. Et idcirco De-  
cemviros cum vetant homini mortuo  
ossa legi, per ossa membrum aliquod  
ex ossibus duobus, aut tribus constans,  
ut est digitus, existimavi intellexisse:  
illudque homini mortuo adimi vetuisse,  
ni is aut peregre, aut in bello mor-  
uus esset. Quum enim alicui digitus  
legitur, certe eidem adimuntur, sive  
leguntur ossa, quo post funus fiat, hoc  
est, ut Festus interpretatur, membrum  
adi-

adimitur ad quod servatum iusta fiant reliqua corpore combusto. Credo quia molestum esset ad eum locum amicos exequiarum causa evocare, ubi quis bello occubisset, vel ubi civis Romanus inter peregrinos mortem obisset. Ideoque homini huiusmodi mortuo permiserunt Decemviri ossa legi, quo post funus fiat, hoc est membrum aliquod adimi, ad quod servatum iusta Romæ fierent, reliquo corpore apud peregrinos combusto. Hæc præterea sunt in duodecim tabulis de unctura: **SERVILIS UNCTURA TOLLITOR, OMNISQUE CIRCUMPOTATIO.** Audio legem hanc sic exponi, pollinctores ne sint Decemviri prohibuerint. Profecto hi non recte mihi intellexisse visi sunt, quales olim dicerentur haberenturque pollinctores. Pollinctores dicebantur, non qui cadavera ungebant dumtaxat, sed etiam libitinariorum, quibus cadavera eluenda, commendanda, exornandaque locabantur servi, cap. 5. §. 1. de Inst. act. Eoque sensu pollinctores Plautus accepisse visus est in Pænulo:

*Carthaginienses fratres patruales duo  
Fuere, summo genere, & summis divitiis,  
Eorum alter vivis, alter est mortuus.  
Propterea apud vos dico confidentius,  
Qua mihi pollinctor dixit qui cum  
pollinuat.*

Proinde si hanc legem intelligo, quasi per illam ungi fervorum corpora Decemviri prohibuerint. Solitas etenim aliqui in funus mortui servi impensas fieri restatur Ulpianus cap. 13. §. 19. de Act. empt. Sustulerunt etiam omnem circumportationem servilem. Nam liberi homines quo minus coronati parentantes, quum supra tumulum dapes posuissent, circumportare potuerint, nulla lege mihi prohibitum fuisse videtur. His adde sumptuosam resperfusionem, longasque coronas, & acerras etiam

*Decemvires fuisse. Sumptuosam resperfusionem, murratam potionem Festus appellare visus est. Murrata, inquit, potione usus antiquus indicio est, quod etiam nunc Aediles per supplicationes Diis addunt ad pulveraria. & quod duodecim tabulis cavetur, ne mortuo indatur, ut ait Varro in Antiquitatum libro primo. Scribit etiam Plinius libro decimoquarto cap. 12. Numam legem huiusmodi tulisse: VINO ROGUM NE RESPERGITO. Sed quia illud Numam sanxisse propter rei inopiam non dubitavit Plinius, existimo vino dumtaxat murrato rogi respergi vetuisse Decemviros, eosque hanc Numæ legem in suas tabulas non retulisse. Murrinam Festus esse contendit genus potione, quod Græce *μύρρινα* dicitur: hanc mulieres vocabant murrinam, quidam murratum vinum, quidam id dici putant ex uvæ genere murrinæ nomine. Plinius vero eodem libro cap. 13. non inter vinæ modo, sed etiam inter dulcia vina, odore mirro, preciosisque aromatis coudia murrinam refert: & ait Scævola quoque, & Lelium, & Atejum Capitolem (legem forte Decemviralem de murrata potione interpretantes) in eadem sententia fuisse: quoniam in Plauti Pseud. sit. Quod si opus est ut dulce promat Indidem, ecquid habet? rogas? Murrinam, passum, destrutum, molli-*

nam. Permisit igitur Decemviri, excepto murrato, rogi omni vino respergi, quem Numa Pompilius rei inopie expresse prohibuerat aliquo vino respergi. Docet Apulejus in Apologia prima, quales olim funeri odores parari soleant: Nec tamen, inquit, idcirco omnia ad nequiores suspitionem trahuntur, *erfibus, & cassia, & myrram, ceterosque id genus odores funeri tantum emptas arbitris, qui & medicamento parentur,* & so-

*Et sacrificio.* Denique hujusmodi odoribus sentire omnino visus, est *Festus*, qui *accram* interpretatur *avam*, quae ante mortuum poni solebat, in qua odores incensebantur. Cæterum de longis coronis interpretes hic nihil adnotant, puto quia non satis, quales illæ fuerint, intellexerunt. Quidam ut audio, per coronas longas lemniscos intelligit, sed errat: tam enim rotundæ esse lemniscatæ possunt, quam coronæ longæ. Observavimus longis coronis busta, sepulchra, sellas curules, theatra, & currus triumphales exornari consuevisse: rotundis homines usos esse. Observabunt id mecum viri omnes literati, ex illo præclaro, quem *GOLTZIUS* tuus *Marce Laurine* propediem est editurus, *C. Julio Cæsare*, sive *Historiæ Imperatorum Cæsarumque Romanorum*, ex antiquis numismatibus relicturæ, libro primo. De longis coronis illud accipiendum puto, quod hunc in modum scripsit in *Octavio M. Minucius Felix*: *Sic reformidatis Deos quos negatis, non floribus caput nectitis, non corpus odoribus honestatis, reservatis unguenta funeribus, coronas etiam sepulchris denegatis pallidi, trepidi, misericordia digni, sed nostrorum Deorum.* Nunc exponemus, unde laudis ornamenta ad mortuos pertinere *Cicero* manifestum fecerit. Jam illa, inquit, significatio est, laudis ornamenta ad mortuos pertinere, quod coronam virtute partam, & ei qui peperisset, & ejus parenti sine fraude esse lex impositam jubet. Idque etiam adnotans iisdem fere verbis *Plinius* libro vigesimoprimo cap. 3. fuisse & aliam quoque legem testatus est, qua is arguebatur, ejusque pecunia, qui non virtute, sed pactione coronam acquisiverat. Quam legem, utpote vitiosissimam, & locum *Plinii*, qui etiam mendosus est sic restituo: *Semper tamen auctoritas, vel iudicio qua-*

*sitarum suis.* Namque ad certamina in circum per ludos, & ipsi descendeant, & servos suos quoque mitteant. Inde illa duodecim tabularum lex: QUI CORONAM PACIT IPSE PECUNIAQUE EJUS VIRTUTIS ERGO ARGUITOR. Quam servi, equive moriissent, pecunia partam lego dici nemo dubitavit. Quis ergo bonus? Ut ipsi mortuo, parentibusque ejus, dum intus positus esset, servus ferretur, sine fraude esset imposita. Hæc *Plinius* Unde intelligi perspicue potest, duas de *Circensibus* coronis in duodecim tabulis leges fuisse: unam, qua pecunia eas acquiri prohibuerunt *Decemviri*: alteram, qua coronæ virtute, non pecunia acquisitæ, commoditates honoresque describantur. Et proinde in hac lege recte pro *Qui coronam parit*, mihi reposuisse videor, *Qui coronam pacit*: præsertim quod hanc emendationem mirum in modum verba subsequencia confirmant. Quibus nimirum significatur, si coronam, quam servi equive meruissent, præcones *Edilium* jussu, domino ut victori imponerent, eam legem dici pecunia partam neminem dubitasse. Et ita legem de corona, quæ non virtute, sed pecunia est acquisita, loqui, testatur expresse *Plinius*. Aut igitur pro *paris* legendum est *paci*, aut certe pecunia *paris*: ut sit sensus, qui non virtute, sed pecunia coronam acquisivit, quia virtutis fraudem fecit, virtutis ergo, & ipsum, & ejus pecuniam arguendam esse. Id quod *Imp. Alexander* etiam observasse visus est, cum tribus civilium munerum æbleris iis vacationem non permisit, qui amulis corruptis; ac redemptis coronati dicebantur, cap. unico. C. de athletis. Eoque omnino spectare videntur hi versus *Plauti*, quos pronunciare in *Amphytrua*. prologo *Mercurius* fingitur:

*Hoc quoque etiam mihi in mandatis dedit,*

Ut

*Ut conquisitores fierent histrionibus:  
Qui sibi mandassent delegati ut plau-  
derent,*

*Quive, quo placeres alter, fecisset, minus:  
Ejus ornamenta, & corium uti con-  
siderent.*

Et hæc quidem mihi sufficere videntur ad emendationem, interpretationemque legis illius Decemviralis, quæ, qui pactione coronam acquisivit, arguitur. Altera porro lex, qua homini mortuo ejusque parentibus imponi coronæ honoris gratia permittuntur, non multum difficultatis continet, si consideremus moris apud antiquos fuisse, ut cadavera per dies septem domi servarentur, octavo die darentur rogo, & nono sepelirentur, auctore in Virgil. Servio. Quod quum ita sit, quis est qui non intelligat quid sibi Plinius voluerit, coronam sine fraude homini mortuo, cum intus positus esset, & quum foris ferretur, ejusque parentibus fuisse impostam scribens? Erat & alia lex in duodecim tabulis, quæ, quod erat olim fastidium, ut uni plura funera fierent, lætique plures sternerentur, id quoque ne fieret sancitum est: & fuisse in elege, NEVE AURUM ADDITO, testis est M. Cicero. Meminit etiam idem Cicero legis: cujusdam Decemviralis, qua cum denibus auro vinctis sine fraude mortuos uri, & sepeliri sinit liberum. Quæ quidem lex sic mihi restituenda videtur: QUOI AURO DENTES VINCTI ESUNT, AST IM CUM OLLO SEPELIRI, NEST FRAUDE ESTO. *Dua sunt præterea in duodecim tabulis leges, inquit Cicero, de sepulchris, quarum altera privatorum ædificiis, altera ipsi sepulchris caveret. Nam: quod rogi, bustumve novum vixit propius sexaginta pedes adici ades alienus invito domino incendium veretur acerbum: quod autem, forum, id est, vestibulum sepulchri, bustumve usucapi vixit, tueretur*

jus sepulchrorum. Hæc Cicero lib. 2. de Legibus.

## C A P U T XVI.

## De Mancipationibus.

**M**ANCIPIMUM pro dominio in jure civili positum omnes sentiunt. Indeque res omnes aut mancipi esse, aut nec mancipi dicuntur. Mancipi res sunt, auctore Boetio, quæ a nostro ad alterius dominium per nexum quandam solemnitate transire possunt: nec mancipi vero res illæ dicuntur, partim quidem quæ sui juris, & liberae sunt, partim vero quæ dominio semper non sunt subjectæ: & si res illas addideris quæ mancipio dari, aut accipi mancipio nequeunt, perfecta erit rerum nec mancipi definitio. Res mancipi solæ mancipari possunt: res nec mancipi, aut nuda traditione, aut si tradi non possint, cessione acquiruntur. Inter res mancipi prædia in Italico solo tam urbana quam rustica, eorumque jura, item servi, & quadrupedes, quæ collo dorsove domantur, velut boves, muli, equi, asini, ab Ulpiano in fragmentis referuntur: reliquæ autem res nec mancipi sunt. Et quamvis elephant, & cameli dorso colloque domari possint, eos tamen idcirco idem Ulpianus inter res mancipi negavit numerari, quod essent bestiarum numero. Opinor quia veteres mancipi res appellabant, res alterius dominio semper subjectas. Nam: servi, equi asini, nulli unquam fuere: qui proprium dominium non haberent: & proinde etiam si fugissent, si surrepti essent, aut abacti, semper alicujus erant in dominio. Verum cameli, & elephant, quia sui juris sunt, idcirco statim occupantis jure Quiritium fiunt, sine aliqua aut mancipa-

cipationis, aut in jure cessionis, vel ulucapionis auctoritate: sique alienati fuerint, nuda traditione eorum dominia acquiruntur. Sed quia eousque dumtaxat occupantis esse intelliguntur, donec ejus custodia coercentur, hinc factum etiam deinde videtur, ut camelis, & elephantis, licet collo dorsove domati essent, inter res tamen mancipi non referrentur. Non enim satis erat, mancipium quid fuisse, ut posset rerum mancipi numero comprehendī, verum etiam mancipium esse perpetuo debebat. Sane servus quam diu servus est, mancipium est: elephas vero mancipium diutius esse non potest, quam custoditur. Nam semel ubi custodiam evasit, & in pristinam libertatem sese recepit, mancipium esse definit. §. foræ. Inst. de rer. divis. Prædia in Italico solo mancipi esse tradidit Ulpianus. Nec quidem in solo provinciali prædia omnia nec mancipi fuerunt. Cives enim Romanos in provinciis tam prædia possedisse, & emancipasse, quam in Italico solo, scripsit Nepoti suo Plinius lib. 6. Epist. de candidatis differens, quos prædia in solo Italico comparare princeps cogebat, *Eosdem*, inquit Plinius, *patrimonii tertiam partem conferre jussit, in ea qua solo continerentur: deforme arbitratus, ut erat, honorem petitorios, urbem, Italianamque, non pro patria, sed pro hospitio, aut stabulo quasi peregrinantes habere.* Concurrant ergo candidati, certatim quicquid venale, audiunt, emptant, ut sint quoque plura venalia, efficiunt. Proinde si pœnitet te Italicorum prædiorum, hoc vendendi tempus, tam bercule quam in provinciis comparandi, dum idem candidati illic vendunt, ut hic emant. Hæc Plinius. Modestinus etiam scribit, cum qui officii causa in provincia agit, vel militat, prædia comparare in eadem provincia, non potuisse,

*præter quam si præsterna ejus a fisco distraberentur.* cap. 62. de contrah. emp. Ex quibus locis verissimum apparet, non in Italico dumtaxat solo, sed & in provinciis quoque jure mancipii cives Romanos prædia possedisse. Nec id quidem conjecturis tantum verisimilibus, sed expressis etiam M. Tullii verbis confirmari potest, qui de quibusdam Apolonidenisibus Pergamenisque prædiis hunc in modum pro L. Flacco disserit. *Illud quaero, sintne ista prædia censui censendo, habeant jus civile, sint nec ne mancipi?* Et certe ea fuisse videtur, quantum ex Siculo Flacco possum colligere, agrorum provincialium differentia, ut vel divisi & assignati, vel quæstorii, vel occupatorii, aut vectigales, id est, stipendiarii, vel denique tributarii dicerentur. Ut enim Romani omnium gentium potiti sunt, quos agros ex hoste captos in victorem populum partiti non sunt, eos limitibus actis, aut per quæstores populo Romano vendiderunt, aut civitatibus, certo vectigali imposito, quod stipendiarium dicitur, reddiderunt. Quod quum ita sit, non est igitur dubium, quin ager ille, quem a Romano cive civis Romanus emebat in provinciis, rerum mancipi numero sic contineretur, ut ejus dominium, non traditione nuda, sed per mancipationem, aut in jure cessionem dumtaxat transferretur. Cæterum agri vectigales, & stipendiarii, item tributarii, idem juris nec mancipi sunt, quia vectigales populi Romani, tributarii principis sunt proprietate, usu vero, & fructu provincialium, auctore Theophilo: & idcirco a possessoribus dari mancipio nequeunt. Et eo quidem visus est omnino Jabolenus replexisse, possessionem ab agro juris proprietate sic distinguens, ut quicquid apprehendimus, cujus proprietates ad nos non pertinet, nec pertinere po.



potest, id appellari possessio debeat. cap. 125. de Verbor. Significat. Quo sensu possessiones etiam Festus agros definitivos late patentes, qui non mancipio sed usu tenebantur, quos ut quisque occupaverat, colebat. Est autem mancipatio, auctore Ulpiano, propria species alienationis rerum mancipi, eaque sit certis verbis, libripende, & quinque testibus praesentibus, hunc videlicet in modum: Is qui rem mancipio accipit, res tenens ita dicit: Hunc ego hominem ex jure Quiritium meum esse aio, isque mihi emptus est hoc aere, anaeque libra, deinde aere percutit libram. Fuisse enim in veteribus mancipiis scriptum, Raudusculo libram seriso, Varro testatur lib. 4. & 5. de Ling. Lat. Illudque in mancipando etiam dici solitum, Festus observavit. Quum autem libra raudusculo esset percussa, tunc is qui rem mancipio capiebat, ac ei dabat, a quo rem accipiebat mancipio, auctore Boetio: qui etiam mancipationem hanc lege 12. tabularum, sic esse introductam contendit, ut mancipi res aliquas eadem lege ab alienari potuisse, nisi per hanc solemnitatem expresse negaverit. Proinde si a Romano civis civis Romanus servum amisset, isque traditus esset, nequo tamen mancipatus, nec in jure cessus, aut anno possessus, servum quidem in bonis emptoris esse, ex jure Quiritium vero tandem remanere venditoris: testatur Ulpianus in fragmentis titulo primo. Sic nimirum ut ulu, & fructu servus emptoris esset, mancipio vero, & nexu venditoris. Quo respexisse visus est etiam M. Cicero, quum ita lib. 7. Epist. Famil. scriberet: Cujus quando proprium te esse scribis mancipio, & nexu, meum autem usu, & fructu, contentus isto sum. Huc quoque spectat illud Arnobii adversus Gentes lib. 2. Usu & illis est vita, non mancipio tradita, quamvis aliter quidam inserant. Esse

Tom. I.

enim duplex dominium Theophilus ait, unum naturale, alterum legitimum: & is qui naturale duntaxat dominium habebat, rem in bonis habere, qui vero legitimum, jure Quiritium dominus esse dicebatur. Et eo quidem spectare Decemviri videntur, quum venditas res, & traditas aliter emptori non acquiri, in duodecim tabulis scripserunt, quam si is venditori pretium solvisset, aut ei satis alio modo fecisset. §. venditaz. Instit. de rer. divis. Quia enim ex his quae de mancipatione hic adnotata sunt, liquido constat, statim ubi res empta mancipio data esset, emptorem ejus legitimum dominium jure Quiritium adeptum fuisse, etiamsi pretium non vere, sed dicit duntaxat gratia intervenisset, ideo si non Justinianum, saltem legem quam allegat Decemviralem, ejusque interpretes sic esse intelligendos puto, ut contenderint rem venditam aliter emptoris facere venditorem non cogendum, quam si ab emptore venditori satis esset abunde factum. cap. 19. de contrah. empt. cap. 5. §. 8. de tribut. act. Tunc enim erat satis emptori a venditore rem tradi, sed etiam emptoris eam facere, hoc est, rem emptori mancipio dare, aut ea in jure cedere venditor lege 12. tab. cogebatur. Quia enim, ut est expositum, qui rem vendiderat, & tradiderat, neque mancipio dederat, nec ea in jure emptori cesserat, ejus jure Quiritium dominus manebat, eadem interim in bonis emptoris usu, & fructu existente: idcirco emptor rem emptam possidere solebat mancipio: hoc est, rem non solum tradi, verumetiam suam legitime fieri possulare: siquidem nuda traditione ante Justiniani constitutionem rerum mancipi dominia non transferbantur. Huc spectat Plauti illud in Mostel. Jube ades mancipio poscer. Quamvis

E

into-

interim mancipi res ita etiam potuerit alienari, ut eam mancipio dare, aut in jure cedere venditor non cogeretur: nimirum cum hic inter contrahentes actum esset. Plaut. in Pers.

*Prius dico hanc mancipio nemo tibi dabit: jam scis?*

D. Scio.

Et tunc quidem plerumque solet, aut dupla, aut simpla promitti, si Varroni credimus, lib. 2. de re rust. *Solet*, inquit Varro, *si mancipio non datur, dupla promitti, aut, si ita passi, simpla.* Hinc forte simplaria venditio, de qua suo loco latius. Illud etiam tunc observabatur, ut ejusdem rei venditor, & emptor in solidum essent domini: sed hic quidem bonitarius, ille vero quiritarius. Eoque spectare videntur, titulus, & Imp. Just. constitutio, *De nudo jure Quiritium tollendo.* Qui quidem Justinianus, cum etiam rerum mancipi, & nec mancipi differentiam abolivisset, mancipationem visus est omnem ita sustulisse, ut amplius rem emptoris facere, hoc est, rem mancipio dare venditor non cogeretur, sed tamen nuda traditione legitima rerum mancipi dominia, quam rerum nec mancipi acquirerentur. Qua sola ratione factum deinde videtur, ut nulla hujusce Quiritium juris, veterisque rerum mancipi, & nec mancipi differentia, in nostris Pandectis supersint vestigia. Et ubique nexu tradere, aut mancipio dare legebatur, ibi dare, tradere, aut prestare visus est Tribonianus reposuisse: ne videlicet animi juvenum, qui ad primam legum veniens audientiam, juris Quiritium mancipi, quae verbis perterriti, inutiles, si Dilectis placet legis antiqua, hoc est, Decemviralis dispositiones accipiant, auctore Justiniano cap. unic. de nudo jur. Quirit. toll. Et ita quidem mancipatione dominia rerum acquirebantur. Ceterum

in jure cesso, communis erat alienatio, inquit Ulpianus, & rerum mancipi, & nec mancipi, quae fiebat per tres personas, in jure cedentis, vindicantis, addicentis. In jure cedebat dominus, vindicabat is cui cedebatur, addicebat Praetor. Nec sane cessione duntaxat, sed etiam nuda traditione res nec mancipi acquirebantur, auctore eodem Ulpiano: *traditione quidem res mobiles, cujus generis sunt apri, ursi, leones, cervi, & alia id genus animalia, quae bestiarum numero sunt: cessione vero res immobiles, quales sunt possessiones praediorum, vestigialium, aut tributiarum:* Quia enim hujusmodi praedia in bonis duntaxat sunt possessorum, proprietate vero populi Romani, aut Principis: & quia nihil aliud mancipium est, quam proprietas, sive dominium legitimum, certe nulla mancipatione a possessoribus potuerunt alienari. Sed quandoquidem usu, & fructu eadem praedia possessorum essent usum, & fructum non mancipatione, sed cessione recte alienabant: sic nimirum ut illo eodem jure, quo in hujusmodi praediis utebantur, alteri recte apud provinciae Praesidem in provinciis possessores cederent: proprietate interim manente penes populum aut Principem semper salva. Quod autem Varro scribit lib. 2. de re rustica: *cessionem legitimam dominium in emptoribus perficere, si quidem ei in jure cesso, cui cedere potuit, & id ubi oportuit, sane eleganter illud explicat Boetius in Top. Cicer. Fiebat, inquit, cesso tali modo: Apud magistratum populi Romani, vel apud Praetorem, vel apud Praesidem provinciae, id cui in jure re aliqua cedebatur, rem tenens ita vindicabat: Hunc ego hominem ex jure Quiritium meum esse ajo: Deinde postquam hic vindicasset, Praetor cum interrogabas qui cedebat, an contra vindicaret: quo negante, aut sacente, donec*

*utne ei qui vindicaretur, eam rem ad-  
dicbas, idque legis actio dicebatur.*  
Unde illud imprimis observatione non  
indignum videtur, legis videlicet actio-  
nem veteres tam ad imaginariam, quam  
ad veram rei vindicationem retulisse.  
Nam qui lege in rem aliquam age-  
bat, is hac uti eadem formula solet.  
Et idcirco magistratum apud quem  
legis actio est, cuius Modestinus, &  
Ulpianus meminerunt, cap. 4. de adopti-  
cap. 3. de offic. Proconsul. cap. 1. de offic.  
Jurid. eum recte interpretabimur, apud  
quem non solum legitimis actionibus  
liberum cuiusvis erat experiri, filium  
emancipare, aut adoptare, sed vindi-  
canti etiam suo jure cedere. Nunc vi-  
dendum est, quid a nexu mancipatio  
differat. *Nexus*, inquit Festus, *est  
quodcumque per as, & libram geritur,  
idque necesse dicitur: quo in genere sunt  
testamentum factio, nexi datio, nexi lib-  
ratio.* Manilius autem, teste Varro-  
ne libro sexto de Lingua Latina, *nexum  
est etiam scribit, omne quod per libram,  
& as geritur, sed ita ut in eo sint res  
mancipi.* Denique *Mutius Scevola*, ut  
ait idem Varro, *nexus appellatione exi-  
ssimavis contineri, que per as, & li-  
bram sunt ut obligentur, praterquam  
que mancipio dantur.* Igitur ex *Scevo-  
la* sententia differre a mancipatione in  
hoc videtur nexus, quod res mancipi  
nexu obligentur, non autem mancipio  
detur: hoc est, mancipatione non alie-  
nentur. Et hoc quidem tunc verum  
esse non dubito, quam ut species nex-  
us accipitur. *Testis est enim Aelius  
Gallus*, omne quod per as, & libram  
geritur, genere quodam nexum appellari.  
Et idcirco si illud in suas species di-  
stribueris exemplo adoptionis, recte  
dices nexus; hoc est, omne quod per  
as, & libram geritur, in quandam nex-  
um specialem, & in mancipationem  
discedere. Itaque genere quodam omnis

mancipatio nexus est. Quo sensu rem  
illam que mancipio datur, nexu tradi,  
dixit in Topicis Cicero. *Abalienatio*,  
inquit, *est ejus rei que mancipi est,  
aut traditio alteri nexu, aut in jure  
cessio, inter quos ea jure civili facti pos-  
sunt.* Rursus specialiter, mancipatio  
nexus non est, auctore *Scevola*: cum  
enim nexum, ut speciem sumimus,  
tunc omne quod per as, & libram ge-  
ritur, praterquam quod mancipio da-  
tur, nexus appellatione continetur.  
*Testamenta per as, & libram nexu  
sunt, non mancipatione.* Pignora di-  
cuntur necesse, non mancipari. cap. 22.  
§. 1. de jure fisci. Quod igitur per as,  
& libram alienatur, mancipari, &  
quod eodem modo obligatur, necesse  
proprie, & specialiter dicitur, cap. fin.  
C. Si aliena res pig. Ceterum effectus  
mancipationis is fuisse videtur, ut ubi  
res mancipi mancipio data esset, jure  
Quiritium ejus qui eam mancipio ac-  
ceperat, ita efficeretur, ut ille vero  
domino rem suam vindicanti, non res-  
tituere, sed laudare duntaxat auctorem  
suum cogereetur. Idque pro *Murena*  
expresse testatus est Cicero. Quo spe-  
ctat *Plauti* illud in *Mercat.*

*Non ego illam mancipio accepi, sed  
ille illam accepit, v. Sine.*

*cu. Non potes tu lego vendere illam.*  
Loquitur adolescens *Charinus* de puel-  
la, quam cum matri se emisse *Demio-  
phoni* patri adolescens persuasisset, eam  
pater alienare simulavit se velle: id  
ne fieret, fingit adolescens non se,  
sed amicum quandam eam mancipio  
accepisse, proindeque nec sibi nec pa-  
tri integrum esse eam alienare. Qui-  
bus addenda sunt quæ in *Curcul.* lic  
idem *Plautus* scribit.

*Memento promississe te, si quisquam  
hanc liberali*

*Causa manus adstreret, mihi omne  
argentum redditum iri:*

*Triginta minas. CA. Meminero, de isthoc quietus esto.*

*Et nunc idem dico. LY. Et commeminisse hæc ego volam te.*

*CA. Memini, & mancipio tibi dabo.*

*CUR. Egon' ut ab leone quicquam. Mancipio accipiam: quibus suum nihil est, nisi una lingua:*

*Qui abjurant si quid creditum est? alienos mancupatis.*

*Sicenos manumissitis, alienisque imperatis:*

*Nec vobis auctor ullus est, nec vosmet ipsis ulli.*

Et hæc quidem sic olim observabatur, si res quæ erat mancipata ejus esset conditionis, ut dari mancipio posset, & ab eo daretur, a quo dari mancipio poterat. Nam si id datum mancipio esset, quod dari non poterat, aut is rem aliquam mancipio dedisset, qui mancipio dare jure civili non potuit, nulla erat ipso jure hujusmodi mancipatio. Testis est enim lib. 2. de re rust. M. Varro, tunc demum mancipationem in emptionibus dominium perficere legitimum, cum quis ut debuit rem mancipio ab eo accepit, a quo jure civili accipere potuit, cumque, ut ait in Topic. Cicero, res ea mancipio datur, quæ dari mancipio potest. Finge, inquit Cicero, mancipio aliquem dedisse id, quod mancipio dari non potest, num ideo id ejus factum est, qui accepit? aut num is qui mancipio dedit, ob eam rem se ulla re obligavit? Quem locum Boetius sic interpretari videtur, ut contendat Ciceronem de rebus nec mancipi mancipatis loqui, & ideo hujusmodi mancipationem esse invalidam, quia omne quod non jure contractum est, nihil retinet firmitatis. Nunc his ita de mancipationibus, de nexu, deque rebus mancipi, & nec mancipi obiter expositis, videndum est quid sibi voluerint Decemviri cum ita scribe-

rent: QUI NEXUM FACIET MANCIPIMUMQUE UTI LINGUA NUNCUPASSIT, ITA JUS ESTO: UTI NOMINASSIT LOCUTUSVE ESIT, ITA JUS ESTO. Sic legem hanc apud Festum lib. 12. de verb. sign. restituo. Etenim nuncupatio, nominatio, esto, & alia id genus verba, veteribus admodum familiaria sunt, quemadmodum ex Plauto, Festo & Varrone quivis potest animadvertere. Testatur Cicero de Orat. lib. 1. in duodecim tabulis expresse scriptum fuisse, uti lingua nuncupasset. Et quia idem Cicero lib. 3. Offic. duodecim tabulis cavere etiam scribit, ut ea præstentur quæ lingua nuncupata sunt, ideo non dubitavi, quin ex duodecim tabulis lex ista desumpta fuerit. Quæ quidem lege nihil aliud visum fuit Decemviri voluisse, quam ea duntaxat quæ in nexu aut mancipatione expressa sunt, præstari: ea vero quæ lingua nuncupata non sunt, non præstari. Videntur etiam hæc verba, nexum mancipiūque, licet conjuncta sint, pro disjunctis tamen Decemviri posuisse: sicut illa, agnatorum gentiliumque, siquidem ut est declaratum, nexus & mancipatio, non nihil inter se differunt. Decemviri ea præstari quæ lingua essent in mancipando nuncupata duntaxat voluerunt: Jurisconsulti etiam retenticiæ pœnam introduxerunt, ut auctor est eodem in loco Cicero. Nam cum, inquit, ex duodecim tabulis satis esset ea præstari, quæ essus lingua nuncupata, quæ inficiatus esset dupli pœnam subiret, a Jurisconsultis etiam retenticiæ pœna est constituta: quicquid enim inest prædii vitiis, id statuerunt, si venditor sciret, nisi nominatim dictum esset præstari oportere. Nec id absurdum adeo, si verum est quod Pomponius scribit: perlati nimirum legibus Decemviralibus, quia naturaliter eveniebat, ut carum inter-

pretat,

*pretatio desideraret prudentum auctoritatem, necessariam fuisse fori disputationem, qua: jus quoddam a prudentibus componeretur, quod communi nomine appellatur jus civile, cap. 2. §. His legibus latis. de orig. jur. Et in hoc quidem jure componendo haec mihi prudentes rationem secuti videntur, ut partim leges interpretarentur, partim quae legibus deesse videbantur, ea supplerent. Interpretabantur, si quid ob servari non legum verba, sed earum sententia omnino suaderet: ut contingit in legitima patronorum tutela. Suppleverunt etiam a Jurisconsultis, quae duodecim tabulis deesse videbantur, obscurum non est, si consideremus, jus quod ab iis compositum fuit, appellari jus non scriptum consuevisse, hoc est, jus duodecim tab. non comprehensum. *Omne enim jus aut scriptum hoc est inclusum duodecim tabulis, aut non scriptum, hoc est, iisdem tabulis prudentum auctoritate adjectum tunc appellabatur, cum legibus perlatis Decemviralibus esse necessaria fori disputatione capisset. Quo tempore juris non scripti fuisse videntur, usucapio servitutum, usucapio libertatis, usucapio hereditatis, tutela foeminarum, tutela fiduciaria, prohibita inter vium & uxorem donationes, prohibita mulierum intercessiones, reticentiae poenae, & id genus alia, de quibus in libro singulari De Auctoritat. Prudentum, favente Deo, differemus. Et ita quidem scripto jure, quae lingua fuerant nuncuata in mancipando, ea duntaxat praetabantur: jure vero non scripto, etiam reticentiae poenae sunt constitutae. Haec haecenus de mancipationibus. De conventionibus autem legitimis nihil hic tractabitur, certe quia de iis Variorum lib. 2. accurate differuimus, legem illam Decemviralem interpretantes, cujus auctor ad Herennium**

lib. 2. meminit. Nunc de usucapionibus videamus:

## CAPUT XVII.

## De Usucapionibus.

**Q**Uis possidet, vel a domino possidet, vel a non domino. Qui a domino possidet, jure gentium & civili dominus esse potest: potest etiam jure gentium dominus esse & non civili, rursus, jure civili, & non jure gentium. Qui rem mancipio accepit, is tam civili quam gentium jure dominus est: qui rem in bonis habet, jure gentium. non civili, qui dominus rei quiritarius est, jure civili non gentium rem possidet. Qui autem a non domino possidet, nec jure gentium dominus est, nec jure civili: sed usum rei, sive possessionem illius nudam habet ad certum tempus sine dominio: quo tempore finito, nuda possessioni dominium adicitur. Et ita qui nec gentium, nec civili jure dominus erat, tempore legisque beneficio tam rei possessa dominus efficitur, quam si mancipio, aut cessione eam acquisivisset. Quod cum ita sit, nunc intelligimus quid sibi voluerit pro Cecinna Cicero, cum ita scriberet: *Lex usum, auctoritatem fundi jubet esse biennium.* Et in *Top. Quoniam usus auctoritas fundi biennium est, sit etiam ad idem.* Sensus enim est: *Lex voluit usum esse fundi auctoritatem: quamdiu? biennium: hoc est, fundi auctoritatem non diutius biennio ex nudo usa & sola possessione constare: siquidem finito biennio, eadem lex possessioni voluit adici dominum.* Certum autem est, qui quid mihi vendit, eum auctorem meum dici, cap. 14. in fin. de Public. in rem act.

cap. 4.

cap. 4. §. 1. cap. 6. §. 4. cap. 52. §. 3. de act. empt. & ob id, jus quod idem venditor in me transfert, auctoritatis nomine etiam contineri, cap. fin. de pignor. act. Et, quia plus juris in emptorem transferre, quam ipse habet, venditor non potest, ideo fieri etiam potuit, ut interdum auctoritas fundi, ex nudo soloque usu constaret: quod tunc accidere solet cum a non domino res emitur. Igitur ne quarundam rerum diu & fere semper incerta dominia essent, voluerunt Decemviri certo quodam tempore usum esse earum auctoritatem: hoc est, earum auctoritatem ex nuda possessione certo quodam tempore constare, eoque finito auctoritati ex nudo usu constanti dominium adici. Proinde recte mihi Modestinus visus est *usucapionem*, non *adoptionem* cum Ulpiano, sed *adjectionem dominii* definivisse, c. 3. de usurpat. Est enim usucapio modus legitimus, quo per continuationem possessionis possessioni nudæ dominium adicitur: adjectoque dominio, quia auctoritas usufructuarii beneficio legis habetur rata, ideo non amplius auctoritas duntaxat, sed rata auctoritas usus appellatur. Quamobrem errare mihi plurimum visi sunt, tam qui apud Ciceronem, pro *biennium* biennil, quam qui biennis legunt, loco biennil. Voluerunt igitur Decemviri usum esse auctoritatem, fundi quidem biennium, rerum vero mobilium, annum, adversus hostem & rerum furtivarum æternam. De lege Atinia hic nihil dicam. De quinque pedum usucapione, scribemus alio loco.

## CAPUT XVIII

## De Testamentis.

DECENVIRALIS lex testamentaria nullam habet obscuram sententiam: siquidem ejus hæc verba sunt: PATERFAMILIAS, UTI LEGASSIT SUPER PECUNIA, TUTELAVE RE SUÆ ITA JUS ESTO: auctore Cicerone de Invet. lib. 2. Cornificio Rhetoric. lib. 1. & Ulpiano in fragmentis tit. 11. Permiserunt enim Decemviri *patrifamilias*, hoc est Romano civi qui in potestate non est, liberam testandi facultatem. Legere autem Decemviris idem esse, quod Jureconsultis *testari*, alio loco diximus. Porro latissimam hanc testandi potestatem interpretatione coarctatam esse vel legum, vel auctoritate jura constituentium, auctor est Pomponius, cap. 120. de verbor. sign. Hinc originem habent leges tot testamentariz, Falcidia, Furia, Voconia, Velleja, Cornelia, Caninia, Sentia, Papia, Glicia. Hinc regula Catoniana, hinc Aquiliana formula. Adderem varia testamentorum genera, sed quæ ab aliis recte tractata sunt, hic repetere non est necesse. Ut interim non omittamus, actionem familiæ erciscundæ ex duodecim tabulis descendere, cap. 1. famil. ercisc. Et nomina ipso jure in *portiones hereditarias* ex eadem 12. tabul. lege esse *divisa*; Gordianus Imperator scripsit, capit. sexto, C. famil. erciscund. quod quidem rescriptum qua ratione accipiendum sit, commodiore loco demonstrabimus.

## CAPUT XIX.

*De Successionibus ab intestato.*

**E**UNDEM secuti in successionibus Decemviri, & Prætores ordinem sunt. Quemadmodum enim illi ante de judiciis testantium, deinde vero de successione ab intestato tractarunt: sic, & hi posteaquam de bonorum possessione ejus qui testatus est, edixissent, transitum ad intestatos fecerunt, cap. 1. Si tab. test. Et sunt quidem intestati gradus parim legitimi, parim honorarii, sic nimirum, ut primum vocentur sui hæredes, secundo legitimi, tertio cognati, quarto, vir & uxor, c. 1. Quis ord. in bon. poss. Sui hæredes vocantur lege 12. tab. sola: legitimi vero etiam aliis legibus, & Senatufconsultis, cognati denique, sicut etiam vir, & uxor, sine legis cujusquam subsidio, ad possessionem bonorum jure honorario admittuntur. Hinc titulos hujusmodi, unde liberi, unde legitimi, unde cognati, unde vir & uxor, ita interpretari soleo, quasi per eos proponatur, si nullæ existent testamenti tabulæ; unde liberi, unde legitimi, unde cognati; unde vir & uxor ad bonorum possessionem admittantur. Nunc de successionibus quæ ex lege duodecim tabularum ab intestato competunt, hic tractabimus, de aliis suo loco disputaturi. Et quidem mortuo patrefamilias intestato suos hæredes ad successionem vocant Decemviri, iisque non extantibus agnatis, his verbis: SI INTESTATUS MORITUR, CUI SUUS HÆRES NEC EXTABIT AGNATUS PROXIMUS FAMILIAM HABETO, auctore in fragmentis Ulpiano, tit. 26. Decemviri intestatum appeant, aut

qui nullum, aut qui non jure testamentum condidit: IC. vero etiam eum cujus ex testamento hæreditas adita non est. cap. 64. de verb. sig. Et hoc inde potissimum, quod hæredes, quos suos dicebant, eosdem Decemviri necessarios esse volverint: siquidem illi sive vellent, sive nollent, tam ab intestato, quam ex testamento hæredes lege 12. tab. fiebant. §. necessarii. Instit. de hæred. qual. & diff. Passi quoque non sunt Decemviri, femini sexus necessitudinem ad intestati successionem admitti: adeo ut ne quidem inter matrem & filium filiamve ultro citroque hæreditatis capiendæ jubdarent. §. 1. Instit. de sc. Tertull. Sed hæc juris angustia postea emendata fuit. Porro Julianus legem 12. tab. etiam eum vocare ad hereditatem auctor est, qui moriente eo de ejus bonis quaeritur, in rerum natura fuit. cap. 6. de suis & legit. Quod sane verissimum mihi videtur, si non ob aliud, certe quia lex suos ad intestati hæreditatem primo gradu vocans, quinam sui discederent non exposuit. Et ideo suos deinde sic interpretati videntur Jureconsulti, ut eorum nomine tam postumos legem intellixisse, quam filios familias conderint. Nam postumos prudentes juris, alios quidem suos appellasse, alios vero alienos, manifestius est, quam ut probationibus opus habeat. Nec quidem satis erat, quem suum dici, ad hoc ut posset ad intestati hereditatem admitti, verum necessum etiam fuit, ut eo nullus gradu esset proximior. Quemadmodum enim suis deficientibus ad agnatos proximiores, ita iis extantibus ad suos proximiores hæreditas pertinet. c. 1. §. 5. & 6. de suis, & legit. Igitur mortuo filio, proximum gradum obtinet nepos, nepote mortuo, pronepos, & ita deinceps. Cæterum si proponamus, ex defuncto, qui duos filios ha-

bue-

buerat, superesse filium, & ex altero filios nepotes item duos pluresve, videamus an pariter nepotes cum patruo ad avitam hereditatem admitti debeant, Et debere quidem Cujus, Ulpianus, Justinianusque testantur, negantque patrum, qui gradu proximior est, ultiores. quales hi nepotes sunt, excludere. Et idcirco conveniens esse ajunt, non in capita, sed in stirpes hereditatem sic dividi, ut filius partem dimidiam hereditatis habeat, & ex altero filio duo pluresve nepotes alteram dimidiam. §. cum filius. Inst. de hered. quæ ab intest. def. lib. post. inst. Cui tit. 9. & apud Ulp. in frag. tit. 26. Idque etiam leg. 1. 2. tab. evidenter caveri, Imp. Diocletianus, & Maximianus auctores sunt, cap. 3. C. de suis & legit. Atque hujus quidem juris non est obscura aut admodum absurda ratio, si consideremus patres familias mortuo in stirpes sive diversas familias ejus domum discedere. Adeo quidem, ut quod filii fuerant familias, totidem confestim patres familias efficiantur, qui singuli singulas & separatas familias, sive stirpes constituunt. Si igitur patres familias mortuo tres superuerint filii, in stirpes tres familia paterna dividetur: & quia non plura quam tria capita sunt, idcirco non in stirpes solum, sed in capita æcific familia dicitur. Verum si duo superfint duntaxat filii familias, & ex tertio nepotes duo pluresve, hic non in capita, sed in stirpes ideo fieri divisio debet, quia plura sunt capita quam stirpes: & in plura capita quam sunt stirpes familias hujusmodi discedere, ne natura quidem æquum est. Et quamvis filii nepotibus in paterna successione proximiores esse natura videantur, tamen consideratione quadam stirpium civili proximiores non sunt, & ideo nepotibus non præferuntur. Si

non ob aliud, certe quod mortuus non esse tertius ille filius familias præsumatur, cujus supersunt filii: qui omnes eandem, stirpis consideratione, quam pater sustinuerat, simul induisse personam in avita successione finguntur. Et hæc quidem hæc hactenus de primo legitimorum hæredum ordine. De altero, eorum nempe qui agnati dicuntur, illud dicendum restat, videlicet agnatorum appellatione consanguineos quoque in hac lege contineri. Admonuimus enim aliquando, ab agnatis consanguineis separasse Jureconsultos, quos Decemviri agnatorum nomine complexi sunt. Quinam autem agnati sui dicerentur, & quis filius dicitur agnatus patri, in eo capite exposuimus, quod de veris agnationum cognationumque differentis lib. 5. Variorum intervimus. Itaque si nemo suus effect hæres, lege Decemvirali ad agnatum proximum hereditas intestati devolvebatur, auctore Justiniano, & in frag. Ulpian. tit. 26. hoc est, ad consanguineum, is enim agnatis reliquis gradu proximior est: sique consanguineus non existeret, ad agnatum post consanguineos proximum. Et tunc quidem si plures essent agnati proximiores, non in stirpes, sed in capita hereditas dividi solet. Veluti, si sit fratris filius, & alterius fratris duo pluresve liberi, quotquot sunt ab utraque parte personæ tot sunt portiones, ut singuli singulas capiant. d. tit. 26. Ideo in capita hereditas hic dividitur, quia quot sunt capita, tot sunt agnati diversi: & quot sunt agnati proximi, tot fieri in hujusmodi hereditatibus portiones solent. Ideo non in stirpes, quia fratris filii in patrii successione patris sui personam non induunt, quod in avita successione nepotes faciunt, cum hereditas in stirpes scinditur. Tuac enim quot si-

lii-fa-



liisfamilias, hoc est, quot diversæ stirpes sint quæritur, quemadmodum in agnatorum hæreditatibus, quot agnati proximi, id est, quod capita. De libertis autem ecquid in duodecim tabulis fuerit, Ulpian. exposuit tit. 27. *Ita demum*; inquit, *lex duodecim tabularum ad hæreditatem liberti vocat patronum, si intestatus mortuus esset libertus, hærede suo nullo relicto*. Idque etiam alio loco idem Ulpianus testatur est c. 3. de suis, & legit. Denique ad liberos patronorum hæreditas defuncti liberti ita pertinebat, ut in capita, non in stirpes ea divideretur, auctore eodem Ulpiano d. titul. 27.

## CAPUT XX.

## De Connubio Patrum.

**I**N duodecim tabulis scriptum fuisse, *ne patricius cum plebeis connubium esset*, non Dionysius solum lib. 11. sed Livius etiam testatus est libro 4. Auctor est idem Livius, anno ab urbe condita 309. M. Genutio, & P. Curatio, vel (ut alii malunt) C. Curtio COSS. de connubio patrum, & plebis C. Canulejum Tribunum plebis rogationem promulgasse, qua contaminari sanguinem suum patres, confundique jura gentium rebantur. Et refert quidem in eadem oratione Canulejus *ne connubium patribus cum plebe esset, hoc ipsum Decemviro tulisse, pessimo exemplo publico, cum summa injuria plebis, nullamque esse majorem, aut insigniorem contumeliam posse, quam partem civitatis velut contaminatam, indignam connubio haberi, idque nihil esse aliud quam exilium intra eadem mœnia, quam relegationem pati*. Sane idem Livius ideo *Decemviros hujusmodi connubium non permisisse ait, ne in-*

Tom. I.

*certa prole auspiciis, quæ nemo plebejus habere poterat, subarentur*. Et quia plebes ad id maxime indignatione exarsit, quod auspiciari: tanquam invisâ Diis immortalibus, negaretur posse, certe non ante finis contentio una fuit, quam victi tandem patres, ut de connubio ferretur concessissent. Et tunc quidem lex ista Decemviralis repudiata sublataque fuit rogatione Tribunitia.

## CAPUT XXI.

## De Divoritiis.

**C**UM res Romana, regnante Romulo, adeo esset valida, ut ea cuilibet civitatum finitimarum par esse videretur, sed penuria mulierum hominis duntaxat ætatem duratura: tunc ex consilio patrum Romulus legatos circa vicinas gentes misit, qui societatem connubiumque novo populo peterent. Et cum nusquam benigne legatio audita esset, ad vim spectare res cœpit: cui tempus locumque aptum ut daret Romulus, ægritudinem animi dissimulans, ludos ex industria parat Neptuno equestri solemnes: Consualia vocat. Indici deinde finitimis spectaculum juber. Ubi spectaculi tempus venit, tum ex composito orta vis: signoque dato juvenus Romana ad rapiendas jure matrimonii virgines discurrit. Idque testatus est non Livius solum, sed etiam Tertullianus in lib. adversus Valentinos, *Tunc, inquit, illi Sabinas raptas jure matrimonii plaudunt*. Et quia feliciter raptus Sabinarum Romulo successerat, ideo ab eodem Rege fuisse arbitror institutum, ut non vero, sed simulato quodam raptu omnis legitimi connubii ritus perageretur. Quo quidem tempore ea

F. fuisse.

fuisse videtur matrimonii contrahendi ratio, ut usu quisque virginem ex gremio matris, aut ex proxima necessitudine vi simulata raptam, non aliter suam faceret, quam Romana pubes Sabinas olim virgines suas usu fecerunt. Idque omnino mihi visus est voluisse Festus, cum ita scriberet: *Rapi simulatur virgo ex gremio matris, aut si ea non est ex proxima necessitudine, cum ad virum trahitur, quod videlicet ea res feliciter Romulo cessit.* Rapiundæ autem vi simulata virginis, quinam olim ritus fuerit, eleganter Apulejus exposuit lib. 4. de Alino aureo his verbis: *Tunc me gremio suo mater infelix tolerans, mundo nuptiali decenter ornabat mellitisque saviis crebriter ingessis, jam spe futura liberarum votis anxius, propagabat, cum irruptionis subita gladiatorum impetus ad belli faciem savient, nudis & incertis mucronibus coruscans, non cadi, non rapinae manus offerunt, sed denso conglobatoque cuneo cubiculum nostrum invadunt: protinus, nec ullo de familiaribus nostris repugnante: ac ne tantillum quidem resistente, me miseram, exanimem, sevo pavore strepidam, de medio matris gremio rapuerunt.* Et id quidem illud esse omnino videtur, quod hunc in modum in libro de Spectaculis Tertullianus scribit: *De hinc Equiria Marti Romulus dixit: quanquam, & Consulibus Romulo defendunt, quod ea Conso dicaveris Deo, ut volent, constiti, ejus scilicet, quo tunc Sabinarum virginum rapinam militibus suis in matrimonio exegitavit. Probum plane consilium, & nunc quoque apud ipsos Romanos justum, & licitum, ne dixerim penes Deum.* Hæc ille. Ecquid autem hæc verba: *Es nunc quoque apud ipsos Romanos justum, & licitum,* aliud significat quæso, quam in locum veri raptus apud Romanos simulatum quendam raptum in nuptiis surrogatum

fuisse? Proinde usu olim uxorem in hunc modum acquiri solitam, eamque antiquissimam fuisse connubii legitimi rationem dubium non est. Fuit etiam alia contrahendi matrimonii ratio, quæ ut in Top. scribit Boetius, *confarreatio* dicebatur, & *solis Pontificibus conveniebat*, hoc est, ut ego interpretor, per solos Pontifices peragebatur. Qualis autem confarreatio hujusmodi fuerit, evidenter in fragmentis exposuit Ulpian. tit. 9. *Farre, inquit, convenitur in manum certis verbis, & testibus decem præsentibus, & solemnibus sacrificiis facta, in quo panis quoque farreus adhibetur.* Et quia *Deos sine colore, molaque falsa supplicare, & far torrere.* Numas primus apud Romanos instituit, auctore Plinio lib. 18. cap. 2. ideo certissimum est, hanc confarreationem a Romulo institutam non esse. Quid igitur si Numa ejus esse auctorem dicamus? Subsisso, nec quicquam definitio, quamvis Dionysius lib. 2. referat, Romanos præfatos sacras nuptias confarreationem appellasse. Illud interrim certissimum est, ante coemptionem in usu confarreationem fuisse. Idque obscure satis Cicero demonstrat, in ea quam pro Murena scripsit oratione, Jurisconsultos stomachosius, quam virum constantem deceat exagitant. Ait enim *sacra intirire majores noluisse: Jureconsultorum ingenio senes ad coemptiones faciendas, interimendum sacrarum causis repertos esse.* Quo in loco dubium non est quin per sacra confarreationem Cicero intellexerit, quam introducta coemptione in desuetudinem sensim abiisse, cum Tacito contendit. Nam quod eo in loco de coemptione illa lenferit, qua in manum solet conveniri, argumento sunt hæc ejusdem Ciceronis verba subsequentiæ: *Ut quia in alicujus libris exempli causa id nomen invenerant,*

puta-

putarunt omnes mulieres quæ coemptionem facerent, Gajas vocari. Nam si, quod Fellus Pomp. l. 7. scribit, *Tannaquil* uxor *Tarquinius Prisci*, ut *Romam* venit *Gaja Cæcilia* fuerit appellata, tantæque probitatis habita, ut id nomen boni ominis causa frequentarent rubentes, videlicet ut *Plutarch.* ait, hunc in modum: ubi tu *Cajus* ego *Gaja*: certe quod *Cic.* de *Gaja* dixit, id a *Gaja Cæcilia* originem trahere, & per consequens ad coemptionem illam, qua in manum convenitur, pertinere, dubium non est. Cum igitur sacra dixisset *Cicero* majores interire noluisse, haud dubie per sacra, confarreationis vinculum, quo nihil in omnibus sacris quicquam, auctore *Plinio*, fuit religiosus, intellexit. Non enim pato quæquam tam stolido hebetique ingenio esse, ut existimet *Ciceronem* contendisse, *Jurisperitorum* ingenio omnia sacra esse interempta. Quod autem idem *Cicero*, senes re-  
 pertos esse ad coemptiones faciendas ait, illud eo referri debere, ut in coemptionibus non iis solum quibus in manum convenitur, sed omnibus etiam quibus venale quid proscribitur, senes adhibiti fuisse videantur, aperte demonstrat *M. Curius*, *Ciceroni* hunc in modum scribens: Ergo fructus est tuus: mancipium illius: quod quidem si inter senes coemptionales venale proscripserit, egeris non multum. Exstat hæc epistola apud *Ciceronem* lib. 7. Epistol. famil. Proinde rectissime in *Ciceronis* Top. adnotasse mihi videtur *Boetius*, tribus modis uxorem haberi, nŕ, sarr, coemptione. Idque etiam adversus *Gentes* libr. 4. testatus est *Arnobius*: Uxores, inquit, Dei habent atque in conjugalia fœdera conditionibus veniunt ante quæsitis usu sarr, coemptione, genitalis lectuli sacramenta conducunt: habent speratus, habent pacis, habent

interpositis stipulationibus sponŕ. Et quia raptus ille simulatus, de quo ex *Apulejo*, *Tertulliano*, & *Fello*, differuimus, nec confarreationi, neque coemptioni convenit, idcirco illum rectissime ad eam uxorum speciem retulisse mihi videor, quæ usu habebatur. Ut igitur usu uxor solemnitatibus certis capiebatur, sic confarreatio, & coemptio surs etiam solemnitates habuerunt. Coemptio ita peragebatur, inquit *Boetius*, ut in coemendo se invicem interrogarent: Viri ita: An sibi mulier materfamilias esse vellet. Illa respondebat, Velle. Item mulier interrogabat: An vir sibi paterfamilias esse vellet, ille respondebat, Velle. Eratque mulier materfamilias viro, loco filia. Et fuit sane tanta coemptionis istiusmodi apud veteres auctoritas, ut per coemptionem factæ matrimonio, vir & uxor sibi invicem succederent. Idque in illud *Virgilii*, *Externusque in regnum quæritur hæres*, *Servium* *Honoratum* adnotasse *Contius* observavit. *Ulpianus* etiam testimonio idipsum confirmatur, qui in frag. tit. 22. ita scribit: Sui autem hæreses sunt, liberi quos in potestate habemus, tam naturales quam adoptivi: item uxor qua in manu est, & nusus, qua in manu est filii, quæ in potestate habemus. Sed id quidem verum erat, diligenterque observabatur, si omnium tutorum consensu, mulier coemptione in mariti manum convenerat. Nam si vel tutoris unius in coemptione deesset auctoritas, jus successione hujusmodi cessabat. Idque evidentissime pro *L. Flæco* docuit *M. Cicero*. Quum enim eo nomine *L. Flæcus* esset accusatus, quod ejus sorore *Valeria* intestato mortua, sic eam reus *Flæcus* egerat, quasi ad ipsum hæreditas pertineret, quum contra certum esset eam jure coemptionis ad *Andronem* *Sestium*

lium Valeriz maritum, omnino devolutam esse: alia quidem ratione nulla Flaccum excusavit Cicero, quam quod esset sine Flacci, qui tutor erat, consensu peracta coemptio. Verba Ciceronis hæc sunt: *At enim Androni Se- filio gravis injuria facta est, & non ferenda, quod quum esset uxor Valeria intestata mortua, sic egit eam rem Flacus, quasi ad ipsum hæreditas pertineret. In quo quid reprehendas scire cupio: quod falsum intenderis, qui doces? Ingenua, inquit, fuit. O peritum juris hominem! Quid? ab ingenuis mulieribus hereditates lege non veniunt? In manum, inquit, convenerat. Nunc audio: sed quaro, utrum usu, an coemptione? usu non potuit: nihil enim potest de tutela legitima sine omnium tutorum auctoritate diminui. Coemptio? omnibus ergo auctoribus: in quibus certe Flaccum fuisse non dices. Hæc Cicero. Diximus quibus olim modis contrahi, nunc videndum quibus dissolvi connubium soleat. Et quidem usu uxor, usurpatione uxor esse definit: confarreatio, ut diffarreatione, sic coemptio remanicipatione dissolvebatur. Quæ usu uxor erat, antequam esset ulucapta, si trinoctium a viro usurpandi causa abfuisset, lege duodecim tabularum usurpata dicebatur. Usurpatio ufucapionis interruptionem significat, non vi quidem, & proprietate verbi, sed per consequentiam. Si enim id quod possideo, necdum tamen ulucepi ab aliquo solenniter usurperetur, sive apprehendatur, is si ejus rei dominus est, possessionem meam sua usurpatione interrumpit. Quia igitur mulieres in potestate aut mariti, aut parentum, vel tutorum erant perpetua, idcirco usu uxor nondum ulucapta, ante annum a marito discedens, *usurpabatur*, hoc est, a parentibus, aut si illi non essent, a tutoribus solenni quadam ratione*

apprehendebatur, & mariti potestate liberabatur, si ab eo trinoctium abfuisset. Et hoc inde potissimum, quod in veri locum, simulatus ille raptus, quo usu uxores habebantur, successerat. Quemadmodum igitur Sabinæ virgines, quæ domum raptoribus inscitis fugiebant, *usurpabantur*, hoc est, ab iis apprehendebantur, quorum antea in potestate fuerant: sic usu uxor statim quum a viro trinoctium abfuisset, usurpandi gratia, usurpata dicebatur. Ita enim esse accipiendum non dubito, quod ex Q. Mutio de uxore, quæ per trinoctium a viro abfuera, lege 12. tab. usurpata Gellius lib. 3. cap. 2. & Macrob. lib. 1. c. 3. tradiderunt. Idque non intellexisse visus est, quisquis ille fuerit, qui Gellium suis propriis, & satis interdum frivolis, singulorum capitum argumentis illustrare conatus est. Porro confarreatione matrimonium contractum diffarreatione dissolvi solum Festus observavit, qui *diffarreationem genus fuisse ais sacrificii, quo inter virum, & mulierem fiebat dissolutio*, idcirco sic appellatam, quia fiebat farreo libo adhibito. Et ita quæ *farreo libo*, hoc est confarreatione facta erat in manus conventio, eadem *farreo libo*, id est, diffarreatione dirimebatur. Et quia nihil tam naturale est, quam unumquodque eo modo dissolvi quo ligatum est, ideo etiam non usus usurpatione tantum, non confarreatio diffarreatione duntaxat, sed & coemptio dissolvi remanicipatione solet. Testis est enim idem Festus, *remanicipatam Gallum Ælium eam definivisse, quæ mancipata sit ab eo, cui in manum convenerat*. In coemptione autem quandam quasi in manus traditionem intervenire solitam, testatur expresse Symmachus, hunc in modum de Fulvio quodam scribens lib. 2. Epist. *Sororem Pompejam olim viro maturam, te aspice*  
in

*in manus optas accipere, nec genere minor, & re fortassis uberior. Huc spectat quoque Terentii illud in Andria:*

*Hanc mihi in munus dat, mors continuo ipsam occupat.*

Igitur quæ coemptione in contrahendo matrimonio mulier mariti in manum tradebatur, eadem illa in dissolvendo remanebat, hoc est, manu ab eo reddebatur, in cuius manum convenerat. His ita expositis, videamus ecquid de divortio amplius in duodecim tabulis fuerit. Cujacius se primum ait observasse, divortia fieri ex duodecim tabulis auctoritate laudat Cajum cap. pen. Ad L. Jul. de adult. & Ciceronem in 2. Philippic. *Mimam illam*, inquit Cicero, *suam res suas sibi habere jussit ex 12. tab. claves ademisse, egressi*. Sane consuetudinem fuisse scribit Festus, mulieribus *donare clavem ob significandam partus facilitatem*. Igitur mulieri quæ data fuerat in contrahendo clavis eam adimi in dissolvendo matrimonio, Decemviri voluisse visi sunt.

## CAPUT XXII.

## De Tigno juncto.

**L**EGEM de tigno juncto Decemviralem, his conceptam verbis fuisse, vir ille eruditissimus observavit, qui primus Festum temporis injuria depravatissimum, integritati summa diligentia conatus est restituere: **TIGNUM JUNCTUM ADIBUS, VINEATQUE, ET CAPULO NE SOLVITO.** De qua lege sic scribit Ulpianus: *Lex duodecim tab. neque solvere permittit signum furtivum adibus junctum, neque vindicare.* Quod providenter lex effecit, ne vel ædificia sub hoc prætextu diruantur, vel vinearum cultura turbetur: sed in eum qui est conviclus junxis-

*se, in duplum dat actionem*, cap. 1. de tigno juncto. Lex igitur 12. tab. non permittit ad hoc solvere furtivum tignum adibus junctum, ut possit solutum vindicari. Sic enim hæc Ulpiani verba esse accipienda Paulus docuit, qui *de tigno adibus juncto, ad exhibendum ideo agi non posse contendit, quia lex duodecim tabularum illud solvi vetat*, cap. 6. Ad exhib. *Et si quidem qui vindicare non potest, utique nec ad exhibendum agere permittitur*, hoc est, ut Ulpianus sentire videtur, ad solvendum tignum adibus junctum experiri, non est enim alius hujusmodi ad exhibendum actionis effectus. Rursus idem Paulus *tignum adibus junctum posse vindicari, idque Decemviros etiam non ignorasse* alio loco testatus est, cap. 98. in fi. de solut. *Et hoc nunc etiam verum esse idem Paulus ait, cum adversus eum est actio qui sciens alienum adibus suis tignum junxit*, cap. 18. §. tignum, de rei vind. Igitur ad exhibendum agitur de tigno juncto interdum inutiliter: agi quoque interdum potest utiliter. Inutiliter quidem quum adversus eum experimur, qui ignorans alienum junxit. Ideo enim inutilis est hæc actio, quia id quod junctum est, aliter vindicari non potest, quam si solutum fuerit. Qui igitur ad exhibendum adversus eum experitur, qui ignorans junxit, utique hoc videtur intendere, ut quod junctum est, dissolvatur, & dissolutum exhibeatur. Lex autem vetat dissolvi: igitur inutilis est hoc casu ad exhibendum actio. d. cap. 6. & cap. 7. §. cum in suo. de acq. rer. domin. Aliud autem est, si adversus eum sit actio, qui sciens alienum junxit. Tunc enim recte ad exhibendum agitur, d. §. tignum. Non ita quidem, ut quod junctum est dissolvatur: id enim fieri non potest, quia id fieri

lex

lex vetuit: *verum ita, ut cum qui junxit, sic conveniamus, quasi dolo malo fecerit, quo minus possidet*, auctore Ulpiano cap. 1. de tign. juncto. Igitur quæ ipso jure ad exhibendum actio propter Decemviralem hanc legem inutilis est, eadem illa utilis ex scientia, ejusque qui junxit mala fide, efficitur replicationis auxilio. Itaque si tignum meum petam exhiberi, quod ædibus tuis junxisti, & tu dixeris illud te non possidere, nimirum propter mutatum habitum, jam si bona fide junxeris, evanescit ipso jure proposita ad exhibendum actio, sin vero scientiam tuam culpam, teque non possidere quidem, sed dolo malo fecisse, quo minus possideres contendam, utilis efficitur hujusmodi replicationis auxilio, quæ antea ipso jure nulla erat, ad exhibendum actio: qua quanti inter sit mea tignum junctum non fuisse sortasse consequar. c. 3. §. sciendum est autem, & §. ibidem. vers. de quibusdam. Ad exhib. c. 18. in princ. de dolo malo. Et ita conciliandos esse illos prudentes juris non dubito, qui de tigno juncto nonnullas scripserunt antinomias existimantur. Cæterum vindicari tignum aliter non potuit, quam si solum esset. Quæ enim juncta sunt ædibus separata duntaxat dominum vindicare posse Ulpianus testatur. c. 7. de except. rei jud. Idque Decemviros non ignorasse etiam Paulus admonuit, quamvis interim illa solvi, iidem Decemviri prohiberent c. 98. in fin. de solut. Eoque mihi etiam visus est Ulpianus replexisse, quum ita scriberet: *Sed si proponamus tigni furtivi nomine ædibus juncti actum, deliberari poteris an extrinsecus sit rei vindicatio: & esse non dubio*, cap. 2. de tigno juncto. Sensus enim est, si tigni juncti nomine sit actum, legis de tigno juncto actione, an & eadem quoque actione

possit tignum quod junctum non est peti, an vero separatim debeat vindicari? Et extrinsecus quidem vindicationem esse definit Ulpianus. Ea autem extrinsecus vindicantur, quæ ædibus, non inhzrent. Idque Ciceronis auctoritate confirmatur, qui sic de Orat. scribit: *Extrinsecus autem assumuntur, cum ea quæ sunt foris, neque inherant, in rei materia colliguntur*. Huic adde illud ejusdem de Finib. *Et nunc quidem quod vicem turtur, est id extrinsecus, id est, non in ipsa vite*. Ex quibus locis perspicuum satis est, quæ tigna ædibus non inhzrent, sive soluta sive nondum juncta fuerint, ea recte dici extrinsecus vindicari, d. cap. 2. Tignum igitur aliud quam quod solum, aut necdum junctum est, vindicari nullum potest. Legis autem actio de tigno juncto, in duplum competit. Videamus quid appellatione tigni in hac lege contineatur. Quidam vir eruditus, tigni appellatione in hac lege, ea duntaxat tigna contineri sustinet, quibus ædes ruinose fulciuntur. Id si verum est stupiditatis igitur legis hujus interpretes Cajus. Paulus, & Ulpianus insimulantur, qui non tigni solum, sed etiam hujus tigni, cujus in hac lege mentio fit, appellatione omnem materiam significari tradiderunt, ex qua ædificia fiunt, ædificia constant, non autem fulciuntur, d. cap. 62. d. cap. 7. & cap. 7. §. appellatione, de acquirend. rer. domin. Quid? anne tigni vocabulo in hac lege tegulam, lapidem, testam immo calcem, & arenam, cæteraque si qua ædificiis sunt utilia, contineri scripsit Ulpianus c. 1. de tign. juncto. Profecto puerilis est error, & non ferendus. si quis hæc omnia duntaxat fulciendis ædibus ruinosis dixerit accommodari. Quod si me rogites cur Decemviri contrarium jus

in

in ædibus, & in navibus statuerint, negahō quicquam de navibus Decemvros juris constituisse, sed de tigno duntaxat ædibus, vineis, & capulis junctis. Quod jus si Decemvri non scripsissent, forte dubium non esset, quin quod in navibus æquum prudentibus visum esset, idem in ædibus quoque, in vineis, & capulis observaretur. Cui autem passi non sint Decemvri tignum ædibus, vineis, & capulis junctum dissolvi, hæc ab Ulpiano prodita est ratio, ne videlicet sub hoc prætextu ædificia diruantur, vel vinearum cultura turbetur, dict. cap. 1. Et quia capulum illud esse scribit Festus, quo mortui efferebantur, profecto mirum non est, capulum ex alieno tigno factum dissolvi non magis potuisse, quam tignum ædibus, aut vinearum junctum: fortassis ne funus impediat, quod excusationem in jus vocato justam, & idoneam tribuit: neve justa hominis mortui turbentur. Animadverſi mortuorum cadavera, aut unco trahi, aut efferrī capulo consueviffe. Et eorum quidem quibus iusta fieri poterant cadavera, solenni pompa capulo ad ritum efferebantur, aliorum vero quibus lege iusta fieri erat prohibitum, quod improbi ac nefarii judicarentur, unco trahebantur: quique trahant, *Hamotrabones* dicebantur, auctore Festo. Quo spectat illud Senecæ, Epist. lib. 14. Epist. 93. *Non conerit*, inquit, *me nec uncus neq. proſecti ad contumeliam cadaveris laceratio, sœda vilusis*. Eoque etiam reflexisse visus est idem Seneca de Ira lib. 3. ubi sic de Ira ejusque apparatu loquitur: *Ostendenda est rabies ejus effrenata, & attentis, apparatusque illi reddendus est snus, oculatus, & fiducialis, & ergastula, & crucis, & circumdatis desolatis corporibus ignes, & cada-*  
vera quoque trahens uncus, varia vin-

*colorum genera, lacerationes membrorum, inscriptiones frontis, & bestiarum immanium cavernæ*. Nec alio quidem referendum videtur, quod nulla homini fulminibus occiso fieri iusta potuisse testatus est libro 13. Pompejus Festus: *Homo*, inquit, *si fulmine occisus est, ei iusta nulla fieri oportet*, & ait, *Hominem fulminibus occisum supra genua tolli vetuisse his verbis Numam Pompilium: SI HOMINEM FULMINIBUS OCCISIT, NE SUPRA GENUA TOLLITO*. Credebantur enim hujusmodi homines ira quadam vindictæque Divina et medio tolli, & idcirco nulla parentatione digni. Igitur homo fulmine occisus supra genua tolli, idcirco non potuisse videtur, quia ei iusta fieri nulla poterant. Opinor quod hi duntaxat supra genua tollerentur, quibus iusta fieri poterant: reliqui vero supra genua non tollerentur. Et hoc inde potissimum, quod quæ capulo efferebantur, non capulo humeris: ut apud nos moris, est, imposito efferrī soleant, sed in dam, ni fallor, altitudinem a terra capulo levabantur, ut supra genua duntaxat tollerentur. Quia igitur occiso fulminibus homini iusta fieri nulla poterant, certissimum est, ideo etiam noluisse eum supra genua tolli Numam Pompilium; Liquidem qui supra genua tollebantur capulo efferebantur. Et quia hi solum capulo efferrī poterant, quibus fieri iusta permissum erat, recte hinc ratiocinabimur, capulo propterea homines fulminibus occisos non elatos, ne per consequens supra genua sublatis, sed unco velut sceleratos homines, & impies tractos fuisse. Quid autem, si per capulum non id solum quo mortui efferebantur, sed etiam ipsum sepulchrum intellexerimus? Nihil esse quod reprehendi possit, existimo. Antiquos enim sarcophagum etiam capulum, appel-

appellasse, præter Nonium Marcellum testatur Apulejus lib. 10. de Asino aureo: *Ecce, inquit, pater suus, ipse manibus cooperculo capuli remoto commodum discusso mortifero sopore, surgentem postliminio mortis deprehendit filium.* Eoque sensu capulum accepisse visus est etiam Tertull. in libro de Carnis resurrex. *Deus vero, inquit, anima sua umbram, spiritus sui auram, oris sui operam, vilissimo alicui commiseris capulo?* Aut igitur per capulum, id quo mortui efferuntur, cum Festo intelliges, aut certe cum Nonio Marcello ipsum sepulchrum ex alieno tigno factum.

in 1. Apologia meminit etiam Apulejus & qua ratione fruges soleant excantari eleganter hunc in modum docet: *Magia ista res est delegata legibus jam inde antiquis XII. Tabularum propter incrementas frugum illicebas interdita.* Igitur & occulta, non minus quam tetra, & horribilis, plerunque noctibus vigilata, & tenebris obstrusa, & arbitrariis solitaria, & carminibus murmurata, cui non modo servorum, verum etiam liberorum pauci adhibentur. Prohibuerunt igitur Decemviri fruges excantari, eumque qui fruges excantasset, Cerevis sacrum esse, eosdem Decemviros voluisse, auctor est in Virg. Servius.

## CAPUT XXIII.

## De Frugum excantationibus.

IN hoc Decemviros reprehendit Seneca, libr. 4. Naturalium questionum, capite 7. quod illi cantibus attrahi imbres, & repelli crediderint. *At Cleone, inquit, judicia reddebant, in illos, quibus delegata erat cura providenda tempestatis, quod negligentia eorum vineæ vapulassent, aut segetes procidissent.* Et apud nos in duodecim tabulis cavetur, ne quis alienos fructus excantasset. Rudis adduc antiquitas credebatur, & attrahi imbres cantibus, & repelli: quorum nihil posse fieri tam palam est, ut hujus rei causa nullius Philosopheri schola intranda sit. Hactenus Seneca. Esse autem in duodecim Tabulis legem, qua fruges vetantur excantari, non Seneca duntaxat, sed & Plin. quoque lib. 28. c. 7. his verbis expresse testatus est: *quin etiam, & legum ipsarum in duodecim Tabulis verba sunt, QUI FRUGES EXCANTASSIT, & alibi, QUI MALUM CARMEN INCANTASSIT.* Atque hujus quidem legis

## CAPUT XXIV.

## De Damno dato.

VIDETUR in duodecim Tabulis scriptum fuisse, si RUPITIAS, SARCITO: *Rupitias* enim in duodecim tabulis damnum dederis, & *sarcito* damnum solvito, significare, ex Servio Sulpitio adnotavit Festus. Igitur Decemviri damnum non injuria, sed negligentia datum *sarciri*, hoc est, solui, sive præstari duntaxat, sine castigatione aliqua voluerunt, cap. 9. de incendio, ruin. naufrag. Ceterum qui ædes acervumve frumenti juxta domum positum sciens prudens combussit, is vincitus, verberatus, igni necari lege Decemvirali jubetur, d. cap. 9. quem postea, si humiliore loco esset, bestiis obiectum; sin vero in aliquo gradu, capite punitum, aut in insulam deportatum fuisse, Ulpianus testatur cap. ultim. d. tit. *Incendium autem nullum sine culpa fieri posse*, hoc est, sine negligentia, Alphenus notat, cap. 11. de per & com. rei vend. Et ob id ex incendio culpa factum



facto, si quidem ea latior esset, de damno injuria dato, ex lege Aquilia; si levior, ex duodecim tabulis agi solet, cap. 1. Ad l. Aquil. His adde, si quadrupes pauperiem fecerit, etiam ex lege duodecim tabularum actionem sic descendere, ut eadem lege, aut dari id quod nocuit, id est, animal quod noxiam commisit, aut aestimationem noxiæ offerri necessum fuerit, cap. 1. Si, quadr. paup. feciss. dic. Fuisse denique in duodecim tabulis de servorum noxiis aliquid cautum, indicat Justinianus in §. Sunt autem. Instit. de noxal. act. Scribit etiam Ulpianus, si servus sciente domino furtum fecit, vel aliam noxam commisit, servi nomine in duodecim tabulis actionem esse noxalem, nec dominum suo nomine teneri, caput. 2. de noxal. act.

## CAPUT XXV.

De Injuriis, & famosis Libellis.

GELLIUS auctor est, libr. 20. cap. 1. in duodecim tabulis de injuria puniendi sic scriptum fuisse: SI INJURIAM ALTERI FAXIT, VICINTIQUINQUE AERIS PENE SUNTO. Quam legem Sextus Cecilius, & Sextus Pompejus Festus sic interpretati sunt, ut per vigintiquinque aeris pœnas, intellexerint vigintiquinque asses Scribit idem Gellius, Lucium quendam Neraium hominem egregie improbum, & immani recordia, pro delectamento habuisse, os hominis liberi manus sue palmo verberare, & quemcumque depalmaraverat, ei statim numerari secundum duodecim tabulas quinque, & viginti asses jussisse. Propterea, inquit, Praetores penam hanc obsolecere, & relinqui ceaserunt, in jurisque aestimandis recupera-

Tem. I.

tores se daturos edixerunt. Ceterum de membro rupto sic Decemviri scripsisse, apud eundem Gellium legimus: Si membrum rupit meum, et postea talio esto. Sed caput istud mendosum esse, quis est qui non videat? Illud jam pridem Jacobus Cujacius observavit sic esse restitutum: SI MEMBRUM RUPIT, NI CUM EO FACIT, TALIO ESTO. Elegans restitutio. Quis enim non videat, ex his duabus dictionibus ni cum, constatum fuisse illud meum, quod in vulgari editione passim exstat? Talionis, inquit Festus novissime restitutus, mentionem fieri in duodecim tabulis ait Verrius, hoc modo: Si membrum rupit, ni cum eo facit, talio esto, neque id quid significet indicat, puto quia notum est: permittit enim lex parem vindictam. Huc spectat illud Senecæ de Ira lib. 2. cap. 32. Inhumanum verbum est, & quidem pro justo receptum, ultio & talio, non multum differt nisi ordine. Porro propter os fractum, non talionis, sed: nummarias pœnas fuisse in duodecim tabulis constitutas, Gellius, & Justinianus consentiunt. Nunc antequam ad legem de famosis libellis Decemviralem veniam, exponendum est, ecquid de arboribus furtim cæsis statuerint Decemviri. Plinius libro 17. cap. 1. cautum fuisse duodecim tabulis ait, ut qui injuria cecidisset alienas arbores, lueret in singulas pœnas aeris vigintiquinque. Sic enim legendum est apud Plinium, non ut passim legitur, Lueret in singulas aeris vigintiquinque. Sed quemadmodum in aliis injuriis, ita & hic a Praetoribus alia pœna statuta fuit, ad quam poenalis in duplum actio arborum furtim, casarum est. introducta, cap. 8. Arbor. furt. casar. His addendum est, quod de frugibus aratro quæsitis, hunc in modum idem Plinius scribit, libr. 18. cap. 3. Frugem,

G

*gem, inquit, aratro quaesitam, nocte pavisse, & secuisse, puberi duodecim tabulis capitale erat, suspensumque Cereii necari jubebant, gravius quam in homicidio convictum: impuberem Praetoris arbitratus verberavi, noxiamve duplionemve decerni. Quo in loco. pro noxiamve duplionemve decerni, legendum mihi videtur, noxiamve duplione decerni. Nam cum sola noxia deceroitur, nihil de poena statuitur, cum duplio noxia praestari jubetur, & simul poena decernitur, Baldauus noster antiquitatum illustrator vigilantissimus, de famosis libellis tam scripsit accurate, ut non magnopere hic esse mihi laborandum putem. Ait Ciceronem libr. 4. de Re. pub. sic scripsisse: Nostra contra duodecim tabula cum perpaucas res capite fassissent, in his hanc quoque sancientiam putaverunt: si quis occideret, occideret, si quis carmen candidisset, quod infamiam faceret, flagitiumque alteri precaretur. Ex quo loco dubium non est, quin libelli famosi poena capitalis fuerit, hoc est, supremi supplicii. Nam quod quidam ait, capitis poenam non mortem tantum, verumetiam statum, & dignitatem respicere, id certe ad rem non pertinet. Decemvirorum siquidem temporibus nulla erat relegatio, nulla proscriptio, nulla deportatio, & idcirco qui capitis damnabatur, ad mortem condemnari debebat. Igitur hanc infamiam summo supplicio vindicasse videntur Decemviri. Nec moveor auctoritate Ulpiani, quem audio cap. 5. de iniuriis tradidisse, eos qui famosum carmen, libello seu famoso scribunt, ex lege instabilis esse. Illud enim non ad Decemviralem legem, sed ad quoddam SC. spectat, cujus idem Ulpianus alio loco meminit: Si quis, inquit, ob carmen famosum damnatur, SC. expres-*

*sum est, ut instabilis sit, cap. 18. de test. Et eo quidem referendum videtur, quod hunc in modum Arnobius scribit adversus Gentes libr. 4. Carmen malum conscribere, quo fama alterius coinquinetur, & vita, Decemviralibus scitis evadere noluisse impune: ac ne vestras aures convicio aliquis petulantius pulsaret, de atrocibus formulas constituisse injuriis. Verba legis 12. tab. de famosis libellis, sic esse restituenda observavi: SI QUIS OCCIDENTASSIT, ACTITASSIT, SIVE CARMEN CONDIDISSIT, QUOD INFAMIAM FACERET, FLAGITIVUMVE ALTERI PRECARETUR, CAPITIS PÆNAS LUITO. Occidentassit antiqui dicebant, inquit Festus, quod nunc convictum fuerint, dicimus: quod id clare, & quodam canore sit, ut procul onerari possit: quod turpe habetur, quia non sine causa fieri putatur. Et hæc mihi sufficere videntur, ad interpretationem legum Decemviralium quæ de injuriis latæ sunt.*

## CAPUT XXVI.

## De Furtis.

**D**ECENVIRI tres furtorum species constituunt, manifestum, nec manifestum, conceptum: addidere Praetores quartam, eamque oblatum nominant. Decemviri furem qui manifesto furto prehensus esset, occidi tunc permiserunt: si quum faceret furtum, non esset, aut interdiu se telo cum prehenderetur, defenderet. Ex cæteris autem manifestis furibus, liberos verberari, addicique jusserunt ei, cui factum furtum esset, si modo id luci fecissent, neque se telo defendissent: servos item furti manifesti prehensos, ver-

verberibus affici, & e saxo præcipitari: sed pueros impuberes Prætoris arbitratu verberari voluerunt, noxamque ab his factam farciri. Aliis deinde furtis omnibus, quæ nec manifesta appellantur, poenam impulerunt dupli. Hæc differit eleganter Gellius noctium Atticarum libr. II. cap. 18. Et Macrobius lib. 1. Saturn. hanc legis Decemviris referens particulam, SI NOX FURTUM FAXIT, ET IM ALIQUIPS OCCISIT, JURE CÆSUS ESTO, notandum esse ait, Decemviros nox pro noctu, & im pro eum posuisse. *Furtum autem conceptum, ac si manifestum foret, Decemviros etiam vindicasse, idem Gellius auctor est. Ea quoque furta, inquit, quæ per lancem liciumque conceptum essent porinde ac si manifesta forent, vindicaverunt.* Quo quidem in loco nihil esse aliud furtum per lancem, & licium conceptum suspicor, quam illud furtum, quod conceptum simpliciter a prudentibus juris est appellatum. *Lance*, inquit Festus, & *licio*, apud antiquos dicebatur, quia qui furtum ibat querere in domo aliena, *licio* cinctus intrabat, *lancemque* ante oculos tenebat, propter matrum familie, aut virginum præsentiam. Unde manifestum satis est, lancem *liciumque* nihil aut adjecisse, aut substantiæ concepti furti detraxisse, sed nudam duntaxat furti investigandi rationem denotasse. Moris enim Decemvirorum temporibus fuisse videtur, ut si quis in alicujus ædibus furtum vellet querere, illud faceret nudus, *licio* cinctus, & lancem ante oculos tenens, juratusque Deos legum custodes, sese reperiendi spe furtum querere. Et tunc quidem alter ille apud quem furtum quærebatur, domum suam ei qui furtum quærebat aperire, & in obignatis, & non obignatis locis liberam furti inquirendi

potestatem facere cogebatur. Quem morem primum a Græcis usurpatum, deinde in Romanam Rempublicam olim invecum fuisse, si quis forte satis sibi non persuaserit, inveniet Platonis de Legibus librum duodecimum: in quo id ita perspicue traditur, ut omnem auctor Divinus cum Festo, Gellio, aliisque Latinis auctoribus collatus, dubitationis mihi scrupulum penitus exemerit. Igitur *si conceptum furtum aliud nullum dici possit, quam furtum questitum, & inventum*, auctore Paulo, Sententiarum libro secundo tit. 31. & Justiniano, in §. conceptum. Justinian. de obligat. quæ ex del. nasc. consequi recte videtur, aliud quoque nullum dici posse furtum per lancem, & licium conceptum, quam furtum per lancem & licium questitum, & inventum. Et quia nulla temporibus Decemvirorum furta queri sine lance, & licio in domo aliena poterant, ideo quoque nulla fuisse iisdem temporibus videntur concepta furta, quæ non per lancem, & licium concepta dicerentur. *At posteaquam furtorum questiones, hoc est, inquisitiones cum lance, & licio evanuisse, ut est apud Gellium lib. 16. cap. 10.* tunc furta, quæ per lancem, & licium concepta dicebantur, appellari concepta simpliciter cæperunt. Et ita quidem amplius nihil in effectu furti nomine per lancem, & licium concepti Decemviri sunt complexi, quam Prætores, & Jurisconsulti per furtum conceptum intellexerunt. Idque mirum in modum confirmat idem Gellius. Cum enim a lege Decemvirali discessum esse, & ex manifesto furto actionem in quadruplam competere demonstrasset, hæc verba: subjicit. *Furti concepti, item oblatis, tripli poena est.* Quibus haud dubie aliud nihil voluisse visus est, quam sicut manifesti furti in quadruplum,

plum, sic furti concepti poenam Decemviralem in triplum conversam a Prætoribus fuisse. An autem in duodecim tabulis, de eo cuius opæ, consilio, furtum factum esset, quicquam fuerit definitum, nihil certi existimo affirmari posse. Nam quod Festus, docens nec, pro non, veteres dixisse, in duodecim tabulis scriptum esse ait, *si aderis furto quod nec manifestum erit*: illud mendosum esse indicant veteres libri, quibus in Festo restituendo Anton. Augustinus usus est. In iis enim pro *aderis*, fuisse videtur scriptum *adoras*. Et quia *adorare* pro *agere*, interdum antiquos posuisse. Festus testatur lib. 1. idcirco sic hanc legis apud eundem Festum particulam esse restituendam existimavi: *SI ADORAT FURTUM QUOD NEC MANIFESTUM ESIT, DUPLICATIONEM LUITO*: & sic intelligendam, ut qui furtum nec manifestum fecisset, duplo mulcetur. Usus in eadem significatione verbo *adorare* videtur in Octavio Minutius Felix: *At enim, inquit, nos exequias adoramus, eadem tranquillitate qua vivimus*: hoc est, exequias facimus, celebramus, eadem qua vivimus tranquillitate. Et hæc de furtis, de quibus pacisci Decemviros etiam permisisse, passim traditum est.

## CAPUT XXVII.

De publicis Iudiciis, & Capitalibus.

ESSE in duodecim Tabulis de capite Romani civis ita scriptum, *DE CAPITIS CIVIS NISI PER MAXIMUM COMITIATUM NE FERUNTO*, Cic. lib. 3. de Leg. auctor est, Quia quidem lege ante Decemvirorum tempora vixdum in provocatione usi videntur Romani. Tunc enim horridi crimina

legem in usu fuisse huiusmodi Livius testatur lib. 1. *DUUMVIRI PERDUELLIONEM JUDICENT, SI A DUUMVIRIS PROVOCARIT PROVOCATIONE CERTATO, SI VINCENT, CAPUT OBNGSTO, INFELICI RESTE SUSPENDITO, VERBERATO, VEL INTRA POMÆRIUM, VEL EXTRA POMÆRIUM*. Secundum quam legem, ait idem Livius, Tullum Hostilium Duumvires, qui Horatio perduellionem judicarent, fecisse: & alterum ex Duumviris in condemnando hac formula usum esse: *Publi Horati tibi perduellionem judico: Licet collige manus*. Cumque Horatius provocasset, de provocatione statim certatum, ad populum fuisset. Quid autem sit perduellionem alicui judicare, quid item perduellionis reum fieri, quia id ignorari video, paucis hic exponam. Et animadverti quidem a viro quodam, ut mea opinio fert, nostrorum Jurisconsultorum longe ingeniosissimo, atque exercitatissimo, Livium esse reprehensum in hoc, quod ille, nefarium illud Publii Horatii, qui propriam sororem interemerat, scelus perduellionem appellaverit. Sed quia aliud est, perduellionem alicui judicare, aliud perduellionis accusare: sic Livium esse defendendum puto, ut dixerit expresse Duumviros non perduellionis Horatium reum fecisse, aut condemnasse, sed Publio Horatio perduellionem judicasse. Sane ad leg. 12. tab. libro secundo scribit Cajus, *ques. hostes nos dicimus, eos veteres perduelles appellasse*, per eam adjunctionem indicantes cum quibus bellum esset, cap. 234. de Verb. Sign. Idque etiam Varro de Lingua Latina lib. 4. & Festus lib. 8. de Verborum Significatione testati sunt. *Multa verba, inquit Varro, aliud nunc ostendunt, aliud, ante significabant: ut hostis*. Nam cum eo verbo dicebant peregrinum, qui suis

*suis legibus interitur: nunc dicunt eum, quem tunc dicebant perduellē. Et Festus: Hostis, inquit, apud antiquos peregrinus dicebatur; & qui nunc hostis, perduellis. Ex quibus quidem Varronis, & Festi locis, recte colligi potest, non ut olim, sic nunc hostes Romani populi perduelles appellari. Siquidem, ut Ulpianus ait: is dicitur perduellis nunc dicendus est, qui hostili animo adversus Rempublicam, vel Principem suum est animatus cap. fin. ad L. Jul. majest. Igitur qui eo nomine accusatur, is recte perduellionis reus fieri nunc intelligitur: quemadmodum olim qui hostis judicabatur, illi perduellis judicari dicebatur. Proinde sic Livium esse intelligendum puto, ut contenderet, eis qui horrendum aliquod crimen commiserant, perduellionem eo tempore solere judicari: quo moris fuisse apud Romanos videtur, ut civi Romano, de cujus capite judicium erat, ante perduellio judicaretur, hoc est, civium exemptis numero, patre hostis pronunciaretur, quare capitale summi de civi Romano supplicium posset. Et haec quidem interpretatio, eo verisimilior videtur, quod scilicet suum Horatium populi scire absolutum, Publius Horatius pater, quibusdam sacrificiis pincularibus, pinctis, transiisse per viam istam, capite adperso, velut sub jugum misisset, auctore eodem Livio. Quia igitur praetor hostes nullo sub jugum mitti consueverant, hinc recte ratiocinabimur, ideo missum velut sub jugum a suo patre Horatium fuisse, qui Horatio Daumviro perduellionem judicaverant, hoc est, quia inter perduelles Romani populi Horatium referendum esse, deinde ab perduella interimendum pronunciaverant. Et haec ad legem illam horrendi criminis sufficiens. Quae lex Regum temporibus*

Romae in usu fuisse, Regibusque exactis, una cum reliquis legibus Regis exolevisse lege Tribunitia videtur. Quo quidem tempore, suum semper esse de capite Romani civis judicium, populus Romanus visus est primum voluisse. Et idcirco iam hujus Regia de horrendo crimine legis locum, aliam Decemviri legem surrogarunt, qua de capite civis nisi per maximum comitatum non ferretur, continebatur. Eaque lege usus est Romanus populus semper constantissime. Adco quidem, ut contenderit actioe quinta in C. Verrem expresse Cicero: facinus esse ab aliquo Praetore, vel Praefido, vinciri civem Romanum, scelus verberari, prope patricidii necari: quid dicam, inquit, in crucem tollere? Scribit etiam Pomponius, ne Consules per omnia Regiam potestatem sibi vindicarent, lege lata factum esse, ut ab eis provocatio esset, neve possent in caput civis Romani injussa populi animadvertere. Certe quia de libertatis civitatisque jure, non Praetoris, Consulis, aut Praefidis alicujus, sed populi solius judicium erat. Praefiscer, inquit Cicero in Verrina quarta, eo quo me jampridem vocat populus Romanus: de jure enim libertatis, & civitatis suum putat esse judicium, & velle putat. Nunc videndum est, de eo qui hostis, transierit, quia civem hosti tradiderit, quem capite puniendum, Mactianus scribit: idque legem duodecim tabularum jubere, cap. 3. ad L. Jul. majest. Ea de eo quoque, qui ob rem dicendam pecuniam acceperit, convictus erat, & capite puniendo lege quadam Decemvirali expressa caveretur testatur Gellius lib. 20. cap. 1. Quod autem Mactianus scribit: lege Julia, nepotundarum, cum teneri, qui cum aliquo potestatem haberet, pecuniam ob judicandum, vel non judicandum acceperit, cap. 3. ad L. Jul. repe.

repetund. ex eo probari potest; lege Julia repetundarum, legem hanc Decemviralem abrogatam fuisse: etiam iis temporibus quibus M. Cicero Verrem accusavit. Ciceronis enim hæc verba sunt; in Actione prima: *Cognoscebat ex me populus Romanus quid sit, quod P. Septimo Senatore damnato, Q. Hortensio Prætor, de pecuniis repetundis sit estimata sit in eo nomine, quod ille ob rem judicandam pecuniam accepisset. Igitur qui lege Decemvirali capite plebii debebant Judices corrupti, in eos lege Julia repetundarum non capite, sed exilio, vel etiam interdum durius, extra ordinem animadversum fuit, cap. 7. §. hodie. Ad L. Jul. repetund. Et hæc hæctenus, quibus si addideris, passus non esse Decemviros, de inaudito, & in damnum supplicium sumi; idque prænitum ex Salviano Massiliensi Episcopo Cujacium observasse existimabo de legibus publicorum capitaliumque judiciorum Decemviralibus, hic satis abunde disputatum esse.*

## CAPUT XXVIII.

*Miscellanea quadam.*

**I**N hoc capite quadam Decemviralium legum fragmenta visum est adnotare, quæ licet nullam interpretationem accuratam possulent, omitti tamen non potuerunt. Festus auctor est, *Senatores dictos esse, qui supra in frangere Romanos habitaverunt: idque nomen his fuisse, quia cum defecissent a Romanis, brevi post redierunt in amicitiam, quasi sanata mente. Itaque, inquit, in duodecim tabulis tantum est, ut idem juris esset Senatoribus, quod foribus, id est, bonis & qui nunquam defecerunt a populo Romano. De unciario sonore, cum*

ab aliis plurima sint adnotata, satis erit hoc loco admonuisse: *Decemviros, ne quis unciario sonore amplius exerceat, prohibuisse: idque Cornelium Tacitum lib. 5. Annalium scripisse. De collegiis autem, & corporibus copiosos commentarios ediderunt viri aliquot eruditi, qui præclaris Romanorum antiquitatibus illustrandis sedulam operam navant: quæ res efficit, ut eorum commentariis contenti, industriam nostram in aliud tempus, & locum commodiorem reservemus. Huc accedit, quod in urbe carius nocturnos agitari Decemviri etiam prohibuerint: idque ex Portio Latrone quidam eruditi duodecim tabularum interpretes diligenter observant. Plinius libro 16. cap. 13. scribit, cautum fuisse, leg. 12. tab. ut glandem in alienum fundum procedentem liceret colligere. Interdixit etiam Prætor de glandæ legenda. Ulpianus refert, legem duodecim tab. etiam voluisse, ut quindecim pedes altius rami circumciderentur: & hoc ideo effectum esse ait, ne umbra arboris vicino prædio noceret, cap. 1. de arb. cæd. Esse quoque de pastu pecoris ex 12. tabulis actionem, non obscure significat idem Ulpianus, cap. 14. §. ult. de præscrip. verb. De statu liberis autem quid in 12. tabulis fuerit, explicat his verbis Ulpianus in fragmentis tit. 2. Sub hac conditione libero esse jussus, si decem millia heredi dederis, & si ab herede alienatus sit, emptori dando pecuniam ad libertatem perveniat, idque lex, 12. tab. jubet. Denique de decimo mense, deque partu monstroso videndum est, si quid 12. tab. caveatur. Et exstat idem apud Ciceronem libro 3. de Leg. locus, qui de monstroso partu Decemviro quicquam scripisse tam obscure significat, ut quidam illud fuerit divinare nequeamus. Quamvis interim homi-*

AD LEG. XII. TAB. CAP. XXVIII.

hominem in decem, non in undecim mensibus gigni, dubium non sit: idque etiam in 12. tab. Decemviros scripsisse, Gellius auctor est, lib. 3. cap. 16. A qua lege decimum mensem natiuitatem legitimam visus est appellasse Tectullianus in libro de Anima: *Legitima*, inquit, *natiuitas*, *seme decimū mensis ingressus est*. Qui numeros ratiocinantur, decurialem numerum, ut exinde reliquorum parentem colunt, denique perfectiorem natiuitatis humane. Et hæc quidem ad illa duodecim tabularum fragmenta, quæ expressam aliquam legis sententiam continent, mihi sufficere videntur. De-

reliquis vero, nihil est quod hic describeretur. Siquidem in hoc libello conscribendo nostra fuit intentio, leges aliquot depravatas restituere, restitutas aliasque ab interpretibus non recte, ut nobis videbatur intellectas brevi quadam, & perspicua interpretatione illustrare: non autem, quæ ab aliis accurate, & erudite tradita sunt, iterum hic inculcare, non singula duodecim tabularum verba, quæ sine aliqua legis sententia, passim apud auctores obvia sunt, explicare. Nam id potius ab iis est faciendum, qui commentarios verborum juris conscribunt.



# AMPLISSIMO MAGISTRATUI ET SPLENDIDISSIMO BRUGARUM ORDINI SENATORIO.

JACOBUS RÆVARDUS

S. D.

**T**ANTAM esse ajunt Vestri Senatus samæ ac nominis excellentiam Viri Clarissimi, quantum probitate, constantia, studioque Reipublicæ dignitas, & exlimatio prudentissimi cujusque Magistratus unquam est consecuta. Et recte quidem ( si vere cogitare volumus ) tantus amplitudini Vestre desertur bonos. Nam cum Rempublicam duabus rebus contineri dixeris Solon, præmio, & pœna, semper a vobis vestriquo Majoribus certus rei utriusque modus, & quedam in utroque genere mediocritas studiose diligentique est observata. Bonis enim habiti a Vobis honores sunt, nulli tamen nisi debiti, nulli nisi necessarii. Sceleris pœnam præscribere ( id autem est quod vocatur ignoscere ) in quibusdam rebus tolerabile, ac necessarium, in quibusdam esse perniciosum semper prudentissime statuistis. Huc etiam accedunt vestra in Rempublicam officia infinita, quibus bi qui in imperio Vestro sunt, esse quam beatissimi indicantur. Quid enim dicam de tanto vestri Senatus totiusque populi, hoc suavissimo, & perturbatissimo tempore consensu? Nam quid observo hanc nobis tranquillitatem, rebus possum deploratis, peperit aliud, quam ea mediocritas Vestra, ille præmiis, & pœna modus, quo nihil in imperio Vestro acerbum fuit, nihil crudele, sed omnia plena clementia, mansuetudinis, & humanitatis. Hunc modum a Majoribus accepistis. Eorum enim exemplo facillimi ad Vos aditus sunt, aures Vestre omnium patens querelis, nullius incipia, ac solitudo ( quid dicam tribunali? ) ne domibus quidem Vestris exclusa est: ad hæc, toto animo atque omni studio etiamnum in eam rationem incumbitis, quæ Vestri Majores usi sunt, ut eos quos fidei potestate Vestre Rex potentissimus commisit, ac credidit, privilegiis eximitis, legibus optimis, consuetudinibus, ac politicis traditionibus juri civium Romanorum congruis, tueamini. Et ideo non est dubium vestram Rempublicam, quo hæc in parte Romanorum politiæ similior est, eo reliquis Europæ totius municipiis, longius præstare. Quo Nomine Vobis gratulor, quorum humanitas est consulere civium commodis, & utilitati salutique servire, ac me beatum judico, qui talis municipii non sine rei familiaris jactura jus redemi, quale cum ipsa civitate Romana, si ingenia spectemus, & facilitatem morum jurisque æquabilem rationem, nemo non judicet hæc tempestate conferri posse. Huic ego ita me devinctum fateor, ut nihil facere mihi videar posse, quo voluntas mea, & officium expleatur; etiam si ad gratam officii memoriam accesseris ratio illa quæ pesteris quoque esse possit salutaris. Extare enim volui prompti in hæc patriam animi, & benevolentie singularis monumenta sempiterna, quibus antiqui juris regulæ illustrantur. Eaque si grata fuerint, & quadam animi inductione, atque voluntate hanc meam industriam Vobis non displicuisse cognovero, sedulam posthac, ut in communis patriæ novis aliquot monumentis commendanda, atque exornanda, & esse, & videri perpetue constans possim, operam dabo. Valete. Brugis Flandrarum. 16. Kal. Julii M. D. LXXII.

JA.



## JACOBI RÆVARDI JC.

AD TITULUM PANDECTARUM, DE DIVERSIS  
REGULIS JURIS ANTIQUI

## C O M M E N T A R I U S.

## PAULUS LIB. XVI. AD PLAUTIUM.

*Regula est, quæ rem quæ est, breviter enarrat. Non ex regula jus sumatur, sed ex jure quod est regula fiat. Per regulam igitur brevis rerum narratio traditur, & ut ait Sabinus, quasi causæ conjectio est, quæ simul cum in aliquo vitiosa est, perdit officium suum.*



DEMONSTRAVIMUS de Auctoritate Prudentium libro singulari, olim observari solitum, ut quoties gravis aliqua, & perplexa juris incideret quæstio, fori

quædam institueretur disputatio, Jurisconsultis simul congregatis: eaque fori disputatione jus quoddam communi prudentum definitione componi consuevisse, quod jus communi nomine appellabatur *jus civile*, *jus receptum*, *recepta sententia*, & *regula juris*. Hæc si vera sunt, nunc facite intelligimus quid sibi Paulus voverit hac obscura regulæ definitione, *Regula est, quæ rem quæ est, breviter enarrat*. Sensus enim est, regulam juris eam esse, quæ rem fori disputatione definitam, & consensu Jurisconsultorum receptam breviter enarrat. Probavimus Variorum libro tertio, non scholasticis solum auctoribus, sed ipsis etiam Jurisconsultis substantivorum Ellipses admodum familiares fuisse. Eadem ratione verborum, participiorum, &

præpositionum Ellipses esse in usu solent. Nam cum sic scriberet in Andria Terentius; *Ego me continuo ad Cbremem*, admonuit Donatus id *ἀλλαντιζῶν* positum esse, & verbum, duco, subaudiendum. Simili modo quod Paulus ait, *Regulam esse quæ rem quæ est breviter enarrat*, ad participiorum Ellipses referendum videtur, quasi subaudiatur participium, *definita*, hoc est, *consensu recepta*. Eadem figura dixit etiam Paulus, *ex jure quod est*, subauditur enim *definitum*. Hæc cum non considerarent interpretes, in eum errorem prolapsi sunt, ut existimaverint regulam juris brevem quandam sententiam esse ex vario multiplicique jure, sive ex pluribus legum capitibus notatis, & inter se comparatis emergentem? idque sibi Paulum voluisse his verbis; *non ex regula jus sumatur, sed ex jure quod est, regula fiat*. Quasi verò definit Paulus jus ipsa regulâ antiquius esse, & per hoc regulam jus aliquod novum non constituere, cum interim utrumque veritati sit consentaneum. Nec enim jus est antiquius regulâ, nec etiam absurdum est jus

aliquod novum regulam juris civilis constituitur, eo nihil obstante quod scripserit Paulus, ex regula jus non sumi. Nam sic accepimus Julianum scripsisse; *Regula est juris civilis, qua constitutum est hereditatem admitti, non posse propter quam liber, & heres esse jussus sit*, cap. 13. §. 1. de lib. & posthum. Ex quo loco evidentissime constat jus non esse antiquius regula. Ait enim expresse Julianus regula juris civilis novum aliquod jus constitui, quod antea in usu non erat. Id quod idem Julianus etiam alio loco his verbis demonstravit: *In his qua contra rationem juris constituta sunt, non possumus sequi regulam juris*, cap. 15. de legib. Ecce, conjungit expresse Julianus cum novi juris constitutione regulam juris civilis. Quid de regula Catoniana dicemus? Quis est quæso mortalium qui ausit negare Catonianam regulam jus constituit? Celsus enim ita scribit; *Catoniana regula sic definit*, capit. 1. de reg. Caton. Quid est definire? nonne ex incerto dubioque jure certum aliquod jus, & consensu probatum constituit? Et idcirco explodenda videtur communis illa veterum recentiorumque juris interpretum definitio, qua tradiderunt jus esse antiquius regula, regulam jus non constituit, & denique brevem quandam sententiam juris civilis regulam esse ex vario multiplicique jure conceptam. Quod autem Paulus ait ex regula jus non sumi, hoc eam habet sententiam, ut regulæ tanta non fuerit auctoritas, quanta legis, plebisciti, decreti Principis, aut alterius scripti juris speciei. Leges enim, & juris scripti species reliquæ, etiam si iniquissimæ sint, tamen tamen firmam obtinent juris auctoritatem quamdiu aut in consuetudinem non abierunt, aut abrogatione e medio sublata non

sunt; & sic jus sumi ex legibus solet. Aliud dicendum est de regula juris civilis. Illa enim tamdiu firmam juris obrinet auctoritatem, quamdiu vitium in ea nullum deprehenditur, quo vitio deprehenso statim juris auctoritate censi regula desinit. Idque interdum fieri solitum testis est pro Muræna his verbis Cic. *Deinde vestra responsa, atque decreta, & everuntur sæpe dicendo, & sine defensione oratoris firma esse non possunt*. Per decreta enim receptas sententias Jurisconsultorum, hoc est, juris civilis regulas intelligit hoc in loco Cic. Nec aliud est quod sic Julianus scribit: *In his qua contra rationem juris constituta sunt, non possumus sequi regulam juris*, dicto cap. 15. de legibus. Et sic quidem jus ex regula non sumitur. Si enim ex regula jus sumeretur utique omnino consequens esset etiam in iis, quæ contra juris rationem recepta sunt, sequendam esse juris regulam. Jus igitur ex regula non sumitur, sed ex jure quod est fieri debet regula, inquit Paulus, hoc est, non ideo aliquid debet videri justum, atque ita per consequens juris auctoritatem obtinere, quia illud Jurisconsultorum consensu receptum est, & sic in regula nomen transit; sed ex jure quod iuste receptum est, & consensu probatum, fieri debet regula quædam juris civilis. Quasi in effectu dicat Paulus, hujusmodi ratiocinationi locum non esse. Regula est, ergo id quod ea regula continetur justum est. Sed contra, iusta consensu Jurisconsultorum recepta est quædam sententia. Ergo ex ea fieri regula debet. Hæc interpretatio alio quodam Pauli responsio vehementer probatur. Sic enim scribit Paulus; *Quod contra rationem juris receptum est, non est producendum ad consequentias*, cap. 14. de legibus cap. 141. hoc tit. haud dubiè per jus re-

ceptum

ceptum regulam intelligens juris civilis, & per consequens, hujusmodi ratiocinationes. Idque cum non intellexeret Tribonianus, scriptas aliquot leges, & responsa prudentum plurima in hoc titulo pro regulis nobis obtrusit, quæ nec auctoritatem nec nomen regulæ unquam habuerunt. Ait Paulus: *Regulam esse quasi causæ conjectionem. Rem sine litem, quæ quasi per indicem exponitur, causæ conjectionem, quasi causæ in breve conjectionem defuirit Aconius.* Et hujusmodi quidem causæ conjectioni simillima est regula juris civilis. Quemadmodum enim ea *conjici causæ* dicitur, quæ cognitis utrimque propositisque, & actoris, & rei argumentis in breve cogitur; itaqueque regula in brevem quandam succinctamque formulam, disputatione fori consensu quodam disputantium finita, ex iis conjici argumentis solet, quæ hinc inde fuerant agitata, addito interdum ejus, cujus inter ceteras obtinuerat sententia; expresso nomine; id quod ex Catoniana regula patet evidentissime.

## II. ULPIAN. LIB. I. AD SABIN.

*Femina ab omnibus officiis civilibus vel publicis remota sunt: & ideo nec judices esse possunt, nec magistratum gerere, nec postulare, nec pro alio intervenire, nec procuratores existere.*

**M**UNUS interdum aliud nihil est quam officium: Idque ex eo constat, quod judicare ab Ulpiano in hac l. & a Paulo ad publicum munus referatur, cap. 78. de judic. Eoque pertinet illud Festi, *Munus significat officium, cum dicitur quis munere fungi.* Interdum ab officio separatur munus, quod tunc accidere solet cum munus aliquod patrimonio indicitur,

non sine sumptu, & periculo. Huic consentaneum est illud Apuleii de Asino, libro 4. *nec nos denique latuit Chryseros quidam nummularius copiosa pecunia dominus, qui metu officiorum, ac munerum publicorum magnis artibus magnam dissimulabat opulentiam.* Et hac ratione omnis publica functio aut fuisse videtur munus publicum aut officium publicum aut denique publicum ministerium *Munus publicum*, auctore Callistrato, illud erat quod in administranda re aliqua publica cum sumptu sine titulo dignitatis subibatur, cap. 14. de muner. & honor. Quæ definitio eam videtur habere sententiam, ut hi qui rem aliquam publicam, hoc est, rem ad civitatem pertinentem sumptibus suis satam tectamque sustinent, & conservant, non privatum, sed publicum munus subire videantur, quales sunt qui rei vehicularis, & navicularis, extruendi que, vel reficiendi in civitate operis curam gerunt, cap. 1. in princ. & cap. 4. de muner. & honor. Et hoc inde potissimum quod olim inter Jurisconsultos magna fuisse videatur controversia an a civilibus muneribus publica diversa sint. Quod ipsum Justinianus his verbis testatus est; *Et tutelam, & curam placuit publicum munus esse §. 1. Instit. De excus. tut.* Hoc enim verbum. *Placuit*, denotat fori disputationem. In hac disputatione a reliquis dissensisse visus est Callistratus, & existimasse, licet totela civile munus sit, non tamen publicum munus esse, sed privatum. Ait enim Callistratus, *cum qui adilitate fungitur, tutorem dari iudicis recte posse, quod adilitas inter eos magistratus numeretur, qui privatis muneribus eximati sunt, cap. 17. §. 3. de excus.* Ex quo loco evidentissimum est, in ea persuasione Callistratum fuisse, ut existimaverit tutelam non publicum, sed privatum munus esse; & per con-

sequens inter publicum, & civile munus aliquam statuendam esse differentiam. *Excusatio enim manifestum iustis jure dati argumentum est*, cap. 13. §. pen. de excus. Eaque res efficit, ut mihi persuadeam, hæc Callistrati verba vitiosa esse; *Eos qui in corporibus sunt, veluti fabrorum, immunitatem habere dicimus; etiam circa tutelarum exterorum hominum administrationem habebunt excusationem, nisi si facultates eorum adductæ fuerint, ut ad cetera quoque munera publica compellantur*, dict. cap. 17. §. 2. Non enim dubito quin sic Callistratus scripserit. Ut ad munera quoque publica compellantur: & verbum *cetera*, Tribonianum esse, satis haud dubie persuasi placuisse, hoc est receptum fuisse tutelam munus publicum esse: Alioqui sibi ipsi Callistratus in uno eodemque responso contrarius est. Tutelam esse munus civile neminem arbitror inficiari. Cum igitur receptum sit adversus Callistratum inter civile munus, & publicum nullam esse statuendam differentiam, utique ex eo etiam necessario videtur consequi, tutelam quæ civile munus est, publicum quoque munus sic esse, ut hi qui ad publica munera vocantur, vocentur etiam ad tutelam, & qui muneribus iis excusantur, hi quoque tutela debeant excusari. Et quamvis hæc ita scripserit Callistratus, nihilominus tamen satis constat plebrosque Jurisconsultos nullam inter civile, & publicum munus differentiam fecisse. *Navicularius enim civili munere fungi testis est Hermogenianus*, c. 1. in pr. de muner. & honor. *Illud idem civile munus appellat publicum munus Serbidiu Scævola*, c. 5. d. tit. Et hujusmodi publicorum sive civilium munerum alia erant ordinaria, alia extraordinaria. *Ordinarium civile munus est, quod lege, vel more civitatis secundum*

*ætates, & dignitates inter se municipes ordine, hoc est, per vices gerunt*, c. 1. C. de muner. patrim. Cujus generis est munus hospitis in domum recipiendi, c. 3. §. 11. de muneribus. Idque testatur M. Cicero, sic in Verrina tertia scribens: *Quod ubi Philodamo nuntiatum est, tametsi non erat ignotus quantum sibi, ac liberis suis jam tum mali consisteretur, tamen ad istum venit, ostendens munus suum, id non esse, se cum sua partes essens hospitum recipiendorum, tum ipsos tantum Praetores, & Consules non legatorum affectas recipere.* Hæc Cicero, id per partes intelligens quod vices appellant Jurisconsulti. Sic enim ad illum locum *partes* interpretatus est Asconius Pedianus. *Munus publicum extraordinarium definit Pomponius officium privati hominis ex quo non ordine, hoc est, per vices, sed extra ordinem commedum ad singulos universosque cives venisse eorum magistratus imperio pervenit*, cap. 239. §. 3. de Verb. Sign. Hujus generis esse arbitror publicæ viz munitiones. Vicinos enim suis sumptibus, aut operis eam tunc reficere imperio magistratus extraordinarie consuevisse, cum illis exemptus esset commensus: ex eo facile patet quod veterani viz sternendæ immunitatem non habuerint, c. 4. de vetera. Nec est quod quis obijciat publicæ viz munitiones inter personalia munera ab Hermogeniano referri, cap. 1. de mun. Illud enim non de eo qui viam sternit, sed de eo accipiendum est, qui electus est ut compellat eos qui prope viam publicam possident sternere viam. Hujusmodi enim munus personale esse testis est Arcadius Carisius, cap. fin. §. 2. de mun. & honor. eosque qui tali munere funguntur, *magistros pagi* appellat Siculus Flaccus lib. de Conditionibus Agrorum. *Ceterum officium publicum quin differat ab officio civili*

non

non dubitatur, eo non obstante quod inter munus civile, & publicum vix ullam admittant Jcti differentiam. Quis enim credat intervenire esse officium publicum? Et ideo dicendum est omne quidem officium publicum civile esse, sed non contra omne officium civile publicum. *Magistratum gerere, iudicem esse, munera publica sunt*, hoc est, officia publica, & civilia simul, cap. 78. de jud. cap. fin. §. 1. de muner. cap. 5. in fin. cum seq. de cap. minut. Intervenire postulare, publica officia non sunt sed civilia. Et ita functio publica, aut ex munere publico, aut ex officio publico olim videri potest constituisse. Tertiam publicæ functionis speciem diximus esse *ministerium publicum*, ejusque ministerii invenio diversa fuisse genera duo: Unum honorificum, & cum potestate; alterum servile, ac mercenarium. De priore observatum est Martianum sensisse, c. 1. de L. Jul. repet. Per ministerium enim in eo c. 1. intelligit magistratum illum. Marcianus, qui sub titulo ministerii in provincias cum potestate & imperio mittebatur. Et hanc quidem interpretationem vehementer probat Valer. Max. sic de M. Catone scribens in Cyprium confiscandæ pecuniæ regis causa missis: *Unde cum pecuniâ deportanda ministerium sustineret tam aversum animum ab omni Venere quam a lucro habuit*. Alio sensu per ministerium publicum servi intelliguntur populi Romani, aut civitatum publici. Sic ministerium publicum accepit in ea Declamatione Quintil. cui tit. est: *Pregnans adultera*, his verbis; *fortiter tamen dicarem omnes leges quæcunque de suppliciis scriptæ sunt, ad eos pertinere qui damnati sunt, qui in judicio convicti, qui per ministeria publica, & carnicum manus occiduntur*. Et sic quidem satis esse perspicuum puto, quæ ratione omnis olim publica

functio ex munere publico, ex officio publico, & denique ex publico ministerio constitierit. Ab omnibus officiis publicis, & civilibus fœminæ remotæ sunt, non utique ab omnibus muneribus publicis. Quatenus enim personalia sunt munera publica, ab iis fœminæ remotæ sunt; quatenus patrimonialia, non omnino sunt remotæ. Idque illud est quod sic Ulpianus scribit: *Corporalia munera fœminis ipso sexus denegat*, cap. 3. §. 3. de muneribus. Idem sexus fœminas ad publicum aliquod ministerium non patitur admitti; & sic a muneribus personalibus omnibusque civilibus, ac publicis officiis, & denique ab omni ministerio publico sexu removeri fœminæ solent. Nam, ut ait Ambrosius de Paradiso capite undecimo, *sicut vir publicis officiis; ita mulier domesticis ministeriis habilitur æstimatur*. Et hæc quidem adeo vera sunt, ut scripserit expresse Callistratus ab omni opera virili fœminas removeri consuevisse, & idcirco ad officium argentarii admittendas non esse, cap. penultim. de edendo. Est etiam Neratius auctor, fœminas tutores dari non posse, quia munus illud masculinum est, cap. ultim. de tutel. Quod autem iudices esse non potuerint fœminæ, hoc inde eveniro testatur Paulus: *quia receptum est, ut civilibus officiis mulieres non fungantur*, cap. 12. §. 2. de judic. Nec mirum cur id receptum sit, cum iudices olim Romæ, aut Equites essent, aut Senatores. Equitem, aut Senatorem fœminam nulla unquam vidit ætas, eam si exceperis quæ Helagabali imperium est sortita. Testis est enim Lampridius: *Helagabalum ubi primum senatus diem habuit, matrem suam in senatum rogari jussisse, solumque hunc Imperatorem fuisse, sub quo mulier quasi clarissima loco viri senatum ingressa est, cunctumque posita, ne nunquam*

quam mulier senatum ingrederetur, utque inferis ejus caput devoveretur, per quem id esset factum. Postulare quoque prohibentur scæminæ. Qui postulabant, in ordine stabant aduentium Prætorem, indeque securas, & improbos homines qui assidue in litibus morabantur, ordinaris appellatos fuisse, testis est Festus. Quibus hominibus matronam Romanam admisceri prorsus indecorum est, cui matrona haberi honorem illum Romani voluerunt, ut eam in jus vocanti corpus ejus attingere non permiserint, ne hujusmodi actoris manus alienæ tactu sole violaretur; quemadmodum auctor est Valerius lib. 2. Est etiam infirmitas scæminarum impedimento quo minus scæminis intercedere permillum sit, cap. 2. §. 1. Ad SC. Vellejan. Intercessio, & generis est, & speciei nomen. Nam genere quodam qui fidejudent, quod fieri stipulatione solet, & qui re, verbis, aut quocunque alio contractu pro alio interveniunt, intercedere dicuntur, d. cap. 2. §. 2. Ad speciem tunc intercessio referri solet, cum sine stipulatione, aut quo alio de intercessione contractu facto intervenitur; quod fieri hac solemnī formula solet, *PERICULO MEO CREDE*, cap. 12. §. 9. Mandati, Prohibentur etiam scæminæ procuratores esse. Imperiti non considerantur apud veteres procuratoris, tutoris, & aliorum id genus nominum appellationes communis fuisse generis, loco *Procuratores*, substituere non verrebantur *Procuratrices Auctor*, inquit Festus, communis generis est apud antiquos. Quod autem Ulpianus ait, procuratores esse scæminas prohiberi; hoc ut ad patronos, advocatos, & cognitores etiam referatur, una eademque ratio suadet. Hæc enim prorsus virilia sunt.

## AD §. ITEM IMPUBES.

*Item impubes omnibus officiis civilibus debet abstinere.*

CUR impubes omnibus civilibus officiis debuerit abstinere, hæc proferri ratio potest, quod civilia officia virilia sint, quæ virilia officia ante sumptam virilem togam juventus Romana non subibat. Quod ipsum clarissime testatur Cicero sic ad Attic. libro septimo scribens: *Habebamus autem in manibus Antonii concionem, habitam decimo Calendas Januarii, in qua erat accusatio Pompeii usque a toga pura.* Hæc Cicero, indicans omnino Pompejum ab eo tempore quo primum civilibus officiis fungi cœperat, repetita narratione, acculatum in concione quadam ab Antonio fuisse: Et idcirco ad postulandum non ante videntur admissi fuisse Romani juvenes, quam exuta prætexta bullæque posita induissent virilem togam; tamdiu enim consilio alterius sic regebantur, ut in forum non prodirent. Idque testatus est evidentissime Epistolarum libro primo Seneca. Sic enim scribit: *Tenes utique memoria quantum senseris gaudii, cum prætexta posita sumpsisti virilem togam, & in forum deductus es.* Nec alio spectat illud ejusdem Senecæ de Brevitate Vitæ: *Ansus est enim, & pupillus adhuc & prætextatus iudiciis reos commendare.* Morit erat, ut impubes ingenti ad annos usque pubertatis toga uterentur prætextâ, & bulla aurea, quæ prætextatorum puerorum insigne erat, eis a pæstore dependeret, qua significabatur eam ætatem alterius regendam esse consilio, auctore Festo de Verborum Significatione libro secundo. Id quod Cicero etiam evidenter docet, sic in Verrem actione tertia scribens: *Neque te tam commovebat, quod ille cum toga præ-*

*prætexta, quam quod sine bulla venerat. Vestitus enim neminem commovebat is quem illi mos, & jus ingenuitatis dabat; quod ornamentum pueritiae pater dederat, hoc ab ista prædione trepidum esse, graviter, & acerbè homines feriebant.* Hæc Cicero cum morem describens, quo simul cum prætexta etiam bulla suspendi in collo infantibus solet; ingenuis quidem aurea, liberinis vero scortea, ut scribit ad illum Ciceronis locum Asconius Pedianus. Per togam prætextam eam togam intelligebant veteres cui purpura prætexebatur, ad togæ virilis differentiam. Virilis enim toga appellabatur toga pura. Sic enim scribit ad Atticum Cicero libro nono: *Polo Ciceroni meo togam puram dare.* Dicebaturque toga pura, quod ei nulla purpura esset prætexta. Nec aliud etiam per bullam scorteam, qua liberini puri utebantur apud veteres intelligebatur, quam solum quod in collo pro bulla decore gestabant pueri liberini, auctore Macrobio, Saturnaliorum libro primo, cap. 6. Puellas quoque usas esse togam prætextam, testis est in eadem Verrina Cicero. Ait enim: *Esipies igitur pupilla togam prætextam, detrabes ornamenta non solum fortuna, sed etiam ingenuitatis?* Cum autem hujusmodi prætexta pueri puellæque induebantur, tunc etiam observari solet, ut sacrificium aliquod perageretur, quo infirmitas pueritiae sacra fieret, ac venerabilis; illudque sacrificium appellabatur *sacrum prætextatum*. Quo sensu accipiendum est quod in illa Declamatione cui titulus est: *Novitius prætextatus*, cui scribit Quintilianus: *Ego vobis allego etiam ipsam illud sacrum prætextatum quo sacerdotes velantur, quo magistratus, quo infirmitatem pueritiae sacram facimus, ac venerabilem.* Eratque tanta prætextatorum juvenum apud Romanos cura, & tam diligens edu-

catio, ut nullo quidem obsceno verbo possent uti, indeque *prætextatus* sermo dicebatur, ut auctor est Festus, qui nihil obscenitatis habebat. Quod si obsceno aliquo verbo uti essent prætextati, ab Ædilibus, aut Censoribus more ceterorum civium multari non solebant, sed tergore murenz, quod tenuissimum erat, verberabantur, & ob id multam prætextatus non esse institutam, contendit Verrius apud Plinium Natur. Hist. libro nono, cap. 33. Cæterum postea quam pubertatis annos jam egressi essent pupilli, prætextam exuere, bullamque deponere, & induere virilem togam solebant: anno nimirum ætatis decimoquarto, quinto, vel sexto. Sic enim de Commodio Antonino scribit Ælius Lampridius: *Decimoquarto ætatis anno in collegium sacerdotum assumptus est; cooptatus inter tres solos principes juventutis, cum togam sumpsit, adhuc in prætexta purilli congiarium dedit.* Est etiam Svetonius auctor, Augustum anno ætatis decimosesto virilem togam sumpsisse. Sic enim scribit: *Duodecimum annum agens aviam Juliam defunctam pro concione laudavit: quadriennio post virili toga sumpta, militaribus donis triumpho Caesaris Asellano donatus est.* Hinc intelligimus quid sibi voluerit Ulpianus, cum scriberet: *prætextatum, eumque qui proxime prætextatus ætatem accedit, apud matrem familias deponendum esse; & proxime prætextatus ætatem accedens cum qui pubertatem atatem nunc ingressus est, cap. 3. in fin. de lib. exhib.* Sensus enim est, eum qui adhuc prætextam indutus bullam ex collo dependentem gerit, apud aliquam matremfamilias, hoc est, notæ auctoritatis foeminam tunc interdum deponendum esse, cum de eo exhibendo agitur, & prætextatorum ætati pubertatem proximam esse, sic nimirum ut post finitam pubertatem anni, biennii,

aut

aut ad summum triennii spatium, ætas etiam finiatur prætextatorum. Quod igitur impuberes omnibus officiis civilibus debuerint abstinere, hoc inde est quod illi cum essent prætextati, ante ad virile officium non forent idonei, quam exuta prætexta, depositaque bulla togam sumpsissent virilem. Nec est quod quis objiciat, ad Tribunatum numerorum pupillos olim admissos fuisse, & sic per consequens officium eos gessisse virile, idque Justinianum sibi voluisse, cap. ult. C. de test. milit. Eum enim locum vitiosum, & aliter accipiendum esse quam putat vulgus interpretum, est a nobis demonstratum Variorum libro quarto, capite octavo. Nostramque emendationem duobus manuscriptis exemplaribus confirmari, auctor est juvenis doctissimus Ludovicus Carion.

peculio, dominum tributoria obligare, si modo sciente domino servus negociaretur, contenderat Ulpianus, hæc verba subiicit: *Scientiam hic accipimus quæ habet, & voluntatem; sed ut ego puto non voluntatem, sed patientiam. Non enim velle debet dominus, sed non nolle*, cap. 1. §. 1. & 2. de tribut. act. Quo in loco eum qui sciens non protestatur, aut non contradicit, non nolle, eumque qui quid fieri vetat, vel jubet velle interpretatur Ulpianus: *Ejus igitur est non nolle, qui potest velle*; hoc est is, dicendus est dissimulare, vel pati, qui potest voluntatem suam declarare. Ideoque si mercedem servi peculiarem apud Ulpianum dominus ignorasset, quia voluisse propter ignorantiam intelligi non poterat, jultam profecto defensionem habuisset, & tributoria conveniri nequaquam potuisset. Nec sane alia ratione dominus cum patitur colonum in fundo esse, ex integro locare intelligitur, quam quod voluntatem suam potuerit declarare, cap. 14. Locati. Simili modo partis taciturnitate, cap. 13. §. 10. & 11. d. tit. Græci interpretes cum non satis intelligerent quid significaret non nolle, negationem rejecerunt, & sic legendam hanc juris regulam posterius reliquerunt: *Ejus est nolle, qui potest velle*. Florentina pandectarum editio, quam ego Græcorum auctoritati longe præferendam censeo, expresse scriptum continet: *Ejus est non nolle*. Et quamvis inficiari nequeam ex Græcorum interpretatione regulam hanc cum illo ejusdem Ulpiani sesponso, quod capite quarto, de acquir. hæredit. extat, non male conjungi posse, præsertim cum utriusque legis epigraphæ aliqua ex parte hujusmodi suadet conjunctionem; nihilominus tamen retinendam censeo hanc Florentinam lectionem,

& n.

### MI. ULP. LIB. III. AD SABIN.

*Ejus est non nolle, qui potest velle.*

**V**ELLE aliquando significat verbis expressis voluntatem suam declarare; idque tunc maxime accidere solet, cum ei opponitur non nolle. Est enim non nolle, pati & nihil contradicere. Eoque sensu non nolle visus est accepisse Cicero, sic ad Atticum scribens lib. 13. *Proximis tuis literis primum te id non nolle cognovi*, hoc est, pati & non contradicere. Jurisconsulti non nolle, & velle, sic etiam interpretati sunt, ut velle eos dicaat, qui voluntatem suam declarant, hæc quid ventent, sive quid fieri jubeant: non nolle, qui quid scientes dissimulant, hoc est, non declarant se vel nolle, vel quod sit fieri velle, idque ex Ulpiano evidentissime constat. Cum enim mercedem peculiarem, etiam si nihil esset, in



& nihil in ea mutandum esse, quæ & idoneum sensum præ se fert, & similitum verborum, alio etiam in loco eundem Ulpianum auctorem habet. Nec sane tanti apud me aut interpretationis Græcorum, aut legum conjunctiones sunt, ut sine alia evidenti & manifesta quadam ratione Florentinam pandectarum editionem exillimem vel una syllaba privandam esse. Nam si tantum interpretibus Græcis tribuendum est, ut eorum auctoritatem receptis lectionibus præferamus, cur igitur in hujus tituli cap. 1. pro *causa conjunctio*, non reponimus *causa conjunctio*? Nam sic Græcos legisse, vel unus esse testis locupletissimus potest Constantinus Hermenopolus.

Ulpianus ad Sabinum libro sexto.

#### IV. ULPIANUS LIB. VI. AD SABINUM.

*Velle non creditur, qui obsequitur imperio patris, vel Domini.*

**S**ENSUS hujus regulæ est, iis de rebus in quibus parentum filiosfamilias, & dominorum imperio servi auscultare debent, nec filiosfamilias nec servos intelligi velle; hoc est, ullam habere liberi arbitrii dispositionem; quæ dispositio servis filiisque familiæ de iis rebus concessa est, quæ ex parentum & dominorum imperio non dependunt. Hæc regula ex Ulpiano ad Sabinum libro sexto desumpta est. In eo libro de acquirenda hereditate disseruit idem Ulpianus, & in differendo, transisse etiam visus est, an filiosfamilias hæres institutus, citra jussu patris suo arbitrio pro hærede recte gerat. In qua tractatione, hæc utebatur Ulpianus distinctione, ut scriberet, aut de eo filiosfamilias agi qui miles esset, aut de eo qui paganus.

Temp. Tom. I.

Si de pagano, certum esse huic pro hærede gerere suo arbitrio non posse. Velle enim non creditur, eo quod obsequi imperio patris debeat. Si quæstio esset de filiosfamilias milite, hunc in iis quæ castrensis sunt, velle intelligi, & per consequens imperio patris non obsequi, ac proinde a commilitone hæredem institutum citra jussu patris suo arbitrio recte pro hærede gerere. Et hæc vera est sententia hujus regulæ, quæ cum capite quinto, de caltr. pecul. conjuncta hanc interpretationem omnino requirit; tamque conjunctionem ipsa utriusque legis inscriptio evidenter suadet, quæ talis est: *Ulpianus ad Sabinum libro sexto. Cap. tum est filiosfamilias in publicis causis loco patrisfamilias haberi*, cap. 9. de his qui sunt sui, vel alieni. jur. Et ob id in iis causis sic creditur velle, ut obsequi imperio patris non cogatur, idque eleganter a Quintiliano in ea Declaratione cui titulus est, *Auctor patris abdicandus*, his verbis traditum est: *Dicitur igitur certa esse quæ imperant patres, navigationem, militiam, quedam excipi, Senatoris, Magistratus, judicis sententiam.* Caterum dominorum imperio servos obsequi debuisse, adeo verum est, ut contenderet expresse Cyprianus inde nomen servos habuisse, sic enim in libro de Singularitate Clericorum scribit: *Alioquin nos nos servos adscriberemur, nec ipse dominus haberetur, si secundum voluntatem nostram permitteretur impendere servitutem.* Et quævis hæc ita sint, interdum tamen fieri quendam per servos suos patiebantur homini, sine aliquo imperio speciali; idque tunc accidere solet cum servus alicui negotiationi præpositus est. Tunc enim suo arbitrio domini negotium tandiu gerit servus, donec illud gerere a domino prohibeatur. Eaque prohibitio dotali præposito hæc fieri

I

fo-

solemni formula plerumque solet, CUM JANUARIO SERVO MEO GERI NEGOTIUM VETO, ut est apud Paulum, cap. 47. in princ. de pecul.

## V. PAULUS LIB. II. AD SABIN.

*In negotiis contrahendis alia causa habita est furiosorum, alia eorum qui fari possunt, quamvis actum rei non intelligerent. Nam furiosus nullum negotium contrahere potest; pupillus omnia tutore auctore agere potest.*

CERTUM est ad Sabinum libro secundo, ex quo hæc regula desumpta est, de adeunda hereditate; inter alia tradidisse Paulum, & simul definitivè pupillum, si fari possit, adire hereditatem, & cernere auctoritate tutoris non prohiberi; eo nihil obstant quod neque scire, neque discernere talis ætas possit, quæ scientia eretionis formula comprehendit solet verbis ad hunc modum conceptis, TITUS HÆRES ESTO, CERNITOQUE IN DIEBUS CENTUM PROXIMIS QUIBUS SEIERIS POTERISQUE, NISI ITA CREVERIT, EXHÆRES ESTO, ut auctor est Ulpianus in fragm. tit. 22. Quamvis igitur seire pupillaris ætas non credatur, nihilominus tamen recte, & adire hereditatem, & cernere auctoritate tutoris pupillus poterit, si modo ejus ætatis sit, ut fari possit, hoc est, hæc solemnia verba pronunciare; CUM ME MEVIUS HÆREDEM INSTITUERIT, EAM HÆREDITATEM ADEO, & CERNOQUE. Hoc enim favorabiliter pupillis præstari testatur ad Sabinum libro secundo Julius Paulus, cap. 9. de acq. hered. Et hoc inde potissimum, quod in negotiis contrahendis, hoc est in omnibus legis actionibus; sive solemnitibus, & legitimis actibus pupillus

qui fari potest, omnia tutore auctore agere possit, quamvis actum rei non intelligat, cap. 70. de verb. obligat. Et ita eodem illo ad Sabinum libro, secundo scribit Paulus id quod hæc nostra regula expresse continet, ejus hæc est sententia. Pupillus in mancipationibus, cessionibus, aliisque legitimis negotiis contrahendis, tutore auctore si fari potest, omnia agere potest, adeo quidem ut recte hæc solenni formula rem acciperet mancipio; HUNC HOMINEM EX JURE QUIRITIUM MEUM ESSE AJO, ISQUE MIHI EMPTUS EST HOC AERE AENEQUE LIBRA. Eadem ratione scripsit etiam Paulus, procuratorem a pupillo recte constitui; si ejus ætatis pupillus sit ut fari possit, c. 24. de admin. & peric. tut. Sensus enim est: Si verba quibus procuratores constitui solent, solemnia pronunciare apud acta possit pupillus, quamvis actum rei non intelligat, nihilominus tamen non a tutore, sed ab ipso pupillo debere constitui procuratorem. Hæc si vera sunt, consequi ergo aliqua ratione videtur, sic Paulum ad Sabinum lib. 2. ratiocinatum esse. In mancipationibus, cessionibus, aliisque legitimis negotiis contrahendis tutore auctore, omnia pupillus, si infans non sit, facere potest; ergo & adire quoque hereditatem potest; id quod in furioso locum non habet certe, quod furiosus fari hoc est, mancipationis, cessionis, additionis, hereditatis, eretionisque, & aliarum legis actionum verba solemnia proferre nequeat. Et hæc est vera sententia hujus regulæ, præsertim cum cap. 9. de acquir. hered. conjunctæ; eamque conjunctionem, & regulæ hujus sensus verus, & antiquitatis ratio diligenter expensa omnino requirunt. Est enim ab eodem Paul. alio loco traditum ad ea quæ solemnitatem juris desiderant explicanda

opus

opus esse tutore auctore, c. 19. de auct.  
tut. Igitur non tutor pupilli nomine,  
sed pupilli nomine proprio, si fieri  
potest, rem accipiet mancipio, hære-  
ditatem adibit, omniaque legis actio-  
num solemnia adimplebit, tutore au-  
toritatem suam iisdem legitimis acti-  
bus accommodante. Est enim rece-  
ptum alieno nomine lege agere nemi-  
nem posse. Idque etiam sibi voluit  
Ulpianus cum scriberet tutoris auctori-  
tatem interponi perfetto negotio, cap. 25.  
§. 3. de acquirend. hæred. Scilicet enim  
est, post solemnia legis actionum ver-  
ba ab ipso pupillo pronunciata, tuto-  
res auctoritatem suam iisdem negotiis  
legitimis accommodare consuevisse.

VI. ULPIANUS LIB. VII.  
AD SABINUM

Non vult hæres esse, qui ad alium trans-  
ferre vult hereditatem.

CUM scriberet Ulpianus *questiones*  
fuisse, an is pro hærede gerere  
videatur qui pretium omittenda heredi-  
tatis causa a substituto, aut legitimo hæ-  
rede capio, & obtinuisse hunc pro hæ-  
rede non gerere (cap. 24. de acquirend.  
hæred. cap. 2. Si quis omisi. caus. te-  
stam. cap. 8. de mort. caus. donat.)  
hanc vult esse rationem: idem Ulpia-  
nus subiecit. Non enim vult hæres  
esse qui ad alium transferre vult heredi-  
tatem, & eaque transferendæ heredi-  
tatis voluntas ex accepto hereditatis  
omittenda causa pretio, proliis digno-  
scitur. Si igitur is qui hereditatem  
ad alium transfert, per hoc hæres esse  
non vult, certe omnino consequens est,  
nec eum pro hærede gerere quicquam  
posse. Nam qua ratione fieri potest  
ut is qui hæres non est, pro hærede  
gerat? Nec aliud arbitror huius regulæ

exemplum commodius accommodari  
posse, præsertim cum liquido ex alle-  
gatorum capitum inscriptionibus, con-  
stet, libro ad Sabinum septimo, ex  
quo hæc etiam juris regulæ desumpta  
est, huiusmodi questionem accuratissi-  
me Ulpianum tractasse. Quia igitur  
is qui ad alium transfert hereditatem,  
hæres esse non vult, utique nec pro  
hærede potest gerere, hoc est, rebus hæ-  
reditariis tanquam dominus uti. Hære-  
dem enim pro domino antiquas possesse,  
auctor est Festus, Ulpianus scribit ti-  
tulo vigesimo secundo, cum pro hærede  
gerere, qui rebus hereditariis tanquam  
dominus utitur, veluti inquit, qui au-  
ctionem rerum hereditariarum facit, et  
servis hereditariis cibaria mandat. Quo  
in loco quid sit cibaria mandare non  
facile dixeris, nisi observaveris, servi  
auctoris, sive dispensatoris officium fuis-  
se reliquis servis usitata: quedam per  
canonem certum stipendia, certolque  
frumentum modios in singulos menses  
prestare, eumque morem, ex Salzano,  
Terentio, Donato, & Plauto eviden-  
tissimo demonstravimus. Variorum libro  
quinto. Cujus & Irenæus, quoque vi-  
dus est meminisse, Adversus Hæreses  
lib. 4. cap. 44. Ait enim. Quis igitur  
etis fidelis auctor bonus, & sapiens, quem  
proponet Dominus super familiam suam,  
ad danda eis cibaria in tempore? Et  
sic quidem si hæres institutus manda-  
verit dispensatori familie testatoris ser-  
vis dare cibaria, per hoc pro hærede  
intelligitur gerere, & per consequens  
is, qui hæres instituitur hæres esse non  
voluit, ad substitutum transfereus, hæ-  
reditatem, nullam videtur cibariarum  
mandandorum auctoritatem habuisse.

Non enim pro hærede gerere potuit.

VII. POMPONIUS LIB. III.  
AD SABINUM.

*Jus nostrum non patitur eundem in paganis, & testato; & intestato decessisse. Earumque rerum naturaliter inter se pugna est, testatus, & intestatus.*

**N**ecessum erat ut universum ejus qui testabatur patrimonium testamento ad hæredes transcriberetur, si modo testatus decessisset, suamque voluntatem postremam, vim omnem, & nomen habere testamenti testator vellet. Idque illud est quod sic Ambrosius de Noe, & Arca scribit: *Et homines quidem cum moriuntur, patrimonium suum testamento transcribere solent, nec cedit hæreditas donec vivit testator.* Egitur sine hæredis institutione nullum, aut esse, aut appellari testamentum potuit adeo quidem ut scripserit expresse de Abrahamo lib. 2. idem Ambrosius *testamento hominum prius hæredem ferre, postea legatum exprimere, melioribus hæreditatem, inferioribus legata.* Imperator Theodosius ante obitum omnes suas in filios transfuserat facultates, regnum, potestatem, nomen Augusti, & ideo cum moriens testamentum considerat, dicebatur communi jure testatus non fuisse, eo quod nullo hærede instituto legata, & fideicommissa relinqueret. Idque testatus est etiam Ambrosius sic de obitu Theodosii scribens: *Gloriosus quoque in eo Theodosius, qui non communi jure testatus est. De filiis enim nihil habebat novi quod conderet, quibus totum dederat, nisi ut eos præsenti commendaret parenti, de subditis sibi, & commissis testari debuit, ut legata dimitteret, & fideicommissa signaret. Quid dignius quam ut testamentum Imperatoris len sit? Hæc Ambrosius,*

manifesto docens omne testamentum communi jure hæredis requirere institutionem. Erat etiam moris, ut in universum jus defuncti succederet hæres, quamvis magna hæreditatis pars legatis exhausta esset. In eam enim partem hæredem etiam successisse, ex titulo Pandectarum: *Quod legatorum, evidentissime constat.* Prætor siquidem interdicere ad hunc modum solet; **QUOD LEGATORUM NOMINE, NON EX VOLUNTATE HÆREDIS OCCUPASTI, ID RESTITUAS HÆREDI.** Quo spectat illud Tertulliani de Præscriptionibus adversus hæreticos: *Ego sum hæres Apostolorum, sicut caverunt testamento suo, sicut fideicommissum, sicut adjurarunt, ita teneo.* Et tunc quidem hæreditatis sic fieri delibatio solet, ut hæres ab hæreditate reliqua separaret, quæ legatariis præstanda erant. Eoque sensu legatum delibato hæreditatis dicitur, *qua testatur ex eo quod universum hæredis foret, aliam quid collatum velit, cap. 116. in princ. de legat. 1.* Sic delibatam hæreditatem vidus est etiam Ambrosius, accepisse ad hunc modum in Oratione quadam fidei scribens: *Inter fratres autem qualis fuerit, licet omne hominum genus benevolentia complecteretur, indivisum patrimonium docet, nec distributa, nec delibata, sed reservata hæredibus.* Hæc Ambrosius, per hæreditatem non delibatam, eam haud dubie quæ legatis non est deminuta, hæreditatem intelligens. Et hæc quidem cum ita sint, nunc intelligimus cur testatus, & intestatus decedere paganus non potuerit, nimirum quod appellari testamentum nullum posset, quin illud hæredem hæredesve contineret institutos, quodque nulli potuerint olim hæredes appellari, qui non succederent in universum jus defuncti; quæ successione cessante, & hæredum appellatio nulla erat

erat, & nomen quoque testamenti celebrabat. Est enim hereditas successio in universum jus quod defunctus habuit, cap. 24. de verb. signific. Idque in libro de Cain, & Abel satis etiam indicat Ambrosius cum ita scribit. *Testamentum est quo defertur bonorum hereditas*. Et est quidem adeo hoc verum, ut in iis etiam testamentis quæ per æs, & libram fiebant, non quidem familiaris pars, sed universa familiæ emptori mancipio dari debuerit. Quamvis hæc ita se habeant, interdum tamen ex postfacto accidere solet, ut pro parte testamentum pronunciaretur validum, pro parte invalidum; & tunc pro ea parte qua declarabatur invalidum rescindi testamentum solet; non quidem jure civili, sed benigna interpretatione: non ipso jure, sed expressa judicium sententia; & sic qui prius testatus decesserat, postea interpretatione declaratus est partim testatus, partim intestatus decessisse, cap. 15. in fin. & cap. 24. de inoffic. testament. Ad hujusmodi species hæc regula trahi non debet. In ea enim de eo testatore solum agitur qui ab initio de quadam bonorum parte testatus est, de reliqua testari nolens. Idque ex eo patet evidentiissime, quod dicat hic Pomponius; ut. *quod testatus decessit, & fuit intestatus, naturam repugnare*. Nam si hæres testator scripserit, testatus si decesserit sine hereditibus institutis, intestatus decessisse dicitur, nec patitur natura testatum, & intestatum quem decedere, hoc est, hæredes instituere, & sine institutis hereditibus mori. Si enim, vel unum instituerit hæredem testator, ad eum ipsa institutione omne suum transfudit patrimonium; eamque translationem nomen hæredis omnino requirit, etiam si ex semisse tantum institutus esset. Auctor est enim Justinianus, si unum tantum ex semisse ha-

redem scripserit testator, totum assensum in semisse futurum; neque enim eundem ex parte testatum, ex parte intestatum decedere posse, §. Non autem. Instit. de hæred. Instit. per assensum intelligit Justinianus universum testatoris patrimonium. Idque illud est quod sic in ea Declamatione cui titulus est: *Duo testamenta*, scribit Quintilianus. *Si consensum esse testamentum, non potest videri intestatur decessisse*. Et hæc quidem hæc nostra juris civilis regula sic definita sunt in testamentis paganorum. Militibus enim quomodo vellent, & quo modo poterant, concessum fuit testamenta condere, cap. 1. de testament. mil. Videturque Triphonius temporibus rescriptum fuisse, ut miles ab initio pro parte testatus, & pro parte intestatus mori poterit, cap. penultim. §. 1. de castr. pecul. Addiditque Triphoninus, ab initio, quia etiam ex postfacto pro parte testatus, & pro parte intestatus decedere paganus potuit, ut est demonstratum.

#### VIII. POMPONII LIB. IV. AD SABINUM.

*Jura sanguinis nullo jure civili dirimi possunt*

**P**ROXIMUM locum a testamentis non juris solum politici, sed sanguinis etiam ratione habere propinquos in ea Declamatione, cui titulus est: *Duo testamenta*, demonstrat his verbis Quintilianus: *Proximum locum a testamentis habent propinqui, & ita si intestatus quis, ac sine liberis decesserit, non quoniam utique justum sit ad hos pervenire bona defunctorum, sed quoniam relicta, & velut in medio posita, nulli propius videntur coningere; nihil est quod nos onerare sentent nomine isto propin-*

*propinquitas per adoptionem sanguinis, & natura homines binis jam tabulis exhibentur.* Hæc Quintilianus, satis indicans propinquos ei qui intestatus, ac sine liberis decessit, jure sanguinis, & natura succedere; eamque successionem tunc cessare, cum hujusmodi propinqui juste sunt exheredati. Hinc *quæsitum fuit an propinquis legitimis capite diminutis detur jure legitimi bonorum possessio.* Et respondet libro quarto ad Sabinum Pomponius, *jure legitimi possessionem iis bonorum non dari*, cap. 5. unde cognati. Jus enim suitatis, & agnationis, quo, jure legitimi vocantur, capitis diminutione prorsus extinguitur, cap. 8. de capitis minut. Et quia jura sanguinis nullo jure civili dirimi possunt, ut auctor est eodem illo ad Sabinum libro quarto Pomponius, idcirco qui ut legitimi propter capitis diminutionem, bonorum obtinere possessionem non poterant, hi gradu cognatorum nudo sanguinis jure ad hujusmodi possessionem rursus vocantur, d. c. 5. Et hæc quidem certissima sunt, nec video qua ratione aptius, aut commodius ullum huic regulæ accommodari exemplum possit præsertim cum evidentissimum sit ex inscriptione dicti capitis quinti, hujusmodi quæstionem libro ad Sabinum quarto, ex quo hæc regula desumpta est, Pomponium tractasse. Idque illud etiam est quod sic Justinianus scribit: *Agnationis quidem jus omnibus modis capitis diminutione plerumque perimitur. Nam agnatio juris nomen est, cognationis vero jus non omnibus modis commutatur, quia civilis ratio civilia quidem jura corrumpere potest, naturalis vero non utique, §. fin. Instit. de legit. agnat. tutel.* Ideo dixit Justinianus non omni capitis diminutione jus cognationis mutari, quia illud mutari

non minima capitis diminutione solet, sed maxima, & media tantum. §. Quod autem. Inst. de cap. demin. Et quia ut media, sic maxima capitis diminutio juris civilis est, §. Servi autem Instit. de jure person. cap. 5. §. 1. de statu hom. certe hinc etiam consequi videtur, jura sanguinis jure civili dirimi posse, quod tamen posse, fieri negat hac regula expresse Pomponius. Proinde diligenter considerandum, est, non leges, aut alias scripti juris species per jus civile in hac regula Pomponium intelligi velle, sed eam duntaxat speciem juris non scripti, quæ ex legis actionibus constabat, veluti adoptionem, emancipationem, & sic deinceps. Ita enim jus civile interdum prudentes accepisse ex eo constat, quod scripserit idem Pomponius, *librum, quo legis continerentur actiones, surreptum a Cn. Flavio, & populo traditum, appellatum fuisse jus civile Flavianum*, c. 2. §. 3. de origin. jur. Livius etiam, & Valerius auctores sunt, Cn. Flavium jus civile evulgasse; per jus civile præter falsos, & legis actiones nihil intelligentes. Certum enim est præter falsos legisque actiones nihil quicquam evulgasse Flavium: *Jura igitur sanguinis nullo jure civili dirimi possunt*, hoc est, nulla adoptione, nulla emancipatione, nullave qua alia legis actione. Ad eam enim actionum legis speciem, quæ adoptio dicitur, hanc regulam trahendam esse ex inscriptione c. 5. Unde cognati, cum hoc capite conjuncti omnino constat. Et adoptione quidem jura sanguinis dirimi non consuevisse, ex eo etiam patet evidentiissime quod scripserit libro septimo Valerius Maximus, *cum Terentius quidam ex octo filiis quos in adolescentiam perduxerat, ab uno in adoptionem dato exheredatum fuisse ad C. Calpurnium Pisone, Prætorum*

urbem querelam detulisset, bonorum adolescentis possessionem Calpurnium patri dedisse; bareadesque lege agere, hoc est, bareaditatem adire passum non esse; motam patria potestate, dono viro, & beneficio educationis. Quid enim in hoc loco per patriam potestatem, & viro donum aliud intellexit Valerius, quam jus naturæ, jus sanguinis adoptione filii non extinctum? Et quamvis nonnulli hic apud Pomponium per jus sanguinis ipsam intelligere naturæ necessitatem videantur; qua natura ita comparatum est, ut is qui pater, aut filius est, nullo modo etiam conjectus in servitutem esse pater filiuseve desinat; nihilominus tamen mihi probabilius videtur per jus sanguinis jus illud intelligi cognationis. quo Prator iis propinquis qui legitimi non sunt, bonorum desert possessionem. Hujusmodi enim jura sanguinis jure civili dirimuntur, & rursus non dirimuntur jure civili; dirimuntur quidem jure civili, cum jus civile ad maximam mediamque trahimus: capitis deminutionem non dirimuntur jure civili, hoc est aliqua legis actione. Et in hac sententia etiam Bulgarus, & qui ad eum notas scripsit Placentinus.

## IX. ULPIANUS LIB. XV.

## AD SABINUM.

*Semper in obscuris quod minimum est, sequimur.*

**H**ANC regulam cum cap. 14. de legat. 1. conjungendam esse, recte est observatum. Ex illo enim capite desumptum exemplum potest hujus regulæ interpretationi prorsus conveniens. In eo capite auctor est Ulpianus, si post plura legata uni sapius adscri-

pta, tandem ante impletum testamentum subjecerit testator se huius legataria præstari semel velle, unum duntaxat legatum deberi. & Papinianus videt casum legatæ ipso jure adimpletæ esse. Sed cum hæc legata valde essent inæqualia; sic ut alia aliis essent longe ampliora; quæ sitans fuit quodnam ex his legatum legatario præstandum foret, & qua legata videndi adimpletæ possent. Respondet libro ad Sabinum 15. Ulpianus, existimasse tandem Papinianum exiguius legatum præstandum esse; hæc, ni fallor, verba Papiniani responsi subijcimus. Semper enim in obscuris quod minimum est, sequimur. Et hæc vera est hujus regulæ sententia. Per obscurum intelligit Ulpianus quod Papinianus ait non apparere, hoc est, quod propter legatarum rerum diversitatem absconditum est & latens. Auctor est enim Paulus, diversitatem rerum legatum obscurum facere, cap. 40. de jure fisci. Hæc regula etiam in nummis legatis locum habet. Ait enim idem Ulpianus, nummis indistincte legatis receptum esse, ut exiguius legati videantur; si neque ex consuetudine patrisfamilias, neque ex regionis unde fuit, neque ex contextu testamenti possit apparere, cap. 75. de legat. 3. hoc est, si non appareat quod genere nummorum uti solitus fuerit testator, aut cujus generis nummos illius regionis homines in usu habeant, capite 4. de trit. vin. vel oleo legat. Per nummos exiguius teruntur, semisses; aut asses more. Quodcumque intelligit Ulpianus. Et interdum regionis more nummos coriaceos. Sic enim scripsit de Beneficiis libro quinto Seneca: *Es alium habere dicitur, & qui aureis debet, & qui corium forma publica percussur, quale apud Lacedæmonios fuit, quod usum numeratæ pecunie præstat.* Et hæc quidem sic in omnibus obscuris rebus servari solet.

EXCO-

exceptis iis de quibus, aut expresso aliquo principali rescripto, aut alia quadam evidenti ratione aliter est definitum. Semper enim in obscuris quod minimum est, sequimur. Quo fit ut in obscuris rerum diversitate legatis, penes hæredem electio sit, sique id quod minimum est in eligendo hæres sequutus fuerit, non est quod eo nomine reprehendi possit, quamvis id quod minimum est, non cogatur eligere, eaque vera est sententia capite 37. de legat. 1. & cap. 4. de test. vin. vel. ol. legat.

**X. PAUL. LIB. III. AD  
SABINUM.**

*Secundum naturam est commoda cuiusque rei cum sequi, quem sequuntur incommoda.*

**P**AULUS libro ad Sabinum tertio de tutelis incidenter differens, sic inter alia scripsit: *Tutores non ab hærede, sed a testatore potius proficiuntur, simul atque aliquis hæres extitisset. Nam & ipse hæres tutor dari potest.* cap. 7. de testam. tutel. Sensus est, non ab hærede instituto; sed a testatore sic testamento tutorem datum proficisci, ut statim sine aliqua intermissione, mortuo testatore ad tutelæ functionem ipso jure admitti debeat. Simulatque aliquis hæres extitisset, inquit Paulus, hoc est, simulatque aperto publicatogue testamento hæres institutus, aut substitutus declarasset velle se hæredem esse. Eoque sensu extorsit hæres dicitur apud Ulpianum in fragmentis, titulo vigesimo tertio. *Si enim nemo extiteris hæres, institum sis testamentum etiam jure factum, auctore epitem Ulpiano: & per hoc nec testamento tutores dari esse tutores jure*

possunt, cap. 10. §. 2. de testam. tutel. Cur autem ipse hæres dari testamento possit tutor, rationem expressit eodem illo ad Sabinum libro tertio ipse Paulus, *secundum naturam esse, ajens, commoda cuiusque rei cum sequi, quem sequuntur incommoda; ac per hoc inferens, quemadmodum tutor recte institui potest hæres: quia qui sentis incommodum, iniquum non est, ut etiam aliquod commodum sentias: sic quoque hæredem tutorem recte testamento dari. Commodum enim hereditatis etiam incertum tutela quodam modo pensari, & æquitas, & ratio non dissuadent. Sic enim de tutelis scripsit Institutionum libro primo Cælius: *Qui proximior fueris de agnatis, ad ipsum legitima tutela pertinet; quia is qui proximior fuerit ad tutelam, ipse proximior est ad hereditatem: Illud nunc videndum est, quia ratione, ipse hæres testamento dari possit tutor, cum aliis nullis quam liberis impuberibus dari tutores testamento soleant: adeo quidem, ut scripserit expresse Cælius lege duodecim Tabularum, parentibus esse permissum liberis suis, siue masculini, siue feminei sexus, non aliter testamento tutorem dare, quam si essent in potestate, cap. 1. de testam. tut. Hæc si vera sunt, quoniam igitur modo fieri potest, ut hæres testamento dari tutor possit; cum oportum sit liberis impuberibus esse necessario hæredes debere: qui liberi non tutores dari, sed contra tutores testamenti accipere solent: & si præterea, rumpunt testamentum, eoque exheredari toga prætexta bullaque non patiuntur. Et idcirco quod Paulus libro tertio ad Sabinum scribit, ipsum hæredem tutorem dari testamento posse, hoc non quidem ad institutum, sed ad hæredem referendum, est substitutum. Hæredem enim substitutum hæredis institutum tutorem dari testa-**



testamento potuisse, auctor est Cicero, sic libro decimo tertio Epistolarum familiarium scribens: *Tito Pinnio familiarissime me usum esse scire te arbitror, quod quidem ille testamento declaravit, qui me tum tutorem, tum etiam secundum heredem institueris*; Et Svetonius in Galba; *Tutorem, inquit, quod pupillum cui substitutus heres erat, veneno necasset, cruce affecit*. Et idcirco quod Paulus ait, *tutores non ab herede, sed a testatore protinus proficisci simulatque aliquis heres entis*, hoc tam de substituto, quam de legitimo herede instituto accipiendum est: quasi dixerit Paulus, tutorem testamentum datum statim ad functionem tutelae heredis instituti admittendum esse, simulatque, aut ipse heres institutus se velle heredem esse declaraverit, aut eo apud acta, ut fieri solet, absento, substitutus id idem fecerit. Nam si absento pupillo substitutus quoque hereditatem repudiaret, utique testamentum licet jure factum redderetur irritum, & per consequens nec ipsa quoque datio tutoris, testamentaria fortiteretur effectum. Cur autem ab herede non proficiscantur tutores, hanc subiungit Paulus rationem, *quia fieri potest, ut ipso heres detur inter*: hoc est, non quidem ut institutus heres, sed ut substitutus detur tutor, quemadmodum ex Cicerone, & Svetonio est demonstratum. *Post cujus heredis substituti mortem, etiam alius eodem contextu testamenti dari tutor permittitur*, inquit Paulus: videlicet hoc modo, *FILIUS MEUS HERES ESTO, SI FILIUS HERES NON ERIT, SIVE HERES ERIT, ET ANTE MORIATUR QUAM IN SUAM TUTELAM VENERIT, L. TITIUS HERES ESTO: EUNDEM TITIUM FILIO MEO TUTOREM DO, ET SI ANTE MORIATUR TITIUS QUAM IN TUTELAM*

*SUAM FILIUS MEUS VENERIT, TUM C. SEMPRONIUS TUTOR ESTO*. Eaque vera sententia est, capite septimo de testamenti tutela, quam nullus esse videtur affectus. Hæc regula juris civilis non in heredibus solum substitutis testamento tutoribus datis; sed in aliis etiam multis antiqui juris tractionibus esse usui solet. Est enim Justinianus auctor, *eo ipso quod hereditates liberorum libertarumque, si intestati decessissent, jufferat lex ad patronos pertinere, credidisse veteres legem voluisse etiam tutelae ad eos pertinere, quia plerumque ubi successio est emolumentum, ibi, & tutela onus esse debet*, §. unico de legit. patron. tutel. Est etiam Ulpianus auctor, *sicuti lecrum omne ad emptorem hereditatis respicit, ita, & damnum quoque debere ad eum respicere*, cap. 2. §. 8. de hered., vel act. vendita. Apud eundem Ulpianum: *Aristo refert Cassium respondisse societatem talem coiri non posse, ut alter lucrum tantum, alter damnum sentires, & hanc societatem leoninam solitam appellari*. capite 29. §. 1. Pro socio, nimirum hoc sensu, ut alter socius ei quam simillimus sit, qui leonem, hoc est, prædonem, ac devorantem socium nactus est. Ea profecto ratione qua sic Institutionum libro quarto cap. 20. scribit *Laetantius facta est mihi hereditas mea sicut leo*; id est, præda, & devoratio factus sum heredibus meis. Iniri igitur nulla potest leonina societas, certe propter eandem hanc regulam qua traditum est secundum naturam esse commoda cuiusque rei eum sequi, quem sequuntur incommoda. Siquidem contra naturam est, ut unus ex duobus sociis omne lucrum percipiat, & ad alterum damnum omne redundet.

XL. POMPONIUS LIB. V.  
AD SABINUM.

*Id quod nostrum est, sine facto nostro ad alium transferri non potest.*

RES ita alienari solent, ut earum dominia, aut transcriberentur, aut transferrentur, aut addicerentur, aut denique adjicerentur. Transcribentur, testamento; quemadmodum in libro de Noe, & Arca expresse his verbis docet Ambrosius: *Et homines quidem cum moriuntur, patrimonium suum testamento transcribere solent.* Transferebantur dominia, aut traditione nuda, aut mancipatione, aut in jure cessione. Addebantur, aut adjudicatione viva Prætoris, vel Judicis voce, aut præconis officio sub corona, sub hasta, de mensa, de lapide, de catasta, ut alio loco propediem demonstrabitur. Et denique per usucapionem adjiciendæ possessioni rerum dominia etiam solent; nimirum ea ratione quam in nostro libello ad Leges 12. tabularum jam dudum demonstravimus. Transcriptione, & adjectio domini nullum requirebat domini solemne factum, sed jure tacito peragebantur: translatio vero domini, sine facto nequit explicari. Res enim a domino tradi, a domino perire, & libram mancipio dari, a domino in jure cedi solemniter ad hoc solebat, ut ejus dominium emptori jure Quiritium acquireretur. Mancipatio species erat alienationis, auctore ad Ciceronis Topicam Boetio, *adhibitis quinque rebus civibus Romanis puberibus, & libripende*, ad eum modum peragi solita quem libro singulari ad Leges duodecim tabularum Jassime descripsimus; simul explicantes in jure cessionis antiquum morem, veramque rei mancipi, & nec mancipi differentiam. Res

mancipi, solæ dari mancipio poterant; traditione quoque nuda acquirebantur res nec mancipi mobiles, quales sunt feræ bestiæ, & denique in jure cessione communis erat alienatio rerum mancipi, & nec mancipi, inquit Ulpianus in fragmentis, tit. 19. Juris hujusmodi solemnitates Pomponii tempore in usu fuerunt, siquidem eas primus sushulit Justinianus. Et idcirco facile intelligimus quid sibi his verbis voluerit Pomponius: *Id quod nostrum est, sine facto nostro ad alium transferri non potest.* Nimirum nullius rei dominium sine mancipatione, aut in jure cessione, aut etiam nuda traditione pro cuiusque rei qualitate jure Quiritium a vero domino transferri potuisse, adeo quidem ut si res aliqua mancipi vendita esset, & tradita, neque tamen mancipio data, nec in jure cesso, nec usucapta; in bonis quidem illa emptoris esset usa, & fructus, verum mancipio sine nexu remaneret venditoris, teste eodem Ulpiano, in fragm. tit. 2. Id igitur quod nostrum est, sine facto nostro, hoc est, sine mancipatione, in jure cessione, & sine traditione nostra ad alium transferri jure Quiritium non potest. Et hæc est hujus regulæ vera sententia, quæ regula ex Pomponii lib. ad Sabinum quinto desumpta est, illi fortassis loco ejusdem libri applicata, quo tradidit Pomponius, *rei commodata, & possessionem, & proprietatem retineri*, cap. 8. Commodati. Nam cum id scriberet Pomponius, hanc videri potest rationem subjecisse; Id enim quod nostrum est, sine facto nostro ad alium transferri non potest; & sic contendisse commodato dominium non transferri, præsertim cum ad domini translationem opus fuerit olim quodam mancipationis, aut in jure cessionis solemni facto; quod factum commodato explicari nec solet, nec potest.

XII. PAU.

XII. PAULUS LIB. III.  
AD SABINUM.

*In testamentis plenius voluntates testantium interpretantur.*

DE usufructu, usu, & habitatione accuratissime differuerunt Ulpianus lib. 17. ad Sabinum, & Paulus ad eundem Sabinum lib. 3. Inter alia ab iis tractatum fuit, is cui ædium legatus est usus quales recipere personas possit; & ajunt quidem Tuberone, Labeone, & Celfo auctoribus definitum fuisse, ut hospites, liberti, inquilini, & clientes recipi possent, cap. 21. & 3. de usu, & habit. Cur autem inquilini, & liberti potuerint recipi, non tam mirum est, quam quod hospites, aut clientes reciperentur. Nec id etiam mirum videbitur ei, qui non ignorat quantam patronatus, & hospitii juris rationem habuerint Romani. Moris enim erat, ut humiliores eives totos sese in potentiorum fidem, & clientelam dederent; eaque ratione potentiores quidem patroni, humiliores vero clientes dicebantur. Quo spectat illud Sidonii Apollinaris Epistolarum lib. 7. *Quem jure seculari patronatus jure ecclesiastico filius excolat, ut clientis quis pater diligo.* Morem hunc expressit evidenter Dionysius Halicarnassæus lib. 2. & Aulus Gellius lib. 5. cap. 13. Enque deditione cum patronis suis hospitium domumque communem habebant clientes, cap. 3. §. 3. de penul. legat. Id quod his verbis Terentius etiam manifestum facit in Eunuchis: *— Tum autem Phœdria*

*Mecum fratri gaudeo amorem esse omnem in tranquillo: una est domus:*

*Tibi patri se commendavit in clientelam, & fidem;* *Nobis dedit se.*

Quandoquidem igitur domum habuerint cum suis patronis communem clientes, quid mirum cui ædium usus legatus est, eum clientes suos recipere potuisse? Sed cur hospites recipere potuit? Certum est eum etiam eives Romanos habuisse morem, ut quo potentiores erant, & nobiliores, eo sibi magis potentissimos quosque, & nobilissimos tam peregrinos quam provinciales, non quidem patronatus, sed hospitii jure devincerent, dextris junctis, præstito inter præsentem, aut per intermuntios sacramento, danique muneribus mutuis, quemadmodum in Virgilium Servius, & Donatus in Terentium testantur. Hæc si vera sunt, non est igitur absurdum eum cui ædium legatus est usus, hospites etiam recipere potuisse. Domum enim hospites cum hospitibus vi, & potestate præstiti sacramento habebant communem. Illud etiam quaesitum fuit, si mulieri ad unum relictus sit usus, an cum marito habitare mulier possit. Et respondet eodem illo ad Sabinum libro decimosseptimo Ulpianus, posse eam cum marito habitare; & primum Q. Mutium id admisisse, ne mulieri matrimonio carendum foret cum uti vult domo; idque adeo verum esse, ut etiamsi vidua legatus sit ædium usus, contractis post usum consuetum nuptiis, mulier cum marito non potuerit habitare, cap. 4. De usu, & habit. Addiditque Paulus, sacerum quodque cum nuptiis cui ædium legatus est usus habitare posse, utique cum vir una sit, cap. 5. d. tit. Viri enim ratione internum, & sacerum affinitas constat, quæ affinitas hujusmodi habitationis interpretationem requirit. Si igitur sic testator mulieri ædium legaverit usum, TULLIA MEARUM ÆDIUM USUM RELINQUO, benigna interpretatione etiam maritum Tullia, inquit Ulpianus, recipere poterit; & præter maritum posse

*a nunc etiam recipi soletum*, ad Sabinum libro tertio auctor est Paulus, d. cap. 5. hanc, ni fallor, subjiciens rationem: *In testamentis enim plenius voluntates testantium interpretantur*; de iis nimirum voluntatibus sentiens quæ non plene, aut absolute satis expressæ sunt. Id quod hujusmodi speciebus quibus de ædium usu legato differitur optime convenit. Qui enim ædium legat usum, ea non videtur ejus esse intentio, ut velit eum cui legatus est ædium usus, solum in iis habitare, sed potius eos etiam recipi videtur voluisse testator, quos recipere deberet, si ædium proprietates illius esset, cui ædium legatus est usus. Atque ita plenius quam expressum est testamento; hujusmodi legatum interpretari prudentes solent, ad libertos, inquilinos, clientes, hospites, maritum, socerumque illud trahentes. Et hic verus est hujus regulæ sensus. Nam cum hæc regula ex Pauli ad Sabinum lib. 3. desumpta sit, & cum hujusmodi questionibus eodem libro Paulum tractasse omnino constet, quis obsecro dubitabit quin optime ad testatorum de usu ædium legato voluntates plenius, quam ut illæ contextu testamenti expressæ sunt; interpretandas referri hæc regula possit, & per consequens optime conjungi cum cap. 5. de usu, & habitatione.

## XIII. ULPIANUS LIB. XIX.

## AD SABINUM.

*Non videtur cepisse, qui per exceptionem a petitione remouetur.*

**H**UJUS capituli inscriptio manifestum facit, regulam hanc ad tractatum legatorum omnino referendam esse. Libro enim decimonono ad Sabinum de legatis disseruit Ulpianus.

Et inter alia in eodem libro ab Ulpiano tractatum fuit, *si creditori meo tutus adversus eum exceptio id quod ei debeo legavero, an utile legatum sit*. Et respondet Ulpianus, *utile legatum esse, quia remissa creditori exceptio videtur*, cap. 18. de legat. 1. hanc ni fallor subjiciens rationem: *Non enim videtur cepisse qui per exceptionem a petitione remouetur*. Quasi dixerit Ulpianus. Si eentum acceperim mutua, & postea cum meo creditore pactus fuerim de iis centum non reddendis, hoc pacto mutui contractus sic non extinguitur, ut possit impedire quo minus centum a me jure petantur cap. 4. de constit. pecun. cap. 51. de pact. sed exceptionem habeo pacti conventi; qua exceptione a petitione sua remouebitur creditor. Et quia ipso jure contractus mutui exceptione pacti non poterat extinguere, inde etiam evenit ut is qui mutuum dedit, & pactus est illud non petere, ipsa pactio a debitore suo cepisse, hoc est, recepisce non videatur id quod mutuo datum fuit; siquidem illud petere creditor potest, quamvis a petitione sua, exceptione pacti conventi remouetur; quod utique non faceret idem creditor, si ipso jure extinctus esset contractus mutui utputa acceptilatione. Tunc enim id quod mutuo dederat, omnino videretur a debitore suo creditor recepisce, & per consequens mutui contractus ipso jure extinctus esse, quemadmodum evidentissime demonstravimus Variorum lib. 2. cap. 5. & 6. Cum igitur apud Ulpianum quaesitum esset an utile legatum sit, si creditori meo id quod ei debeo, legavero, tutus adversus eum exceptio, considerans Ulpianus quidam appellatione debiti posset contineri, hac videtur distinctione usus esse, ut contenderit aliud esse si debitum exceptione, aliud si ipso

si ipso jure tolleretur. Nam si ipso jure debitum extinctum esset, utique omne quod sibi debetur, creditor a debitore cepisse videtur. Qui autem exceptione a petitione debiti potest removeri, is tamdiu videri potest id quod sibi debetur non cepisse, quamdiu nulla petitioni ejus objicitur exceptio. Et idcirco debitum ipso jure extinctum legari a debitore creditori inutiliter solet; cum contra, debitum non quidem extinctum, verum ope exceptionis etiamnum extinguendum legetur utiliter. Quamdiu enim exceptioni locus est, tamdiu non videtur id quod sibi debetur creditor cepisse; ac proinde creditori utiliter potuisse hujusmodi debitum a debitore legari. Nam hoc legato non debitum aliquod novum constituitur, non vetus resuscitatur, sed remittitur duntaxat exceptio; eaque exceptione remissa, esse petitioni locus utiliter solet, quæ petitioni antea propter exceptionem nullius fuerat auctoritatis. Et recte quidem verbum *cepisse*, in Florentinis Pandectis sine diphthongo descriptum extat, quod verbum a quibusdam interpretibus expressum diphthongo miram peperit confusionem, & rei per se alioqui dilucidæ incredibilem obscuritatem.

#### XIV. POMPONII LIB. V. AD SABINUM.

*In omnibus obligationibus in quibus dies non ponitur, presenti die debetur.*

**S**TIPULATIO simul atque effectum sic incipit fortiri, ut quod ea comprehensum est, incipiat deberi, protinus committi dicitur. Est enim Nonius Marcellus auctor, inter alia pro initiare committendi verbum non-

nunquam a Romanis usurpatum fuisse, huac proferens Virgillii versum:

*Et suba commissi medio canis aggere ludos.*

Omnis obligatio, aut pure, aut sub conditione, aut in diem, aut ad certum diem, aut denique in diem, & sub conditione simul concipi solet, cap. 44. in princ. de obligat., & act. cap. 8. de verb. oblig. Obligatio pure concepta statim committitur. In omnibus enim obligationibus in quibus dies non ponitur, *presenti die debetur*, hoc est, in obligatione pure concepta statim credit, & venit dies, cap. 213. de verb. signif. Nam, ut ait lib. 3. Declamatorum Seneca, *quoties tempus non adjicitur, presentis intelligitur*. Obligatio sub conditione contracta, ante conditionis eventum non committitur, & sub condit. Insist. de verb. oblig. quemadmodum nec in ea obligatione quæ in diem concepta est ante statutum diem, dies credit, d. c. 44. in princ. & d. c. 213. Caterum si in diem, & sub conditione simul aliqua fuerit stipulatio concepta, & ante contigerit evanescere conditionem quam venerit statutus dies, inter Proculejanos, & Sabinianos agitatum fuit, *an ad conditionem, an vero ad diem constitutum committatur stipulatio*; hoc est, an statim a tempore evanescentis conditionis incipiat effectum fortiri stipulatio sub conditione, & in diem simul concepta, an vero ad hoc ut fortiatu effectum necessum fuerit diem expectari. Et Sabinus quidem Proculo visus est assentiri stipulationem ejusmodi ad hoc effectum a tempore evanescentis conditionis fortiri, ut incipiat deberi id quod ea stipulatione comprehensum est; verum ad hoc ut possit peti, effectum utique ante statutum diem non fortiri, d. cap. 213. Idque illud est quod sibi his verbis voluit Paulus. *bre*

*illu*

illa stipulatione, si KALENDIS STIG-  
 HUM NON DEDERIS, DECEM DA-  
 RE SPONDES? mortuo homine quæ-  
 ritur an statim ante Kalendas agi pos-  
 sit. Sabinus, Proculus, expectandum  
 diem actori putant, quod est verius.  
 Tota enim obligatio sub conditione,  
 & in diem collata est; & licet ad  
 conditionem committi videatur, dies  
 tamen superest, cap. 8. de verb. oblig.  
 Hæc Paulus his verbis, *Et licet ad  
 conditionem committi videatur*, antiquam  
 phrasim hujus nostri seculi hominibus  
 eruditis proflus ignotam, exprimens  
 eleganter. Sic enim veteres locuti sunt:  
*Ea obligatio ad conditionem committi-  
 tur, ea stipulatio ad diem committitur*,  
 nihil aliud significare volentes, quam  
 obligationem aliquam ab ea conditio-  
 ne, quæ aut adimpleta est, aut qua de-  
 ficit obligatio, initium sumere justî de-  
 biti. Idque ex Varrone docuit eviden-  
 tissime Nonius Marcellus. Cum enim ex  
 Virgilio demonstrasset Nonius *commis-  
 sere* pro initiare Romanos posuisse,  
 hunc quoque Varronis locum subjecit:  
*Discumbimus mæssati, dominus matura  
 ova ad cœnam committit*. Quo in loco  
 ad cœnam committere eo proflus sen-  
 su visus est Varro posuisse, quo dixit  
 Paulus ad conditionem committi obli-  
 gationem. Per *dominum* intelligit Var-  
 ro exhibitorum convivii, & per *ova  
 matura* ova cocta. Sic enim hunc Var-  
 ronem locum interpretatus est idem No-  
 nius in dictione, *dominus*, & in di-  
 ctione *maturum*. Cujus loci ea esse  
 videtur vera sententia, ut is qui ali-  
 quod exhibet convivium, ad initium  
 cœnæ ova suis convivis cocta præpo-  
 nat. Simili modo ea recte dici potest  
 ad conditionem committi obligatio  
 apud Paulum, quæ ad evanescentis  
 conditionis initium relata plenum jus-  
 sti debiti sortitur effectum; siquidem  
 tunc *committi* dicitur obligatio, cum

id quod ea continetur incipit deberi.  
 Quemadmodum igitur ad cœnam com-  
 mittitur id quod ad cœnam mittitur,  
 sive proponitur initium, auctore No-  
 nio, sic etiam obligatio quæ ad ini-  
 tium, aut impletæ, aut extinctæ condi-  
 tionis refertur, recte ad conditionem  
 committi dicitur. Et hæc quidem cum  
 ita se habeant, non est igitur cur hæc  
 Pauli verba: *Et licet ad conditionem  
 committi videatur*, vitiosa esse, virum  
 quendam eruditissimum sequenti, nobis  
 persuadeamus, & sic emendanda: *Et  
 licet ante diem conditio committi vide-  
 tur*. Quis enim mortalium unquam  
 legit conditionem committi, de ea po-  
 tissimum conditione sentiens quæ jam  
 proflus evanuit, & qua defecit obli-  
 gatio? Dices; committitur pœna: ve-  
 rum est, sed ita committitur, ut ea  
 incipiat deberi. Nemo enim unquam  
 dixit evanescentem pœnam committi.

#### XV. PAULUS LIB. IV. AD SABINUM.

*Le qui actionem habet ad rem recuperan-  
 dam, ipsam rem habere videtur.*

POSSESSIO recuperari duobus mo-  
 dis solet, nimirum, aut interdîcti,  
 aut actionis medio. Non enim novum  
 est ut de quibus rebus interdîcta pro-  
 dita sunt, de iis quoque actiones in-  
 terdum decernantur. Interdîctum quod  
 vi, aut clam competit si quis alienas  
 arbores exciderit; illudque interdîctum  
 cum actione legis Aquiliæ, & XII.  
 Tabularum concurrere auctor est Ca-  
 jus; cap. 25. §. 4. Locati. Testatur  
 etiam Ulpianus restituendæ possessionis  
 ordinem, aut interdîcto expediri, aut  
 per actionem, cap. 1. §. 3. uti possid.  
 Proinde si me vi ex fundo meo de-  
 turbasses, recuperandæ possessionis no-  
 mine

mine duplex mihi remedium compete-  
bat. Aut enim poteram interdicto,  
aut recuperatorio judicio tecum expo-  
riri. Interdicto quidem, decreto Præ-  
toris postulans in pristinam meam pos-  
sessionem restitui; judicio vero injuste  
dejectum me a fundi possessione in  
jure conquerens, eoque nomine dari  
recuperatorem postulans, qui de tota  
possessionis causa cognoscat, & adver-  
sarium poenis civilibus multet. Inter-  
dum decernebatur hoc modo: UNDE  
TU ILLUM VI DEJECISTI, RESTI-  
TUAS; & protinus is qui dejectus  
erat, restitui ex hoc interdicto debe-  
bat; in qua restitutione adhiberi usur-  
pationis solemnia solent ad hunc mo-  
dum. Qui vi dejectus erat interdicto  
recuperatorio a Prætoris impetrato con-  
vocabat amicos suos, & cum iis in  
fundum recuperandæ possessionis gratia  
deductus, præsentem adversario fureculum  
desfringebat, solemnibus verbis cedere  
adversarium, vacuumque relinquere pos-  
sessionem jubens; desfractoque furculo  
rursus ex fundo per eisdem amicos  
domum deducebatur. Morem hunc evi-  
dentissimis aliquot argumentis alio lo-  
co demonstravimus, de quo more vi-  
sus est etiam sentire Aggenus Urbicus  
cum ita scriberet: *De loco si poss-ssio  
potenti firma est, etiam interdiciere licet  
dum cetera ex interdicto diligenter agan-  
tur. Magna enim alea est litur ad in-  
terdictum deducere, cujus est executio  
perplexissima. Nec sane aliud quid-  
quam continebat interdictum, quam  
simplicem quandam decreti formulam,  
qua fieri quid, aut non fieri sic a Præ-  
toris jubebatur, ut ei parere necessum  
statim foret, sine aliqua causæ indaga-  
tione; ac proinde nullam sententiæ  
pronunciationem, nullamque rei judi-  
catæ vim, aut effectum sortiri aliquod  
interdictum solet, cap. 35. de action-  
emp. & venditi. Aliud est si neglecto*

interdicto maluerit judicio recuperato-  
rio is qui dejectus est in possessionem  
restitui. Tunc enim non recuperari  
duntaxat possessio solet, sed tanti etiam  
adversarius condemnabatur, quanti ea  
res esset, hoc est, in duplum, cap. 11.  
in fine, de hæred., vel actio vend. ha-  
bita etiam ejus quod interest, ratione.  
Idque illud est quod edicti quadam  
perpetui antiqua clausula sic apud Va-  
lerium Probum notis expressum in-  
venio: QUANTI EA RES ERIT, TAN-  
TÆ PECUNIÆ JUDICIUM RECUPE-  
RATORIUM DABO, TESTIBUSQUE  
PUBLICE DUNTAXAT DECEM DE-  
NUNCIANDI POTESTATEM FACIAM.  
Per testes eos intelligit Prætor cives  
Romanos, qui per vim dejectionem  
fieri viderant. Et hæc quidem cum  
ita se habeant, nunc facile intelligi-  
mus quid sibi hac regula voluerit Pau-  
lus. Per actionem enim, si non judi-  
cium recuperatorium, ipsum saltem in-  
telligit recuperatorium interdictum, ad  
rem solo coherentem, unde quis vi  
dejectus est, recuperandam omnino  
pertinens, c. 1. §. 2. de vi, & vi ar-  
mata. Siquidem novum non est actio-  
nis verbo interdictum quoque conti-  
neri, c. 37. de obligat. & actionib. Dis-  
seruit libro quarto ad Sabinum Paulus  
de testatore qui res suas alicui legavit,  
cap. 72. de legat. 3. & in differendo  
cum quæsitum esset quidnam suarum  
rerum appellatione contineretur, vide-  
tur Paulus respondisse eas etiam res  
immobiles nomine suarum rerum com-  
prehendi, quarum possessio recuperari  
interdicto potest; hanc subjiciens ra-  
tionem: *Is enim qui actionem habet ad  
rem recuperandam, ipsam rem habere  
videtur.* Eaque est hujus regulæ veræ  
interpretatio, quam præse fert ipsa  
inscriptio, qua libro Pauli quarto ad  
Sabinum hæc eadem regula tribuitur.

XVI. ULPIANUS LIB. XXI  
AD SABINUM.

*Imaginaria venditio non est pretio  
accedente.*

OMNIS venditio ex re quæ venditur, & ex pretio constat. Pretium id appellari Varro auctor est, quod æstimationis emptionisque causa constituitur a solis peritis dictum, ac definitum, siquidem bi duntaxat id facere recte possunt. Sine pretio nuda venditio est, & imaginaria, quod tunc accidere solet, cum res aliqua momenti valorisque maximi, addicitur nummo. Hujusmodi enim venditio idcirco vera non est, quia pretium non accedit; siquidem nummus, & pretium in iis venditionibus diversa sunt, quibus ex uno, aut altero nummo honestum aliquod rei quæ venditur pretium non constat. Idque sibi visus est Ulpianus voluisse, *conclusionem qua est in uno nummo ab ea conclusionem qua ex pretio constat*, omnino distinguens, cap. 10. in fin. de acquir. poss. Sed quia in locum pretii tunc surrogatur nummus, cum nummo quid addicitur, hinc factum etiam est, ut imaginem venditionis res addicta nummo pæse ferat, indeque nuda, & imaginariæ venditionis nomen acceperit. Imaginarium enim id omne vocabant veteres, quod non jure, & more consueti, sed sub aliquo juris morisque certi prætextu fiebat. Quo sensu eos qui a privatis per vim obtinebantur falces, imaginarios falces Livius appellat, sic de Horatio, Valerius libro tertio scribens: *Neque enim sibi privatos, aut in curia, aut in concione posse oblati, neque se imaginariis fascibus eorum cæssuros esse*. Paulus auctor est nudam, & imaginariam vendi-

tionem haberi pro non facta, & ideo nec alienationem ejus rei intelligi, capite 55. de contr. empt. Et Modestinus, *contractus, inquit, imaginarii etiam in emptionibus, juris vinculum non obtinent, cum fides facti simulatur, non intercedente veritate*, capite 54. de obligat. & action. Et quamvis ita Paulus, ac Modestinus scripserint, nihilominus tamen hujusmodi contractibus jure, & licite Romanos usos esse satis constat. Est enim expresse Pomponius auctor, *moritum fundi usumfructum dotalem vendere uno nummo uxori potuisse*, cap. 66. de jure dot. Et idcirco facile mihi persuadeo has difficultates optime componi posse, si dicamus omnem omnino imaginariam hujusmodi venditionem sic juris vinculum non obtinere, ut vendita res nummoque addicta non tamen tradita, empti judicio peti ab emptore potuerit; verum si res omnino addicta fuerit, & tradita, tunc imaginaria hanc venditionem instar inducere donationis ejusque vim omnem, auctoritatem, & nomen obtinere, cap. 46. Locati. Erat enim moris, ut omnis fere donatio venditione quadam imaginaria perageretur, quemadmodum non obscure demonstrat Justinianus cap. ult. C. de donat. Ejusque moris antiquissimæ inscriptiones duæ meminerunt, quarum una in museo Carpeni, altera in ædibus Benzoniurum Romæ etiamnum extare dicitur. Prior inscriptio sic habet: *UT NE QUIS EX HOC AGRO ÆDIFICIOVE QUIBUS DONATIONIS CAUSA EMANCIPATUM ERIT, DE NOMINE ALIENASSE VELIT*. Altera sic: *QUOD SI QUIS ID MONUMENTUM PARTEMVE EJUS VENDERE VOLET, VEL DONATIONIS CAUSA CUI MANCIPIARE VOLUERIT, ALIOVE QUO NOMINE EJUS MONUMENTI PARTEM ALIENARE TEMPTAVERIT, DARE*



DAMNAS ESTO AERARIO POPULI ROMANI H. S. XV. M. N. Eoque pertinet illud Svetonii de C. Cæsare: *Bello civili super alios donationes amplissima prædia ex auctione hostis nummo addixit.* Et id quidem adeo verum est, ut hi qui gratuitam operam præstare volebant, sestertio nummo conducuntibus eam adicerent, quemadmodum ex Valerio doceri facile potest, qui ad hunc modum libro quinto scribit: *Marco Cornuto Prætoris funus Hircii, & Pansa jussu Senatus locante, qui tunc libitinam exercebant, tunc rerum suarum usum, tum ministerium suum gratuito polliciti sunt, quia hi pro republica dimittentes occiderant; perferorantique postulatione extulerunt ut exquiriarum apparatus sestertio nummo ipsis præbentibus addiceretur.* Eoque sensu nummum sestertium accepit etiam Epistolarum libro decimoquinto Seneca. Ait enim: *Adeoque falleris, ut quæ maxima apud nos habentur, divitiæ, gratia, potentia, sestertio nummo æstimanda sint.* Hujus etiam loci est hæc phrasis antiqua, assis non facere, cujus meminit idem Seneca Epistolarum libro vigesimo secundo his verbis: *Istos tristes, & superciliosos aliena vitæ censores, sive hostes publicos, pædagogos assis ne feceris.* Et quamvis scripserit expresse Paulus, *si quis conduxeris nummo uno, condutionem nullam esse,* d. cap. 46. nihilominus tamen evenire interdum solet, ut locatio addicta nummo, & iustæ, & legitimæ locationis vim haberet; idque tunc accidere solet cum ex uno nummo iustum locationis pretium constet: Qualis apud Plautum operarum locatio est, quas nummo conductori addixerat coquus: Sic enim scribit in Aulularia Plautus: *Nummo sum conductus, plus jam medico mercede opus est.* Et hæc quidem de iis contractibus imaginariis hæctenus qui instar donationis

Tom. I.

inducebant; de quibus folis hæc regula intelligi debet. Est & alia quædam imaginarii contractus species multum ab illis de quibus hic agimus diversa; & ea quidem ad servos pertinet qui suis nummis emuntur. Moris enim erat ut servi peculio sese interdum redimerent ex servitute, eaque redemptione ad hunc modum fiebat. Servus hominem liberum subornabat, cujus opera redimi a suo domino posset, & manumitti, servo, ipso aut pretium ex peculio prorogante, aut se delegante, aut in se recipiente debitum; quemadmodum per fidem contractus inter emptorem, & servum ab initio tractatum fuerat. Huic contractui ante satis non erat ab emptore factum, quam si emptus servus manumissus esset, & nummi peculiares emptionis nomine exoluti; eaque emptio tam imaginaria dicebatur, quam ea quæ fiebat nummo sestertio, cap. 4. §. 1. de manumissis. Non enim vera potuit hujusmodi emptio dici, cum emptor nullum haberet servi acquirendi propositum; nullasque erogaret nummos proprios; sed potius aliud agens, & aliud se simulans agere, negotium illius gereret, qui in rem propriam ob omni mancipatione jure civili procul arceri debebat. Et hæc quidem imaginariæ emptionis species etiam antiquissima est. Sic enim in Aulularia servum Strophilum Plautus loquentem facit:

*At ego partem impartiri molim unde redimar.*

EMPTIONIS hujusmodi meminit etiam Seneca, sic Epistolarum libro undecimo scribens: *Quid autem melius potes velle, quam excipere te huic servituti, quæ omnes premit, quam mancipia quoque conditionis extrema, & in his sordibus nata omni modo exuere conantur, peculium suum quod comparaverant ventre fraudatæ pro capite numerant.*

L

mervant.

merant. Nec alio videri potest in Bulcolis Virgilius respexisse, cum ita scriberet:

— Cum me Galatea reliquit

*Nec spes libertatis erat, nec cura peculii.*

SENSUS enim est: quia spes nulla fuit adipiscendæ libertatis, idcirco nullam peculii curam habui, quo peculio me aliquando ex servitute redimere possem. Et hæc quidem si vera sunt, nunc facile intelligimus quid sibi voluerit Ulpianus, cum scriberet, *eum qui nummis suis emitur, epistola Divorum fratrum in eam conditionem redigi, ut libertatem adipiscatur*, d. cap. 4. in principio. Id enim sic accipere non convenit, quasi Divi fratres primi videantur constituisse eum qui nummis suis emptus est; posse ad libertatem pervenire; sed ita potius, ut servus nummis suis emptus cum emptore, in cujus fidem confugit, consistere possit, & queri quod ab eo non manumittatur; Romæ quidem apud Præfectum urbi, in provinciis vero apud Præsides. Ita enim expresse epistolam Divorum fratrum interpretatus est Marcianus, cap. 5. de manumiss. cap. 67. de judic. Eaque interpretatio idcirco etiam verisimilior est, quod satis constet ante hanc Divorum fratrum epistolam querelæ hujusmodi locum non fuisse. Si enim fuisset locus non sic scripsisset libro decimoquarto Cornelius Tacitus: *Hæud multo post prædictum urbis Pedanium Secundum servus ipsius interfecit, seu negata libertate cui pretium pepigerat, frus amore exoleti infensus, & dominum æmulum non tolerans.* Et sane cum scriberet Ulpianus, *receptum esse ut servi nummos peculiares dando perveniant ad libertatem*, cap. 3. circa princ. de statu lib. videtur utique primam hujusmodi contractus imaginarii originem prudentum interpretationi acceptam tulisse; & sic per

consequens moribus receptoque juri potius eam adscripsisse, quam alicui Divorum fratrum constitutioni, quod est verissimum.

## XVII. ULPIANUS LIB. XXIII. AD SABINUM.

*Cum tempus in testamento adijcitur, credendum est pro hærede adjectum, nisi alia mens fuerit testatoris: sicuti in stipulationibus promissoris gratia tempus adijcitur.*

**L**IBRO ad Sabinum vigesimo tertio, ex quo hæc regula desumpta est, plurima scripsit de eo tempore Ulpianus quod in testamento adijcitur, cap. 49. de legat. 1. cap. 1. de legat. 3. cap. 10. de condit. & demonstr. c. 10. & 12. Quando dies legat. ced. Et inter cætera videtur definitivisse legatum in certum diem alicui relictum mortuo ante diem legatario deficere sua conditione, & per hoc sic evanescere, ut ex eo nihil ad hæredem legatarii cesso die transferri poterit, d. c. 49. §. 1. & d. c. 10. de condit. & demonstrat. Idque sic ad Sabinum libro vigesimo tertio tradidit Ulpianus; hanc eodem libro proferens rationem: *Cum enim tempus in testamento adijcitur, credendum est pro hærede adjectum*, hoc est, cum aliqua in certum tempus relinquuntur legata testamento, sic tempus illud pro hærede, a quo legavit testatur, adjectum videri, ut mortuo ante tempus cessum legatario deficiat nondum impleta conditione legatum, & per consequens, nihil ab hærede testamentario legatarii hæredibus debeat præstari. Hinc questum fuit si sic impuberi filiofamilias legatum sit: **CUM IS IN TUTELAM SUAM PERVENERIT**, quod tempus in hujusmo-

di legato spectari debeat, an pubertatis, an vero solutionis patriæ potestatis. Et respondet eodem illo ad Sabinum libro 23. Ulpianus tempus pubertatis duntaxat spectandum esse, nisi mens talis fuisse videatur testatoris, ac si dixisset expresse: IN SUAM TUTELAM ET IN SUAM POTESTATEM; tunc enim liberatus patria potestate legatarius etiam impubes, protinus petere legatum poterat; sique antequam in tutelam potestatemque suam pervenisset mortuus esset, tempus in hujusmodi testamento adjectum proficiebat etiam hæredi testamentario. Et quia in perpetua tutela erant mulieres, dubitatum hinc etiam fuit, an & quando in suam tutelam pervenisse filiasfamilias dici posset. A pupillari multum differt muliebris tutela; & idcirco simul atque viripotens esse coeperat filiasfamilias, & per hoc tutela pupillari liberari, tunc ea quodammodo in suam pervenire tutelam dicebatur. Idque ad Sabinum lib. 4. sibi videtur Paulus voluisse, cap. 51. de legat. 3. Nec id adeo mirum, siquidem a pupillari multum differt tutela muliebris. Nam mulierum tutores non gessisse negotia, sed auctoritatem duntaxat interpretasse, auctor est in fragmentis Ulpianus titulo 11. Testatur etiam pro Muræna Cicero, genus quoddam fuisse tutorum quod potestate mulierum continebatur; satis per hoc indicans quodammodo in suam tutelam mulieres viripotentes pervenire. Rider enim Jurisconsultus Cicero, qui cum auctores fuerint muliebris tutelæ, illud efficere non potuerunt, ut mulieres in tutorem essent potestate; siquidem in mulierum potestate tutores potius videntur fuisse, quam fuerint in tutorem potestate mulieres: Si quid in annos singulos legatum fueris, annus legatum non esse, sed plura, eodem ad Sabinum

libro vigesimo tertio auctor est Ulpianus, cap. 10. de condit. & demonstrat. Differt a legato annua, bima, trima die relicto, legatum annum. Si quid enim in annos singulos fuerit legatum, singulis annis ejus, cui ita legatum est, inspicere conditio solet; tempusque in hujusmodi testamento adjectum tamdiu hæredi prodesse testamentario poterat, quamdiu non cessasset postremus annus, c. 35. §. fin. de mort. caus. don. Aliud est in legato annua, bima, trima die relicto. Si enim ita testator dixerit: CUM AD DECIMUM-QUARTUM ANNUM PERVENERIT, ANNUA: BIMA, TRIMA DIE TITIO DARI XXX. AUREOS VOLO, hujusmodi specie tempus annua, bima, trima die præstationis, ex die completi decimiquarti anni statim cedit, c. 49. §. 1. de leg. 1. Et quia legatum annua, bima, trima die relicto, unum legatum est in tres diversas pensiones annuas distributum (cap. 3. §. 10. & 11. de statulib. cap. 3. de annuis legat.) idcirco etiam semel duntaxat legatarii in hujusmodi legato spectari conditio solet, nimirum tempore cessi diei. Tunc enim si vixerit legatarius etiam si ante trimam diem mori eum contigerit, nihilominus tamen recte ad suum hæredem legatum transmittit; sin contra ante cessionem diei decesserit legatarius, tempus in hoc testamento adjectum hæredi proderit testamentario. Deque hujusmodi. vulgari clausula, annua, bima, trima die, arbitror etiam Ulpianum sensisse, cum ita scriberet, *iisdem autem diebus*, hoc est, *iisdem pensionibus hæredi præstabitur legatum, quibus legatario ipsi præstabitur* cap. 5. quando dies legati Simili modo si ita stipulatus fuero: Cum ad tricesimum annum pervenero, promissis mihi annuum dare? in hujus

modi stipulatione sic gratia promissoris adjici tempus intelligitur, ut mortuo ante diem cessum reo stipulandi protinus liberetur promittendi reus. Idque etiam locum habere videtur in stipulationibus mortis causa. In iis enim pro reo promittendi tempus adjicitur. Et sane ut mortis causa donare, sic etiam stipulari mortis causa veteres solent; & quemadmodum mortis causa donatio perfici non intelligitur, antequam donantis mors insequatur, cap. 32. de mort. causa donat. ita quoque stipulatio causa mortis ante promissoris obitum committi non solet. Idque mihi visus est apud Festum Antistius Labeo voluisse. Sic enim scribit Festus libro undecimo: *Mortis causa stipulatio existimatur fieri; ut ait Antistius Labeo, quæ ita sit ut morte promissoris confirmetur.* Eoque sensu mortis causa promissionem videtur Tryphoninus accepisse, c. 76. de jure dot. Hinc etiam intelligimus quid sibi Paulus voluerit his verbis: *Sed qui mortis causa in annos singulos pecuniam stipulatus est, non est similis ei cui in annos singulos legatum est. Nam licet multa essent legata, stipulatio tamen una est, & conditio ejus cui expromissum est, semel intuenda est,* cap. 35. §. fin. de mort. caus. donat. Si expromissum tibi mortis causa fuerit in annos singulos certam pecuniarum summam præstari, non es ei similis cui in annos singulos legatum est, inquit Paulus. Ejus enim cui quid in annos legatur singulos, annis singulis inspicienda conditio est, quia quotannis novum esse relictum legatum censetur; at qui stipulatur mortis causa in annos singulos, quid præstari, stipulationem duntaxat unam interponit, quæ cum ante promissoris mortem committi non poterit, sic tandem perficitur morte promissoris, ut individuum, quandam

sub pensionibus stipulationis jure divisus, & separatis, in sese completi videatur obligationem. *Ejus enim cui quid mortis causa in annos singulos, est expromissum, semel tantum, inquit Paulus: conditio est inspicienda;* hoc est, an is qui mortis causa in annos singulos stipulatus est vivat, an vero exemptus sit rebus humanis, non ut in annuo legato annis singulis, sed ut in legato annua, bima, trima die relicto, semel considerari duntaxat solet, nimirum tempore mortis promissoris, sique vixerit eo tempore stipulator, tunc primum uti ex Labeone probatum est, mortis causa committitur stipulatio; sin vero mori cum contigerit ante promissorem, tunc etiam viventis ipsius promissoris gratia tempus stipulationis instrumento censetur adjectum esse. Deficit enim morte stipulatoris sua conditione mortis causa stipulatio, quo fit ut promissor omnino liberetur. Hæc regula iis solum stipulationibus est accommodanda; quæ tempori testamentis adjecto simillimæ sunt; alioqui enim si tempus duntaxat respexeris solutionis, dubium non est quin semper in omnibus stipulationibus pro reo sit, non pro stipulatore temporis adjecto, c. 41. §. 1. de verb. obligat. Et idcirco facile assensior Accursio hæc verba, *pro herede*, sic in hac regula interpretanti, ad utilitatem hæredis. Hujusmodi enim interpretationem satis eorum responsum postulant inscriptiones, quæ admonuimus cum hac regula esse conjungenda.

XVIII. POMPONIUS LIB. VI.  
AD SABINUM.

*Qua legata mortuis nobis ad heredem nostrum transeunt, eorum commodum per nos bis quorum in potestate sumus, eodem casu acquirimus. Aliter atque quod stipulati sumus. Nam & sub conditione stipulantes omnimodo eis acquirimus; etiamsi liberatis nobis potestate demini, conditio existat.*

**S**IC a stipulationibus differunt legata conditionalia, ut stipulatio conditionalis acquiratur patri, etiamsi conditio existat post emancipationem filii, legatum non item c. 78. de verb. oblig. Dies legati puri & post diem relicti protinus cedit a morte testatoris; legati conditionalis dies non prius cedit quam fuerit adimpleta conditio; cap. 5. in principio. Quando dies legat. ced. Si post diem legati cedentem legatarius decesserit, ad heredem suum transfert legatum, & a legatariis qui die legati cedente sui juris non sunt, iis debetur legatum in quorum sunt potestate, d. cap. 5. Hinc *quasum fuit servo filiovefamilias ante conditionem impletam manumisse, aut emancipate, cui acquiratur legatum; patrive an filie; patronove, an liberti.* Pomponius respondet ea legata domino & patri dumtaxat deberi, *qua ad heredem legatarii possunt transferri, ac legatum conditionale mortue ante conditionem impletam legatario ejus heredibus non debetur; ergo nec servo filiovefamilias cui legatum simile relatum est, ante conditionis eventum manumisse, ad patrem vel patronum transferri legatum potest, d. cap. 5. in fin., & cap. 14. in fin.* Quando dies legat.

*ced. Aliud est in conditionalis stipulatione, d. cap. 78. cap. 144. hoc tit. Et ratio quidem diversitatis est, quod legatum ante dici cessionem nihil in sele contineat juris; cum contra nulla appellari stipulatio possit, quæ non aliquod sub se complectatur vinculum juris. Et idcirco ante cessum legati diem, legatum transferri non potuit; eo nihil obstante, quod stipulatio transferri potuerit ante diem stipulationis cessum. Transferri enim non ea quæ sunt facti, sed ea quæ juris sunt dumtaxat solere, nemini non cognitum est. Legatum ante cessum diem nihil continet juris, ergo nec ante diem cessum ad patronum, aut patrem transferri potuit. Nulla sine juris nexu subsistit stipulatio; siquidem, ut Ulpianus ait, in stipulationibus jus versatur, cap. 27. §. 2. de pact. Eaque res efficit ut filiusfamilias & servus sub conditione stipulati protinus obligationem ad patrem ac dominum transmittant; etiam si mortui, etiam si ante conditionis eventum manumissi fuerint. Nec est quod quis de eo filiofamilias obiciat, qui quid solvere alterius mandato promissit & emancipatus solvit, cap. 12. §. 3. Mandati. Nam filiusfamilias pro alio solvendi suscipiens, negotium, licet mandati judicio sit obligatus, ante tamen sibi mandatorem non habet obligatum, quam si mandato satisfecerit. Et idcirco si solverit existens in patria potestate, ipsa solutione patri acquirit contrarium mandati actionem; si vero emancipatus solverit, sibi acquirit, non patri obligationem eandem. Nihil enim ante emancipationem fuisse in hac specie videtur quod ad patrem, hujusmodi contractus ratione, transferretur. Siquidem contraria mandati obligatio post emancipationem primum contracta fuit; quo tempore patri nihil acquiri per filium*

mo-

moris erat. Similis est ratio filiofamilias, qui cum pro alio fidejusserat, paterfamilias factus solvit, cap. 16. in fine, de hæredib. Inlit. ipsa enim solutione contrahitur primum, constituiturque contrarium mandari iudicium, quod fidejussori competere solet. Et quia huiusmodi solutio post emancipationem facta, obligationis contrariæ causa est & origo prima, idcirco etiam mirum non est cur ea obligatio filio potius quam patri acquiratur. Idemque dicendum est de accessoria quavis obligatione, quæ etiam ad hanc regulam non pertinet. Accessorium enim naturam sequi convenit sui principalis, & idcirco cui principalis reus non est obligatus, utique nec ei obligatus fidejussor est; & hoc est quod Paulus ait, *fidejussorem patris non obligari, quia nec reus ei tenetur*, cap. 132. §. fin. de verbor. obligat. cap. 47. de fidejussoribus, & mandatoribus.

#### XIX. ULPIANUS LIB. XXIV. AB SABINUM.

*Qui cum alio contrahit, vel est, vel debet esse non ignarus conditionis ejus. Hæredi autem hoc imputari non potest, cum non sponte cum legatariis contrahit.*

**Q**UI contrahit debet esse non ignarus conditionis ejus cum quo contrahit; hoc est, utrum is qui quid vendit, qui stipulatus est servus, an liber filiofamilias an paterfamilias sit emptor, aut promissor ignorare non debet. Quare si filiofamilias, vel servus decem aureos sibi dari stipulatus fuerit, promissor decem illos filiofamilias vel servo exolvens non liberatur; huiusmodi enim stipulatio statim

ab ipso contractus initio acquisita patri, & domino fuit, cap. 73. de verbor. oblig. Qua sola de causa patri & domino integra est actio pecunia deperdita, quæ filiofamilias, aut servo stipulatori exoluta fuit. Et id quidem tunc semper observari solet, cum tempus & locus plenius deliberandi consilium patiuntur, cap. 1. circa princip. de exercit. actio. Simili modo, si filiofamilias legatum sit ab hærede, hæres solvere patri debet non filio; nisi nominatim filio solvi jufferit testator; tunc enim hæredi non imputatur cur filio potius solverit quam patri, & ita Ulpianus scribit ad Sabinum libro 24. cap. 14. §. 2. quando dies legat. ced. hanc subiiciens quæstionem: *Si hæres ignorans legatarium filiofamilias esse, ei solverit, an liberetur.* Et ait quidem Ulpianus hæredi hoc non imputari, quia non sponte cum legatariis contrahit. Hæres legatorum nomine quasi ex contractu obligatus esse intelligitur, §. hæres. Inlit. de obligat. quæ ex quasi contr. nasc. Eoque sensu cum legatariis contrahere dicitur. Et quia scripsit expresse Ulpianus, *hæredem sponte cum legatariis non contrahere*; hoc est, sua voluntate legatariis ex quasi contractu obligatum non esse, idcirco, videtur etiam satis perspicuum, tum demum de conditione ejus cum quo contrahitur, cum qui contrahit debere certum esse, cum non coactus, sed sua sponte, hoc est, ut Varro interpretatur propria sua voluntate contrahit. Habet enim is qui sponte contrahit, & tempus, & locum plenius deliberandi, d. capit. 1. de exercit. actio. quod tempus nec hæredi testamentario, nec ei etiam interdum conceditur cui incumbit navigandi necessitas, d. cap. 1. in princip. Et hæc quidem vera est hujus regulæ sententia, quæ regula ex Ulpiano libro ad Sabinum.

Sabinum 24. etiam desumpta est, & ei haud dubie responso applicata, quo de legato expressa testatoris voluntate filiofamilias exolvendo differitur eamque regulæ hujus applicationem probat vehementer Jacobus Cujacius, quam & ego non improbandam, sed omnibus modis esse amplectendam censeo; etiam adiciens verba illa quibus non sponte cum legatario hæres contrahere dicitur *institui* in hac regula posita esse, & tubaudiendam obligationem. Quasi dixerit Ulpianus hæredem sponte non contrahere cum legatario obligationem, ea prorursus ratione, qua scripsit Paulus, *pupillum cum defensore tutoris sponte non contrahere*, c. 22. de tutor. & rat. distrah. Hoc enim loco contrahere, *institui* positum est, pro contrahere litem. Nec id quoque Papinianus visus est neglexisse, cum de fidejussoria rem pupilli salvam fore obligationem differens scriberet, *pupillum non contraxisse, sed in tutorem incidisse*, cap. fin. rem pup. sal. fore. Haud dubie contrahendi verbo *institui* hujusmodi exaudiens obligationem fidejussoriam. Et hic est tertius locus, quo admonuimus hoc Grammaticorum schema quod *institui* dicitur, admodum fuisse Jurisconsultis familiare.

#### AD §. NON SOLET.

*Non solet exceptio doli nocere his, quibus voluntas testatoris non refragatur.*

Est & hic §. ex libro Ulpiani ad Sabinum 24. desumptus. In eo libro de adimendis transferendisque legatis disputans Ulpianus, inter alia definiit legata & fideicommissa aut expressa aut tacita testatoris voluntate adimi posse; & ad voluntatem testatoris tacitam inimicitias referri capitales, c. 3. fin. de adimeti. vel transferendis

legat. Tractatum enim fuit, si inimicitie capitales inter testatorem & eum cui quid fideicommissum relictum est, postea intercesserint, an id ademptum videri possit quod testamento relictum est. Et quia placuit tam tacita, quam expressa voluntate fideicommissa & legata adimi, idcirco respondet Ulpianus, *fideicommissum ademptum videri inimicitias interpositis*; hæc verba subiiciens: *secundum hæc, & in legato tractamus doli exceptione opposita*, d. §. fin. Quorum verborum hæc est sententia, Si cum testatore inimicitias post conditum testamentum ex professo gesserit legatarius, nec contigerit ante mortem testatoris aliquam fieri reconciliationem, tacita testatoris voluntate per hujusmodi inimicitiarum professionem legatum ademptum esse. Et idcirco si legatarius legata petere ex testamento non vereatur, repellitur doli mali exceptione. Nam cum ignorare nequeat legatarius sibi denunciatus fuisse a testatore inimicitias; utique, & illud scire debuit denunciatione simulatis legata sibi adempta esse, & idcirco petitione legatorum. implicari se dolo malo, ejusque exceptione recte ab hærede testamentario repelli posse. Aliud est si ante testatoris mortem iterum in amicitiam redierit legatarius, & pœnuerit testatorem prioris offensæ; tunc enim legatum relictum redintegrabitur, c. 4. d. tit. Quamobrem si legata petenti legatario doli exceptionem idcirco objecerit hæres, quod dicat fuisse legatario indictas a testatore inimicitias; & legatarius replicaverit, denunciatus quidem inimicitias fuisse, verum se postea in amicitiam rediisse, doli exceptio ab hærede proposita non nocebit legatario; quia voluntas testatoris, quæ ante ob inimicitias indictas refragabatur, post factam reconciliationem amplius non refragatur; caque

eaque non refragante nec legatario quoque nocere potest exceptio doli mali. Non enim, solet exceptio doli nocere his quibus voluntas testatoris non refragatur. Et hic verus est hujus paragraphi intellectus. Si quaeris quanam dicantur inimicitiae capitales, illud habeto § moris fuisse apud Romanos, ut si quæ graves inter eos inciderent similitates, amicitias solemniter modo renunciarent, & inimicitias præsentibus testibus profiterentur. Quæ inimicitiae sic denunciatae capitales dicebantur, eo quod sanguinem spirarent ex professo, juxta Arnobii illud adversus Gentes libro secundo: *Assumerent ex corporibus causas quibus feræ fierent, & immanes similitudines atque inimicitias gererent*. Morem hunc evidentiissimis aliquot argumentis demonstravi Variorum libro quinto, capite 15. Quibus illud etiam adjungi potest quod ita Declamat. libro decimo Seneca scribit: *No mirum quidem, amore per omnia conveniebant; morum vero, inimicum professus est.*

## XX. POMPONIUS LIB. VII. AD SABINUM.

*Quoties dubia interpretatio libertatis est, secundum libertatem respondendum erit.*

**S**I servo per fideicommissum libertas relicta sit, servum hæres cogitur manumittere, cap. 11. de manumiss. testam. Sique recusaret eum hæres manumittere, auctoritatem habebat servus ille hæredem ad Prætorum perducendi, eoque perductus, Prætoris imperio servum cogebatur hæres manumittere, cap. 43. de act. empt. Et id quidem fieri cognitione prætoris solet, si nulla incideret libertatis fideicommissæ dubia interpretatio. Nam si quæ

hujusmodi exoriretur interpretationis difficultas, tunc non prætoris cognitione, sed adhibito consilio de libertate per fideicommissum relicta, cognoscebatur. Ad dubiam libertatis interpretationem illud referri potest, quod sic ad Sabin. lib. 7. scripsit Pomponius; *Si STICUS ET PAMPHILUS DECEM DEDERINT, LIBERI SUNTO, potest alter quinque dando liber esse; quamvis alter non dederit, d. c. 11. Videtur enim inter Sabinianos, & Proculianos tractatum fuisse, cum sic testamento scriptum esset: Si STICUS ET PAMPHILUS DECEM DEDERINT, LIBERI SUNTO; an uno quinque offerendo, & nihil dante altero, is qui obtulit quinque, libertatem consequi possit; an vero necessum fuerit ambos simul decem offerre, & sic alterum sine altero liberum fieri non potuisse. Si verborum spectaveris energiam, certe ea mens, & voluntas testatoris omnino videtur fuisse; sin vero ad favorem libertatis eadem verba retuleris, nihil minus quam tale quid voluisse pronunciabitur testator. Favorem hunc videtur Sabinus secutus esse, & definitivisse alterum quinque offerentem, etiam si alter nihil dederit libertatem consequi debere, hanc subjiciens rationem; Quoties enim dubia interpretatio libertatis est, secundum libertatem respondendum est; quemadmodum hac regula continetur, ex eodem illo ad Sabin. lib. 7. desumpta, in quo quaestionem hanc tractavit Pomponius. Et sane in hujusmodi quaestionibus ad favorem libertatis respicere Sabinum consuevisse, indicat his verbis Ulpianus ad Sabinum lib. 4. *Si decem hæredi dare jussus fuerit, hæres etiam per partes accipere favore libertatis cogendus est, c. 4. §. 6. de statuliberis.* Cui autem secundum libertatem, potius quam secundum servitutem in dubio pronuncietur,*



tur, hæc potest proferri ratio, quod libertas naturalis sit, eoque nomine servitutis iugo longe melior, & favorabilior; quodque *semper quicquid dubium est, humanitas inclinat in melius*; Sic enim Senecam scripsisse accepimus Epistolarum lib. 11. *Reus sententiis paribus absolvitur, & semper quicquid dubium est, humanitas inclinat in melius.*

# XXI. ULPIANUS LIB. XXVII. AD SABINUM.

*Non debet cui quod plus est licet, quod minus est non licere.*

**V**ARIAS libro ad Sabin. 27. recenset conditionum species Ulpianus, quibus testamento liber esse servus juberi solet; & inter conditiones illas, agit de eo servo qui hæredi servire quinquennio iustus est. Cum enim *quæsitum esset, si servus hæredi servire quinquennio iustus fuerit, & cum hæres aliquamdiu servire sibi non patiatur, an postea potius possit intra quinquennii tempus; respondit Ulpianus id fieri posse, c. 3. §. 12. de statulib. Nam si hæres quinquennio integro exigere potuerit servitutem, utique, & minus quinquennio videtur etiam exigere potuisse. Non enim debet cui plus licet, quod minus est non licere.* Eaque res efficit, ut servus hæredi quinquennio iustus servire, etiam si integro quinquennio non servierit, ad libertatem nihilominus perveniat finito quinquennio; atque ita quidem ad Sabinum libro vigesimo septimo scripsit Ulpianus, d. §. 12. Et cum hæc regula ex eodem illo Ulpiani libro desumpta sit; quis quæso dubitabit, quin ea ad tractatum de statuliberis omnino referri, & cum d. §. 12. verissime conjungi debeat, quamvis interim inficiari non velim,

Tom. I.

& ad alias quoque species plurimas eam non incommode referri posse.

# XXII. ULPIANUS LIB. XXVIII. AD SABINUM.

*In personam servilem nulla cadit obligatio.*

**L**IBRO ad Sabinum vigesimo octavo de obligatione jurisjurandi scripsit in hunc modum Ulpianus: *Us jurisjurandi obligatio contrahatur, liberum esse oportet qui juret, & libertatis causa jurare.* Proinde si quis libertus suo hac conditione legaverit, ut juret libertus se decem operarum nomine præstiturum filio suo, dubitatum fuit an obligetur jurando. Celsus obligari eum ait, & Celfo acquiescit Ulpianus hæc verba subjiciens; *Jurare autem debet post manumissionem, ut obligetur; in personam enim servilem nulla cadit obligatio.* Et hanc quidem regulam sic intelligi oportere, evidentissime demonstrat obligationis jurisjurandi species illa cujus nunc fecimus mentionem ab Ulpiano proposita, c. 7. in princ. de oper. libert. Cum enim caput illud ex Ulpiani libro ad Sabinum vigesimo octavo repetitum sit, ex quo libro hanc quoque regulam desumptam esse testis est ejus epigraphæ, quis dubitabit quin ad obligationem jurisjurandi hanc regulam retulerit Ulpianus? Alioqui enim licet non civiliter, naturaliter saltem ex contractibus obligari, & obligare servos dubium non est, cap. 14. de oblig., & action. c. 41. de pecul.

M

Ad

## AD §. GENERALITER.

*Generaliter probandum est ubicunque in bonæ fidei judiciis confertur in arbitrium domini vel procuratoris ejus conditio, pro boni viri arbitrio hoc habendum esse.*

ARBITRORUM duo fuisse genera Proculus ait, unum hujusmodi, ut si ve æquum si ve iniquum esset, ei parere necessum foret; quod tunc observabatur, cum ex compromisso ad arbitrum isum esset; alterum ejusmodi, ut ad boni viri arbitrium redigi deberet, cap. 76. pro socio. Diciturque vir bonus, vir ad definiendam rem aliquam perplexam, & dubiam incertamque, aut naturæ beneficio, aut artificii commendatione, aut etiam negotiationis longo usu experimentoque peritus, & idoneus. Qui patrum consulta, leges, & jura novit, is dirimendis questionibus juris perplexis vir bonus est. Quo sensu scripsit Paulus virum bonum non arbitraturum, ut qui justam excusationem adfert, cogatur defendere, cap. 45. de pro-  
cur. Qui examinandarum, & discutiendarum accepti expensique rationum peritus est, is etiam vir bonus rationibus audiendis dici potest. Deque hujusmodi viro bono sentit haud dubie Julianus officio pratoris contineri scribens, ut virum bonum eligat, cujus arbitrio rationes computentur, cap. 47. §. 2. de fideicommiss. libertat. Rursus cum scriberet Papinianus usu domus relicto viri boni arbitratu cautionem interponi oportere, cap. penult. ususfruct. quemadmodum cau. quid aliud quæso per virum bonum intelligi voluit, quam peritum aliquem architectum? Idque eo videri potest verisimilius, quod olim in ædibus emendis architecti soleant adhiberi. Sic enim de Otthone scribit

Svetonius: Deinde liberto adesse architectos nuntians quasi venalem domum inspecturus abcessit. Nec sane generaliter vereor definire, sic viri boni appellationem accommodari consuevisse rei præsentis quæ arbitrium boni viri desiderat argumento, ut in rebus domesticis utilis paterfamilias, in politicis exercitatus pragmaticus, in militaribus miles probatus, in picturis pictor bonus, in architectura architectus peritus, & sic deinceps, nomina idcirco obtinuerint virorum bonorum, quod boni essent, hoc est, utiles, & idonei ad ea definienda, quorum singuli peritia censebantur, cap. 20. §. 1. de oper. libert. cap. 137. §. 2. de verb. oblig. cap. 12., & 17. judicat. solvi, cap. 21. §. 4. de oper. nov. nunciat. cap. 15. §. 19. de damn. infecto. Ea nisi fallor ratione qua sic apud Nonium Lucilius scribit: *Calvus Palatinus quidam vir nobilis bonus bello*. Additurque illud Virgilii: *Et bona bello, Cornus*. Et hæc quidem verissima esse docet evidentissime M. Cato de Re Rustica cap. 148. Sic enim de vino in doleis scribit: *Quod neque aceat, neque muceat, id dabitur; in aridus proximo boni viri arbitratu degustato*. Nec aliam admittit apud Valerium Probum interpretationem hæc formula vetus: QUOD RECTE FACTUM ESSE VIDEBITUR VIRI BONI ARBITRATU. Aliud igitur Jurisconsultis vir bonus est; aliud Philosophis, ac Poetis. Jurisconsultis quidem, vir ejus rei cujus arbitrium suscipit admodum peritus, cujusmodi bonorum virorum nulla non Romæ frequentia fuit, siquidem eorum esse frequentissimum usum (uti demonstratum est) Jurisconsulti voluerunt: Philosophis vero, & Poetis vir extra omnem labem, & malitiæ suspicionem positus, qui prodest quibus potest, nocet nemini, vir

vir bonus dicitur; qualem vix reperis  
 ullum millibus e cunctis, ut ait Auso-  
 nius. Et Cicero: *Sive vir bonus est*  
*( inquit ) is qui prodest quibus potest,*  
*noceat nemini, certe istum virum bonum*  
*non facile reperiemus.* Nunc videndum  
 est quidnam hac regula voluerit Ul-  
 pianus. Tractatum fuit quid sibi vel-  
 lent hæc verba conditionalia, si ratio-  
 nes arbitrio domini computasset; utrum  
 si ipse dominus computasset suo arbi-  
 trio, an vero si arbitrio viri boni.  
 Et ait quidem libro ad Sabinum vi-  
 gesimo octavo Ulpianus magis in boni  
 viri arbitrium id collatum videri, quam  
 domini, cap. 7. de contrahen. empt.  
 hanc eodem loco subiiciens rationem:  
*Generaliter enim probandum est ubicun-*  
*que in bona fidei judiciis confertur in*  
*arbitrium domini, vel procuratoris ejus*  
*conditio, pro boni viri arbitrio hoc ha-*  
*bendum esse; hoc est, de arbitrio viri*  
*boni hoc esse accipiendum.* Nam si  
 verba illa ad arbitrium domini retu-  
 leris, venditio nulla est; neque enim  
 debet in arbitrium rei conferri an sit  
 obstrictus, d. c. 7. Et hæc est vera sen-  
 tentia hujus regulæ, in qua per arbi-  
 trium boni viri, ejus viri intelligitur  
 arbitrium, qui rationibus discutiendis  
 exercitatus est, & ad eam rem Præ-  
 toris officio designatus, c. 47. §. 2. de  
 fideic. libert. Idque benigna quadam  
 interpretatione sic receptum est in ju-  
 diciis bonæ fidei. Quia enim strictam  
 verborum conceptionis sequi, in iis  
 judiciis quæ stricti juris sunt, inter-  
 pretationem judices solent; idcirco ex-  
 pressam bonæ fidei judiciorum men-  
 tionem fecit Ulpianus; satis per hoc  
 indicans in strictis judiciis regulam  
 hanc locum non habere; quod sane  
 verissimum est. Hæc enim conditio,  
*si rationes domini computasset arbitrio,*  
 stipulationi addita, strictè accipienda  
 foret, & strictè accepta inutilem red-  
 deret stipulationem, d. c. 7.

### XXIII. ULPIANUS LIB. XXIX. AD SABINUM.

*Contractus quidem dolum malum dante-*  
*nat recipiunt, quidam delum, & cul-*  
*pam. Dolum tantum depositum, &*  
*precarium: Dolum, & culpam, man-*  
*datum, commodatum, venditum, pi-*  
*gnori acceptum, locatum: Item dotis*  
*datio, tutela, negotia gesta: In his*  
*quidem, & diligentia, sed, & societas,*  
*& rerum communio, & dolum, &*  
*culpam recepi. Sed hæc ita: nisi si*  
*quid nominatum convenit vel plus vel*  
*minus in singulis contractibus. Nam*  
*hoc servabitur quod initio convenit:*  
*legem enim contractui dedit exceptio*  
*eo quod Celsus putat non valere, si*  
*convenit ne dolo praestetur: hoc*  
*enim bona fidei iudicio contrarium*  
*esse, & ita utimur. Animalium vero*  
*casus, mortesque quæ sine culpa ac-*  
*cidunt, fuge servorum qui custodiri*  
*non solent, rapina, tumultus, incen-*  
*dia, aquarum magnitudines, impetus*  
*predonum a nullo praestantur.*

**G**ALLUS ille Aquilius qui primus  
 de dolo malo formulas protulit,  
 dolum malum definivit, cum esset  
 aliud actum, aliud simulatum; eaque  
 definitio M. Ciceroni in tantum pla-  
 cuit, ut scriberet Offic. lib. 3. hoc qui-  
 dem ab Aquilio collega suo sane lu-  
 culenter dictum esse, & ab homine  
 perito definiendi; adeo quidem ut adji-  
 cere non sit veritus idem Cicero,  
 omnes aliud agentes, aliud simulantem,  
 perfidos, improbes, & malitiosos esse.  
 Eodem tempore habuit, & alium col-  
 legam Gallus Aquilius in hac sua doli  
 mali definitione paululum Cicero-  
 ne perficaciorem. Is erat Servius Sulpi-  
 cius, admirabili quadam & incredibili

ac poene divina in legibus interpretandis, æquitate explicanda, scientia præditus, ipso Cicerone teste Philippica 9. Is Servius Sulpitius animadvertens definitioni, quam primus de dolo malo excogitaverat. Gallus Aquilius, latens quoddam subesse vitium, quod nec ab Aquilio ipso, nec etiam a Cicerone deprehensum facile rem definitam subvertere poterat; vir prudens, & amici, & collegæ honori plurimum consulens, non in eam acerbius quid meditatus est, sed eam adjecta quadam necessaria clausula adversus quorundam derisorum perniciam munivit. Considerans enim Servius longo rerum usu exercitissimus, posse, & sine simulatione id agi ut quis circumveniat, posse, & sine dolo malo aliud agi, aliud simulari, ac per hoc definitionem Galli omnino subverti posse; dolum malum machinationem esse quodam scripsit, alterius decipiendi causa, cum aliud simulatur, aliud agitur. Fortassis ni facere convivium collegæ suo timuisset Servius, tantum scripsisset dolum malum machinationem esse alterius decipiendi causa. Ea enim vera est, & absoluta doli mali definitio; quam tamen honore, & singulari quadam erga amicum benevolentia, his verbis temperavit, quibus in dolo definiendo Gallus Aquilius usus erat; interim non ignorans ea verba esse supervacua, nec aliqua ratione ad ipsam definitionis substantiam pertinere. Quod cum tandem deprehendisset Antistius Labeo, pro ea qua præditus erat, plurimarum rerum innovandarum aviditate (teste Pomponio) id facere non dubitavit quod amico parcens Servius attentare non fuerat ausus; nimirum definitioni doli mali a Servio traditæ ea verba detrahens, quibus integra Galli definitio antea concepta fuerat; & sic in effectu non Servii, sed solam Galli

definitionem reprehendens, & abolendam censens, eaque vera sententia est capitis primi, §. 1. de dolo malo. Hæc cum non animadvertissent recentiores quidam interpretes, persuadere conati sunt hæc verba: *Machinationem alterius decipiendi causa*; quæ Servio tribuit Ulpianus, d. §. 1. supposititia esse, & ex margine lumpta videri; interim non considerantes iis, quæ auferenda esse censent, deletis verba reliqua non ipsi Servio, sed Gallo Aquilio potius tribui debuisse. Siquidem eorum verborum tam manifestus est auctor Gallus Aquilius ut putidæ, & intollerabilis negligentia insimulandus veniat Ulpianus, si id ascribere Servio non dubitaverit, quod omnes norunt acceptum soli Gallo ferendum esse. Et hæc de dolo malo. De culpa sic etiam vere sentiendum est, ut dicamus recepta quadam, & communi consensu probata sententia, culpam omnem exemplo adoptionis in culpam specialem, & in latam sive latiore culpam Jurisconsultos olim partitos fuisse; per culpam specialem non levem aliquam, sed magnam duntaxat negligentiam, per latam culpam malitiam intelligentes. Hanc culpæ differentiam ut verissimam sic antiquissimam esse demonstrat evidentissime in Alcibiade Æmilius ille Probus, qui librum quandam Excellentium Imperatorum Tito Pomponio Attico dedicavit. Sic enim de Alcibiade scribit: *Ex quo fit ut omnia minus prospere gesta culpe tribuerent, cum aut eum negligenter, aut malitiose fecisse loquerentur*. Quibus verbis communem Jurisconsultorum sui temporis de culpa sententiam non ignorans Æmilius Probus, ita in species duas partitus est culpam, ut una quidem specie magnam negligentiam, altera vero negligentiam dissolutam sive malitiam appellandam esse culpam tradide-

diderit. Idque etiam voluisse Paulus videtur cum ita scriberet: *Magna negligentia culpa est, magna culpa dolus est*; cap. 216 de verbor. sign. Hæc enim verba si diligenter expensa fuerint, omnino præferunt parvam negligentiam culpam non esse, & duas duntaxat culparum fuisse species; unam quæ culpa simpliciter, & alteram, quæ non culpa solum, sed ad culpæ specialis differentiam magna lata, siue latior culpa dicebatur; eratque similis dolo propter malitiam. Sane appellatione culpæ non parvam, sed magnam duntaxat negligentiam intelligi, satis manifeste idem Paulus, & Cælius docent, c. 16., & c. 36. de rei vindic. Quis enim est qui non dicat hæc omnia, per insidiosa loca servum mittere servo cum bestiis depugnandi potestatem facere, fugitivum non custodire, navem adverso tempore navigatum mittere, aut eam hominibus minus idoneis committere; non parvæ alicui; sed magnæ negligentia adscribenda esse? Quæ cum Cælius, & Paulus adscripserint culpæ, certe inficiari nemo poterit, recte eundem Paulum scripsisse, *magnam negligentiam culpam esse*, d. c. 226. eamque culpam appellat negligentiam latam Ulpianus, c. 7. §. 2. de administrat., & pericul. tutor. Cum enim eo in loco nihil lordide, nihil gratiosè secisse, sed non bonam conditionem elegisse dicantur tutores, & ob id solam latam negligentiam præstare; quis est qui non dicat per latam negligentiam non latam quidem, sed levem duntaxat culpam intelligi, hoc est, negligentiam magnam, non malitiam, non fraudem. Et quamvis prope fraudem accedere dicatur lata negligentia, cap. 7. in princ. de suspect. tur. ea tamen negligentia fraus dici non potest; si enim fraus esset, utique lata culpa, non negligentia diceretur.

Continet enim lata culpa fraudis, & malitiæ indicia manifesta, & a fraude separatur perpetuo culpa levis, c. 63. de rei vindic. Idque adeo verum est, ut per fraudem apud Valerium Probum lata culpa videatur intelligi, in hac edicti clausula: *DOI MALI FRAUDISVE CAUSA JUDICIUM DABO*. Simili modo culpa levis negligentia dicitur manifesta, cap. 2. C. arbitr. tutel. In eo enim capite doli appellatione comprehenditur, lata culpa, & negligentia manifestæ culpa levis. Idque ex eo patet evidentissime quod hujusmodi manifestam negligentiam non quidem latam culpam, aut esse, aut appellari, sed culpæ duntaxat latæ comparari posse scripserit Imperator Antoninus, c. 1. C. de hæred. tutor. Si negligentiam magna, & manifesta, lata culpa non sit, ea igitur ad culpam levem referenda est. Siquidem omnis culpa, aut lata, aut levis est; eo nihil obstante quod hujusmodi culpa levis juxta aliquam judicis interpretationem possit interdum latæ culpæ comparari, d. cap. 1. Nam inter leves culpas satis constat alias esse aliis leviores, inter latas item, alias latiores aliis, & quo sunt latiores, eo propinquiores dolo sunt, quæ leviores, eo longius recedunt a lata culpa. Idque adeo verum est, ut a culpa levem omnem negligentiam separaverint perpetuo Juriconsulti; eam interdum diligentem, interdum custodiam, nunquam autem culpæ vocabulo exprimentes, cap. 13. in fine, de pignor. act. cap. 1. §. 23. cap. 51. §. 23. Depositi, cap. 3. de peric., & commod. rei vendit. Nec id arbitror quenquam inficiari posse, qui non ignoret Ulpianum scripsisse, non solum eam culpam quæ dolo proxima sit, verum eam quoque quæ levis est appellatione culpa sic contineri, ut interim & exigentia quoque debeat, cap. 47. §. 3. de

de legat. 1. Docet enim hoc responso Ulpianus duas tantum culparum fuisse species; unam quidem latam, alteram vero levem, & culpæ nomine negligentiam omnem non comprehendere. Si enim comprehenderetur; certe non scripsisset hoc loco Ulpianus, *diligentiam quoque exigendam*, sed potius culpam levissimam (eam enim ad diligentiam referunt interpretes) præter latam levemque culpam præstandam esse. Nec est quod obijcias eundem Ulpianum levissimæ culpæ alio loco meminisse, cap. 44. ad leg. Aquiliam, & sic videri præter latam levemque culpam fuisse tertiam aliquam culpæ speciem, quæ levissima diceretur. Non ignoro id iis facile persuaderi qui non observant eum qui levissimam culpam levem appellat, idcirco reprehendi non posse, quod certo certius sit levi culpa nullam esse speciem culpæ levioris. Et quamvis inter leves culpas aliæ potuerint aliis esse leviores; atque ita per consequens inter negligentias magnas, aliis etiam aliæ majores; nihilominus tamen leviores, & levissimas culpas leves esse nemo potest inficias ire. Id si verum est, ad eam igitur speciem quam culpam levem appellaverunt Jurisconsulti, referri debet levissima culpa; omnis enim levissima culpa levis est, sed non e contrario omnis culpa levis levissima est. Quo sensu accipiendum est quod sic Ulpianus scribit: *Culpam omnem accipiemus non utique latam*, cap. 31. §. 11. de ædilit. edict. hoc est, omnem culpam levem. Sunt etiam inter latas culpas aliæ aliis latiores; & quo sunt latiores, eo proximiores dolo sunt; omnis enim lata culpa dolus non est. Nam ex culpis latis quædam comparari dolo malo dicuntur, cap. 1. §. 1. si mensor. fal. mod. dix. quædam dolo malo proximæ sunt, cap. pen. de incen. ruin. & naufr. cap. 29.

Mandati, quædam a dolo sunt remotissimæ; cap. 7. ad leg. Corn. de sicar. & quædam denique, doli mali nomine continentur, c. 32. depositi. Atque ita quidem aliquando appellatione doli continetur lata culpa, aliquando non continetur, c. 2. §. 4. de hæredit. vel action. vend. Continere docet his verbis Ulpianus: *Si sine dolo omni reddat, hoc est, ut nec culpæ quidem suspicio sit*, cap. 11. de pos. Et rursus non contineri idem Ulpianus auctor est, eum, scribens, *mandatarium dolo non emere, qui pecunia accepta alii cessit ut emeret; & lata culpa id ipsum ab eo mandatario negligi, qui gratis dulus passus est alium emere*, cap. 8. §. 8. mandati. Hinc intelligimus quid sibi voluerit Celsus, cum scriberet, *inter Nervam, & Proculum tractatum fuisse, an latior culpa dolus sit*, c. 32. depositi. Quandoquidem enim interdum doli appellatione latam culpam contineri, interdum non contineri liquido satis constabat; illud duntaxat inter Proculum, & Nervam videtur agitatum fuisse, an his verbis: *Quod dolo malo ejus factum esse dicetur*, quæ in eo edicto continentur quod de deposito proposuit Prætor, etiam lata culpa comprehendatur. Et cum Nerva latiore culpam dolum esse diceret, id Proculo displicuit, inter dolum, & latam culpam in causa depositi (de ea enim sola contenditur) nonnullam esse differentiam statuendam existimanti. Nervæ sententiam Celsus veriorē esse putat, eo quod salva fide non minor depositis quam propriis rebus diligentia præstari debeat; eam diligentiam quæ non præstat, fidem frangit, eaque fracta dolo malo obnoxius est. Et ita in deposito a lata culpa non separatur dolus, immo nec levis culpa separatur a dolo; eaque vera sententia est dicti capitis trigésimi secundi. Et idcirco

quod

quod Ulpianus ait, *contractus quosdam dolum malum duntaxat recipere, quosdam dolum, & culpam*, hoc non sic accipiendum est quasi in nonnullis contractibus solus puniatur dolum, sed ita potius, ut in nonnullis contractibus a dolo non sejungatur, non separatur, lata aut levis culpa; in nonnullis, non separatur quidem dolum a lata culpa, sed a dolo, & lata culpa separatur culpa levis, & separatim vindicetur. In deposito a dolo non separatur culpa, quia si eam diligentiam non praeiterit depositarius in custodiendis rebus depositis quam servat in propriis rebus, sive id levi sive lata culpa contigerit fraude non caret, eoque nomine implicat sese dolo malo, d. cap. 32. Idque illud est quod Cyprianus lib. de Singularitate Clericorum, ad hunc modum scribit: *Oportet eum damno perstringi, vel dispendio sarcinarum, apud quem sub in tuto custodia fratres sacri- nae perierunt: quia quidquid in domo nostra sub minus idonea tutela perditum fuerit, aut latrones effregerint, nostrum est; & a nobis exigitur quicquid per inertiā nostram male commissum est.* Cur autem precarium recipiat etiam duntaxat dolum, ea reddi ratio potest, quod precarium beneficium sit; quod quidem beneficii nomen tanti est, ut si non majorem, saltem omnino æqualem cum deposito requirere diligentiam videatur. Tertullianus Adversus Hermogenem: *His viribus modis res aliena sumuntur, jure, beneficio, impetu*, id est, dominio, precario, vi, dominio non suppetente. In contractibus qui dolum, & culpam recipere dicuntur doli appellatione continentur etiam lata culpa, & appellatione culpæ; culpæ levis, c. 5., & cap. 33. de rei vind. cap. 52. §. 1., & 2. pro soc. cap. 10. commod. Cur autem mandati, commodati, locati, venditi, & alii qui

hac regula exprimuntur contractus similes non æque recipiant dolum duntaxat, atque depositum, aut precarium, ea potest reddi ratio, quod ex natura sui aliquem doli, & culpæ separationem requirere videatur, cap. 11. commodati. Quam separationem ex sui natura non patitur, uti dictum est, aut depositum, aut precarium. Qui enim mandatum suscipit, potest in exequendo mandato valde interdum negligens esse, & tamen fraude carere, c. 27. §. 7. mandati. Ac proinde alia ratione vindicanda venit mandatarii negligentia magna, hoc est, culpa levis, alia item dolum ejusdem, & lata culpa. Addit Ulpianus in mandati, *commodati, locationis, venditionis aliisque qui sequuntur contractibus præter dolum, & culpam præstari etiam negligentiam*, ex quo evincitur verissimum esse, quod diximus, omnem negligentiam culpam non esse. Si enim esset culpa, eam haud dubie a culpa levi in hac regula non separasset Ulpianus, id quod Paulus etiam fecit, cap. 3. de peric., & commod. rei vend.

#### XXIV. PAULUS LIB. V. AD SABINUM.

*Quatenus cujusque intersit in facto,  
non in jure consistit.*

**A**UCTOR est Seneca de Beneficiis libro quinto, multa legem non habere nec actionem, eaque omnia ex facto constare solent. Nam quæ nullo jure definita sunt, ea ex solo Prætoris arbitrio prorsus dependebant, sine aliquo juris civilis subsidio; siquidem Prætor viva legis vox dicebatur, cap. 8. de Justit., & jure. Nimirum tam ad ea quæ legibus obscure tradita fuerant declaranda, quam ad ea quæ deesse legi.

legibus videbantur supplenda. Idque illud est quod scripsit idem Seneca, *ad plurima ex iis quæ legem non habent nec actionem, viæ humane consuetudinem legi omni valentiorum adiuturum daret.* Proinde quæ nullis legibus erant definita, ex Prætoris jurisdictione substantiam capere, & quæ ex jure civili constabant, legitimam habere consue dicebantur. Si queramus an quis sit libertus, an servus, solam tractamus facti questionem: querimus enim in effectu, an servus manumissus, sit. Et quandoquidem hæc questio, ex Prætoris jurisdictione substantiam capere dicatur, §. Præjudiciales. Instit. de action. utique, & illud videtur etiam dici, ex eadem jurisdictione facti questiones sine aliquo juris subsidio dependere; easque questiones vivæ judicis (quem Prætor decrenebat) voce solere definiri. Sic etiam factum in pælis, & in stipulationibus jus versatur, cap. 27. §. 2. de pælis. Sic denique ejus quod interest æstimatio non in jure, sed in facto consistere dicitur. Dabat enim Prætor indicem interdum expressa taxatione addita, interdum taxatione religioni, & arbitrio dati judicis relicta. Addita quidem taxatione dabat judicem, si res taxanda jure quodam certo esse definita; tunc enim sic judicem arbitrumve dabat Prætor, ut prescriberet quoad ei jus esse statuendi, quemadmodum docet eleganter libro decimo octavo; hæc etiam verba subiungit: *Taxatio dicitur quæ sit certa summe.* Ex quibus patet evidentissime incertæ summæ nec dici posse taxationem, nec judicem arbitrumve addita taxatione dari consuevisse, id quod in ejus quod interest æstimatio fieri consuevit; ea enim æstimatio incerta est, cap. 5. de hæred. vel act. vendi cap. 8. §. 5. cap. 26.

§. 7. & cap. 17. §. 2. mandati, cap. 7. de action. empti. Eoque nomine ex facto constabat, & judicis officio relinquebatur, c. 19. de act. empt. qui iudex non præscripta quadam taxatione, sed addita ejusmodi clausula solebat dari: QUANTI EA RES ERIT, TANTI CONDEMNATIO FIAT, cap. 68. & 71. de rei vendic. cap. 3., & 13. rem rat. hab. cap. 179. de verb. sign. Eoque etiam referri possunt hæc edicti verba apud Valerium Probum: QUANTI EA RES ERIT, TANTÆ PECUNIÆ JUDICIUM RECUPERATORIUM DABO. Et erat quidem ejus quod interest æstimatio olim adeo incerta, ut interdum datus iudex officium implorare cogeretur boni viri, hoc est, civis ad ejus rei quæ taxanda erat æstimationem, admodum idonei. Idque sibi visus est Labeo voluisse per bonum virum peritum intelligens architectum, c. 58. §. 1. locati. Nec alia ratione ad officium boni alienigenæ viri ejus quod interest æstimationem Papinianus etiam rejecisse videtur, c. 6. in fine de servis export. Et hæc quidem usque ad Justiniani tempora sic videntur in usu fuisse, siquidem hanc veterem ejus quod interest æstimationi rationem omnium primus non nihil vilis est immutasse Justinianus. Statuit enim, in omnibus iis casibus qui certam habent quantitatem, vel naturam, hoc quod inter est dupli quantitatem minime excedere; in aliis casibus qui incerti sunt, per subtilitatem requirere iudices, ut hoc quod revera inducitur damnum, reddatur, cap. unic. de senten. quæ pro eo quod interest a Certum casum id appellat Justinianus, quod Jurisconsulti veteres certum dicebant, de certi conditione differentes. Certum autem duobus modis videtur in eo edicto accipi posse cui titulus, est: SI CERTUM PETETUR. Uno enim



enim modo certum petitur, cum id omne quod petitur deberi certum est; altero cum certum etiam est quid debeat, & quantum. Et id quidem *deberi certum est, quod expensio latione, mensura rationibus, chirographi exhibitio- ne, testium signatorumque intercessione deberi probat adversarius*, ut est apud Gellium libro decimo quarto capite secundo. Quibus etiam addi potest obligatio quæ nominibus fieri dicebatur, de qua Variorum libro tertio, capite primo accurate disseruimus. Est, & illud certum rufus species vel quantitas qualis quantaque sit ostenditur, cap. 6. si cer. pet. *Stipulationes, emptiones, alique contractus certa plerumque instrumentis formula comprehendi solent*, capite 92. de reg. jur. cap. 72. de evict. cap. 1. §. 1. de eden. cap. 5. sub fi. de auct., & conf. tut. Ex quâ formula si lex conventionis non servaretur, ita jus solet dici, ut ejus tenorem, tanquam certum, & definitum argumentum iudex sequeretur. Qui enim suum agnoscat chirographum, utique, & illud quod chirographo continetur inficiari nequit; ac proinde actor ex chirographo rei ius dici postulans certum petit, eoque nomine, certi quoque conditione uti potest, etiam si causa contractus legitima sit, ut puta ex empto, locato, stipulatu, & sic deinceps. Si igitur fundum a te emerim Tusculanum, & tu intra spacium anni promiseris solvere, atque id chirographo quodam expresseris, anno finito, duplex mihi tecum expetundi poterit via: aut enim ex empto, aut certi conditione tecum agere possum. Ex empto quidem contractus ratione certi vero conditione non contractus; sed solius chirographi habito respectu. Idque illud est, quod Ulpianus ait, *certi conditione competere in omni causa, ex*

*omni obligatione ex qua certum petitur*, c. 9. Si cer. pet. Hoc est, ex qua id petitur, quod aut expensio latione, aut mensura rationibus, aut chirographi exhibitione, aut testium signatorumque intercessione, aut etiam stipulationis instrumento probatur deberi. Eoque arbitror Quintilianum respexisse, cum sic Institutionum libro quarto, capite secundo scriberet, *Satis est dixisse certam creditam pecuniam peto ex stipulatione; legatum peto ex testamento*. Moris etiam erat ut omnis pecunia certis nominibus aut incertis mutua daretur. Certis quidem nominibus, per chirographum, intertis vero per syngrapham. Auctor est enim Asconius Pedianus hanc inter chirographum, & syngrapham veteres differentiam constituisse, ut in chirographis ea tantum quæ gesta essent scriberentur: in syngraphis vero etiam contra fidem veritatis passio veniret, & non numerata quoque pecunia, aut non integre numerata, pro temporaria hominum voluntate scribi, solerent, more institutoque Græcorum. Hæc Asconius evidenter demonstrans ex certis nominibus chirographum, & ex incertis syngrapham olim constitisse. Unde etiam satis intelligi potest de syngrapha Ulpianum sensisse, cum scriberet, *Macedonem quandam incertis nominibus pecuniam credidisse*, cap. 1. de Senatusconf. Macedon. Quemadmodum, & de chirographo tunc etiam visus est Horatius, sensisse, cum sic ad Augustum scriberet,

— Et solenne recusa

Mane domo vigilare, clienti promove,

ro jura.

Cantos nominibus certis expendere nummos.

De eo enim agit Horatius, qui accepto chirographo pecuniam dare mutuatam solet. Et quia moribus institutisque Græcorum syngraphas, Asconius, accep-

ptas refert, hinc etiam mihi videor quodammodo intelligere, quid apud Aufonium sit *Græca fide mutuari*, qui sic Paulino suo scribit.

*Mercatur rem quæque fore venalium,  
Mutuatur ad Græcam fidem.*

Ad syngraphas enim (nisi vehementer fallor) hoc in loco *Græcam fidem* refert Aufonium. Et hæc quidem cum ita se habeant, nunc satis intelligimus per casus naturæ vel quantitatæ certos, eas intellexisse Justinianum contractuum conventionumque species, quæ, & certum debitum, & non dubiam debiti quantitatem qualitatemque certis nominibus instrumento quodam expressam continerent. Nec aliud per *incertæ casus* videri eundem Justinianum intelligi voluisse, quam eas conventiones quarum nomine quid, & quantum deberetur, proles incertum erat.

## XXV. POMPONIUS LIB. XI. AD SABINUM.

*Plus cautionis in re est quam in persona.*

**E**I tantum videri dicimus, cui si non res aut pignoris saltem de re aliqua persequenda, restituenda, aut præstanda instrumento quodam securitas est repromissa, c. 21. de rei vendic. Quo sensu plus cautionis in re esse, quam in persona scripsit hac regula Pomponius. Non enim ea est Pomponii sententia, ut velit dicere iis rectius, & tutius cautum esse qui pignoris, quam qui sponsoribus accepti securi sunt, ut putant interpretes, sed ea, potius, ut hi quibus de re ipsa præstanda cavetur, plus in ea re cautionis habere dicantur, quam illi habent in persona quibus de pretio rei exolvendo personaliter cautum est.

Veluti si rei commodatæ nomine actum sit, & commodati, ideo commodatarius damni per judicem contigerit, quod res commodata non appareat, aliter commodatarius ei qui commodavit, rei commodatæ, quæ deperdita est nomine satisfactorius non est, quam si commodator cautionem præstiterit, non quidem de rei pretio, se de ipsa re commodata aliquando reperta ipsi commodatario præstanda. *plus enim cautionis in ipsa re est, quam in persona*, hoc est, quam in exolutione pretii, quæ exolutio personalis est. Et ita quidem Pomponius scribit libro ad Sabinum undecimo, quemadmodum indicat epigraphæ capitis decimi tertii, commodati præsertim cum inscriptione hujus regulæ conjuncta.

## XXVI. ULPIANUS LIB. XXX. AD SABINUM.

*Quæ potest invitis alienare, multo magis, & ignorantibus, & absentibus potest.*

**D**E societate scripsit Ulpianus ad Sabinum libro trigelimo ejusque contractus ratione quedam in eodem libro de erciscunda familia, & communi dividundo in medium attulit, c. 43. famil. ercisc. cap. 3. cap. 21. commun. divid. In tractatu familiæ erciscundæ obtinuit heredem absente cohærede partem suam posse alienare, cap. 44. §. 2. fam. ercisc. cap. 28. de hæredit. vel act. vend. Ejusque definitionis cum ab Ulpiano ratio peteretur, videtur ille respondisse, heredem posse vel invito cohærede partem suam alienare, ergo multo magis ignorante, & absente eodem cohærede. Qui enim potest invitis alienare multo magis, & ignorantibus, & absentibus potest. Ex quo

quo illud etiam effici videtur, ut quibus invitis non licet alienare, utique nec ignorantibus iis, aut absentibus liceat. Qua sola de causa scripsit etiam eodem illo ad Sabinum libro trigesimo Ulpianus, *pupillum possessionem quatenus quidem facti est, sine tutoris auctoritate amittere posse; quatenus vero juris non utique*, capite 29. de acquir. possell. Non enim potest aliquid juris in alium pupillum transferre invititis tutoribus, ergo multo minus iis aut ignorantibus aut absentibus potest, & huic quidem regulæ locum extra alienationis causam non semper fuisse expresse demonstrat eodem libro Ulpianus. *Invitis enim coheredibus vel unum familia erciscunda arbitrum petere posse ait, non tamen ignorantibus iis aut absentibus, sed presentibus*, d. cap. 43. famil. ercisc. Ideo petere absentibus aut ignorantibus coheredibus arbitrum hæres non potest, quia *consensu litigantium solent arbitri iudicesque dari*, ut auctor est Cicero pro Cluentio Avito. Moris enim erat, ut is qui nominatim iudicem aut arbitrum petebat, interrogaret adversarium suum præsentem, an huiusmodi iudice arbitrove contentus esset, & non potius alium posceret; quemadmodum ex Festo demonstravimus Protribunalium libro singulari cap. 11. Et sic quidem quamvis consequi recte videatur, ut quibus invititis licet alienare, liceat etiam ignorantibus, & absentibus iis, non tamen consequi aliqua ratione potest, quibus invititis arbitrer peti potest iis absentibus, aut ignorantibus peti etiam arbitrum posse. Eiusque argumenti ratione videtur quoque ad Sabinum libro 30. Ulpianus interpretari voluisse, quinam absentes dicerentur. Ait enim *Qui extra continentia urbis est, eum abesse; ceterum usque ad continentia, non abesse videri*, c. 173. de verb. sign.

XXVII. POMPONII LIB. XI.  
AD SABINUM.

*Nec ex Prætorio, nec ex solemnī iure privatorum conventionē quicquam immutandum est; quamvis obligationem causæ pactione possint immutari, & ipso iure, & per pacti conventi exceptionem. Quia actionum modus vel lege vel per Prætorē introductus, privatorum pactionibus non infirmatur, nisi tunc cum incipiat actio inter eos conveniri,*

**C**ONVENTIO generis nomen est; non speciei, cap. 1. §. 1. de pact. Pactum sive pactio interdum idem est quod conventio, interdum a conventionē tanquam species a suo genere sejungitur ac separatur. Decemviri, Oratores, & Grammatici inter conventionem, & pactum nullam statuunt differentiam; Jurisconsulti, & Prætores, hi de pactis edicentes, illi edictum interpretantes sic ab aliis conventionibus distinguunt pactum, ut omnes conventiones ex nudo facto constantes, ad earum conventionum differentiam, quæ iure civili certis modis certoque numero sunt introductæ, appellaverint *pacta conventa*, cap. 27. §. 2. de pactis interim non ignorantes alio sensu accipiendum esse pacti pactionisque vocabulum cum de legitimis agitur conventionibus. Et sic quidem satis intelligimus qua ratione conventionem legitimam pactum esse, actionemque ex eo pacto nasci; & rursus in pactis nudum versari factum; ac proinde ex iis actionem non dari scripserit unus idemque Paulus, cap. 6., & 7. circa princ. c. 17. §. 2. de pact. Alio enim sensu tunc pactum accipit Paulus, cum ait ex eo dari actionem; alio item cum

N 2

actio-

actionem ex eo negat competere. Nam cum scribit ex pacto actionem dari Paulus, ad legem aliquam omnem suam intentionem dirigit; in qua lege pacti vocabulo pro omni conventionione legitima suo more posuerant legumlatores; eamque legem interpretans Paulus; pacti etiam vocabulo pro ea conventionione usus est, quæ lege confirmatur: non quidem ex Prætoris, sed ex legumlatoris intentione. Aliud erat si de Prætorii edicti ageretur interpretatione. Prætores enim in suis edictis per pactum, non legitimam aliquam conventionem, sed eam dumtaxat intelligebant in qua factum nudum versabatur. Et idcirco Paulus alique jurisconsulti edictum perpetuum de pactis interpretantes, alia prorsus ratione de pactis sentiebant, quam tunc sentirent quam lex aliqua de pactis differens opus habebat eorum interpretatione. In edicti enim interpretatione, sicut Prætores, sic, & ipsi quoque interpretes, de pactis sentiebant; & in earum legum quibus de pactis etiam tractabatur explicatione, simili modo intentionem suam legumlatoris voluntati accommodabant. Jurisconsulti de pactis differentes. Ex quibus patet evidentissime in hac regula actionis conventionisque vocabulo Pomponium promissive usum esse pro omni conventionione, tam ea quæ legitima erat, quam quæ ex facto nudo constabat. Nec mirum; cum enim istud Pomponii responsum, aut ad Prætoris edictum, aut ad certam legem aliquam directo non pertineat; certe nihil causæ est cur, aut de legitima sola, aut de ea etiam sola conventionione quæ ex facto nudo constabat, hoc in loco actionis vocabulum accipere. Conventionione igitur sive actione privatorum nihil olim ex jure publico potuit immutari, quamvis interim obligationum causæ mutari potuerint actione. Idque sic accipiendum est; ut

*jus solemnne* intelligit Pomponius jus usitatum, & communi quodam civium consensu receptum; id enim quod certum, usitatum, & familiare est, dici solemnne consuevit. Quo sensu scripsit Svetonius, *Augustum, quoties magistratum comitiis interesset, supplicasse more solemnni; Tiberium solemnibus cæcis pridiana sepe obsonia apposuisse*, haud dubie per solemnem supplicandi morem, usitatum prehensandi rationem, & per cænas solemnnes certas consuetaque festorum dierum epulationes intelligens. Quibus etiam consentaneum est quod ad hunc modum Adversus Marcionem lib. 3. scribit Tertullianus: *Sed quomodo irreperit in Judæorum fidem, nisi per solemnne apud eos, & familiare nomen?* Et sic quidem satis esse arbitror perspicuum id omne solemnne dici, quod certum, usitatum, & familiare est, etque sensu solemnne jus hoc loco accipiendum esse. Quod autem Pomponius nec ex Prætorio, nec ex solemnni jure privatorum conventionem quicquam ait immutari posse, id ipsum his verbis expressit Papinianus; *Jus publicum privatorum pactis mutari non potest*, cap. 38. de pactis. Dubium enim non est, quin per *jus publicum*, prætorium, & solemnne jus, hoc est, jus omne civile intellexerit hoc loco Papinianus. Jure publico prodita sunt injuriarum, & furti pænæ: & idcirco qui pacificatur ne injuriarum, si quas facturus est, aut furti quod aliquando esse commissurus, conveniatur, is certe hujusmodi actione juri Prætorio, & solemnni fraudem facit; siquidem timeri plurimum expedit furti, & injuriarum pœnas, c. 27. §. 4. de pactis. Et hac quidem ratione nihil olim ex jure publico potuit immutari, quamvis interim obligationum causæ mutari potuerint actione. Idque sic accipiendum est; ut quamvis ante illatam injuriam fur-

tumve

tumve factum pacisci de injuriis, aut furto non licuerit, *post tamen admissa hæc recte pactioni locus esset*, d. §. 4. *Etiam lege duodecim tabularum auctore Gellio lib. 20. cap. 1.* Ante illatam injuriam, ante commissum furtum nullæ injuriarum aut furti obligationum subsistunt causæ. Siquidem hujusmodi causæ ex furtis, & injuriis admissis protinus sortiuntur originem, non ante. Ed ideo qui ante illatam injuriam pactus est, jus publicum lædit, eoque nomine nullius esse momenti censetur pactum; qui vero paciscitur post injuriam illatam, is publico jure salvo, & illæso causam immutat obligationis injuriarum; quæ causa ad actionem impetrandam satis justa, & efficax erat. Non enim actionem aliter dabat Prætor quam cognita prius, & examinata obligationis cujusque causa, quemadmodum ex his edicti perpetui vulgaribus clausulis satis constat; CAUSSA COGNITA ACTIONEM DABO; CAUSSA COGNITA ACTIONEM DENEGABO. Atque id quidem illud est quod in hac regula sibi voluit his verbis Pomponius: *Quia actionum modus vel lege vel per Prætorem introductus, privatorum pactionibus non infirmatur, nisi tunc cum inchoatur actio inter eos convenit.* Per modum enim actionum eas intelligit Pomponius actionum formulas, quæ ad futuram aliquam controversiam jure expediendam proditæ sunt, & per actionem inchoatam iustas obligationum causas. Hujusmodi causas auctor est idem Pomponius pactionibus immutari, aut ipso jure, aut per pacti conventi exceptionem. Demonstravimus Variorum libro secundo, capite 6. id ipso jure tolli quod per se absque exceptionis, aut quo alio adventitio auxilio tollitur. Est etiam Ulpianus auctor, *pacta quædam talia esse, ut actionem ex sui na-*

*tura omnem tollant; quædam ut tollere nequeant actionem*, cap. 27. §. 3. de pact. *Pactum injuriarum, quia legitimum est, actionem tollit*, d. §. 2., & sic ipso jure, hoc est, eodem illo ipso jure ex quo suam sortitur originem, obligationis injuriarum causa mutatur. Si centum tibi mutuo dederim, & pactus sim ea non petere, hujusmodi pactum legitimum non est, sed ex facto nudo constat, eaque de causa, nec ipso quidem jure mutui contractum tollere potest, sed per exceptionem pacti conventi cap. 3., & 30. de pecun. constit. Et hæc quidem latius a me nunc exponerentur, nisi de iis Variorum lib. 2. latissime differuissem.

#### XXVIII. ULPIANUS LIB. XXXVI. AD SABINUM.

*Divus Pius rescripsit, eos qui ex liberalitate sua conveniuntur, in id quod facere possunt condemnandos:*

ULPIANUS ait esse nonnullos, qui in id quod facere possunt conveniuntur; hoc est, non deducto ære alieno, cap. 16. de re judic. Quæ verba eam videntur habere sententiam, ut personæ quædam in id quod facere possunt ante conveniri potuerint, & condemnari, quam deduceretur æs alienum, quam convocarentur, etiam ejusdem conditionis creditores, cap. 19. d. tit. id quod edictis creditorum nominibus fieri consuevit, quemadmodum docet Seneca de Beneficiis libro secundo. Inter eas personas quæ in id quod facere possunt conveniuntur, numerari solent omnium bonorum socius, parens, patronus, patrona, liberique eorum, & parentes, item maritus dotis ratione, d. cap. 16., & 17. de re judic. Paulus auctor est eos qui ex causa donationis

conveniuntur, etiam in id quod facere possunt condemnari, sed ratione paululum ab iis diversa, qui sic ex contractibus conveniuntur, c. 19. §. 1. de re judic. Illi enim contractus, & cum eo beneficii cuiusdam personalis simul concurrentis ratione non deducto ære alieno sic conveniebantur, ut occupantis, & prævenientis creditoris melior esse causa judicaretur, d. c. 19. & cap. 13. solut. matrim. hi vero ante ex causa donationis non poterant conveniri quam editis creditorum nominibus deductum esset æs alienum; eoque deducto, sic in id quod facere poterant qui ex liberalitate sua conveniebatur, solebant condemnari, ut non totum quod supererat extorqueretur, sed potius aliqua ipsorum haberetur ratio, ne egerent, d. cap. 19. in fine, cap. 173. hoc tit. De iis qui ex contractibus in id quod facere possunt, condemnantur, differuit ad editum Ulpianus lib. 63. & 65. De iis qui ex liberalitate in id etiam conveniuntur, quod facere possunt, scripsit ad Sabinum lib. 36. idem Ulpianus. Et quia in eo libro de dotis repetitione, donationibus inter virum, & uxorem, rebusque dotalibus ab Ulpiano tractatum est ex professo, utique obscurum non est quid idem Ulpianus hac regula voluerit, quæ ex ejus libro ad Sabinum trigessimosesto est repetita. Non enim dubium est, quin de marito in quantum facere potest condemnando, differuerit eo libro Ulpianus; siquidem id ex epigraphæ capituli duodecimi solut. matrim. omnino constat. Et quia Modestinus auctor est, maritum non dotis tantum nomine, sed ex aliis quoque contractibus ab uxore iudicio conveniri, & in quantum facere potest condemnari solere, cap. 20. de re judic. certe dubium non videtur, quin id ipsum tra-

diderit etiam Ulpianus ad Sabinum libro 36. Ait enim Modestinus hujusmodi contractuum ratione, maritum in quantum facere potest, condemnandum esse ex D. Pii constitutione, cujus constitutionis meminit expressè in hac regula Ulpianus, ex libro ejus ad Sabinum 36. in hunc locum translata. Nec id mirum; plerumque enim ex mera liberalitate hujusmodi inter virum, & uxorem contractus constabant. Cujus generis fuisse videtur contractus annui præbendi, in quo contractu donationem verti scripsit eodem ad Sabinum lib. 36. Ulpianus c. 33. de donat. inter virum, & uxorem adiciens insuper annui etiam nomine maritum in id quod facere potest condemnandum. Divum enim Pium rescriptisse eos qui ex liberalitate sua conveniuntur in id quod facere possunt condemnandos esse; eaque vera est hujus regulæ sententia. Stipulatio siue contractus annui ad eum morem referri debet, quo uxor a marito certam pecuniæ summam ex mariti bonis præstari singulis annis stipulabatur, c. 15. & 18. §. 5. de don. inter vir., & uxor. c. 1. de annuis legatis. Quo sensu *annua præbita* visus est etiam Svetonius accepisse, cum scriberet: *Tiberium uxorem Juliam relegatam peculio concessa a patre, annuisque præbitis fraudasse.*

#### XXIX. PAULUS LIB. VIII. AD SABINUM.

*Quod initio visiosum est, non potest tractu temporis convalescere.*

**A**D Sabinum lib. 8. differuit Paulus de tutelis, & de eo tractavit qui quid a pupillo sine tutoris auctoritate aut falso tutore auctore comparavit, cap. 37. de contrah. tempore

ptione. Quærebatur enim, si pupillus suæ ætatis factus comprobaverit hujusmodi emptionem, an valeret contractus. Sabinus inspici contractus initium hac ratione videtur voluisse, ut si quis bona fide rem a pupillo emerit, nullo, aut falso tutore auctore, valeret contractus a pupillo suæ ætatis factus comprobatus; sin mala fide, utique non valeret, d. cap. 27., & cap. 5. §. 2. de auctori, & cons. tut. Qui sine tutoris auctoritate a pupillo sciens emit, non videtur bona fide emere, ac per consequens nec ab initio hujusmodi contractus jure sublatiſſe; qua sola de causa nec per consequentem pupilli ratihabitionem potest confirmari. Id enim quod ipso jure, aut exceptionis medio ab initio nullum est, nuda pupilli, licet suæ ætatis facti, voluntas firmum reddere non potest; non magis hercle quam ex mala fide facere fidem bonam. Et ita Paulus scribit ad Sabinum lib. 8. quemadmodum ex dicto cap. 27. cum hac regula conjuncto omnino probatur. Atque ita quidem ex Sabini sententia, ut quid dicatur bona vel mala fide comparatum, inspici necessum est initium contractus. Cumque dubitarent veteres, utrum emptionis, an vero traditionis initium, per initium contractus accipi deberet, obtinuit ejusdem Sabini, & Cassii sententia existimantium traditionis initium spectandum esse, cap. 10. in princ. de usurpat. Eoque sensu accipienda sunt hæc Pauli verba: *Quod initia vitiosum est, non potest tractu temporis convalescere*. Nihil enim aliud sibi voluit hac regula Paulus, quam contractum *initio vitiosum*, hoc est, contractum, si non ipso jure, saltem exceptionis auxilio traditionis tempore prorsus invalidum, non posse tractu temporis alicujus privati hominis facto, aut approbatione,

line aliquo legitimi, vel Prætorii juris subsidio convalescere.

### XXX. ULPIANUS LIB. XXXVI. AD SABINUM.

*Nuptias non concubitus, sed consensus facit.*

**M**ATRIMONIUM aliud est justum, aliud injustum. Justum quidem, quod jure, & licite; injustum vero, quod injuste in fraudem legum Romanarum contrahitur. Justum matrimonium alio nomine *connubium* vocabatur. *Est enim* (ut Ulpianus definit) *connubium uxoris jure ducenda faculus*. Eamque facultatem extraneis hominibus una cum civitate interdum concedebat populus Romanus. Qua sola ratione auctor est Livius libro vigesimo sexto: *Campanis cives Romanos assignatis plerisque, & propinquis cognationibus ex connubia vetusta conjungos fuisse*. Idque illud etiam est quod ad hunc modum in fragmentis titulo quinto Ulpianus scribit: *Connubium habent cives Romani cum civibus Romanis, cum Latinis autem, & peregrinis ita si concessum sit*. Observari etiam Romæ solet, ut civis Romanus, si cum ingenua muliere consuetudinem habere veller, aut eam solemniter donum duceret usu, farre, vel coemptione; aut sine aliqua solemnitate, eam uxoris animo, & pleno honore in ædes reciperet, testatione quadam manifestum faciente, hanc ingenuam mulierem non concubine, sed justæ uxoris loco haberi sola animi destinatione, cap. ultim. in fine, de divort. cap. 4. in fine, de fide instrum. Et hoc quidem illud est quod Martianus, & Paulus ajunt, *mulierem beneſſe viſa, & ingenuam in concubinatum haberi sine*

*testa-*

testatione hoc manifestum faciente concessum non esse, concubinam ex sola animi destinatione asstimari oportere, cap. 3, & cap. 4. de concub. Ex his enim locis patet evidentissime, ingenuam mulierem haberi in concubinatum posse, cum tamen ea in concubinato non possit retineri; nec id mirum. Aliud enim est, habere in concubinatum mulierem; aliud item in concubinato. In concubinatum Martiano ea dicitur haberi mulier, quæ ad concubendum loco jussu uxoris ducitur; in concubinato vero cum qua quotidiana consuetudo cuiquam est sine uxoris titulo, sine matrimonio, cap. 46. de oper. lib. Uxor quam in concubinatum quis domum duxit, sine aliqua in manus conventionione, honore pleno, maritali honore, & affectione diligi; uxorisque animo haberi dicitur, cap. 16. §. 1. De his quib. ut indig. cap. 31. in princip. de donation. cap. 13. §. 2. ad L. Jul. de adulter. Eoque sensu accipienda sunt hæc Pauli verba: *TITIE AMICÆ MEÆ CUM, QUÆ SINE MENDACIO, VIXIT, AURI FONDO QUINQUE DARE VOLO*, cap. 35. de auro arg. legat. Dixit enim Paulus sine mendacio, pro eo quod est, testatione maritalem animum manifestum faciente. Et ad hanc quidem sine in manus conventionione uxoris speciem Svetonius etiam respexisse videtur, sic de Caligula scribens: *Max. Lucio Cassio Longino consulari collocatam abduxit, & in modum iusta uxoris prepalam habuit*. Et sane, matrimonium quoddam ex sola animi destinatione olim constituisse, adeo verum est, ut scripserit expresse Ulpianus de portatione matrimonium non dissolvi; hanc subiiciens rationem: *Nam cum libera mulier remaneat, nihil prohibet, & virum mariti animum; & mulierem uxoris animum retinere*, cap. 52. de bon. damnati. Et sic quidem, verissimum ap-

paret, uxores olim aut conventionione in manus domum solemniter duci; aut sine conventionione, uxorum nomine sola animi destinatione censeri consuevisse. Concubinam solent amicam veteres appellare, cap. 144. de verb. signif. Vocabant amicam quoque mulierem sine conventionione in manus, uxoris loco habitam, d. cap. 35. Uxorem quæ in manu viri mancipioque erat, non amicam, sed dominam, nuncupabant, cap. 41. in princ. de legat. 3. cap. 19. §. 1. de annu. legat. Nec mirum eam dominam vocari, uxores enim quæ in manus convenierant, sic in manu mariti erat mancipioque, ut inter suos hæredes primo gradu mariti eas numerarent; audire in fragmentis Ulpiano, tit. vigesimo secundo, & Aulo Gellio libro decimo octavo, cap. 6. Uxor quæ solo mariti honore, & affectione sine aliqua in manus conventionione diligebatur, nec in manu erat mariti, nec eam inter suos hæredes numerabat maritus; sed dumtaxat testamento, mariti decimam accipere poterat. Hi sunt mariti illi, & uxores quibus inter se matrimonii nomine capere decimam permixtum est, de quibus tractat in fragmentis Ulpianus titulo decimo quinto. Nec de aliis uxoris maritisque iustis accipi potest titulus Pandect. UNDE VIR ET UXOR. Auctor est enim Justinianus; fuisse olim bonorum quandam possessionem, quæ UNDE VIR ET UXOR appellabatur, & nono loco inter veteres bonorum possessiones collocabatur, §. Aliam vero. Infit. de honor. possess. Quandoquidem igitur evidentissimum sit uxorem, quæ in manu mariti erat, apud maritum sui hæredis loco fuisse, eoque nomine ut suum hæredem primo gradu, qui suorum dicitur, marito lucessisse; quis quæso, tam insipidus est, ut non intelligat risulum UNDE VIR ET



ET UXOR ad hujusmodi uxores nullo modo referendum esse; sed de iis solum uxoribus accipi debere, quæ sine in manus conventionē iustarum uxorū loco habebantur? Hæc si vera sunt, consequens etiam videtur olim Ulpiani aliorumque similium Jurisconsultorum temporibus nuptias clandestinas omnino prohibitas non fuisse. Nec est quod movearis Apuleii auctoritate, qui sic de Afero libro sexto scribit: *Impares nuptia; & præterea in villa sine testibus, & patre non consentiente facta, legitima non possunt videri*. Ex hoc enim Apuleii loco non recte probatur, nuptias in villa contractas velut clandestinas invalidas fuisse. Idem enim Apulejus evidentissime docuit potuisse in villa nuptias contrahi; nam sic in Apologia secunda scripsit: *Lex quidem Julia de maritandis ordinibus nunquam scilicet ad hunc modum interdixit: UXOREM IN VILLA NE DUCITO; immo si verum velis, uxor ad ipseum multo auspiciatur in villa quam in oppido ducitur*. Et hæc quidem cum ita se habeat, nunc demum intelligimus quid sibi voluerit hac regula Ulpianus, nimirum aliud nihil quam non tabulas nuptiales, non concubitum nuptias facere, sed *consensum*; hoc est, solum animi destinationem, maritale affectionem solum; cap. 25. de condic. & demonst. cap. 5. de bon. damnatorum cap. 31. de donat. Sic enim scripsit expresso idem Ulpianus ad Sabinum libro 33. *Non caput matrimonium facit, sed maritalis affectus*, cap. 32. §. 9. de donat. inter vir. & uxor. Et Quintilianus Instit. Orat. lib. 5. cap. 11. *Ex contrario, inquit, nihil obstat, quominus iustum matrimonium sit mentis cointinuum, etiamsi tabula signate non fuerint*. Nihil enim proderit signasse tabulas si mentem matrimonii non fuisse constabit.

Tom. I.

XXXI. ULPIANUS LIB. XLII.  
AD SABINUM.

*Verum est neque pacta, neque stipulationes factum posse tollere. Quod enim impossibile est neque pacto neque stipulatione potest comprehendi, ut utilem actionem, aut factum efficere possit.*

HÆC regula referenda est ad edictum ædilitium; quo edicto prodita fuit stipulationis quædam species, qua facile, & expedite venditorum fallacis occurrebatur, deceptisque succurrebatur emptoribus. Non enim contenti fuerunt Ædiles in mancipiorum venditionibus titulum præscribi singulorum servorum, ita ut intelligi recte posset quid cuique rei iure quique esset, quemadmodum tradidit libro quarto, capite secundo Aulus Gellius; sed etiam venditorem voluerunt interposita quadam solemnī stipulatione, emptori cavere, sanum, furtis necisque solutum, & non esse fugitivum venale mancipium; cap. 2. de rer. permutat. cap. 18. §. 4. de act. empti, c. 32. in prin. de eviction. de hac stipulatione scripsit ad Sabinum libro quadragesimo tertio Ulpianus & ait: *Si quis ita stipulatus spondeat: SANUM ESSE FOREM NON ESSE VISPELLIONEM NON ESSE, inutilem stipulationem quibusdam videri; quia si quis in hac causa est, ut fur sit, ut sanus non sit, ut sit vispellio, impossibile est quod promittitur*. Et ita quoddam sentire Ulpianus auctor est, a quibus tamen dissentiens addidit: *Licet verum sit, neque pacta neque stipulationem factum posse tollere (quod enim impossibile est, neque pacto, neque stipulatione potest comprehendi, ut utilem actionem aut factum efficere possit) in-*

O

scrim

terim tamen verius dici hanc stipulationem utilem esse. Non enim eam factum tallere, quod est impossibile, sed hoc dumtaxat continere, quod interest bonum quid esse, vel bonum quid non esse. Atque ita quidem scripsit expresse ad Sabinum lib. 43. Ulpianus, quemadmodum ex hac regula cum capite 31. de evict. conjuncta evidentissimum est.

### XXXII. ULPIANUS LIB. XLIII. AD SABINUM.

*Quod attinet ad jus civile, servi pro nullis habentur. Non tamen, & jure naturali; quia quod ad jus naturale attinet, omnes homines aequales sunt.*

**S**CRIPSIT Ulpianus, nec servum quicquam debere posse, nec servo posse debere; sed cum eo verbo abutimur, inquit, factum magis demonstramus, quam ad jus civile referimus obligationem. Quod enim attinet ad jus civile servi pro nullis habentur, non tamen, & jure naturali: quia quod ad jus naturale attinet, omnes homines aequales sunt, quemadmodum, cap. 41. de pecul. ex Ulpiani lib. 43. traditum est, nulla hujus regulæ mentione facta, quam tamen cum eo capite jungendam esse, etiam imperitissimus quisque fateri cogitur. Ex eo enim capite cum hac regula conjuncto patet evidentissime naturali jure obligari servos ipso facto, quod factum ex quadam animi libertate constat: cui libertati quia deest sola juris civilis approbatio, idcirco etiam fit ut servi qui jure civili pro nullis habentur, ex facto suo nec obligent, nec obligentur civiliter, sed naturaliter tantum. Qua de re scripsit eleganter Seneca de Beneficiis libro ter-

tio hanc inter servorum corpus, & animalium differentiam constituens: Corpus itaque est quod domino fortuna tradidit. Hoc emit, hoc vendit. Interior illa pars mancipio dari non potest. Ab hac quicquid venit, liberum est. Non enim aut nos omnia jubere possumus, aut in omnia potere cogimur. Contra rem publicam imperata non faciens, nulli scelere manus commo- dabunt. Hæc Seneca, liquido demonstrans quo sensu illud accipi debeat quod ad hunc modum Venulejus Sturninus scribit: Si servus meus postulat, eadem observanda sunt, qua si liber esset, ex SC. Cota, & Messala Consulibus capite 12. §. 3. de accusatione. Nullam enim inter servum, & liberum hominum ratione delicti servari conditionis differentiam videtur Senatus voluisse. Certe quod animus sit qui deo linquit corporis ministerio, quo animo aequalem cum liberis hominibus obrirent servi libertatem, ac proinde aequaliter veniunt puniendi, hoc est, iisdem legibus, eodem more ac ritu accusationis, non iisdem poenarum generibus, non apud eosdem magistratus; liquidum inter servorum, & hominum liberorum supplicia, magnam observare solent Romani differentiam.

### XXXIII. POMPONIUS LIB. XXII. AD SABINUM.

*In eo quod vel is qui petit, vel is a quo positur lucri factus est, durior causa est petitoris.*

**H**ÆC regula referenda est ad conditionis indebiti tractatum; quem late persecutus est libro ad Sabinum 22. Pomponius. In eo tractatu de herede agebatur qui cum debuerat quantum restituere, etiam hereditatem ressi-

restituere, nec cavere sibi stipulatione proposita, ut id quod amplius solutum esset fideicommissi nomine; quam per legem Falcidiam capere licuisset, redderetur, c. penult. §. 5. de juris; & facti ignor. Hunc heredem respondit Aristoteles similem esse qui retentiones quas solas habens emitit; & posse enim rerum hereditariarum possessionem vel repetere, vel nancisci, capite 21. ad SC. Trebell. Eamque heredi scripto restituere fideicommissarius protinus cogebatur. In eo enim quod is qui fideicommissum parit, vel is a quo petitur fideicommissum, lucri futurus est, durior est causa petitoris, hoc est, in eo quod is cui hereditas fideicommissa est restituta, quarta ab herede scripto non deducta, lucrifuturus erat ex huiusmodi errore deductionis; & in eo quod hæres scriptus lucrifuturus etiam erat per deprehensum errorem, Consul, aut Prætoris fideicommissarii beneficio in pristinum rerum hereditariarum petitori traditam possessionem restitutus; ut iniquior, sic durior est causa petitoris. Huiusmodi enim petitor agens, & integrum fideicommissum petens ab herede doli mali exceptione poterat excludi. Siquidem beneficio Falcidie tam est notum, & omnibus manifestum, ut qui eo neglecto sciens quartam non deductam totum fideicommissum ausit petere, obnoxius esse dolo malo censetur, ejusque exceptione repelli possit. Et hæc quidem vera est sententia hujus regulæ ex Pomponii libro ad Sabinum 22. in hunc locum translata, & cum d. c. 21. ad eummodum quem nunc demonstravi, coniungenda. Potest, & illud etiam huic regulæ coaptari, quod sic idem Pomponius scribit: *Faciendi verbo, reddendi etiam causa continetur*, cap. 175. de verb. sign. Id enim ex eod. lib. ad Sabinum 22. desumptum est, & ad

scripti hæredis causam videtur pertinere. Nam alia ratione in hac regula lucrum facere fideicommissi petitor dicitur, alia item is a quo petitur fideicommissum; petitor enim lucrum facere, intelligitur fideicommissio sibi quarta ab herede non deducta tradito; hæres vero scriptus etiam lucrum intelligitur facere eadem hereditate propter errorem deprehensum recuperata, sibi que a petitore magistratus imperio reddita; qua sola ratione faciendi verbo in hac regula etiam reddendi causa continetur. Ulpianus auctor est in fragmentis titulo 25. fideicommissa, non ut legata per formulam peti solere, sed cognitionem de fideicommissis Roma quidem Consul, aut Prætoris fuisse, qui fideicommissarius dicebatur; in provinciis vero præsidum provinciarum. Idque sic accipere convenit, ut de summis certis Prætor fideicommissarius, & Consules etiam de certis summis ilisque majoribus fideicommissis relictis cognoscerent. Nam sic invenimus Quintilianum scripsisse Instit. Orator. libro tertio, capite 8. *Non debes apud Prætores petere fideicommissum, sed apud Consules; major enim prætoris cognitio ne summa est*. Et idcirco quod Pomponius de herede scribit, *qui possessionem fideicommissi repetere vel nancisci potest*, d. capite 21. id recte videmus ad Consulum vel fideicommissarii Prætoris cognitionem retulisse. Siquidem de huiusmodi causis Prætores fideicommissarium cognovisse, Paulus etiam, & Papinianus satis demonstrant, capite 78. §. 6. de legat. 3. capite 41. de bon. libert.

XXXIV. ULPIANUS LIB. XLV.  
AD SABINUM.

*Semper in stipulationibus, & in cæteris contractibus id sequimur quod actum est: aut si non pateat quid actum est, erit consequens ut id sequamur quod in regione in qua actum est frequentatur. Quid ergo si neque regionis mos appareat quia varius fuit? ad id quod minimum est, redigenda summa est.*

**V**IDETUR Ulpianus libro ad Sabinum quadragesimo quinto, de fidejussoribus ex professo, & quædam obiter de mandato, deque negotiis gestis tractasse; quemadmodum intelligi facile potest ex inscriptione capitis 4. de negot. gest. & capite 4. de fidejussor. Si meo jussu negotia mea gesseris suscipiens mandatum, sic obligaris ut etiam si non gesseris, mandati possis conveniri, cap. 6. §. 1. mandati. Ea-que mandati actio in hoc ab actione negotiorum gestorum discerni solet, quod actio mandati competere ei qui jussu alicujus negotia administravit; negotiorum vero gestorum ei qui non jussu eadem administravit bona fide, cap. 58. in princ. d. tit. Proinde si tibi mandavero ut Titio solvas centum nummos sestertios, si mandato velia satisfacere, exolves Titio nummos illos sestertios centum, semper enim in stipulationibus, & cæteris contractibus id sequi convenit quod actum est, c. 2. §. 1. de hæred. vel act. vend. c. 4. de fid. instrum. c. 27. §. 2. de pact. Quibus etiam consentaneum est quod sic Quintilianus in ea Declamatione scribit cui titulus est: *Ager communis; Stare vero ei quod sit actum, & conventioni pastorum oportet*. Si cum de-

berem nummos centum, jussissem centum nummos solvi, nec constiterit quales nummi deberentur, nummorum varietas debitum hujusmodi obscurum facit. Et quia non patet siue non apparet (sic enim Jurisconsultos esse locutos præter Festum testatur expresse Petronius Arbitrator) quid actum sit respondet Ulpianus, consequens esse, ut id sequamur quod in regione in qua actum est frequentatur, hoc est, consuetudo regionis illius in qua actum est diligenter erit examinanda, & inquirendum sedulo an quid usque receptum fuerit in ea regione quo huic obscuritati posset occurri, c. 50. §. 3. de legat. 1. Quid si regionis mos non appareat quia varius fuit? *Ad id quod minimum est*, inquit Ulpianus, *redigenda summa est*, hoc est, nummi exiguiore debebuntur, c. 75. de legat. 3. *Semper enim in obscuris id quod minimum est sequimur*, cap. 9. hoc. tit. & ita ad Sabinum libro quadragesimo quinto scripsit Ulpianus, videturque eodem libro quaesitum fuisse, si aliaratione hujusmodi creditori satisfecerit mandatarius, quam nummorum exolutione, an liberetur mandato; & Ulpianus respondisse eum liberari hanc subiiciens rationem: *Solutio enim cum verbo satisfactionem quoque omnem accipiendam placet*, cap. 176. de verb. signific. Illud nunc videndum est de quibus regionibus senserit in hac regula Ulpianus. Dividitur enim Roma in regiones quatuordecim, & totam Italiam descripsit in undecim regiones D. Augustus auctore Plinio Naturalis Historiæ libro tertio cap. 5. Erant & alie regiones quæ suburbicariæ dicebantur, cap. 9. C. Theodos. de Annon., & tribut. Erant, & provinciæ quæ singulæ in regiones certas distributæ, easque regiones libro de Conditionibus Agrorum definitivè ad hunc

mo.

modum Siculus Flaccus: *Regiones autem dicimus intra quarum fines singulorum coloniarum, aut municipiorum magistratibus jus dicendi, coercendique est libera potestas.* Hujusmodi regionum fines interdum latissimi fuerunt, adeo quidem ut scripserit expresse idem Plinius lib. 4. cap. 5. in *Acchoja regionem Messeniam duodeviginti milium fuisse.* Nec ad alias quam ad has regiones arbitror Ulpianum respexisse, in hac regula de regionis more disserentem.

### XXXV. ULPIANUS LIB. XLVIII. AD SABINUM.

*Nihil tam naturale est, quem eo genere quicque dissolvere quo colligatum est. Itaque verbum obligatio verbis tollitur; nudi confensus obligatio contrario consensu dissolvitur.*

**N**ON solum per *as*, & libram alienari res mancipi. olim solent, sed etiam obligari. Quo sensu scripsit Festus *Alium Galium nexum definisse quacunque per as, & libram geritur; ejusque generis esse testamenti fiduciam, nexi dationem, nexi liberationem; addiditque Festus nexum as apud antiquos dici pecuniam quæ per nexum obligabatur.* Ea nimirum ratione, quæ eos qui se suæque omnia creditoribus obligabant, *nexum inire* dixit lib. 6. Livius his verbis: *Nam, & si unciario fœnore scilicet levata usura erat, forte ipsa obtruebantur inopes, neamque inibant.* Solent etiam sine stipulatione, sine aliquo nexu res obligari; obligabantur etiam nudo consensu ex contractibus juris gentium. Et quia nihil est tam naturale, quam unumquodque eo modo dissolvi quo colligatum est: hinc factum videri potest, ut id quod per

*as*, & libram nexu erat obligatum, contrario nexu per *as*, & libram stipulatio sine nexu contraria sine nexu stipulatione, & denique nudi consensus obligatio, contrario consensu tolleretur, cap. 27. §. 2., & c. 58. in princ. de pact. Est & aliud quoddam civile remedium a Gallo Aquilio, Ciceronis collega excogitatum, quo plures etiam mutue obligationes, ex scripturis, & instrumentis diversis constantes, uno comprehendi obligationis instrumento solent, & sic comprehensæ una formula, unoque stipulationis contextu dissolvebantur, quemadmodum eleganter demonstrat Florentinus, cap. 18. de Acceptil. Et quia dubium non est quin Modestini tempore in usu fuerit nexus, & mancipatio (liquidem primus mancipationum nexusque solemnia sustulit Imperator Justinianus) ideo nunc facile intelligimus quid sibi voluerit idem Modestinus, acceptilationem hoc modo definiens: *Acceptilatio est liberatio per mutuam interrogationem, quæ utriusque contingit ab eodem nexu absolutio*, cap. 1. de acceptil. Hac enim definitione nexi liberationem, & stipulationis dissolutionem, atque ipsam quoque Aquilianam formulam simul complectitur Modestinus. Cum enim ait *acceptilationem esse liberationem*, certe, & illud quoque dicere videtur verborum obligationem, cui acceptilatio directo contraria est, ipso jure per acceptilationem eo modo tolli, quo per stipulationem ipso jure stipulatio tollitur, d. §. 2., & cum addit per mutuam interrogationem utriusque contingere absolutionem, Aquilianam stipulationem etiam acceptilationis verbo contineri, evidenter indicat, & denique his verbis, *ab eodem nexu*, quis est quæso mortalium qui non dicat ad nexi liberationem per *as*, & libram acceptilationem quoque

que a Modestino referri? Idque eo verisimilius est, quod res nexas, hoc est, per æs, & libram obligatas non verbis nudis, non sola debite pecuniæ numeratione, aut acceptilatione nuda, sed etiam per æs, & libram dissolvi consuevisse præter Ælium Gallum evidenter testatus sit Livius lib. 7. sic de Marco Manlio scribens: *Inde rem creditori palam populo solvit, libraque, & ære liberatum emittis*. Nec alio sensu in acceptilationis definitione nexum videtur Modestinus accepisse, d. cap. 1. Atque ita quidem accipiendum est quod Ulpianus ait hac regula, *eo genere quidque dissolvi quo colligatum est*. De acceptilatione scripsit ad Sabinum libro quadragesimo Ætavo Ulpianus. Et cum dixisset in eo libro acceptum ferri non posse, nisi quod verbis colligatum est, quia verbis tolli non potest quod non verbis contractum est, cap. 8. §. 2. de acceptil. hanc videtur regulam subiecisse: *Nihil enim tam naturale est, &c. id quod ex inscriptione ejusdem regulæ licet suspicari*.

#### XXXVI. POMPONIUS LIB. XXVII. AD SABINUM.

*Culpa est immiscere se rei ad se non pertinenti.*

**E**MPTOR hæreditatis ad hunc modum stipulari solet, QUANTA PECUNIA AD TE PERVENERIT, DOLOVE MALO TUO FACTUM EST, ERITVE QUO MINUS PERVENIAT, TANTAM PRÆSTARI, c. 50. de verb. oblig. Et quia dubitabatur ad venditorem hæreditatis quando videretur pecunia pervenisse, hanc stipulationis formulam interpretans Ulpianus respondit, *si rerum venditarum ante hæreditatem venditam prætia fuerit vendi-*

*tor hæreditatis consecutus, palam esse pecuniam, hoc est prætia rerum ad eum pervenisse*, cap. 2. §. 3. de hæred. vel act. vend. Hinc etiam quæsitum fuit, si venditor hæreditatis exactam pecuniam perdidisset, an eo nomine emptari teneretur. Hanc quæstionem lib. ad Sabinum 27. tractans Pomponius sic putavit dirimendam esse, *ut si quidem dolo aut culpa venditoris pecuniam esse perditam constaret, emptori venditor teneretur*, cap. 3. d. titul. Et cum dubitaretur quid per venditoris culpam in hac quæstione deberet exaudiri, addidit eodem lib. Pomponius, *venditorem hæreditatis ad quem aliqua post venditam hæreditatem, & cessans pecunia pervenit, quia scire debuit non sibi amplius sed emptori debitam hæreditati pecuniam exolvendum esse, pecunia deperdita culpam non effugere, ratione nomine damnandum esse; hac subiciens rationem; Culpa enim est immiscere se rei ad se non pertinenti*. Atque ita quidem ad Sabinum lib. vigesimo septimo scripsit Pomponius, quemadmodum ex hac regula cum dicto cap. 3. conjuncta, evidenter apparet.

#### XXXII. ULPIANUS LIB. LI. AD SABINUM.

*Nemo qui condemnare potest, absolvere non potest.*

**U**LPIANUS ad Sabinum libro quinquagesimo primo de jurisdictione differens ait, *cum qui judicare jubet, magistratum esse oportere*, cap. 13. de jurisdiction. adjiciens insuper eum jubere judicare qui liberam non condemnandi, non etiam absolvendi tantum, sed condemnandi, & absolvendi simul dato judici facit potestatem, *namque enim qui condemnare potest, absolvere*

*solvere non posse. Eoque pertinet illud Tertulliani adversus Marcionem libro quarto; An ejus sit absolvere, cujus non si etiam damnare? Et paulo post, Qui enim judicat, & absolvit. Hinc etiam intelligimus quo sensu scripserit Justinianus vulgo dici omnia judicia absolutoria esse §. fin. Inst. de perpet. & tempor. actionibus. Si enim libera tam absolvendi quam condemnandi dato judici soleat potestas fieri, quid mirum est omnia judicia esse absolutoria, hoc est, judicem eum etiam qui tempore accepti judicii condemnandus videbatur, absolvere potuisse; praesertim adversa parte condemnationem nullam urgente, quod tunc accidere solet, cum ante rem judicatam reus aëtori satisfacit, d. §. fin. Et hoc inde, ni fallor, quod actor qui litem desulit, eam perferre cogi non solet, c. 1. de confict. caus. data, quodque ex officio suo, etiamsi lis non perferatur, nihilominus tamen judex solet pronuntiare, cap. 34. in fine de jurejurando. Deservit lis ipsa contestatione, perferatur pronuntiatione sententia, cap. 6. de dot. collat. cap. 57. de usufr. Soletque lis non perferri aut compositione, aut donatione negotii, auctore in Caligula Svetonio. Et sic quidem absolutoria esse omnia judicia solent, aëtor ob satisfactionem, aut etiam delationem jurisjurandi ab incepta lite desistente, & giudice ex officio pronuntiante, suaque pronuntiatione debitorem absolvende, hoc est, debito liberante, d. cap. 34. in fin., & cap. penult. de confessi.*

# XXXVIII. POMPONIUS LIB. XXIX. AD SABINUM.

*Sicuti pœna ex delicto defuncti hæres teneri non debeat, ita nec lucrum facere, si quid ex ea re ad eum pervenisset.*

**P**LACUIT non in furti tantum, verum in cæteris quoque actionibus, quæ ex delicto oriuntur, novam caput sequi, cap. 1. in fine de privat. delict. cap. 20. de pœnis. Eaque ratio est cur pœna ex delicto defuncti hæres non teneatur, quamvis scripserit expresse Pomponius libro ad Sabinum vigesimonono, ex causa depositi, commodati, mandati, tutela, aut negotiorum gestorum ob dolum defuncti hæredem in solidum teneri, cap. 12. de oblig., & action. Id enim sic potius accipiendum est, ut hæres lucrum facere non potuerit, si quid ex delicto defuncti ad eum pervenisset, quam ut actione pœnali, aut famosa ex defuncti delicto posset conveniri: Nam sicut pœna ex delicto defuncti hæres non tenetur, sic nec lucrum quoque ex eodem delicto facere potuit, quemadmodum eodem illo ab Sabinum libro vigesimonono auctor fuit hac regula Pomponius. Et ideo hæres nullis pœnabilibus, nullisque famosis actionibus ex delicto defuncti, sed civilibus minimeque famosis ita solet conveniri, ut ex causa depositi, mandati, tutela, & similibus, ad exhibendum actioni adversus hæredem possidentem locus esset, & re exhibita vindicatione idem hæres teneretur; sed & conditio adversus eum competeret. c. 1. de priv. delict. Eoque sensu scripsit Paulus ex consequentibus venientes actiones, in hæres

*des dari, licet delictum quoque versetur, cap. 49. de oblat., & action. Certum est furti doli mali, pro locio, tutelæ, depositi judicia famosa esse, eap. 1. de his quis notant. infam. eaque de causa nec iis judiciis potuit ex delicto defuncti hæres conveniri, sed potius ad exhibendum, vindicatione, aut etiam conditione. Est enim Ulpianus auctor cessare ignominiam in conditionibus, quamvis ex famosis causis pendeant, capitulo trigesimo sexto dicto titulo.*

### XXXIX. POMPONIUS LIB. XXXII. AD SABINUM.

*In omnibus causis pro facto accipitur id, in quo per alium mora sit, quo minus fiat.*

**M**ORIS erat ut fundi venditor emptorem in vacuum possessionem solemnem quodam ritu, quem a veteribus usurpationem appellari demonstravimus suo loco induceret, aut eum induci per amicum curaret. Cuius moris meminisse videtur Pomponius libr. 32. ad Sabinum, de fundi venditore differens qui mandaverat amico ut emptorem in vacuum possessionem induceret, c. 33. de acquir. possess. Et cum questum esset; si amicus venditoris mortuo eo antequam id sciret, aut non prohibentibus hæredibus id fecisset, an recte possessio tradita diceretur; scripsit Pomponius eam recte traditam videri, d. c. 33. hanc subiiciens rationem: In omnibus enim causis pro facto accipitur id, in quo per alium mora sit quo minus fiat; hoc est, in omnibus causis pro eo quod recte factum est, accipitur id, quod ab eo cui data est faciendi auctoritas factum est, si in eo ipso per alium jus pro-

hibendi nactum, mora sit, quo minus fiat quod fieri necessum est. Nimirum ut hic apud Pomponium, hæredibus id ipsum quod amicus facere iussus erat, nec facientibus, nec amicum defuncti facere prohibentibus, & sic in mora existentibus, quo minus fieret quod debuit fieri. Atque ita quidem ad Sabinum libro 32. scripsit Pomponius, eaque vera est hujus regulæ sententia.

### XL. POMPONIUS LIB. XXXIV. AD SABINUM.

*Furiosi, vel ejus cui bonis interdictum est, nulla voluntas est.*

**S**CRIPSERAT ad Q. Mutium Pomponius libro 14. si patiente vicino opus faciam ex quo ei aqua pluvia noceat, Lebeonem dixisse non teneri me actione aquæ pluvie arcenda, cap. 19. de aqua, & aquæ pluv. arcen. Idem Pomponius ad Sabinum libr. 34. hoc ita verum esse ait, si non per errorem aut imperitiam deceptus fueris vicinus. Nullam enim voluntatem errantis esse, cap. 20. d. tit. Addiditque eodem libro Pomponius, eorum qui per errorem, vel imperitiam decipiuntur, numero, furiosos cum iis quibus bonis interdictum est contineri, hanc rationem adjiciens: Furiosi enim vel ejus cui bonis interdictum est, nulla voluntas est. Eaque etiam ratio est cur sic libro 5. de Providentia Dei scripserit Salvianus: Voluntas crimen non habet, ubi furore peccatur.



XXI. ULPIANUS LIB. XXVI  
AD EDICTUM.

*Non debet auctori licere quod reo  
non permittitur.*

**L**IBRO ad edictum 26. scripsit Ulpianus de jurejurando, de certi, ob turpem causam, indebiti, aliisque conditionibus. Et differens quidem de jurejurando ait Prætores sic edixisse; EUM A QUO JUSJURANDUM PETETUR, SOLVERE AUT JURARE COGAM. Et ideo alterum, inquit Ulpianus *eligat reus, aut solvat, aut juret; & si non juret,olvere cogendus erit a Prætores*, cap. 34. §. 5. de jurejurand. *Ea quoque reo dari facultas dicitur, ut si malit referat jusjurandum. Non enim debet auctori licere quod reo non permittitur*; hoc est, auctori non debet licere aliquid reo deferre jusjurandum, quod jusjurandum reo non permittitur auctori referre, quemadmodum ad edictum libro vigesimo sexto scripsit Ulpianus, d. §. 5. Et ideo jurare debebat reus aut referre auctori juramentum. *Manifesta enim surptudinis, & confessionis est, nolle nec jurare, nec jusjurandum referre*, cap. 38. d. tit. Moris erat ut auctor reo deferens jusjurandum, interdum exprimeret quonam modo illud concipi vellet, interdum ejus conceptionem arbitrio jurantis relinqueret. Et si de qualitate jurisjurandi inter partes non satis conveniret, tunc ejus conceptio in arbitrio judicantis erat, d. c. 34. §. 4. Solet etiam eo modo jurari quo delatum erat jusjurandum. Proinde si reo auctor detulisset, ut per Jovem juraret, & ille per alicujus caput, aut per salutem suam jurasset, non erat juratum habendum jusjurandum, cap. 3. in fine,

*Tom. I.*

& cap. 33. de jurejur. Ejusque rationem libro 5. Variorum reddidimus. Et plerumque; sic ab auctoribus deferri solet jusjurandum, ut aut per Jovem, aut per ipsius rei salutem specialiter jurari vellent. Per Jovem quidem solemni formula, quam his verbis conceptam fuisse, Festus auctor est; SI SCIENS FALLO, TUM ME DIESPITER, SALVA URBE ARCEQUE, BONIS EJICIAT UT EGO HUNC LAPIDEM. Per salutem suam, hoc modo; ITA MIHI DEOS VELIM PROPITIOS. Erat, & alia quædam formula solemnibus qua per Jovem, & simul etiam per salutem suam jurabatur, verbis ad hunc modum conceptis; SI SCIENS FALLO, TUM ME JUPITER OPTIMAXIM. DOMUM, FAMILIAM, REMQUE MEAM FESSIMO LETHO AFFICIAS. Eamque jurisjurandi antiquam formulam recenset Livius libro vigesimo secundo.

AD §. IN RE OBSCURA.

*In re obscura melius est favere repetitioni, quam adventitio lucro.*

PLUTARCHUS auctor est M. Lucullum adversus fœneratorum avaritiam, & voracitatem ea forma urbibus Achæja bello attritis succurrisse, ut supra duplum nihil solvi permiserit, debitoresque absolveret, qui tantundem usuræ nomine solvissent, quantum fors ipsa esset. Quod quidem Luculli institutum adeo Romanis placuit, ut tandem, & illi quoque definierint supra duplum usuras, & usurarium usuras nec in stipulationem deduci, nec exigi licere, solutasque repeti posse, quemadmodum ad edictum libro 26. expresse testatus est Ulpianus, capite 26. §. 1. de condit. indeb. Eoque videtur etiam Tacitus respexisse Annalium libro quinto. Ait

P

enim

enim Tiberium Cæsarem disposito per  
*menſas millis ſeſtertio mutandi copiam*  
*ſine uſuris per triennium peſſiſſe, ſi de-*  
*bitor populo in duplum prædiis caviſſet:*  
 ſatis demonſtrans uſurarum legitimum  
 modum etiam imperante Tiberio du-  
 plum non exceſſiſſe; Soletque ad du-  
 plum excreſcere fortis modus, non qui-  
 dem triennio, ſed ſingulis duobus lu-  
 ſtris. Sie enim libro quarto Episto-  
 larum ſcripſit Sidonius Apollinaris: *Ut*  
*cibirographo facta docetur, cauſa cente-*  
*ſima eſt ſceneratoris, quæ per biſtre*  
*perducta tempus modum fortis ad du-*  
*plum adduxit.* Addiditque eodem loco  
 Sidonius ad duplum adducta ſorte re-  
 formari debitum conſueviſſe. Quo ſenſu  
 legitimum uſurarum modum idem Ul-  
 pianus, & Paulus accepiſſe videntur,  
 capite 11. §. 2. de pignor. act. capi-  
 te 44. de uſur. Et hæc quidem adeo  
 vera ſunt, ut ſcripſerit etiam Ulpia-  
 nus, ſi ante ſors fuerit ſoluta, uſuras  
 uſurarum quaſi indebitam ſortem repeti  
 ſelere, ſigne una cum ſorto ipſa, ſoluta  
 eſſent uſurarum uſuræ, dici poſſe, &  
 tunc etiam conditionem, locum habere,  
 d. capite 26. in princ. In re enim ob-  
 ſcura melius eſſe ſavere repetitioni, quam  
 adventitio lucro; hoc eſt, utilius eſſe  
 uſurarum uſuras tanquam indebitas  
 condici, quam adventitio illi lucro  
 ſavere, quod ex uſurarum uſuris non  
 repetitis contra jus, & æquum obve-  
 niret ſceneratoribus. Et ita ad edi-  
 ctum ſcripſit Ulpianus libro 26. di-  
 xitque *adventitium lucrum* eo ſenſu,  
 quo pecuniam adventitiam pro pecunia  
 ſcenerari, & ea quæ ex veſtigialibus co-  
 gitur, accepiſſe videtur Cicero, ſic  
 pro Rabirio Poſthumo ſcribens; *Aquo*  
*eo magis ſi adventitia pecunia petatur*  
*ab eo, cui ſua non redditur.* Senſus  
 enim eſt; ſi uſuræ perceptæ C. Rabi-  
 rio extorquentur, cui ſors ab Alexan-  
 drino rege nunquam fuit perſoluta.

Pecuniam quæ cogitur ex veſtigiali-  
 bus; etiam dici adventitiam, eviden-  
 ter docuit ideꝑ Cicero, ſic ad Atti-  
 cum ſcribens Epistol. libro primo. *Unam*  
*rationem non rejicebam, ut ager hac*  
*adventitia pecunia emeretur, quæ ex no-*  
*vis veſtigialibus per quinquennium reci-*  
*peretur.*

## XLII. CAJUS LIB. IX. AD EDI- CTUM PROVINCIALE.

*Qui in alterius locum ſuccedunt, juſtam*  
*habent cauſam ignorantie an id quod*  
*petereſtur, deberetur. Fideiſſores quo-*  
*que non minus quam hæredes juſtam*  
*ignorantiam poſſunt allegare.*

Cajus ad edictum provinciale li-  
 bro 9. de naturali interitu rei  
 depositæ diſſereas ait, *ſive cum ipſo*  
*apud quum res deposita eſt actum fue-*  
*rit, ſive cum hærede, ejus, & ſua na-*  
*tura res anto rem judicatam inciderit,*  
*veluti ſi homo morinus fuerit, Sabinum,*  
*& Caſſium reſponſiſſe, abſolvi debere*  
*eum cum quo actum eſt; æquum enim*  
*eſſe naturalem interitum ad actorem per-*  
*tinere,* cap. 14. §. 1. depositi. Eodem  
 loco videtur idem Cajus addidiſſe ex  
 cauſa depositi alio modo eum ipſo de-  
 positario agi, alio item eum ejus hæ-  
 redibus; cum depositario quidem actio-  
 ne depositi directæ, frequenter in du-  
 plum; eum ejus vero hæredibus, aut  
 ad id quod depositum eſt exhibendum,  
 & ſic in ſimplum; aut conditione,  
 cap. 1. de privat. delict. capite 67. in  
 princ. de furt. cap. 1. §. 1. depol. De-  
 positarius damnatus depositi infamias  
 efficitur, cap. 1. de his qui not. in-  
 fam. hæres vero etiam ex cauſa depo-  
 ſiti damnatus nullam ſuſtinet infamiae  
 notam. Differentiæ rationem hanc re-  
 fert eodem libro 9. Cajus, *quod depo-*  
*ſita*

fitarius nullam allegare possit ignorantia causam iustam, cum contra ejus heres id facere possit. Qui enim in alterius locum succedunt, iustam habent causam ignorantia, an id quod petiitur debeatur, quemadmodum hac regula auctor est Cajus ex ejus ad edictum provinciale libro nono repetita. Idque etiam illud est quod ait Prætor, eos infamia notari qui depositi suo nomine damnantur, d. c. 1. de his qui not. infamia. His enim verbis suo nomine, hæredes excluduntur, qui non suo sed defuncti nomine ex causa depositi condemnationem sustinent. Nec mirum depositi suo nomine damnatum infamia notari. Sic enim in ea Declamatione cui titulus est: *Hæredes de deposito*, scribit Quintilianus: *Et inficiandi quidem depositam pecuniam manifesta ratio est cupiditatis lucri*. Ex quo loco intelligi facile potest, inficiatorem depositi a fure aut prædone aliique infamibus personis non longe habitum dissimilem fuisse: *Est enim prope furtum, ut Celsus ait; depositi inficiatio*, cap. 67. in princ. de furt. Hinc & illud tractari video cur non æque infamia notetur damnatus commodati aut mutui. Et dici quidem potest, id in mutuo mirum non videri. Eum enim habebant Romani morem, ut pecunia aut sub pignoribus, aut accepto chirographo, semper mutua daretur; quemadmodum eleganter tradidit Sidonius Apollinaris, sic libro quarto Epist. scribens: *Pecuniam pater tuus Turpio vir Tribunitius mutuum pridem, si recordaris, a maximo Palatino postulavit, impetravitque, nihil quidem fiducia pignorisque vel argenti sequestrans, vel obligans prædiorum; sed ut chirographo facto docetur, cauta centesima est saneratori*. Quibus consentaneum est illud Tertulliani de Idololatria: *Pecuniam de Ethnicis mutuantes, sub pignoribus su-*

*duciati jurati cavent*. Etque videtur etiam Cajus respexisse, de eo differens qui sub pignoribus solebat mutuas pecunias accipere, cap. 12. de pignor. act. Hæc si vera sunt, consequens ergo est, in mutui causa nullum prorsus relatum fuisse inficiationi locum, quæ quidem inficiatio sola in depositi iudicio ad infamiam irrogandam sufficiens erat. Cur autem damnatus commodati etiam non fiat infamis, ea proferri ratio potest, quod is a quo petitur aliquid commodato, instrumento sibi, pignore, aut testibus, possit de securitate prospicere, sique id non fecerit ex commodati inficiatione sua culpa, hoc est, magna negligentia damnum sentit. Aliud est in deposito; siquidem depositi causæ tam sunt interdum subitanæ, & necessariæ, ut aut ad scribendum aliquod chirographum, aut ad tellium evocationem nulla superesse temporis commoditas videatur, capite 1. §. 1. depos. Et tunc quidem non hominibus sed Diis testibus sic deponi solet, ut qui depositum hujusmodi inficiaretur, is omni exitio, omniq; infamia dignus jure optimo censeretur. Qua de re scripsit etiam ad hunc modum Quintil. eadem quam modo laudavi Declamatione: *Cum quidem aliquis dicit: Deposui apud te, sis ipse; quid aliud videtur advocare quam Deos testes*.

## AD §. HÆC ITA.

*Hæc ita de hærede dicta sunt, si cum eo agatur: non etiam si agat. Nam plane qui agit certus esse debes, cum sit in potestate ejus, quando velis experiri: & ante debet rem diligenter explorare, & tunc ad agendum procedere.*

AUCTOR ad Herennium lib. 1. scribit eum causa cadere qui non quemad-

modum operis egeris. Admonuimus etiam suo loco Quintilianum in quadam Declamatione scriptum reliquisse, cum qui egerit aliter quam oportuerit agere, tunc excidisse formula, cum ostenditur jus aliud quo agendum sit. Est, Julius Paulus auctor sentent. lib. 1. tit. de plus peten. causa veteres cecidisse aut loco, aut summa, aut tempore, aut qualitate; quod ipsum a Justiniano quoque traditum est, §. Si quis agens. Instit. de act. Eoque etiam illud accedit, quod Quintilianus Instit. Orator. lib. 3. c. 8. ad hunc modum scribit: Neque ignoro multa transferri, cum in omnibus fere causis quibus cecidisse quis formula dicitur, hæ sunt quaestiones, an huic, an cum hoc, an hac lege, an apud hunc, an hoc tempore licet agere, & si quæ sunt talia. Quibus si addideris poenam temere litigantium, omnino perpicuum erit quid hoc loco sibi voluerit Cajus. Temere autem litigare dicebatur actor qui nullum litigii titulum, sive justam causam proferre poterat. Et erant quidem olim causa justæ expensæ latæ, mensæ ratio, abirographi exhibitio, tabularum obligatio, testium intercessio, ex quibus si nullam repetitam pecuniam deberi probaretur, dimitti reum oportebat, auctoremque de calumnia in decimam litis partem condemnari, auctore Gellio lib. 14. cap. 2., & Justiniano, §. Hæc autem. Instit. de poen. tem. litig. Hæc si vera sunt, non est igitur mirum hæredem agere volentem certum esse debuisse an id quod petiturus esset, deberetur; & ante diligenter eum explorare etiam consuevisse rem totam, & sic ad agendum procedere, ne si temere litigaret, damneretur in decimam partem litis, si plus peteret, aut alio jure quam quo utendum foret, usus esset, excidens formula integram causam perderet. Quæ quidem pericu-

la actor evitare commodissime potuit: Erat enim in ejus potestate quando vellet experiri, eique nihil temporis deerat ad deliberandum.

### XLIII. ULPIANUS LIB. XXVIII. AD EDICTUM.

*Nemo ex his qui negant se debere; prohibetur etiam alia defensione uti, nisi lex impendit.*

CERTUM est libro ad edictum vigesimo octavo ex quo hæc regula desumpta est de actione infortioria. Ulpianum accuratissime differentem de minore viginti quinque annis in medium quædam attulisse. Ait enim: Si minor viginti quinque annis puerum puellamve taberna sua proposuerit, & infortioria conveniatur, auxilio ætatis eum usurum, non sine causa cognitione, cap. 11. in princ. de instit. actione. Nec ei necesse est uti alia defensione, quia Lex Lætoria, quo minus id fieri necessum sit, impedire videtur. Nemo enim ex his qui negant se debere, alia uti defensione prohibetur, nisi lex aliqua impediat. Nam si legis beneficio satis esse minor viginti quinque annis soleat tutus, certe, & eadem lex etiam videtur non quidem prohibere, sed impedire quo minus aliis uti defensionibus minori necessum sit; ad quas defensiones iis confugere prohibitum non est quorum ætati aut errori nulla lex patrocinatur, cap. 5., & cap. 8. de except. Sane Lætoria lege fuisse olim mineri contrabere prohibitum, ex Svetonio constat. Ait enim Priscianus: Svetonium libro quarto Prætorum passim stipulandi verbum sic protulisse; Lætoria qua vetat minorem viginti quinque annis stipulari. Eoque sensu scripsit etiam libro tertio de Offic. Cicerone,

cero; *lego Latoria vindicatum fuisse juvenum circumscriptionem.*

## AD §. QUOTIES.

*Quoties concurrunt plures actiones ejusdem rei nomine, una quis expetiri debet.*

Ad edictum libro vigesimo octavo, cui, & hæc quoque regula tribuitur, de institoria actione Prætoris edictum interpretans Ulpianus, ait; si libitinarius servum habuerit pollinctorem, isque mortuum spoliaverit, dandam in eum quasi institoriam actionem, quamvis, & furti, & injuriarum actio competere, cap. 5. §. 1. de instit. act. Siquæ actum fuerit quasi institoria, non poterit, aut furti agi, aut injuriarum. Nam quoties concurrunt plures actiones unius ejusdemque rei nomine, una quis expetiri debet, capite 25. §. 4. locati. Intelliguntur enim reliquæ omnes ita consumptæ, ut amplius iis, aut per exceptionem, aut ipso jure locus non sit, c. 14. de rei vind. c. 13. in prin. de inst. actione, c. 34. §. 1. de oblig. & act. Et id quidem hac ratione fieri solet, ut actiones omnes simul ejusdem rei nomine concurrentes apud Prætorem ab actore uno contextu proponerentur propositæque actori postulanti decernerentur; & simul atque ad datum iudicem lis esset translata, unam eligeret actor, & eaque electa, ceteræ officio iudicis omitterentur, d. §. 4. c. 3. in fin. Nautæ, caupones. Recte addidit Ulpianus *eiusdem rei nomine*, hac enim ratione fit, ut actio pro socio concurrentes cum actione communi dividundo, non consumantur per communi dividundo actionem; siquidem iudicium pro socio, & nominum habet rationem, & adjudicationem non admittit, cap. 43. Pro socio. Hinc etiam

est quod furti actione cum actione bonæ fidei concurrente altera alteram non consumat, c. 45. d. tit. Nam actio bonæ fidei ad rei restitutionem respicit, furti autem iudicium ad pœnam, cap. 50. d. tit. Quod ipsum etiam semper verum est, quoties plura delicta simul concurrunt, c. 2. de privat. delict. c. 130. hoc tit.

XLIV. ULPIANUS LIB. XXIX.  
AD EDICTUM.

*Totiens in heredem damus de eo quod ad eum pervenit, quotiens ex delicto defuncti convenitur, non quotiens ex suo.*

EDICTUM Prætoris de tributoria actione interpretatus est ad edictum lib. vigesimo nono Ulpianus. Ad eam actionem hoc ordine procedi solet. Si servus peculiari merce negotiaretur, sciente, & non contradicente domino, eoque nomine pluribus creditoribus esset obligatus creditores Prætorem adibant, & Prætor servi dominum cogebat id omne quod in mercibus erat, quodque eo nomine fuerat receptum, in medium proferro, ut inter ipsum dominum si quid ei deberetur, & creditores ceteros distributio rata fieret, auctore Theophilo, & Cajo, c. gen. de tribut. act. Si dominus tribuendæ molestiam peculio vel mercibus cedere paratus suscipere non veller, Pedius refert eum audiri solere, & plerumque arbitrum in hanc rem a Præatore dari consuevisse, cujus interventu merces peculiares inter creditores tribuebantur, c. 7. in prin. de tribut. act. Cæterum si ipse dominus mercium auctore Præatore suscepisset distributionem, easque distribuens aliquas suppreffisset, nec omnes protulisset in

me,

medium, aut si in distribuendo pretio mercis, edicto Prætoris non satisfecisset, majorem partem debiti sui deducens quam tribuerat creditoribus, adversus dominum creditoribus dabatur actio tributoria, per quam cogebatur dominus quicquid mercium dolo occultaverat, aut sibi tribuerat mala fide in medium adferre, & distribuere, auctore Justiniano ejusque interprete Theophilo, §. Introduxit, Instit. quod cum eo qui in aliena potestate, & Juliano, cap. ult. de tribut. act. Idque verissimum esse ex eo patet etiam evidentissime, quod scripserit Sabinus, *tributoria actio pupillum ex dolo tutoris conveniendum, si tutor per iniquam distributionem pupilli rationibus favit*, cap. 3. quando ex fac. tutor. Hinc tractatum fuit, si negotiatum servo antequam facta esset aliqua inter creditores distributio, testamento domini manumisso legatum sit peculium, an hæres tributoria debeat teneri. Et teneri quidem cum negat Labeo, quia neque ad hæredem quicquam pervenit, ejus nomine ex dolo defuncti posset conveniri, neque hæres quicquam fecit quo teneri posset ex suo dolo, *si modo ( ut ait Pomponius ) caveri sibi a servo de intributione diligenter curaret hæres, aut id omne a servi peculio deduceret quod creditoribus erat tributum*; sique id non fecisset, tenebatur hæres tributoria, non quidem ex defuncti, sed ex suo dolo. Auctor enim doli est hæres qui id egit sciens prudens ne debita justaque fieret intributio, eaque de causa tributoria ex suo dolo conveniendus, etiam si ex ea re ad eum nihil pervenerit. Toties enim dari in hæredem solet actio de eo quod ad eum pervenit, quoties ex dolo defuncti convenitur, non quoties ex suo cap. 9. de tribut. act. Et ita libro vigesimo nono ad edictum scriptit

Ulpianus his verbis, *in heredem damus, eadem prorsus ratione usus quæ cum hæredibus contrahere admonuimus eundem Ulpianum scripsisse, cap. 19. hoc titulo.*

#### X L V. CAJUS LIB. X. AD EDICTUM PROVINCIALE.

*Neque pignus, neque depositum, neque precarium, neque empsio, neque locatio rei suæ consistere potest.*

**P**AULUS auctor est non posse pignus perseverare domino constituto creditore, cap. penul. in fine de except. rei judicata. Et idcirco si rem alienam mihi bona fide pignori dederis, deinde me dominus hæredem instituerit, definit pignus esse, c. 29. de pignor. act. Est, & Tryphoninus auctor rei propria depositionem non valere, c. 30 in fine, depos. Ulpianus etiam scribit, non posse consistere precarium rei suæ, si modo exceperis rem datam pignori. Tunc enim pariter pignoratitium creditorem rei pignoratæ possessio est, nec prohibetur eandem possessionem debitori creditor precario concurre, capitulo sexto in fine, de precario. Eoque sensu scripsit Florentinus posse, & precario, & pro conducto rei suæ debitorem uti, capite trigesimo quinto in fine de pign. act. Emptionem quoque suæ rei non valere, præter Ulpianum, Pomponius ac Diocletianus auctores sunt, cap. 16 de contrah. emptio. cap. 4. C. de contrah. empt. Et deinde inefficacem etiam esse rei propriæ locationem, ab eodem Diocletiano rescriptum est, cap. 20. C. de loc. & cond. Cur autem neque pignus neque precarium neque emptio, & sic deinceps, rei suæ consistere possit, elegans est a Seneca ratio prodita. Sic enim

enim de Beneficiis libro quinto scribit: Nunquid non demens videbitur qui aliquid vendidisse sibi se dicet? quia venditio alienatio est, & rei suae, jurisque sui in alium translatio. Atqui quemadmodum vendere, sic dare aliquid a se dimittere est, & id quod habueris habendum alteri tradere. Quod si est beneficium, nemo sibi dedit. Duo contraria in uno coeunt, ut idem sit dare, & accipere. Et paulo post; Frater sum alterius. Nemo enim est suus frater. Por sum sed alicui. Quis enim est par sibi? Quod comparatur sine altero non intelligitur, quod jungitur sine altero non est; sic, & quod datur sine altero non est, & beneficium sine altero non est. Idem Seneca sic de Beneficiis libro septimo scribit; Dicunt, nempe rem suam emit, omnia autem sapientis sunt, ergo sapiens nihil emit; sic veritas, & mutuum sumere, quia nemo usuram pro pecunia sua pendit.

est, lib. 5. cap. 10. Pro certis enim haberi scribens Quotilianus quae legibus cauta sunt, quae persuasione ejus civitatis aut gentis in qua res agitur, in mores recepta sunt, haec verba subiicit: Pleraque in jure non legibus sed moribus constant. Et idcirco quod contra mores bonos attentatur, id ipsum ad publici juris derogationem tendere videtur. Mores enim juris publici species sunt, multoque magis boni mores. Ut igitur juri publico, sic, & bonis moribus conventio privatorum non derogat; hoc est, juri civili, cap. 27. §. 3. cap. 28. in principio, & cap. 38. de pactis, cap. 23., & cap. 27. hoc titulo. Eoque sensu jus publicum accepit Laetantius lib. 6. cap. 23. cum ait; Non enim, sicut juris publici ratio est, sola mulier adultera est.

#### XLVI. CAJUS LIB. X. AD EDICTUM PROVINCIALE

##### AD §. PRIVATORUM.

*Privatorum conventio juri publico  
non derogat.*

*Quod a quoque pona nomine exa-  
ctum est, id eidem restituere  
nemo cogitur.*

PRÆTORIS edictum de deposito interpretans Ulpianus libro ad edictum trigesimo ait, si convenieris non esse praestandum dolum malum, conventionem hanc contra bonam fidem, contraque bonos mores esse, & per consequens juri publico videri derogare, atque ideo nec sequendam esse, cap. 2. C. Hermog. de pactis, & transact. c. 3. C. Greg. de pactis, & transact. Privatorum enim conventio juri publico derogare non potest, cap. 1. §. 5. depos. Certum est ut leges sic etiam mores inter alias juris publici species numerari, cap. 31., & 32. de legibus cap. 2. de vulg., & pupil. subsistit. Id quod a Quintiliano etiam traditum

PAPINIANUS ait, si debitor pignus surripuit quod actione furti solvit, nullo modo recipit, c. 79. de furt. Hanc Papiniani sententiam laudat Ulpianus, & sic interpretatur, ut quod ipse debitor furti actione praestitis creditori, debitor imputari non debeat, cap. 22. circa princip. de pign. act. c. 19. §. fin. de furt. Qua de re videtur etiam Cajus ad edictum provinciale lib. 10. scripisse, idipsum ad locatorem rei locatae furem referens, quod Papinianus, & Ulpianus de eo debitore scripserunt qui pignus abtulerat furto: Ait enim Cajus, cum qui rem conduxit, non cogi restituere id, quod rei nomine actione furti conse-

*consecutus est*, cap. 6. locati, videlicet ab ipso locatore, cap. 15. §. 1. cap. 59., & cap. 61. §. 5. de furt. Hujusmodi enim interpretationem omnino requirit ratio illa; quam eodem loco subjecit his verbis Cajsus: *Quod enim a quaquam pœnæ nomine exactum est, id eadem restituere nemo cogitur*. Idque eo etiam videri potest verisimilius, quod ad pœnam referri soleat iudicium furti, cap. 50. Pro soc. Huc spectat illud Senecæ de Benefic. lib. 7. *Nec conductum meum, quanquam sis dominus, intrabis; nec servum tuum, mercenarium meum, abduces*. Quasi dicat Seneca, si servum quem certa mercede a te conduxi, invito, & nescio me abduxeris, dubium non esse, quin furtum committas, cap. 28. Rer. amot. Nec mirum si verum est quod ad hunc modum pro Cecinna Cicero scribit: *Si servus tuus nullus fuerit, & omnes alieni ac mercenarii; tamen, & ipsi tua familia, & genere, & nomine continebuntur*; quod ipsum Ulpianus quoque videtur adnotasse, capitulo quinto §. sexto. Quod vi aut clam.

#### XLVII. ULPIANUS LIB. XXX. AD EDICTUM.

*Consilii non fraudulentum nulla obligatio est. Ceterum si dolus, & calliditas intercessit, de dolo actio competit. Socii mei socius, meus socius non est.*

**H**UJUS capituli inscriptio mendosa est. Nam pro libro trigésimo legendum est, libro trigésimo primo. Siquidem ex eo libro partem hujus capituli posteriorem desumptam esse, *inexpedi* cap. 10. pro soc. evidenter demonstrat. Videtur apud Romanos certum quoddam hominum genus fuisse, qui nominis faciendo causa in consilium a privatis civibus advocabantur,

cap. 42. mand. Idque Senecam arbitror sibi voluisse, cum sic libro primo de Benefic. scriberet: *Nomina facili diligentius in patrimonium, & vasa debitoris inquirimus*. Hujusmodi homines appellari solent proxenetæ; & emptionibus, venditionibus, commerciis, contractibus quod licitis utiles se præbent, c. 2., & cap. 3. de proxenet. De quibus scripsit ad hunc modum idem Seneca Epistol. libro vigésimo primo; *Æs alienum facias oportet; sed malo per intercessores mutueris, nolo proxenetæ nomen tuum jactent*. Ulpianus auctor est, proxenetæ monstrare magis nomen quam mandare, quamvis laudent; hoc est, ut Seneca loquitur, quamvis ejus qui ad alienum facere vult, jactent nomen. Et ideo nec mandati nec ex locato conducto res; etiam si aliquid philantropii nomine acceperint, conveniri posse, nisi dolo circumveniant creditorem; nam tunc de dolo tenentur, capitulo secundo de proxen. nisi etiam iis mandatum esset, ut excuterent vires futuri debitoris, d. cap. 42. Et ita ad edictum libro vigésimo primo scripsit Ulpianus, hanc rationem eodem loco subjiciens: *Consilii enim non fraudulentum nulla obligatio est. Ceterum si dolus vel calliditas intercesserit, de dolo actio competit*, cap. 7. §. 5. de dolo.

#### XLVIII. PAULUS LIB. XXXV. AD EDICTUM.

*Quidquid in calore iracundia vel fit vel dicitur, non prius ratum est quam si perseverantia apparuit iudicium animi fuisse. Ideoque brevi reversa uxor nec divertisse videtur.*

**L**IBRO ad edictum 35. scripsit Paulus de divortiis; & cum dixisset *divortium non esse nisi quod animo perpetuum*,



*petuam constituendi diffensionem fit, hæc verba subiecit; Itaque quicquid in calore iracundia vel fit, vel dicitur, non prius ratum est, quam si perseverantia apparuit iudicium animi fuisse; ideoque brevi reversa uxor, nec divertisse videtur, c. 3. de divort. Quo in loco auidem dicere hæc verba, per calorem misso repudio, quæ recte in hac regula non exprimuntur, Triboniani esse non Pauli. Potuit enim uxor, & iurgii causa discessisse, & rursus brevi domum rediisse, etiam nullo per calorem repudio misso. Certum est moris olim fuisse, ut quoties gravius aliquod inter virum, & uxorem iurgium inciderat, a viro discederet ad amicos uxor. Hunc enim morem præter Plautum in Menecmis, & Amphitruone, tradidit expresse Papinian. c. 31. de iure dot. c. 27. de pact. dotal., & Paulus, c. 57. de donat. inter vir., & uxor. Eoque etiam spectare videtur quod Seneca de Remediis Fortuitorum diffensens, ad hunc modum scribit: Novimus veterum matrimoniorum repudia, & fœdiores divortio male coherentium rixas; quam multa quos in adolescentia amaverunt, in communi reliquere senectute? quoties anulo divortium risimus? Nec alio referendum videtur quod Gellius lib. 17. c. 6. ait, Catonem in suavione legis Voconia sic scripsisse, Principio mulier nobis magnam dotem attulit, tum magnam pecuniam recepit, quam in viri potestate non commisit; cum pecuniam mutuum dat viro, postea ubi irata fulta est, servum receptitum scissari, atque scissare virum jubet. Sensus enim est, uxorem iratam, & ob iurgium a marito discedentem peculium suum quod viro mutuum dederat, per peculiarem servum a viro repetere, & antecedentem dominam servum illum cum peculio scissari. Atque ita scissari verbum apud*

*Tom. I.*

Catonem esse accipiendum omnino videtur. Ut enim sine sectatore appellari nullus antecessor potest, sic nec sine antecessore sectator est, quæ de re scripsimus alio loco latius. *Observari etiam solet, ut uxor, & maritus ob iurgium quod inter eos fuit divortio intercesserat, cum amicis in sacellum Deæ Viriplacæ, quod erat Romæ in palatio, venirent, ibique invicem loquuti quæ voluerant, contentione ob quam discessio facta erat, animorum deposita, concordēs reverterentur, quemadmodum auctor est Valerius libro 2. adjiciens Deam nomen hoc a viris placandis affectum esse, quotidiana ac domestica pacis custodem, atque ob id præcipuis exquisitisque sacrificiis colendam. Et huiusmodi quidem uxoris discessio appellari a Jurisconsultis frigusculum, aut forte rectius (ut emendavit ex veteribus libris Haloander) frigusculum solet, certe quod uxoris discessu frigeat maritalis affectio, frigeat rei familiaris cura, frigeant denique mariti, & uxoris officia donec tandem beneficium Deæ Viriplacæ (ut erat olim opinio) concordēs domum reverterentur. Eoque referendum est quod de frigusculo Ulpianus, quodque de reconciliatione Marcellus, scripsit, c. 32. §. 8. de donat. int. virum, & uxor. c. 33. de rit. nupt. Nec alio sensu scriptis hæc regula Paulus brevi reversa uxorem divertisse non videri. Dicebaturque frigusculum ea ratione, quæ non leve interrogantis frigus dixit Quintilianus de eo qui probe testium interrogationibus nequit fungi, disserens lib. 5. cap. 7.*

XLIX. ULPIANUS LIB. XXXV.  
AD SABINUM.*Alterius circumventio alii non præbet actionem.*

CERTUM est libro ad edictum 35. de tutelis tractasse Ulpianum, ex quo libro desumpta est hæc regula; quam ad tractatum tutelarum referendam esse hinc perspicuum est, quod eo libro scripserit Ulpianus, rei pupillaris u tutoribus distracta, quam lex distrahi non probet, venditionem valere, etiam si grandi damno circumscripti tutores pupillum affecerint; sed distractionem illius rei per in integrum restitutionem revocandam esse, capite 49. de minoribus. Eoque spectare videtur quod Satyra 15. Juvenalis de humana natura disserens, ita scribit;

*Plorare ergo jubet causam lugentis amici,**"Squaloremque rei, pupillum ad jura vocantem**Circumscriptorem.*

Nec erat cur adversus tutores pupillo daretur aliquod judicium. Bona enim fide negotium pupillare gerentes fuerant circumscripti, id quod diligentissimo cuius patrifamilias interdum contingere solet; qua sola de causa æquum fuisse non videtur, ut ea circumscriptio aliquam pupillo adversus tutores suos præberet actionem. Alterius enim circumventio alii non præbet actionem. Atque ita ex eo quod tutores negotium pupillare bona fide gerentes fuerant circumscripti, nulla pupillo solet adversus tutores actio tribui; sed potius adversus circumscriptorem.

L. PAULUS LIB. XXXIX.  
AD EDICTUM.*Culpa caret qui scit, sed prohibere non potest.*

SUMPTA est hæc regula ex Pauli libro ad edictum 39. ex quo libro desumptum etiam est cap. 9. de nox. act. In eo capite de familia communi agitur, quæ altero dominorum sciente furtum fecit. Et quia cum qui servus fieri furtum, & cum prohibere potuisset non prohibuit, nomine totius familie teneri, nec a socio quidquam consequi debere. scribit Paulus, certe dubium non videtur quin hanc addiderit eodem loco rationem: Culpa enim caret qui scit, sed prohibere non potest; & sic in celsu contenderit ideo dominum, quo sciente commissum est furtum, familie totius nomine teneri, quia culpa non caret, & ideo culpa cum non carere, quia sciens furtum fieri non prohibuit, cum facile poterat prohibere. Si quidem is demum culpa caret, qui scit quidem, sed prohibere non potest.

LI. CAJUS LIB. XV. AD EDICTUM  
PROVINCIALE.*Non videtur quisquam id capere, quod ei necesse est, alteri restituere.*

MARCELLUS ait, cum qui legatum perceperis non recte de inficso testamento dicturum, nisi id totum alii administravisset, c. 10. de inoffic. test. Certum etiam est ex edicto Prætoris si testamento facto sic moriatur libertus, ut aut nihil, aut minus quam partem dimidiam bonorum patrono relinquat, contra tabulas testamenti partis dimi-

*dimidia bonorum possessionem patrono dari*, auctore in fragmentis Ulpiano tit. 29., & Justiniano §. 1. de success. libert. Eoque sensu testamentum patrono deberi in ea Declamatione scripsit Quintilianus, cui titulus est *Avia testis*; Huic (inquit) *debeo munus, operas, testamentum*. Et id quidem observari solet, si modo patronus secundum voluntatem mortui liberti hereditatem non adiisset, legatumve non percepisset. Nam si tale quid fecisset patronus, ad contra tabulas bonorum possessionem admitti non poterat, c. 6. in fine de boni libert. Absurdum enim videbatur licere eidem partim comprobare iudicium defuncti, partim evertere; idque ad edictum provinciale libro 15. testatur expresse Cajus capite 7. d. tit. dominio demonstrans patronum secundum liberti voluntatem hereditatem adeuntem aut percipientem legatum renunciare juri suo, nisi id totum alii administraverit, d. c. 10. in fine. Nam tunc percepisse legatum non videtur. Non enim videtur quisquam id capere sive percipere quod ei necessum est alii restituere, cap. 71. de verb. sign. Atque ita quidem eodem illo ad edictum provinciale libro decimoquinto Cajum scripsisse, testis est hujus regulæ vera sententia.

### LII. ULPIANUS LIB. XLIV. AD EDICTUM.

*Non defendere videtur non tantum qui latitat, sed & it qui præsens negat se defendere, aut non vult suscipere actionem.*

DE EO quod in fraudem patroni a liberto factum est, & de actione Fabiana tractavit ad edictum libro 44. Ulpianus, cap. 1. Si quid in fraud.

patr. Viciniq; actio Fabiana per quam quæ in fraudem patroni sunt alienata patrono libertive ejus revocantur, cap. 39. §. 3. de usur. cap. 16. §. 1. de jur. patron. Hinc cum dubitaretur, quænam dici possent in fraudem patroni alienatæ, scripsit eodem libro Ulpianus inter alia quæ in fraudem alienantur id quoque numerari, quod volens in lite vincere libertus, apud Praetorem confessus est, & cujus nomine condemnatus est data opera, capite 1. §. 5. si quid in fraud. patr. Addiditque eodem loco Ulpianus cum data opera videri condemnatum, qui se non defendit, eumque se non defendere videri non solum qui latitat, sed & qui præsens negat se defendere, aut non vult suscipere actionem, quemadmodum demonstrat hæc Ulpiani regula ex eodem libro 44. desumpta. Hujus etiam loci est eremodiciu, si litem data opera deseruerit libertus, & ex eremodicio in fraudem patroni sententiam fuerit passus, c. 7. §. fin. de minor. cap. 13. in princ. Judicatum solvi. Soletque hujusmodi libertus eremodiciu contrahere aut tanquam actor, aut tanquam reus, siquidem in eremodiciu tam reus quam actor olim incidebat, non ut Goveanus existimat, actor solus, cap. 1. §. fin autem reus. C. de judiciis. Id quod libellus quidam antiquissimus quem habeo, his verbis liquido demonstrat: *Est autem eremodiciu ab alterutra parte desertum judicium.*

### LIII. PAULUS LIB. XLII. AD EDICTUM.

*Cujus per errorem dati repetitio est; ejus consulto dati donatio est.*

PERTINET, & hæc quoque regula ad actionem Fabianam. Donare in fraudem patroni nihil potest liber-

Q 2 tus,

tus, nec interest utrum is cui donatur acceperit ipse, an vero alii jussu dari id quod sibi donabatur. Repetitur enim revocaturque donatio actione Fabiana cap. 5. Si quid in fraud. patr. Et idcirco plurimum errat tam qui donat, quam is cui donatur, si firmam esse persuaserint sibi, nec revocari posse donationem a liberto in fraudem patroni factam; quæ quidem donatio omnino valeret, si non per errorem, sed consulto nec in fraudem patroni, nec invito patrono eam fieri contigisset. Cujus enim per errorem dati repetitio est, ejus consulto dati donatio est. Et ita Paulus scribit de actione Fabiana differens ad edictum libro 42. ex quo libro constat cum d. cap. 5. hanc regulam sumptam esse. Ideoque per errorem non facti quidem, sed juris in hac regula errorem intelliges.

#### LIV. ULPIANUS LIB. XLV. AD EDICTUM.

*Nemo plus juris ad alium transferre potest quam ipse haberet.*

**F**ÆMINÆ consideratione quadam generis gentisque civili propriam nullam ducebant familiam, sed in mariti familiam transgredebantur, quemadmodum ex Antistio Labeone aliisque auctoribus demonstratum a nobis est Variorum libro 5. Diximus enim Labeonem sic scripsisse: Soror appellata est, quod quasi soror nascitur separataque ab ea como in qua nata est, & in aliam familiam transgreditur; eamque esse causam addidimus, cur fœminæ nec suos hæredes, nec agnatos habere soleant. Hinc intelligimus quid sibi ad edictum libro 46. ex quo hæc regula sumpta est, voluerit Ulpianus cum scriberet mulierem familie sue, &

caput, & finem esse, cap. 195. in fine de verb. sign. Si enim fœminæ nullam ducere familiam propriam potuerint, hoc est, si familie suæ duces, & principes esse non soleant, certe omnino necessarium etiam est, mulierem ejus familie in qua nata est, & caput esse, hoc est, principium, & finem. Siquidem liberi ex ea legitime procreati patris sui, non matris familiam sequuntur, familiarique paternæ nomen ferunt, non maternæ. Et cur id ita soleat observari ea potest adferri ratio, quod ad fœminam transire non consueverit jus agnationis, ex quo jure omnis constat familie propagatio; quodque præter nudum jus sanguinis sive cognationis, nihil ex sua familia ad liberos transferat mater; siquidem jus agnationis transferre nequit, cum illud non habeat: Nemo enim plus juris ad alium transferre potest, quam ipse habet. Et ita libro 46. scripsit Ulpianus. Quibus addi poterit, nullam fœminam aut habere suos hæredes, aut desinere habere propter capitis diminutionem, idque Cajum scripsisse, cap. 13. de suis, & legit. Suos hæredes non habet fœmina, tum quod familiam nullam ducat propriam, tum etiam quod mulieres esse in perpetua tutela soleant, & idcirco nec liberos habeant in potestate, nec per consequens suos hæredes. Sui enim dicuntur, qui sunt in potestate. Si non habeat suos hæredes fœmina, ergo nec desinit habere propter capitis diminutionem. Fieri enim non potest ut aliquo modo id habere definamus, quod nunquam habuimus. Idque eo referri debet, quod fœminæ si in manum viri convenissent, recederent a tutoris potestate, essentque capite diminutæ, auctore in Topicis Cicerone, & ejus interprete Boetio; quodque per in manus conventionem in manu essent mariti mancipioque, quemadmodum refert Gellius libro

bro 18. cap. 6. Hinc quæritum fuisse videtur, an mulier in manu existens mariti, habere definat suos hæredes, & Cajus respondisse eam suos hæredes non habere, nec per consequens desinere habere *propter capitis diminutionem*, hoc est, propter diminutionem, hoc est, propter conventionem in manus, d. c. 13. Non enim potest quis desinere id habere, quod nunquam habuit, c. 208. hoc titulo.

Cajus patrono qui ex *asse* hæres institutus est ab intestato hereditatem possidentis commodum patris debita saluum esse, c. 19. Si quis omiff. caul. test. utitur enim suo jure.

# LVI. CAJUS LIB. III. DE LEGATIS AD EDICTUM URBICUM.

*Semper in dubiis benigniora præferenda sunt.*

## LV. CAJUS LIB. II. DE TESTAMENTIS AD EDICTUM URBICUM.

*Nullus videtur dolo facere qui suo jure utitur.*

DE iis qui omiffa testamenti causa ab intestato vel alio modo possident hereditatem, quædam annotasse videtur Cajus libro 2. de testamentis ad edictum Prætoris urbani, quemadmodum intelligi facile potest in epigraphæ, cap. 11., & cap. 16. Si quis omiff. caul. testament. Qui omiffa dolo malo testamenti causa ab intestato hereditatem ejusve portiunculam vel minimam possidebant, jure prætorio perinde haberi solent, atque si ex testamento hereditatem adiissent, c. 13., & cap. 18. d. tit. Hinc dubitatum fuit de filio hærede instituto, si legitima portione contentus esse, eamque ab intestato voluerit obtinere, an in edictum Prætoris incidat, quasi dolo malo causum omiserit testamenti. Et videtur quidem Cajus eodem libro 2. scripsisse eum non incidere, siquidem suo jure utitur, ac per hoc nec dolo quidquam facere videtur, c. 8. §. 6., & §. 9. de inoffic. test. Nullus enim videtur dolo facere qui suo jure utitur. Ea profecto ratione qua scripsit idem

CAJUS lib. 3. de legatis ad edictum Prætoris urbani de usufructu differens, municipibus legato quæsitum fuisse ait, quævisque in eo municipes tuendi essent. Nam si quis eos perpetuo tucatur, nulla utilitas erit proprietatis, semper abscedente usufructu. Et idcirco refert idem Cajus centum annos (is enim finis vitæ longissimus est) potius tuendos esse in usufructu municipibus, quam eum perpetuo relictum censeri; idque in hac dubia questione tanquam benignius receptum esse. Semper enim in dubiis benigniora præferenda sunt, c. 8. de usufruct. leg. Festus auctor est, supra Aquilonis statum habitantes idcirco Hyperboreos dictos esse, quod humane vitæ modum excedant vivendo ultra centesimum annum. Et sane longævi hominis vitæ centum annos tribui adeo verum est, ut scripserit etiam Arnobius. Adversus Gentes libro 2. ultra centenos, & vices annos hominis vitam produci non posse. Vultis, inquit, Latinius, Fannus, & Picius annis vixerint vicens atque centenis? Ultra enim negatur posse hominis vitam produci, æstimatio iusta, & liquida est. Quibus etiam consentaneum est quod Servius Honoratus scribit natura, fortuna, fato humanam vitam contineri; nec ultra centum, & viginti annos solstitiales natura concessam esse.

LVII,

## LVII. CAJUS LIB. XVIII. AD EDICTUM PROVINCIALE.

*Bona fides non patitur, ut his idem exigatur.*

**I**N iis testamentis quibus instituuntur, & substituuntur hæredes, duæ intelliguntur diversæ hæreditates contineri, c. 2. §. 2. de hæredit. vel act. vend. Eaque sola ratione pupillares tabulæ in prudentum responsis tabulæ secundæ, hæredesque substituti secundi hæredes appellantur, c. 2. §. 2. de statutib. c. 1. Si cui plus, c. 2. §. 1. Testam. quemadmodum aperiantur: *Secundus hæres dicitur*, inquit Boetius, *qui hæredi instituto substituitur*. Hinc intelligimus, quid sibi voverit Cajus, cum scriberet in duplicibus testamentis eam solam substantiam spectari, quam pater cum moreretur habuerat, capite 79. Ad legem Falcidiam. Sensus enim est, in iis testamentis quibus filius a patre hæres instituitur, eique instituto, alii rursus substituuntur hæredes, eam tantum ratione Falcidiæ substantiam spectari, quam pater cum moreretur habebat. Et ita libro ad edictum provinciale decimo octavo scripsit Cajus, hanc eodem loco subjiciens rationem: *Bona enim fides non patitur ut his idem exigatur*. Quod utique fieret, si tam ex secunda quam ex prima hæreditate Falcidia detraheretur. Licet enim alia atque alia in duplicibus testamentis hæreditas sit, una tamen eademque substantia est, ex qua hæc duplex hæreditas constat; indeque vulgo dici in patris, & filii tabulis unam Falcidiam servari, testis est Papinianus, cap. 11. §. 5. Ad legem Falcid.

## LVIII. ULPIANUS LIB. II. DISPUTATIONUM.

*Ex pœnalibus causis non solet in patrem de peculio actio dari.*

**U**LPIANUS lib. 2. Disputationum de eo tractavit filiofamilias qui se paterfamilias mentitus est, ut cum eo contraberetur: cumque in dolo esset ait; cap. 6. quod cum eo. Et cum quasi sum esset qua ratione doli nomine pater hac specie filiofamilias conveniri, scripsit eodem loco Ulpianus, eum in solidum conveniendum esse, nec in partem qui, ut ait Sat. 16. Juvenalis, omne peculii non tamen castrensis regimen tenere solet, de peculio dandum actionem, ex pœnalibus enim causis non solet actionem de peculio in patrem dari, inter quos causas hanc mendacii fraudem reservi testis est idem Ulpianus, cap. 4. quod cum eo. Id quod, & D. Ambrosius etiam liquido demonstrat, sic Offic. lib. 3. capite decimo scribens: *Nanne bonestatis formula sunt. DOLUM MALUM ABESSE* eumque cuius doli fueris deprehensus dupli pœna obnoxium fore; Eodem disputationum lib. 2. de filiofamilias tutore a Praetore dato differens etiam Ulpianus, patrem ait in solidum teneri, si tutelam agnoverit, & dumtaxat de peculio si non agnoverit cap. 7. de tutel. additque id ita accipiendum esse, ut filiofamilias tutoris negligerenter circa tutelam versati, non autem pupillum dolo malo fraudatis nomine potuerit de peculio pater conveniri; certe quod ex causis pœnalibus non solet in patrem de peculio actio dari. Quarum appellatione iudicium tutelæ contineri, ex eo constat, quod scripserit Tryphoninus tutelæ iudicium ex duodecim tabulis in duplum

*duplum competere, cap. 55. de administ. &c peric. tut. Et idcirco filiusfam. tutelæ judicio ob dolum condemnatus, judicatum facere debebat, c. 35. de nox. act. sique per inopiam facere non posset, nec fidejussores daret, nec ei succurreret pater; in carcerem deduci solet, quemadmodum ex iis facile intelligi potest quæ lib. 4. Variorum, cap. 18. scripsimus.*

### LIX. ULPIANUS LIB. III. DISPUTATIONUM.

*Heredem ejusdem potestatis jurisque esse, cujus fuit defunctus, constat.*

**U**LPIANUS libro 3. Disputationum auctor est, si maritus expenderit ideo ex dote, ut a latronibus redimeret necessarias mulieri personas, vel ut mulier vinculis vindicaret de necessariis aliquam, reputari id ei quod expensum est, c. 21. Solut. matrim. Cur autem id reputetur, ratio obscura non est; siquidem Lactantius libro sexto Divinarum Institutionum cap. 12. ad hunc modum scribit. *Qui bonum facie consanguineo vel proximo vel amico, aut nullam, aut certe non magnam laudem meretur, quia facere debet, sitque impius ac destitabilis, nisi fecerit id quod ab eo, & natura ipsa, & necessitudo exigit; & si facit, non tam gloria assequenda, quam reprehensionis vitanda gratia facit.* Hæc Lactantius. Quibus etiam addi poterit quod sic De Beneficiis lib. tertio Seneca scribit: *Sunt enim qui ita distinguant quadam beneficia esse, quadam officia, quadam ministeria; beneficium esse, quod alienus dat; alienus est, qui potius sine reprehensione cessare officium esse, filii, uxoris, & earum personarum quæ necessitudo suscitât, & forte opem jubet; ministerium esse servi.* Hæc cum

ita sint, non est nunc obscurum quænam in jure nostro personæ appellentur necessariæ, d. cap. 21. cap. 1. In jus vocat. ut eant. c. 2. §. ultim. quan. appell. sit. In quibus personis definitendis interpretes vehementer solliciti sunt; ignorantes sic ex Ælio Gallo, Festum scripsisse: *Necessarii sunt, ut Gallus Æliæ ait, qui aut cognati aut affines sunt, in quos necessaria officia conferuntur præter ceteros.* Et hanc quidem Ælii Galli definitionem vehementer confirmat libro 2. his verbis Valerius: *Convivium etiam solemne majoris instituerunt, idque charistia appellabatur, cui præter cognatos, & affines nemo interponebatur, ut si qua inter necessariæ personas querela esset orta, apud sacra mensæ, & inter hilaritatem animorum, sanctoribus concordie adhibitis tolleretur.* Sane quod in redemptionem necessariarum mulierum personarum ex ejus dote expensum est, id marito reputari adeo verum est, ut scripserit Ulpianus, etiam de dote agencie socera deberi reputationem haberi ejus quod ex dote in ipsum socerum expensum est, nec interesse utrum pater cum filia, an vero post patris mortem filia sola de dote ageret. Si enim agente patre ratio hujusmodi reputationis haberi soleat, ergo & eo mortuo habebitur agente filia. Hæc, dem enim ejusdem potestatis jurisque esse, cujus fuit defunctus, constat; quemadmodum auctor est Disputationum lib. 3. Ulpianus, dicto cap. 21. Solut. matrim. cum hac regula conjuncto.

LX. ULPIANUS LIB. X.  
DISPUTATIONUM.

*Semper qui non prohibet pro se intervenire, mandare creditur. Sed, & si quis ratum habuerit quod gestum est, obstringitur mandati actione.*

**N**ON solum qui fidejubeat intercedere sive intervenire dicitur, sed, & qui pro alio res suas obligat, etiam intervenit cap. 7. §. 2. de minorib. multoque magis qui pro alio solvit. Quod ab iis plerumque fieri solet, qui donationis causa interveniebant, c. 6. §. 2. Mandati. Si debitor pro suo creditore interveniens solverit, uti adversus creditorem compensatione poterit, si modo creditum tale sit quod admittit compensationem; sin aliter sui crediti habeat creditor petitionem, & creditum consequutus debitori negotiorum gestorum ex causa interventionis agenti tenebitur satisfacere cap. 2. de negot. gest. nec ad rem pertinebit si dixerit creditor pro se sine mandato suo interventum esse, cap. 5. d. tit. Semper enim qui non prohibet pro se intervenire, mandare creditur. Atque ita quidem Disputationum libro decimo scripsit Ulpianus, quemadmodum ex hac regula constat conjuncta cum c. 30. de condict. indeb.

LXI. ULPIANUS LIB. III.  
OPINIONUM.

*Domum suam reficere unicuique licet, dum non officiat iniviso alteri, in quo jus non habet.*

**S**ARTA tella uti sint oprea publica, publice locari solent, inquit Sospater libro 2. Est etiam Festus auctor,

*opera publica quae locantur ut integra praestentur, sarta tella vocari; esse enim sarcire, integrum facere. Quo sensu scripsit Macer in acceptum ferri non posse opus publicum faciendum, frumentum publicandum, sarta tella tuenda antequam perfecta, probata praestita lege erunt, cap. 7. §. 1. de lege Julia repetund. Cura propria sartorum tectorum exigendorum dari Romae Censoribus consuevit; verum ea tueri ac procurare cum ceteris cum publicis, tum privatis operibus Aedilium cura annua erat, Praetoresque nisi Senatus decrevisset, ea de re minus laborabant, quemadmodum refert Asconius Pedianus; facta interim nonnunquam arbitrio viro bono, & intelligenti dubias sartorum tectorum controversias dirimendi ab iisdem Magistratibus potestate, cap. 7. §. 1. de usufr. cap. 18. de usu, & habit. Et ita sartorum tectorum Romae haberi a Censoribus, Aedilibusque cura solet, non Pediano solum, sed Varrone etiam, & Festo auctoribus; in provinciis vero haec eadem cura Praesidum, & Proconsulum propria fuisse videtur, cap. 7. de offic. Proconsul. Ait enim Opiniorum lib. 3. Ulpianus, a Praefide provinciae inspectis aedificiis dominos eorum causa cognita reficere ea compellendos esse, cap. 7. de offic. Praesid. dixitque Ulpianus, causa cognita, quia domum suam reficere, eo inaudit qui contra refectorem dicere vult, etiam jubente Praefide cuiquam non licet; id quod hac regula ex eodem Opiniorum lib. 3. sumpta, expresse testatur Ulpianus. Solet, & illud observari, ut provinciae Praefes non compelleret solum dominos reficere aedificia, sed etiam adversus de tractantes competenti remedio deformitati auxilium ferret, d. cap. 7. de offic. Praesid. Quale fuerit competens illud remedium, ab iis ignoratur, qui*



qui id pignoris apprehensionem denuntiationemque poenae arbitrantur remedium competens referendum esse Auctor est Julius Capitolinus, curatores D. Marcum multis civitatibus quo Intius Senatorias tenderet dignitates, a Senatu dedisse; eosque curatores appellatos fuisse Reipubl. curatores; & ad eorum officium spectasse, ut diruta domus extraheretur a dominis, testis est Julius, Paullus, cap. 46. de dam. infect. Ideoque si quas viderent ædes in civitatibus ruinosas, solent illi adire Præsidem, & postulare, ut deformitati auxilium ferret; tum Præses evocari jubebat ædificii dominum, eique refectionem imperabat, & tandem adversus detractantem decernebat Reipubl. curatori competens remedium. Eoque remedio impetrato, ædificium ruinosum publico sumptu reficiebat curator Reipubl., & si dominus post opus refectionem intra quatuor menses sortem cum usuris non persolveret, ejus dominio privabatur, & jure ædificium Reipubl. distrahebat, d. c. 46. Et hoc quidem illud competes remedium est quo deformitati auxilium ferebatur a D. Marco introductum, d. cap. 7. de offic. Præsidis cap. 52. §. 8. Pro soc. eadem fortassis oratione qua civitatibus idem Imperator curatores dedit.

*hereditatem negant usucapi posse, sed ea quæ in hereditate sunt, tanquam quicquam aliud sit hereditas, quam ea quæ in hereditate sunt. Et id quidem adeo verum est, ut scripserit etiam Julianus libro sexto, Digestorum, si is qui pro herede possidebat, vi fuerit dejectus, peti ab eo hereditatem posse quasi a juris possessore; cumque qui deiecit, petitione hereditatis etiam teneri, quia res hereditarias pro possessore possidet, ut est apud Ulpianum cap. 16. §. 2. de petit. hæred. Ex quo perspicuum satis est quid eodem libro voluerit Julianus hereditatem, definiens successionem in universum jus quod defunctus habuit. Videtur enim scripsisse eo loco, Julianus hæredem etiam vi dejectum conveniri potuisse, quasi juris possessorem; eaque ratione hæredem debitoris, id quod defunctus pignori dederat, hereditatem petendo consequi etiam potuisse, eo nihil obstante quod rei pignoratæ possessio penes creditorem esset. Hereditatem enim nihil aliud esse, quam in universum jus defuncti, successionem, d. §. 2., & cap. 44. §. 1. de petit. hæred. Atque ita quidem hereditatem definiuit etiam Cellus, capitulo vigesimo secundo de verbor. signific. Quo sensu scripsit libro quinto cap. decimo Quintilianus, aliam esse conditionem heredis, aliam victoris, quia ad illam jus, ad hunc res transeat.*

## LXII. JULIANUS LIB. VI. DIGESTORUM.

*Hereditas nihil aliud est quam successio in universum jus quod defunctus habuerit.*

**D**UBIUM non est, quin voluerint Jurisconsulti aliud interdum hereditatem esse, aliud item id quod in hereditate continetur. Sic enim scripsit de Beneficiis lib. 6. Seneca; Jurisconsultorum ista acuta ineptia sunt, qui

Tomo I.

## LXIII. JULIANUS LIB. DECIMO VII. DIGESTORUM.

*Qui sine dolo malo ad judicium provocat, non videtur moram facere.*

**S**CRIPSIT Digestorum libro decimo septimo Julianus de jure dotium, de donationibus inter virum, &

R

UXO.

uxorem, de mortis causa donationibus, ejusque decimus octavus liber Digestorum fere nihil aliud tractatum continet, quam de divortiis, & de detis repetitione. Ideoque caput decimum quartum tituli de mortis causa donationibus, verisimile est libro potius decimo septimo, quam decimo octavo Digestorum Juliani adscribendum esse, & cum hac regula conjungendum. Illo enim capite de donationibus agitur causa mortis, deque eo disseritur, cui mortis causa fundus donatus est, in quem impensa necessaria utilisque facta sunt a possessore. Et ait quidem Julianus donatarium fundum dotalem vindicantem doli mali exceptione submovendum, nisi pretium restituat impensarum; nec moram facere videri parcausorem, si protinus vindicanti domino fundum, siue iudice non restituat. Qui enim suo dolo malo ad iudicium provocat, non videtur moram facere, siue is reus fuerit, siue actor, cap. 14. de jud. Siquidem reus in exceptione actor est, cap. 1. de except.

*solent, quæ quodammodo certum est accidere non posse, aut saltem rarissime. Quasi in effectu dixerit Julianus justam esse, & mire favorabilem causam olim debuisset, ob quam in agendis aliquibus negotiis eorum quæ rarissime accidunt rationem haberi necessum erat. Nam ad ea potius debet (ut Celsus ait) aptari ius, quæ frequenter, & facile, quam ad ea quæ perraro eveniunt, cap. 5. de legibus. Et sic quidem cum scripserit lib. ff. 29. Julianus, apud eum notavit Marcellus, si tamen novissimo tempore posset aliquo modo impleri conditio, ei parendum esse, & valere testamentum, d. cap. 5. de hæred. Instit. Dixitque in hac regula non temere Julianus, ea proflus ratione, qua non temere interdum Augustum bibisse testis est Svetonius; Maxime, inquit, deletus est Rhetico, neque temere interdum bibit. Quibus addi potest illud ejusdem Svetonii de Claudio; Quasdam insidias semper illatas adeo expavit, ut deponere Imperium tentaverit.*

#### LXIV. JULIANUS LIB. XXIX. DIGESTORUM.

*Ea quæ raro accidunt, non temere in agendis negotiis computantur.*

**A**UCTOR est libro Digestorum 29. Julianus, filium sub ea conditione heredem institutum, quam ultimo vita testatoris tempore certum est existeri non posse, si illa pendente testator decesserit, non ea testamento, sed intestato patri heredem esse, c. 5. de hæred. Inst. hanc eodem loco subiiciens rationem; Ea enim quæ raro accidunt, non temere in agendis negotiis computantur, multoque minus computari ea

#### LXV. JULIANUS LIB. LIV. DIGESTORUM.

*Ea est natura cavillationis, quam Græci ΣΩΠΙΘΗΝ appellant, ut ab evidenter veris per brevissimas mutationes disputatio ad ea quæ evidenter falsa sunt perducatur.*

**S**I is qui benivolum stipulator est, Sticheum accepto tulerit, acceptilationem aliquid egisse, suscipereque totam obligationem, auctor est Julianus lib. ff. 54. quemadmodum refert Ulpianus, cap. 13. de acceptil. dixitque Julianus, huiusmodi acceptilationem aliquid egisse, satis indicans eam multorum cavillationibus expositam esse. Certum enim

enim est id quod verbis ligatum est, verbis contrariis dissolvi per acceptilationem, capite 35. hoc fit. eumque qui hominem stipulatur de genere sentire, non de specie, cap. 27. §. 5. verſ. Sed ſi generaliter. De pactis. Id ſi ita eſt, genus igitur acceptilationis formula comprehendere etiam debet, non ſpecies; & per conſequens, qui hominem ſtipulatus eſt, generaliter hominem acceptum ſeret, non ſpecialiter Stichum aut Pamphilum. Huiusmodi ratiocinationi negat Julianus hic locum eſſe, quia ſtipulatori invito ſolvi a promiſſore Stichus poſſit. ſatis per hoc indicans argumentum illud nulli obnoxium cavillationi ea ſpecie cenſeri, quia invito ſtipulatori Stichum promiſſor ſolvere non poteſt, cap. 2. §. 1. de reb. cred. Si promiſſor ſic potuit ſolvere, ergo, & acceptilatione etiam potuit liberari. Quod enim invito ſtipulatori promiſſor ſolvere poteſt, id acceptum latum liberationem parit, d. §. 4. Videtur eodem loco Julianus addidiſſe eos qui aliter ſentiunt, cavillari magis quam arguere probabiliter; eamque eſſe naturam cavillationis, ut ab evidentibus veris per breviffimas mutationes diſputatio ad ea quæ evidentibus falſa ſunt perducatur. Quæ de re ſcripſit eleganter Seneca de Benefic. libro 7. ad hunc modum: *Is, inquit, cujus proſtituta ſunt, leno eſt; Omnia autem ſapientis ſunt; Inter omnia autem proſtituta ſunt; ergo, & proſtituta ſapientis ſunt: Leno autem eſt cujus proſtituta ſunt. Ergo ſapientis eſt leno. Sic illum vetant emere. Dicunt enim: Nemo rem ſuam emit; Omnia autem ſapientis ſunt; Ergo ſapientis nihil emit. Sic vetant, & mutuum ſumere, quia nemo uſurum pro pecunia ſua pendit. Innumerabilia ſunt per quæ cavillantur, cum pulcherrime quid a nobis dicatur intelligant. Haſtenus Seneca.*

# LXVI. JULIANUS LIB. LX. DIGESTORUM.

*Marcellus: Deſinit debitor eſſe is, qui naſtus eſt exceptionem juſtam, nec ab æquitate naturali abhorſentem.*

CERTUM eſt deberi quædam jure civili quæ Prætorio jure non debentur, cap. 3., & cap. 30. de pecun. conſt. cap. 1. §. 2. quod falſo tut. auſt. eumque qui ſpondit, etiam ſi nulla ſtipulationi ſubefſet obligationis cauſa juſta, ſi nihilominus obligari conſueviſſe civili, ut vocari in juſ, & adverſus eum civilis actio decerni potuerit, ex Varrone aliſque auſtoribus demonſtratum a nobis eſt Variorum libro 2. Et dabatur quidem huiusmodi actio civilis non pure, ſed addita exceptione, certe quod Prætorio jure is qui ſine cauſa ſponſonderat, obligatus non eſſet, cap. 2. §. 4. de dolo malo, & met. except. Hinc intelligimus quid ſibi volverit Julianus ſic lib. 60. ff. ſcribens. *Si ei quem creditorem putabas, jūſſu tuo pecuniam quam me tibi debere exiſtimabam, promiſero, petentem doli mali exceptione ſubmovebo*, cap. 2. §. 1. de donat. Senſus enim eſt; Si jūſſu tuo pecuniam ei quem creditorem tuum putabas promiſero cum eam me tibi debere exiſtimarem, ex ſponſu jure civili ſum obligatus, & idcirco agentī ſtipulatori denegari non poterit ex ſponſu actio; ſed quia huic ſtipulationi juſta obligationis cauſa deſt, ac per hoc jure prætorio eam eſſe invalidam conſtat; idcirco non pure quidem, ſed addita doli mali exceptione dabitur.

R 2

tu.

tur a Prætorē ex sponſu actio, d. §. 3. Eaque exceptione poſita, & probata obligationis nexu civili liberabatur promiſſor, capite 17. §. 1. Solut. matr. Atque ita quidem ſcripſiſſe videtur Julianus lib. ff. 60. hanc eodem loco ex Neratio ſubiiciens rationem; Deſinit enim prætorio jure debitor eſſe is, qui naſtus eſt exceptionem juſtam, nec ab æquitate naturali abhorrentem, etiamſi jure civili obligatus ſit, diſto capite 17. §. 1.

### LXVII. JULIANUS LIB. LXXXVII. DIGESTORUM.

*Quoties idem ſermo duas ſententias exprimit, ea poſſiſſimum excipitur, qua rei gerenda aptior eſt.*

**E**OS qui non agebant quemadmodum agere oportebat, cauſa olim cecidiſſe variis Rhetorum monimentis expreſſum eſt. Teſtatur etiam Quintilianus lib. 7. cap. 4. *ſi ab actore uno in verbo ſit erratum, tota cauſa eum cecidiſſe videri*. Idque non ignorans Julianus cum de eo ageretur qui in actionis formula uſus erat oratione ambigua, reſpondis commodiſſimum eſſe id accipi quo res qua de agitur magis valeat quam petat, cap. 12. de reb. dub. Dubitabatur enim an actor oratione uſus ambigua non æque caderet cauſa atque ſi in aliquo verbo erraſſet; & ſic per conſequens an non res de qua agebatur, hoc eſt, lis ab actore inſtituta, perire potius deberet quam valere. Sed aliud eſt errare verbo, aliud item ambigua uti oratione. Qui enim verbo errat, is errat formula, idque intollerabile eſſe, ex Quintiliano admonuimus ſuo loco; qui vero ambigua utebatur oratione, formula non errabat, nec per conſequens cauſa ca-

debat, ſed conceptam ambigue formulam interpretationi judicis relinquebat; qui quidem judex eam eligere ex illa ambigua formula ſententiam ſolet, quæ rei gerendæ aptior erat; ut auctor eſt hac regula idem Julianus. Simili modo cum in teſtamento ambigue, aut etiam perperam quid ſcriptum eſt, benigne illud interpretari convenit, & ſecundum id quod credibile eſt a teſtatore fuiſſe cogitatum, cap. 24. de reb. dub. *Semper enim quicquid dubium eſt, humanitas inclinat in melius*, inquit Seneca Epist. lib. 11. Eſt etiam Ulpianus auctor, *quoties in ſtipulationibus ambigua oratio eſt, commodiſſimum eſſe id accipi, quo res, qua de agitur, in tuto ſit*, cap. 80. de verb. oblig. cap. 33. de contrah. empt.

### LXVIII. PAULUS LIB. SINGULARI DE DOTIS REPETITIONE.

*In omnibus cauſis id obſervatur, ut ubi perſonæ conditio locum faciat beneficio, ibi deſiciente ea, beneficium quoque deſiciat; Ubi vero genus actionis id deſiderat, ibi ad quemvis perſecutio ejus devenit, non deſiciat ratio auxilii.*

**S**UMPTA eſt hæc regula ex Pauli de repetitione dotis libro ſingulari, & ideoſto dubium non videtur quin ea ad dotis privilegium tota referri debeat. Et ſane privilegium dotis quo mulieres utuntur in actione de dote, ad hæredes non tranſire, auctores ſunt Severus, & Antoninus Imperatores, cap. unic. C. de privil. dot. Certe quia perſonæ conditio locum facit huic beneficio, qua perſona deſiciente deſcit, & beneficium. Idque de eo beneficio, accipiendum eſt quo præferri creditoribus cæteris in dotis repetitione mulier ſolet,

let, cap. ultim. §. ad hæc. C. qui potior in pign. habeantur. Id enim fieri consuevisse, testatur in Declamationibus Quintilianus, qui de dotali quadam nurus, & socrus controversia disferens, sic scribit: *Dos est si a viro, aut ab hærede ejus repetatur, tu amisso viro cum dotem non petisti, fecisti creditum ex dote.* Hæc Quintilianus, indicans his verbis, non crediti, sed dotis rationem tunc primam habendam esse, cum in crediti naturam ipsa dos non degeneravit; quod fieri interdum videtur potuisse negligentia mulieris dotem a marito ejusve hærede idoneo tempore non repetentis; alioqui dotis haberi semper prima ratio solet. Id quod ex ejusdem dotalis controversiæ summa omnino constat, quæ talis est; **PRIMA RATIO DOTIS HABEATUR.** Utebatur etiam adversus uxorem dotem soluto matrimonio repetentem beneficium quodam maritus. In id enim quod facere poterat, condemnari dumtaxat solet, non in solidum; eratque beneficium illud personale; & idcirco nec præstatur hæredi; sed cum persona exinguebatur, c. 12, & 13. Solut. matrim. de quo beneficio quædam verisimile est eodem de dotis repetitione libro singulari Paulum tractasse, quamvis ille ad Sabinum libro 7. ea de re plenissime scripserit. Siquidem beneficium ejusmodi ad dotis repetitionem omnino pertinet, nec ad hæredem transit, quia locum ei conditio personæ facit, non ut actioni funerariæ genus actionis, capite penultimo de religiof. Eoque referri etiam poterit hujus tituli cap. 196.

# LXIX. PAULUS LIB. SINGULARI DE ADSIGNATIONE LIBERTORUM.

*Invito beneficium non datur.*

**S**OLENT patroni libertos assignare epistola, testamento, chirographo, aut verbis quibuscunque testificantes cujus vel quorum ex liberis libertum libertolve suos esse vellent, cap. 107. de verb. sign. cap. 1., & cap. 7. de assign. libert. Eaque assignatione omne jus libertorum assignandorum ad eum cui id pater tribuerat ex SC. transferrebat, cap. 48. in fin. De ritu nupt. *A liberto munus, operas, & testamentum patrono deberi, ex Quintiliano demonstravimus suo loco.* Eoque sensu scripsit Cornelius Fronto, *munus esse quod amicus, vel cliens, vel libertus officii causa mittunt.* Est etiam Ulpianus auctor operas, donum, munus præstare libertos, cap. 7. in princ., & cap. 47. de oper. libert. Quibus si addideris legitimam ab intestato successionem, intelliges quæ beneficia fuerint olim assignationis. Hæc enim muneris operarum, testamenti, successionisque jura illius fuerunt propria cui a parente libertus assignatus erat, cap. 1. in fine, de legit. tut. cap. 54. de assign. liber. Quamvis interim operarum petitio interdum maneret etiam si jus patroni non esset; *ut evenit*, inquit Paulus, *in fratribus ejus cui, libertus assignatus est*, capite ultimo de oper. libert. Hæc si vera sunt, consequens igitur est, eum cui libertus assignatur honorari, ipsamque assignationem singulare quoddam beneficium fuisse. Et idcirco filius assignatum sibi libertum invito suscipere cogi non solet. Invito enim beneficium non datur, quemadmodum libro

libro singulari de adsignatione libertorum scripsit Paulus. Cui consentaneum est Ulpiani illud: *Nam potest liberalitas volenti acquiri*, capite 12. §. 2. de donat.

## LXX. ULPIANUS LIB. I. DE OFFICIO PROCONSULIS.

*Nemo potest gladii potestatem sibi datam, vel cujus alterius coercionis ad alium transferre.*

**S**CRIPSIT Domitius Ulpianus de officio Proconsulis libros decem, eoque ita scripsisse mihi persuades, ut prius septem dumtaxat libros ederet, & postea tres reliquos adjiceret. Sic enim scripsit Laetantius Divinarum Institutionum libro quinto, capite 11. *Quin etiam sceleratissimi homicidae contra pios jura impia considerunt. Nam & constitutiones sacrilegae, & disputationes jurisperitorum leguntur injuste. Domitius de officio Proconsulis libris septem rescripta Principum nefaria collegit, ut doceret quibus poenis officii oporteret eos qui se cultores Dei confiterentur. Hæc Laetantius, omnino demonstrans Ulpianum de officio Proconsulis libros septem separatim edidisse, aut certe (quod mihi verisimilius videtur) libro ejusdem operis septimo rescripta Principum adversus Christianos collegisse. Atque ita emendandus videtur hic Laetantii locus, & in eo pro libris septem, reponendum libro septimo, quasi notis iis usus fuerit Laetantius, quibus, & septem libri, & simul liber septimus significabatur. Hæc conjectura eo mihi probatur magis, quod certo sciam de officio Proconsulis libro septimo Ulpianum docuisse, qua ratione curare congruat Præfidi, ut pacata atque quieta provin-*

*cia sit quam regit? quod ait non difficile Præfidem obtenturum, si sollicitus agat, ut malis hominibus provincia castretur, eosque conquiritur, cap. 13. de off. Præf. Cum enim hæc ita scriberet Ulpianus, videtur eodem libro ea quoque nefaria Principum rescripta comprehendisse, quibus Christiani conqueri juebantur. Scripsit igitur Ulpianus non septem, sed decem libros de officio Proconsulis. Et primo quidem libro ea fere tractavit quæ Proconsuli provinciam ingresso imprimis essent facienda, quorum numero continebatur custodiarum recognitio, ad quam recognitionem referenda est hæc regula juris, quemadmodum patet evidentissime ex cap. 6. de off. Proconsul. Certum est provincias singulas Præfides, aut Proconsules singulos habuisse; adeo quidem, ut si amplior esset aliqua provincia, & latius patens quam ut ab uno Præfide commode regi posset, ea soleat Imperatoris arbitrio in duas, aut tres provincias dividi, & singulis ita divisæ dabantur Præfides, aut Proconsules singuli, capite 3. de off. assens. Id quod ex Innocentio probari potest, qui sic ad Alexandrum Episcopum Antiochenum scribit: *Sciscitaris utrum divisæ Imperiali judicio provinciis, ut duæ Metropoles fiant; sic, duæ Metropolitani Episcopi debeant nominari. Et hæc sunt provinciæ illæ quæ ejusdem nominis dicuntur, cap. 9. de postul. qualis erat Rætia prima, Rætia secunda; Germania prima, Germania secunda; quibus addi etiam poterunt: *Siriae tres; totidemque Pannonia, & Armenia* duæ quarum meminit adversus Parmenianum libro secundo Optatus Afer. Ea que dividendarum provinciarum antiqua ratio ad Alexii usque tempora videtur fuisse observata. Hunc enim Imperatorem edicto prohibuisse, ne amplius in duas una provincia divideretur,**

retur, testis est Theodorus Balsamon, canonem explicans trigefimum octavum Synodi quæ fuit in Trullo. Cur autem ita dividi provinciæ soleant, evidenter docet in Epistolis Divus Hieronymus his verbis: *Imperator unus, iudex unus provincia. Roma ut condita est, duos fratres simul habere non potuit, & parricidio dedicatur.* Solent etiam singulæ provinciæ in varia municipia dividi; quæ municipia proprium habebant magistratum curiamque municipalem. Et quia omnium unius provinciæ municipiorum negotiis commode non potuit uno tempore, & simul uno in loco Proconsul jure dicundo præesse, ea ratione factum est, ut ei adesset legatus a crebris de uno in aliud municipium legationibus hoc nomen sortitus. Huic legato ingressus provinciam mandabat Proconsul jurisdictionem, eumque mandata jurisdictione per municipia singula dimittebat, provincialium delicta, & querelas auditorum, ac de his non Principem sed Proconsulem suum consulturum, c. 6. §. 2. de off. Procons. Habebant enim singula municipia carceres, sive custodias proprias, in quas præter obzatos conjiciebantur facinorosi. Idque videtur sibi Ulpianus voluisse de Duumviro aliisque disserens, qui potestatem habebant de carcere, vel custodia dimitendi, cap. 52. §. 6. de furt. Qui ex civili debito, aliisque levibus causis, quæ magis erant jurisdictionis, quam imperii carceribus inclusi tenebantur, eos dumtaxat de carcere dimitti habebant Duumviri potestatem. Est enim Paulus auctor, ea quæ magis imperii sunt quam jurisdictionis, facere magistratum municipalem non potuisse, cap. 26. Ad municip. Ex quo patet evidentissime, facinorosos homines dimitti a Duumviris non potuisse. Et idcirco simul atque in-

gressus provinciam erat Proconsul, statim per singulas suæ provinciæ civitates legatum mittebat, qui de custodiis singulis cognosceret, & præauditas custodias ad se remitteret. Eoque sensu custodiarum cognitione mandare legatis Proconsules dicebantur, cap. 6. in principio de offic. Procons. eratque genus illud mandati extraordinarium, inquit Ulpianus, hanc rationem subjiciens: *Nec enim potest quis gladii potestatem sibi datam, vel cujus alterius coercitionis ad alium transferre*, d. capitulo 7. in principio. Et dicitur quidem extraordinarium hujusmodi mandatum quia nullo accusationis solemnitate in publicis ordinariisque judiciis observato de custodiis cognoscere pro tribunali legatus potuit, sed auditis dumtaxat examinatisque testium allegationibus, eos qui dimittendi viderentur ad Proconsulem remittere, eosque qui digni essent justo supplicio, & animadversione publica, in arctiorem conjicere custodiam, ut tandem adveniente Proconsule solemniter e vinculis causam dicerent, promeritasque poenas luerent; quas poenas exigere ne volente quidem Proconsule potuit legatus. Siquidem in legatum suum gladii potestatem Proconsul transferre non potuit. Quæ enim specialiter lege vel SC. vel constitutione Principum tribuuntur, mandata jurisdictione non transferuntur, c. 1. in princ. de offic. ejus cui mand. est jurisdic. Et id quidem sic accipiendum est, ut Præfides, & Prætores quædam habuerint olim magistratus jure propria, quædam jure imperii specialia. Jure imperii habebant specialiter lictores, viatores, fasces, secures, hastas, & gladios, auctore Gellio libro decimo tertio, cap. 12., & 14. Est etiam Festus auctor, *insigne imperii, & armorum hastam fuisse.* Et idcirco observari in provinciis so-

let,

let, ut Proconsules de civilibus provincialium causis cognoscetes pro tribunali hastam, & in facinorosos homines animadvertentes non hastam; sed gladium erigerent. Id quod ex Cypriano primum animadverti, qui sic Epistolarum lib. secundo scribit; *Servis invicem discordantium rabies, & inter togas pace rupta forum litibus mugit insanum, basta illic & gladius, & carni-fex praesto est.* Atque ita quidem satis esse perspicuum puto, cur jus gladii, hoc est, jus tribunal ascendendi, & in eo gladium erigendi, non potuerit transferri: nam si eam potestatem non magistratus, sed imperii jure Proconsul habere soleat, certe omnino consequens est, non magis eam potuisse transferri, quam ipsum transferri imperium potuit. Ut igitur imperium nulla ratione, si multo minus in suum legatum potuit gladii jus transferre Proconsul. *Cum imperio enim dicebatur esse,* inquit Festus, *apud antiquos, cui nominatim a populo dabatur imperium.* Aliud erat in iis quae Proconsuli jure magistratus esse quodammodo propria videbantur. Ea enim mandari poterant, ut suo loco demonstrabitur latius.

#### LXXI. ULPIANUS LIB. II. DE OFFICIO PROCONSULIS.

*Omnia quaecunque cause cognitionem desiderant, per libellum expediri non possunt.*

**H**ÆC regula desumpta est ex capite nono, de officio Proconsulis, & idcirco adscribenda videtur Ulpiani de offic. Proconsul. lib. primo, aut certe caput illud nonum secundo ejusdem operis libro. Moris erat, ut quid a Principe desideraturi Principem etiam praesentem adirent scripto. Ejus-

que moris meminisse videtur Svetonius, sic de Julio Cæsare scribens: *Libellum, quæ insidiarum indicem ab obvio quodam porrectum libellis ceteris quos sinistra manu tenebas quasi mox lecturus commiscuit.* Et de Caligula; *Libellum,* inquit, *de salute sua oblatum non recepit.* Observari etiam solet ut lectis libellis rescriberent Principes, cap. 32. §. 13. de recept. arb. Id quod ex eodem Svetonio constat, qui sic de Augusto scribit: *Patrem Cæsarem vulgo reprehensum commendabat, quod inter spectandum epistolis libellisque legendis, ac rescribendis vacaret.* Eoque sensu ad libellum rescribere dixit Junius Mauritanus cap. 23. de usus. leg. & Macer libellum Principi dare, ac sacrum rescriptum expectare, capite 4. de appell. recipi. Solet etiam libellorum magister Principibus adesse, isque ex jurisperitorum numero sumebatur, & Promagister dicebatur, qui Principis rescripto diem, & Consulem subiciebat; quem admodum ex antiquissima libelli cujusdam formula constat, qua corporum fictili sarcophago ad tempus commendandorum principalis auctoritas postulatur. Hæc enim formulæ illius solemnia verba: *Sepulcrum scripserunt,* verba rescripti sunt. Quibus statim adjungitur hæc clausula subscriptionis: *Jubentis Celsus Promagister subscipit* 3. Nov. Nov. Antio Pollione, & Opiniano Conss. Erat, & illud quoque solemne, ac Principibus familiare, ut libellum subscriptum signarent anulo, signatumque restitui juberent iis qui illos porrexerant. Quo pertinet quod ait Svetonius in diplomatis libellisque, & epistolis signandis Augustum initio spinge usum esse. Et hæc quidem libellorum supplicium antiqua ratio apud Prætores etiam, & provinciarum Praefides olim in usu fuit, cap. 25. de in jus voc. Unde perspicuum est, quid

libj



sibi hac regula voluerit Ulpianus; nimirum aliud nihil, quam per libellum id peti non posse, quod opus habet cognitione aut decreto. Siquidem illud in postulationum cognitionumque dies rejici olim conluevit, argumentis aliquot evidentissimis demonstravimus Protribunalium libro singulari. Quibus addi poterit illud Svetonii de C. Claudio: *Cognitionibus magistratuum ut unus e consiliariis frequenter interfuit*. Per decretum autem consilii definitionem intelligi, adeo verum est, ut expresse in quadam Cypriani Martyris Passione scriptum inveniam, *Galerium Maximum Proconsulem colloctum cum consilio sententiam vix egredi dixisse, & tandem decretum ex tabella ad hunc modum recitasse, THASCIUM CYPRIANUM GLADIO ANIMADVERTI FLAGET*. Ex quo loco pro consilii definitione specialiter decreti nomine veteres usos esse, evidentius apparet, quam ut diutius negari possit.

# LXXII. JAVOLENUS LIB. III. EX POSTERIORIBUS LABEONIS.

*Fructus rei est, vel pignori dare licere.*

JAVOLENUS de fructibus post sententiam una cum re principali restituendis differens libro tertio ex posterioribus Labeonis *fructus rei esse ait, vel pignori dare licere*, cap. penultim., & cap. ultim. de usuris. Quod sic videtur accipiendum, ut aliquis fructus intelligatur ex ea re provenire, quam pro suo arbitrio alicui licet opponere pignori; & ejus idcirco inter fructus alios rationem habendam esse; cap. 67. in fine, de rei vindicat.

Tom. I.

# LXXIII. QUINTUS MUCIUS SCÆVOLA LIB. SINGULARI OPON.

*Quo tutela redit, eo hæreditas pervenit, nisi cum scæmina hæredes intercedunt.*

LEGITIMÆ tutelæ agnatis lege duodecim tabularum deferri solent, c. 1. de leg. tut. Eadem lege cautum etiam erat, ut ejus qui intestatus sine suo hærede moritur, familiam haberet agnatus proximus. Et quia nullam admiserat lex sexus differentiam, ejus videntur prudentes rationem primi habuisse: id quod hæc Scævola verba præ se ferunt: *Nisi cum scæmina hæredes intercedunt*. Scæminæ igitur hæredes poterant esse, non tutores; cap. 1. §. 1., & cap. penult. de legit. tut. Tutelam enim officium esse virile ex interpretatione jurisperitorum rescipit Imperator Alexander, cap. 1. quando mulier. Idque primum ita fuisse definitum Scævola temporibus ex eo suspicari licet, quod scripserit libro 39. ad hunc modum Livius, *Publ. Ebonius cujus pater publico equo stipendia fecerat pupillus relictus, mortuis deinde tutoribus sub tutela Duronia matris, & vitrici T. Sempronii Rutilii educatus fuerat*. Hæc Livius, indicans eo tempore scæminis adeptam omnino non fuisse administrationem tutelæ; quæ administratio Mucii temporibus matri aliisque scæminis denegabatur, etiam si ea vitrico relinqueretur, cap. 32. de adopt. Et quamvis administrare tutelam scæminæ tunc prohiberentur, penes matrem tamen esse pupilli educatio poterat, si vitricum pupilli mater non induxerat, cap. 1. C. ubi pupil. educ. Eoque pertinet illud Apuleii de Asino Aureo lib. 10. *Huic infan-*

S

infan.

*infantule quod leges necessariam patris successionem deferrent, sustinebas agerime, inbianisque toto filia patrimonio imminabat.*

#### AD §. NEMO POTEST.

*Nemo potest tutorem dare cuquam, nisi ei quem in suis heredibus cum moritur habuit, habiturusque esset, si vixisset.*

TUTORES testamento dari lege duodecim tabularum confirmantur, auctore in fragmentis Ulpianò tit. 11., & Pomponio cap. 120. de verb. sign. Cum enim dubitatum esset, quidnam sibi vellent Decemviri his verbis, TUTELAVE SUÆ REI, videntur Jurisconsulti definitisse tutores iis qui tempore mortis in testatoris erant potestate, liberisque; posthumis datos verbis illis confirmari; & sic lege 12. tab. permixtum videri parentibus liberis suis etiam posthumis testamento tutores dare, cap. 1. de test. tut. Eoque spectat illud Svetonii de Julio Cæsare; *Cajum Octavianum etiam in familiam nomenque adoptavit, pluresque percussorum in tutoribus, si quis sibi nasceretur, nominavit.*

#### AD §. VI FACTUM.

*Vi factum id videtur esse, qua de re quis cum prohibetur, fecit; clam, quod quisque cum controversiam haberes habiturumque se putaret, fecit.*

Si quis in nostro ædificare, vel in nostrum immittere, vel projicere, vellet, prohiberi aut per Prætorem, aut per manum, id est, lapilli ictum, aut novi operis nuntiatione solet, cap. 5. §. 10. de novi oper. nuntiat. Per Prætorem quidem, jure ordinario, medio interdicti, nuntiatione vero

novi operis, speciali quodam ac privato denuntiationis testationisque jure; & per manum denique, ipso facto; c. 1. §. 2. d. tit. Liberum enim fuit domino in cujus fundo ædificabatur, ex eo quod ædificatum erat, propria manu lapillum unum, aut alterum præcipitare, censebaturque jactu, vel minimi lapilli ædificationem prohibuisse, cap. 1. §. 2., & cap. 20. quod vi aut clam. Et hujusmodi quidem per manum prohibitio ea ratione lapilli ictus appe labatur, qua per ictum intellexit præcipationem Ulpianus, de eo scribens qui de ponte præcipitatus ipso ictu periit, cap. 7. §. 5. ad leg. Aquil. Nec alio sensu in edicto de his qui dejecerunt, vel effuderunt scripsit ad hunc modum Prætor, SI EO ICTU HOMO LIBER PERISSE DICETUR; c. 1. de his qui effud. vel dejecer. Et ita per manum ictus lapilli intelligitur; hoc lapilli præcipitatio, d. §. 10. Est, & alia per manum prohibendi ratio quæ per manus oppositionem solebat fieri, d. c. 20. Deque ea suspicor sensisse Pomponium, c. 50. de acquir. rer. dom. Nec alio spectat vitis præfissa, cujus apud Ulpianum mentio fit, c. 3. §. 3. uti possid. Quod igitur Quintus Mucius ait, vi factum id videri quod quis prohibitus facere perseverat, hoc de eo accipiendum est, qui aut interdicto, aut novi operis nuntiatione, aut denique per manum quid facere prohibitus facere perseverat, c. 1. §. 1. quod vi aut clam.

#### AD §. QUÆ IN TESTAMENTO.

*Quæ in testamento ita scripta sunt ut intelligi non possint, perinde sunt ac si scripta non essent.*

*QUÆ in testamento scripta sunt, inquit Alfenus Varus Q. Mucii auditor,*

tor, *neque intelliguntur quid significant, ea perinde sunt ac si scripta non essent*, cap. 2. de his quæ pro non scriptis habentur. Et ita videtur prudentum interpretatione Mucii temporibus receptum fuisse; hac potissimum ratione, quod satis constaret testamentum omnino vitiosum pro non scripto habendum esse, cap. 1., & cap. 3. d. tit. Id quod in ea Declamatione, cui titulus est, *Duo testamenta*, docuit Quintilianus. *Si eum, inquit, videri vultis intestatum qui vitiosum scripsit testamentum, hoc confiteamini necesse est, vitiosum testamentum esse pro non scripto.*

## AD §. NEC PACISCENDO.

*Nec paciscendo, nec legem dicendo, nec stipulando quisquam alteri cavere potest.*

INVENTÆ enim sunt obligationes ad hoc ut unusquisque sibi acquirat quod sua interest, cap. 38. §. 12. de verb. oblig. cap. 11. de oblig., & æst. Excipiuntur servus, & filiusfamilias, d. §. 12., & cap. 17. in fine de pæstis. Servus quidem, quia nihil proprium habet; filius vero familias, quia jure civili pater, & filius una domus, & unus dominus nominantur. Sic enim Divinorum Institut. lib. 4. cap. 29. scripsit Lactantius, *Cum quis habet filium quem unice diligit, qui tamen sit in domo, & manus patris, licet ei nomen domini potestatemque concedat, civili tamen jure, & domus una, & unus dominus nominatur.* Hæc Lactantius, docens evidenter cur patri potuerit filius stipulari, & simul unde suus hæres jure civili filiusfamilias dicatur, cap. 1. §. 2. de suis, & leg. cap. 11. de lib., & post.

## LXXIV. PAPINIANUS LIB. I. QUÆSTIONUM.

*Non debet alteri per alterum iniqua conditio inferri.*

SCRIPSIT lib. 1. Quæstionum de jurisdictione, & imperio Papinianus, ejusque argumenti occasione, de arbitris disserens sumptis compromisso, ait *arbitram ita sumptum, ut diem proferre possis, hoc quidem facere posse; reserere autem contradicentibus litigatoribus non posse*, cap. 33. de receptis. Solent judices ita nonnunquam dari; ut intra diem certum jubentur pronuntiare, auctore Ulpiano cap. 32. de judic., & Aulo Gellio, libro 12. cap. 13. Ait enim Gellius *se a Consulibus Roma judicem extra ordinem datum pronuntiare intra calendas jussum fuisse.* Eumque morem arbitri etiam videntur observasse, interdum tamen non sine diem proferendi expressa clausula; eaque clausula alia dabatur arbitro facultas nulla, quam diem rogandi, c. 25. de receptis. Et idcirco referendi diem arbiter nullam habebat contradicentibus litigatoribus auctoritatem, d. c. 33. *Proferre, & prodere diem, eadem sunt, proferre, & reserere diem contraria.* Dies enim *cerasti, & constituti, qui in longius aliquod tempus prorogantur, prodi, & proferri veteribus dicebantur*, auctore in Terentium Donato. Aliud est reserere diem. Observatum enim est ab homine doctissimo scripsisse Festum *referri diem predictam, id est, anteferi religiosum esse.* Dies igitur que prolatatur, proferri; & que antevertitur, reserri dicebatur. Unde perspicuum est quid sibi voluerit de proferendo, & referendo die Papinianus, d. c. 33.

Sensus enim est arbitrum compromisso ita sumptum ut diem possit prorogare, litigatoribus etiam invitis id facere posse; *non tamen posse referri diem*, id est, anteverti iisdem contradicentibus; nec interesse an ambo condicant simul, an vero consentiente altero alter dumtaxat contradicat. Non enim debet alteri per alterum iniqua conditio inferri. Atque ita quidem Quæstionum libro primo scripsit Papinianus.

### LXXV. PAPINIANUS LIB. III. QUÆSTIONUM.

*Nemo potest mutare consilium suum in alterius injuriam.*

**A**UCTOR est in fragmentis Ulpianus titulo 28. *emancipatis liberis ex adicto dari possessionem, si parati sunt cavere fratribus suis qui in potestate manserunt, bona qua moriente patre habuerunt, se cellaturos*. Quod ipsum a Juliano quoque traditum est, cap. 3. §. 2. de collat. bon. Addiditque eodem tit. Ulpianus, *bonorum possessionem parentibus, & liberis dari intra annum ex quo petere poterunt; caveis intra centum dies*. Quo sensu scripsit Africanus *bonorum possessionem ab alio agnitam non posse post diem centesimum ratam haberi*, cap. 24. rem ratam haberi. Hinc tractatum fuit, an filius emancipatus, qui de bonis conferendis cavere fratribus noluit, mutare consilium possit, ac postea, ante annum delatæ possessionis elapsam, cavere volens audiri debeat. Et ait quidem lib. 3. Quæstionum Papinianus, plerisque existimasse eum postea audiendum si vellet oblata cautione beneficium bonorum possessionis exercere: quamvis dici possit, videri eum possessionem repudiasse, &

sic quodammodo in injuriam fratrum mutare consilium, eoque nomine admitti non oportere, neminem enim mutare consilium suum in alterius injuriam posse. Et hæc quidem licet verissima sint, nihilominus tamen scripsit eodem loco Papinianus, benigniorem esse diversam sententiam, maxime cum de bonis parentis inter fratres disputetur cap. 8. de collat. bon.

### LXXVI. PAPINIANUS LIB. XXIV. QUÆSTIONUM.

*In totum omnia que animi destinatione agenda sunt, non nisi vera, & certa scientia perfici possunt.*

**Q**UÆSTIONUM libro 24. de legato differens Papinianus a quo Romæ uxor divertit, *dotis nomine virum*, ait *Romæ defendendum esse*, cap. 42. de jud. Hujusmodi responsio causam dedisse videri potest utilitas publica. Utile siquidem publice est, eum qui in legationem Romanam missus est, calore, & iracundia conjugis domum ad causam dicendam non revocari. Proinde si necessaria mariti mora periclitari de dote metueret uxor, poterat a marito Romæ divertens Romæ repetere dotem, d. c. 42. Si modo declararet certa quadam animi destinatione perpetuum constituendi disentionem se a viro divertisse; cap. 3. de divortiis. In totum enim omnia quæ animi destinatione agenda sunt, non nisi vera, & certa scientia perfici possunt; ut auctor est Papinianus ex ejus libro Quæstionum vigesimo quarto desumpta.

LXXVII. PAPINIANUS LIB.  
XXVIII. QUÆSTIONUM.

*Actus legitimi qui recipiunt diem vel conditionem, veluti mancipatio, acceptilatio, hereditatis aditio, servi optio, datio tutoris, in totum vitiantur per temporis vel conditionis adjectionem. Nonnunquam tamen actus superscripti, tacite recipiunt, quæ expresse comprehensa vitium adferunt. Nam si acceptum feratur ei qui sub conditione promissit, ita demum egisse aliquid acceptilatio intelligitur, si obligationis causa existerit; quæ si verbis nominatim acceptilationis comprehendatur, nullius momenti faciet actum.*

**P**ER actus legitimos legis intelliguntur actiones, hoc est, actus quidam rituales solemnes certis verborum formulæ ex lege descendentes: cujus generis sunt mancipatio, in jure cessio, adoptio, hereditatis aditio, cretio, usurpatio, acceptilatio, manus consertio, manumissio, servi optio, datio tutoris, & sic deinceps. Hujusmodi actus ex natura sui nec diem admittunt, nec conditionem. Quamobrem si diem vel conditionem receperint, in totum vitiantur. Et certum quidem est mancipationem, in jure cessionem, hereditatisque aditionem diem non recipere aut conditionem. Hujusmodi enim legis actionibus nihil agitur quam ut legitimum ex Quiritium jure dominium transferatur, quemadmodum in fragmentis Ulpianus tit. 19., & in Topicis Cicero, ejusque interpres Boetius evidenter demonstrant. Res quæ datur mancipio, aut in jure ceditur, protinus ex jure Quiritium ejus efficitur qui eam mancipio accipit, aut cui cessa est. Quamobrem

si mancipationi diem adjeceris, aut conditionem, vitias actum. Id enim moliris quod per rerum naturam fieri non potest. Nam transferre dominium vis, & illud non pateris transferri. Transferre quidem vis, rem dans mancipio, & rursus quo minus transferatur videris impedire diem adjiciens, aut conditionem. Nam sine domini translatione nulla, aut esse, aut appellari mancipatio potest, quæ translatio per temporis, & conditionis adjectionem omnino impeditur: eaque impedita, desinit esse mancipatio, desinit esse in jure cessio, hereditatisque aditio vitiat, nec optio servi legitima censetur; cap. 41. in fine de acquir. hæred. Testis est enim M. Varro de Re Rust. lib. 2. legitimum perfici dominium, si quis hereditatem justam adiit, si mancipio acceperis ab eo a quo jure civili potuit aut, si in jure cessit cui cedere potuit, & id ubi oportuit. Manumissio quoque vindicta fieri in diem vel sub conditione non potuit. Moris enim erat auctore Festo, ut dominus servum manumittere volens, caput ejus aut aliud membrum tenens, hæc verba solemniter pronuntiaret; HUNC HOMINEM LIBERUM ESSE VOLO, & mittebat eum e manu. Eaque emissio omnem excludere diei conditionisque adjectionem, quam nec ipsa quidem vindictæ natura patiebatur. Siquidem momento temporis, ut Perfluus ait, justa conferri libertas vindicta solet. Ut igitur sine translatione domini nulla fieri mancipatio, in jure cessio, aut hereditatis aditio potuit; sic quoque sine justa libertate nulla imponi vindicta solet, cap. 2. C. si advers. lib. Acceptilatio actus etiam legitimus est, mancipationi contrarius, nexi continens liberationem; ideoque ejusdem esse conditionis censetur, cujus est mancipatio. Et quamvis acceptilationis actus conditio.

ditionem non admittat, nihilominus tamen id quod sub conditione promissum fuit, recte potuit acceptum ferri. Actus enim legitimus acceptilationis hujusmodi conditione tacita non viatiatur. Nam siue defecerit, siue eventum conditio tacita sortita fuerit, semper ipso actu liberatio contingit; quæ liberatio impediri videretur aliqua conditione expresse addita. Dationem tutoris legis etiam actionem esse hæc regula docet Papinianus. Eaque fieri idcirco in diem non solet, quod certus dies tempusque certum jure publico functioni tutelæ esset definitum, quodque magistratus nullam haberent suo arbitratu ampliandi, aut coarctandi temporis lege definiti auctoritatem. Quominus autem dari tutor sub conditione potuerit; sola legitimi actus impediæbatur natura. Nam si conditionem illi actui adjeceris, dici non poteris tutorem dare; nec per consequens lege apud te quicquam censetur agi; cum præsertim id exigat legis actio, ut tutor detur, hoc est; ut administratio tutelæ in præsentem tutorem, aut necessariis de causis absentem, amicis postulantibus, decreto solemnî a Prætoribus, vel Præfide ad tempus usque pubertatis transferatur, cap. ultimo ubi pupil. educ. Atque ita quidem actus legitimi, id est, legis actiones verbis formulisque solemnibus comprehensæ, diem aut conditionem non admittebant.

#### LXXVIII. PAPINIANUS LIB. XXXI. QUÆSTIONUM.

*Generaliter cum de fraude disputatur, non quid habeas actor, sed quid per adversarium habere non potueris, considerandum est.*

**S**I quis ædes suis ædibus servientes emerit, traditasque sibi acceperit, consulas esse sublatamque servitutem,

recte a Paulo traditum est; cap. 30. de servit. urb. præd. Id enim ni ita esset consequi videretur neminem ipsum sibi servitutem posse non debere, quod est absurdum, cap. 10. com. præd. Et idcirco si dominium rei servientis ad eum cui servitus debebatur aliquo modo perveniret, consequenter servitutem extinguî dicebatur, d. cap. 10. Idque adeo verum est, ut ipsa etiam hæreditatis additione servitutes confunderentur, cap. 18. de servit. Hinc quæsitum fuit, si testator qui me hæredem scripsit, domum aliquam meis ædibus servientem legaverit Titio, an additione mea consulas esse hujusmodi servitus censetur. Et ait quidem lib. 31. Quæstionum Papinianus, *servitutem additionis hæreditatis in se jure confundi, eamque exceptionis medio iterum imponi*. Prædictum enim legatum ab hærede vindicanti legatario, opposita doli exceptione tradere hæres non aliter cogebatur, quam si pateretur legatarius servitutem additione consulas rursus imponi, d. c. 18. Censeturque dolo, & fraude non carere legatarius actor impedire volens data opera quominus id hæres servitutis jure obtineret, quod eum habere ratio suadebat æquitatis. Generaliter enim cum de fraude disputatur, non quid ipso jure habeat actor, sed quid medio exceptionis per adversarium suum habere æquitatis intuitu non potuerit, considerari solet, quemadmodum scripsit libro 31. Quæstionum Papinianus.

#### LXXIX. PAPINIANUS LIB. XXXII. QUÆSTIONUM.

*Fraudis interpretatio semper in jure civili non ex eventu dumentatur, sed ex consilio quoque desideratur.*

**D**OCTET Svetonius solitos a Censuribus notari orbos, & cælibes. De censura enim Divi Claudii differens ait:

ait: *Plures notare conatus innoxios fero reperit, quibuscunque cælibatum, aut orbitatem, aut egestatem objiceres, maritos, patres, opulentos se probantibus. Eoque pertinet illud Ambrosii in tertium caput Lucæ: Erat enim deforme liberos non habere, quod etiam legum civilium fuit auctoritate multatum, videnturque ita multari cælibes consuevisse, ut uxorium populo penderent. Festus enim auctor est uxorium pependisse eum dici, qui quod uxorem non habuisset ex populo dedit.* Eoque videri poterit Dio respexisse, cum ait cælibes a maritis multa secuisse Drum Augustum. Hinc intelligimus quo sensu tradiderit Papinianus quod in fraudem legis ad impedendas nuptias scriptum est, nullam vim habere, cap. 79. in fine de condic. & demonst. Dubium enim non est, quin ille de lege Julia, & Papia senserit. De qua lege tunc etiam idem Papinianus sensisse videtur, cum de eo disfereret, qui in fraudem legis mulieris usufructum legaverat; **SI EA NON NUPSERIT.** Et ait quidem libro trigésimo secundo Quæstionum; *tantum beneficio legis ex legato concessum esse mulieri, quantum haberet si conditioni paruisset, capite 74. d. titul. Adjiciens insuper id ita observari propter fraudem, quam legi Julæ, & Papia satis constat a testatore factam esse, quamvis sortita non esset eventum conditio. Fraudis enim interpretationem non ex eventu dumtaxat, sed ex consilio quoque desiderari.* Et idcirco non tunc solum legi fraudem fecisse videbatur testator, cum cœperat parere mulier conditioni, sed tunc etiam cum aperiebatur testamentum, solius consilii non eventus habita consideratione: cujusmodi considerationem fraudis interpretationi omnino convenire, testis est hac regula Papinianus, sumpta ex ejus libro Quæstionum 32.

#### LXXX. PAPINIANUS LIB. XXXIII. QUÆSTIONUM.

*In toto jure generi per speciem derogatur, & illud potissimum habetur quod ad speciem directum est.*

**F**UERUNT olim variz missionum militarium species. Erat enim justa missio, erat causaria, erat etiam ignominiosa, c. 2. §. 2. de his qui nor. infra. c. 13. §. 2. de re milit. Dicebaturque *bona missio*, auctore Macro, quæ tempore militia impleto dabatur: sive, ut eam Ulpianus desinit, quæ emeritis stipendiis vel ante ab Imperatore indulgebatur, d. cap. 2., & d. c. 13. Moris erat ut milites sacramento rogati in rempublicam jurarent, haberentque plenam militiam. Nam, ut Servius Honoratus ait, *viginti quinque*, aut, ut alii volunt, *viginti annis tenebantur vinculo militiae.* Et idcirco dubium non videtur quin impletum militiae tempus emeritaque stipendia ad hunc morem Macer, & Ulpianus retulerint. De quo tempore videtur etiam Modestinus sensisse cum ita scriberet: *Qui militiae tempus in defectione implevit, emerito privatur*, cap. 3. §. 3. de re milit. Nec alio spectat quod de militibus præmia, & missionem poscentibus scripsit in Augusto Svetonius. Solebant enim legitimo militiae tempore finito milites adumere nomen veteranorum, & missionem una cum emeritis præmiis postulare. Id quod sic de Tiberio scribens docet Svetonius: *Missiones veteranorum varissimas fecit, ex senio mortem, ex morte compendium captans.* Quibus & illud adjungi poterit quod adhuc modum idem Svetonius de Augusto refert: *Quicquid autem ubique militum esset, ad certam stipendorum præ-*

*præmiorumque formulam adstrinxit, definitis pro gradu cuiusque, & temporibus militiae, & commodis missionum, ne esset ætate, aut inopia post missionem sollicitari ad res novas possent. Eoque sensu emerita emeritorumque præmia accipere dicebantur veterani, cap. 3. §. 5., & cap. 5. §. 2. de re milit. Caterum causaria missio tunc dicebatur, inquit Macer, cum quis vitio animi vel corporis minus idoneus militiae remuniatur: vel, ut eam definit Ulpianus, causaria missio est, quæ propter valetudinem laboribus militiae solvis, cap. 4. de testam. milit. Eaque missio ita solet impetrari, ut is qui se morbo vellet excusare, militiam ejurare. Id enim fieri solere docet libro sexto Livius, his verbis: *Exacte jam ætatis Camillus erat, comitiisque jurare parato in verba excusanda valetudini solita, consensus populi resisterat.* Quibus consentaneum est illud Felli: *Ejuratio significat id quod desideratur non posse prestari.* Plautus: *Ejuravit militiam.* Et Cicero ad Atticum libro duodecimo: *Quod si eris durius, inquit, veniam, & ipse perpetuum morbum jurabo.* Nec arbitror hunc Ciceronis locum mendosum esse. Utrumque enim dixisse veteres reperio; jurare, & ejurare morbum: ut apud Varronem *jurare bonam copiam*, quod doctis vitiosum videtur. Est & tertia missionum species, cum quis propter delictum sacramento solvitur, eaque dicitur ignominiosa, d. cap. 13. §. 2. Solet illud etiam observari, ut iis qui iusta vel causaria missione soluti essent sacramento, annus concederetur missionis, cap. 17. §. 4. de testam. milit. cap. 7. de injusto rupt. irrit. test. Testamenta enim eorum qui ignominia causa missi erant, statim desinebant militari jure valere, tribuebaturque anni spatium eorum testamentis qui honestam, vel causariam missionem me-*

ruerant, cap. 21. & cap. 26. de testam. milit. Eumque annum, *militia annum* appellat Ulpianus, cap. 15. §. 4. d. tit. Hinc satis perspicuum est quid sibi libro Quæstionum trigesimo tertio voluerit Papinianus. Ait enim *mulierem quæ stupro cognita contubernio militis suis, etsi sacramento miles solutus intra annum mortem obierit, non admitti ad testamentum jure militiae factum*, cap. 14. de his quæ ut indig. Sensus autem est mulierem quam miles in contubernio habuit, hæredem jure militari institui posse; sique intra missionis annum mortuus fuerit miles, validum esse testamentum ejus jure militiae: idque generaliter sic olim in omnibus militum testamentis observatum fuisse. Et cum de ea militis ageretur contubernali quæ fuerat cognita stupro, non obstante hac privilegii militaris observatione generali, respondit Papinianus eam jure militiae ad testamentum non admitti, & id quod reliquum est ad fiscum pertinere, d. cap. 14. hanc eodem loco subjiciens rationem: *In toto enim jure generi per speciem derogatur, & illud possimum habetur quod ad speciem directum est.* Genus est jure militari scæminas contubernales hæredes instituire; species contubernalem stupro cognitam instituire hæredem. Genus iustum est, & licitum; species improba, ac prorsus injusta. Et quia novum non est in toto jure generi per speciem derogari (c. 41. de penis, c. 41. §. 3., & cap. 99. §. fin. de legat. 3.) idcirco non generis sed speciei solius sic voluit hoc loco haberi rationem Papinianus, ut illas involatæque genere, hæc improba species privilegio militari exueretur, eoque modo generi per speciem derogaretur. Atque ita quidem scripsit Quæstionum libro 33. Papinianus.



LXXXI. PAPINIANUS LIB. III.  
RESPONSORUM.

*Quæ dubitationis tollendæ causa contractibus inferuntur, juxta commune non cadunt.*

DE iis libro tertio responsorum inter alia scripsit Papinianus, qui de jure, quo conveniri fidejussores solent, dubitantes, ea inferi contractibus fecerunt, quæ cum jure communi certa essent, omnibusque nota, temere contractus instrumentis exprimebantur. Videturque quæsitum fuisse an juxta commune superfluis hujusmodi clausulis non læderetur, & respondisse Papinianum ea quæ dubitationis tollendæ causa contractibus inferuntur non lædere juxta commune, cap. 56. mandati, videlicet eo modo quo ex Pomponio Paulus refert, in pignoribus dandis adjici solere, ut quo minus pignus venisset vellem quum debitor redderet, idque supervacuum esse, quia ipso jure ita se res habet, etiam non adjecto eo, c. 9. de dist. pig. Diciturque ea ratione supervacuum, quia tradidit Seneca supervacuum esse in natura juxta impelli, de Benefic. lib. 4. cap. 17.

LXXXII. PAPINIANUS LIB. IX.  
RESPONSORUM.

*Donari videtur, quod nullo jure cogente conceditur.*

NON debere Pretorem pati donum, murus, operas imponi ei qui ex fideicommissi causa manumittitur, auctor est Valens, cap. 47. de oper. libert. Et idcirco si testator ita scripserit; CEREDONEM SERVUM MEUM MANU-

*Tom. I.*

MITTI VOLO, ITA UT OPERAS MANUMISSUS PROMITTAT, manumissus operas promittere non cogitur. Nam juri publico derogare non potuit qui fideicommissariam libertatem dedit; quod utique facit testator ille qui operas ex fideicommissi causa manumissus imponit, quemadmodum libro nono Responsorum testis est Papinianus, cap. 42. d. tit. Quid ergo si ex causa fideicommissi manumissus operas promiserit, an obligabitur? Certe in eum actionem dari negat Papinianus, d. cap. 42. Invitus enim publico jure, id est; jure civili nequit obligari, cap. 95. de legat. 1. Aliud est si cum sciret hujusmodi libertus id se recusare posse, obligari se nullo jure cogente passus fuerit. Siquidem hac specie non est inhibenda operarum petitio, quia donasse videtur. Id enim donari videtur quod nullo jure cogente conceditur, quemadmodum fideicommissorum libro sexto Valens, & lib. 9. Responsorum Papinianus definiverunt, d. cap. 42. & 47. cum cap. 29. de donat. cujus capituli 29. inscriptio vitiosa est.

LXXXIII. PAPINIANUS LIB. II.  
DEFINITIONUM.

*Non videtur rem amittere quibus propria non sunt.*

QUOTIES aut diffusa negotia sunt, aut dignitas, ætas, vel valetudo tutoris postulat actor decreto prætoris, aut procurator constitui solet. Actor quidem si pupillus infans, vel absens esset; procurator vero si præsens fari posset, cap. 24. de ad., & per. tut. §. fin. Instit. de curat. Et quia periculo tutoris actor decernebatur, dubitatum fuit sententia secundum actorem pronuntiata, actio judicari ad quem

quem transferretur, an ad pupillum, an vero ad tutorem. Papinianus lib. 2. Definitionum auctor est, ad pupillum eam transferri, non ad tutorem; quia si tutor ipse obtinuisset, utique sic transferretur: siquidem res controversa non tutoris sed pupilli propria fuit, c. 6. quand. ex fact. tut. Quo sit ut nec eam videatur amittere tutor hujusmodi translatione. *Non enim videntur rem amittere quibus propria non fuit.* Simili ratione manumissus a filio voluntate patris non filii, sed patris libertus efficitur, cap. 22. de manumiss. Servus enim patris erat, non filii, ac proinde nec manumissione quicumque amittit filius. *Siquidem non videntur rem amittere quibus propria non fuit.* Ait enim Papinianus quamvis precarium heredem ignorantem non teneat, nec interdicto recte conveniatur; tamen id usurpare eum non posse quod defunctus non potuit, cap. 11. de divers. temp. præscript. Et quis precarium res defuncto propria non est, ac per consequens nec heredi esse res propria potest, certe non videbitur rem amittere hæres, si ab eo precarium auferri contigerit. *Non enim videntur rem amittere quibus propria non fuit;* auctore Papiniano Definitionum l. 2. ex quo libro hæ tres diversæ species una cum hac regula desumptæ sunt.

#### LXXXIV. PAULUS LIB. III. QUÆSTIONUM.

*Cum amplius solutum est quam debebatur, cujus pars non invenitur quæ repeti possit, totum esse indebitum intelligitur, manente pristina obligatione.*

**S**OLUTIONE extinguitur obligatio. In ejus enim locum rei solutæ dominium surrogatur, cap. 4. de public. in rem act. Et idcirco quamdiu dominium rei solutæ translatum non est,

utique nec obligatio videri extincta potest. Proinde si cum centum deberes, ducentos nummos solveris, quia centum qui in obligatione fuit, sine incommodo ab aliis qui non debentur, centum nummis possunt separari, certe solutioni centum inservient, extinguuntque obligationem, & reliqui centum, ut indebiti, condicentur, cap. 26. §. 5. de condict. indeb. Aliud est si centum debens, quasi ducenta deberem, fundum solverim ducentorum. Hæc enim specie competere repetitionem fundi totius, pristina manente obligatione, auctor est Marcellus, d. cap. 26. §. 4. Ideo non extinguitur obligatio quia hujusmodi solutione dominium rei solutæ non transfertur in creditorem; siquidem totum esse indebitum censetur. Non enim fieri potest ex falsa debiti quantitate consusio partis alicujus rei cum pecunia, d. §. 4. Et idcirco incerta fundi portio loco pecuniæ recte in solutum dari a debitore sine sponte sua non solebat. *Non enim ad communionem compellitur invitatus, d. §. 4.* Nescio an etiam hac specie admittenda sit differentia interesse putantium, idipsum quod solutum est, an tantundem repetatur. Ut si quidem tantundem fuerit repetitum, extincta videri obligatio possit; sin idem, utique non videatur extincta. In ea autem sententia omnino videtur Marcianus fuisse, cap. 25. de præscript. verb. quam tamen in fisci causa non admisit Julius Paulus lib. 3. Quæstionum, ex quo hæc regula desumpta est; c. 21. de jure fisci.

#### AD §. IS NATURA DEBET.

*Is natura debet, quem jure gentium datus oportet, cujus fidem sequuti sumus.*

Post Tuberonem inter prudentes juris maximæ auctoritatis fuerat, inquit

quit Pomponius, Atejus Capito, & Antistius Labeo. Capito in iis quæ ei tradita erant perseverabat; Labeo, ingenii qualitate, & fiducia doctrinæ plurima innovabat. Atque ita hi duo primum velut diversas sectas fecerunt. Capitonis sectæ principes fuerunt Mafurius Sabinus, C. Cassius Longinus, Celsus Sabinus, Priscus Jabolenus, Aburnius Valens, Tuscianus, Salvius Julianus; Labeonis, Nerva pater, Proculus, Nerva filius, Longinus, Pegasus, Celsus pater, Celsus filius, Neratius Priscus. Capitonis sectatores a Cajo Cassio Cassiani, & a Sabino appellati sunt Sabiniani, Labeonia vero, Proculejani, vel Proculeii a Procule, & a Pego Pegasiani. Eoque sensu Cassianæ scholæ meminit Plinius Epistol. lib. 7. sic Geminio suo scribens: *Lector etiam quod domus aliquando C. Cassii hujus, qui Cassianæ scholæ princeps, & pateris fuit serviet domino non minori.* Et hi quidem diversæ sectæ auctores non ita præceptoribus additi erant, quin ab eorum traditionibus nonnunquam recederent. Id enim Jaboleno videmus accidisse, qui cum Sabinianus esset, Labeonis tamen diversæ sectæ principis sententiam probat, cap. 2. §. 14. de hæred. vel act. vendita. Accidit id ipsum etiam Juliano. Is enim Sabinianus erat, & nihilominus a Sabini sententia interdum recessit, cap. 11. de in diem addicti. Sic Celsus Proculejanæ scholæ defensor acerrimus, nonne Labeonis interdum recessit, & Sabini sententias laudat? capite 13. d. tit. Eaque de causa Proculeii, & Sabiniani dicti videntur, qui non quidem in omnibus, sed in plerisque juris controversi articulis; Sabinianæ, aut Proculejanæ scholæ definitionibus acquiescebant. Inter illos articulos numerari solet, obligatio naturalis. Proculejani enim eam ad jus

illud naturæ videntur retulisse, quod omni humano generi est innatum; Sabiniani, ad nudum jus gentium. Eaque ratio est, cur scripserint Neratius, & Rufinus, *pupillum nec natura debere*, cap. 41. de condict. indeh. cap. 59. de oblig. & act. quem tamen sine tutoris auctoritate obligari naturaliter Ulpianus, Paulus, Scævola, & Papinianus testantur, cap. 1. de novat. c. 127. de verb. oblig. cap. 21. in princ. ad leg. Falcid. cap. 25. quando dies legat. Erat enim Neratius Proculejanus, & ob id scholæ suæ traditiones secutus negavit propter ætatis imbecillitatem natura æquum esse pupillum obligari; quem contra Ulpianus, Scævola, & Papinianus contendunt obligari naturaliter iure gentium posse, Sabinianos secuti. Iure gentium enim obligationes sunt introductæ nulla personarum, nulla ætatis, sed rei solius quæ obligatur habita ratione. Proinde si quid in bonis habuerit servus, aut pupillus, Sabinianis quidem obligari posse dicentur naturaliter, solam obligationis, quæ juris gentium est, originem intuentibus; Proculejani vero non omnino videbuntur obligari naturaliter non tam jus gentium nudum, quam æquitatem naturalem expendentibus. Idque illud esse omnino videtur quod Ulpianus sibi voluit, cum scriberet, *si filiusfamilias, vel servus pro aliquo fidejusserint, tractatum fuisse an sit de peculio actio; & Celsum definivisse, causam fidejubendi spectandam esse*, cap. 3. §. 3. de peculio. Quia enim Proculejanum constat Celsum fuisse, certe verisimile videtur hanc quæstionem inter Sabinianos, & Proculejanos tractatam fuisse, & cum Sabiniani contenderent nudum jus gentium inspicendum esse, obtinuisse Celsum, hoc est, Proculejanos non factum, sive jus gentium nudum (ita enim factum accipit Ulpianus, c. 41. de pecu-

lio.) *sed causam sive naturam esse, inspicendam*; & per causam, naturalem iusti debiti causam eundem Celsum intellexisse. Eamque causam naturam appellari, ex eo patet; quod *natura operas deberi* scripserit Ulpianus, cap. 26. §. 12. de condiçt. indeb. Per naturam enim causam obligationis operarum naturalem eo modo intellexit Ulpianus, quo ex Neratio pupillum ostendimus natura non obligari, quo item Ulpianus ait, *ad remunerandum naturaliter aliquem obligari*, cap. 41. de condiçt. indeb. cap. 25. §. 8. de petit. hæredit. Hujus loci, & illud est quod ait Ulpianus: *Nerva filio, & sibi videri ex compromisso servi non dandam esse de peculio actionem*; cap. 3. §. 6. de pecul. Inter Sabinianos enim, & Proculejanos hac de re fuit agitatum; & Sabinianis videtur placuisse de peculio actionem dari; Proculejanis, non dari: illis quidem nudum jus gentium, sive factum nudum; his vero æquitatis vinculum sive obligationis causam urgentibus. Si nudum respexeris gentium jus, certe cum Sabinianis recte dices, dandam de peculio actionem. Peculium enim hac specie substantia est quæ concurrat cum consensu; iisque duobus simul concurrentibus locus esse obligationi juris gentium solet; & sic per consequens naturali obligationi; quia nihil aliud Sabinianis quibusdam est naturalis obligatio, quam obligatio juris gentium, cap. 1. Locati, cap. ult. de act. empt. Si causam respexeris obligationis hujusmodi naturalis, certe nihil minus quam de peculio dandam esse actionem cum Proculejanis hac specie concesseris. Obligationis enim causa compromissi causa est; quæ causa tam gentium quam civili jure in servum non cadit. Et quia sine causa nullam omnino obligationem voluerunt subsistere Proculeii; mirum non

est, eisdem contra Sabinianos definiisse, ex compromisso servi non dandam esse peculio actionem, idque Nervæ qui Proculejanus erat, placuisse, d. §. 6. Quod ipsum in novationibus interventu servi factis, etiam Juliano visum fuit. Licet enim ille Sabinianus esset, in hoc tamen Proculejanis omnino subscripsit, causam obligationis justam non factum nudum expendentibus, cap. 30. §. 1. de pactis. Eadem quoque ratione videntur Proculejani, quibusdam ex Sabinianis dissentientibus definiisse, ex jurejurando quod servus obtulit auctori in dominum de peculio actionem non dari, cap. 22. de jurejurand. Ex hujusmodi enim jurisjurandi delatione, si nudum respexeris factum, nascitur actio de peculio; si causam obligationis justam, evanescit eadem actio. Causam hujusmodi omnes fere Proculejani semper examinant, ad quam non respicit schola Sabiniana. Et quamvis hæc ita diversa sint, in eo tamen videntur cum Sabinianis Proculeii convenire, quod servus, qui nullum peculium habet, non possit fidejubendo naturaliter obligari, cap. 19., & cap. 20. de fidejussoribus. Non enim rerum natura patitur, ut re, & persona deficientibus aliqua subsistere possit obligatio. Persona servilis omni exempta est personali obligationi; ea enim sui juris non est. Jam si nec peculium habuerit servus, quinam quæso poterit fieri, ut hujusmodi servus naturaliter obligetur? Hæc si vera sunt, mirum igitur non est. Jabolenum, & Julianum, qui Sabiniani erant, cum Cello diversæ scholæ sectatore in hac specie omnino consentire, d. cap. 19. d. cap. 20., & cap. 3. §. de pecul. Cæterum composito Juliani industria, & auctoritate Hadriani Imperatoris proposito perpetuo edito, diversæ scholæ sectatores esse tandem

dem defierunt: adeo quidem ut Papinianus, Paulus, Ulpianus, Cajus, & alii qui deinceps sublequebantur prudentes juris, nullius omnino sectæ ex professo nomen darent, sed interdum Sabinianorum, interdum etiam Proculianorum traditionibus acquiescerent; nonnunquam ab utraque schola recederent; nonnunquam utriusque sententias, licet diversas, speciebus tamen diversis accommodarent, eaque ratione sola factum est ut Papinianus, & Tryphonianus, fere semper ad naturalem obligationis causam, Proculianos secuti, obligationem retulerint naturalem, cap. 95. §. 3. de solut. cap. 64. de conduct. indebiti. Quo sensu scripsit etiam Pomponius, *nudam rationem non facere aliquem debitorem*, cap. 49. in fin. de pecul. Per nudam enim rationem, jus gentium nudum, sine ulla naturali causa, sine vinculo æquitatis, intelligit Pomponius. Paulus contra, & Marcianus, magis Sabinianorum sententiæ videtur acquiescere, c. 13. de conduct. indeb. cap. 11. de acq. rer. dom. cap. 25. de præscript. verb. cap. ult. de actionib. empt. Ulpianus denique modo ad naturalem æquitatis causam, modo ad jus gentium nudum, prout aut ad Sabinum, aut ad Proculum scriberet, naturalem retulit obligationem. Et id quidem ex eo patet evidentissime, quod ille sic ad Sabinum lib. 30. scripserit: *Etiam quod natura debetur, venit in compensationem*, cap. 6. de compensat. Dubium enim non est quin per naturam hoc in loco ex Sabinianæ sententiæ jus gentium intellexerit Ulpianus. Rursus cum scriberet idem Ulpianus, *eos quibus natura debetur non esse loco creditorum*, cap. 10. de verb. signif. nonne ex Proculianorum definitione per naturam causam aliquam intellexit naturalem a gentium, & civili jure separatam, ac separatam. Nam

si naturam cum Sabinianis hoc loco retuleris ad jus gentium, certe omnino erunt creditorum loco quibus natura debetur: siquidem id quod ita debetur, venit in compensationem, dict. cap. 6. quod utique non fieret existente credito nullo. Est enim compensatio debiti, & crediti inter se contributio, cap. 1. de compensat. Et sane interdum tam Sabinianos, quam Proculianos in definienda naturali obligatione secutum esse Ulpianum, adeo verum est, ut scripserit ille, naturales obligationes non eo solo æstimari, si actio aliqua earum nomine competit; videlicet, ut Sabiniani putant, jure gentium; verum etiam eo, si soluta pecunia repeti non possit; hoc est, si, ut contendunt Proculiani, aliqua naturalis existat causa, quæ licet a jure gentium remota sit, impediatur tamen soluti repetitio, c. 10. de oblig. & act. Et hæc cum ita se habeant, nunc quid de hac regula sentiendum sit, videmus. Paulus lib. 3. Questionem de vero debitore scripsit qui post litem contestatam manente adhuc iudicio solvebat; & ait hunc debitorem id quod ita solutum est repetere non posse, quia nec absolutus nec condemnatus repetere posset: siquidem vetus debitor est, si non civili, saltem gentium jure obligatus, & ideo licet absolutus esset, natura tamen debitor permanebat, cap. 48., & 49. de cond. indeb. Is enim natura debet, quem jure gentium dare oportet, cuius fidem secuti sumus; ut auctor est hæc regula idem Paulus ex ejus libro 3. Questionum desumpta. Atque ita naturalem obligationem ad jus gentium retulit Paulus Sabinianos eo modo secutus, quo scripsit Ulpianus debitum, vel natura sufficere ut constitui possit, cap. 1. §. 5. de constit. pec. Sic naturam videtur etiam accepisse Pompo-

nians,

nus, cap. fin. de aët. empti. Porro quemadmodum in obligatione naturali definienda, sic etiam in naturali possessione alienanda videntur a Proculejanis Sabiniani dissensisse, capite 12. de acq. rer. dom. Eaque de re latius hic differere, instituti nostri ratio non patitur: differemus autem suo loco, Deo favente, latissime.

#### LXXXV. PAULUS LIB. VI. QUÆSTIONUM.

*In ambiguis pro dotibus respondere melius est.*

CONSTANTE matrimonio dos in bonis mariti erat, & matrimonio per divortium soluto, cum sua causa recuperabatur. cap. 21. §. 4. ad municip. capite 81. pro socio. Eaque recuperatio, aut directa, aut utili actione fiebat. Directa quidem per ipsam mulierem quæ sui juris est, aut si patrem habeat, per patrem adjuncta persona filix, ut est apud Ulpianum tit. sexto; utili vero, per mulierem interdum, & interdum per patrem specie quadam singulari, & favorabili: directa, ordinario jure; utili extra ordinem, cap. 46., & cap. 59. solut. matrim. Si enim proponat avum matrem nepti quæ est in patris potestate dotem dedisse, & instrumento dotali stipulatum esse, divortio sine culpa mulieris facto, dotem omnem nepti, vel sibi restitui; mortuo avo, & divortio facto cui dices actionem competere, neptem an ejus patri, an vero hæredi avi materni? Nepti non videtur potuisse competere, alteri enim stipulari non potuit avus. Ergo nec suæ nepti potuit, multoque minus ejus patri. Quod cum ita est, hæredi stipulatoris actio competere

videtur. Certe si jus respexeris commune, & ordinarium, nihil dici verius poterit, quam hæredi avito directam competere dotis in hac specie repetitionem. Sed favore nuptiarum, & maxime propter affectionem personarum ad hoc decurri extra ordinem voluit libro sexto Quæstionum Paulus, ut permittatur nepti ne commodò dotis defraudetur, ex hac avita stipulatione utilis actio; ac si sibi aut illi dari stipulatus fuisset avus maternus: hanc subjiciens rationem, In ambiguis enim pro dotibus respondere melius est, d. cap. 45. cap. 70. de jure dot. nimirum quod reipublice intersit mulieres dotes salvas habere. Dotatas enim esse sœminas ad sobolem procreandam, replendamque liberis civitatem maxime necessarium est, cap. 1. soluto matrim. cap. 2. de jure dot. Hæc cum non intelligeret Duarenus, non recte exstimavit ideo utilem nepti hac specie dari, quod ejus patri directa competeret. Directam enim avito hæredi, non patri competere, evidenter demonstrat Julius Paulus, d. cap. 45.

#### AD §. NON EST NOVUM.

*Non est novum ut quæ semel utiliter constituta sunt, durent; licet ille casus extiterit, a quo initium capere non potuerunt.*

TRIA onera tutelæ præstant a quarta vacationem, §. item tria Instit. de excusat. tut. cap. 3. cap. 5., & cap. 31. de excusat. modo ex tribus nulla sit adfectata, modo nulla defunctorie suscepta sit, d. §. item tria, & cap. unico. C. qui no. tut. Affectare tutelam quid sit, vulgo notum est: quid autem sit defunctorie suscipere, audio ignorari; eaque ignorantia quibusdam

busdam videri locum emendandum. Sed frustra. Is enim suscipit tutelam defunctorie, qui data opera se alicujus tutorem simulat, cum tutor non sit, eamque dicis causa ad hoc administrat, ut hac simulatione a nova tutela excusetur. Diciturque defunctorie suscipere tutelam ea ratione; quia *matrem coerceri* scripsit Ulpianus, *qua filiis tutores post defunctorie data opera*, c. 2. §. 16. de SC. Tertul. Tres igitur tutelæ non adfectatæ non defunctorie susceptæ a quarta præstant vacationem. Et ideo tutor trium tutelarum onere gravatur, cui quarta offerebatur, recte solet excusari; eamque excusationem si negligeret, ac transferri ad se tutelam quartam solemniter decreto pateretur, postea volens excusari non audiebat. Non enim novum est, ut quæ de tutelis semel utiliter decreta sunt; durent, licet ille casus extiterit, a quo initium capere hujusmodi decreta non potuerunt. Nam si ante decretum se excusasset hujusmodi tutor, certe casus ille extitisset, a quo initium capere non potuisset quarta tutela. Et ita libro sexto Quæstionum, ex quo hæc regula sumpta est, scripsit Paulus, capite 31. circa princip. de excusat. Eaque vera est sententia hujus regulæ.

#### AD §. QUOTIES ÆQUITATEM.

*Quoties æquitatem desiderii, naturalis ratio, aut dubitatio juris moratur, iustis decretis res temperanda est.*

EST, & hic §. ex Pauli libro sexto Quæstionum; illi haud dubie responso applicandus, quo tradidit idem Paulus, recte factum prætorem, si etiam unam suam sufficere crediderit, si tam diffusa, & negotiosa sit, ut pro pluribus cedat; cap. 31. §. 2. de excu-

sat. Quamobrem si tutor hujusmodi tutela gravatus, a secunda velit excusari, quia naturalis ratio, & dubitatio juris hujusmodi desiderii morantur æquitatem, censet Paulus rem omnem iustis decretis temperandam esse. Ad dubitationem juris referenda sunt tres tutelæ non adfectatæ; quæ solæ videntur præstare jure communi vacationem. Cum hac juris dubitatione, concurret ratio naturalis, quæ æquum omnino videtur unam, aut alteram tutelam negotiosam loco trium aliarum tutelarum censi. Atque ita ratio naturalis cum dubitatione juris concurrens, desiderii tutoris excusari postulantis æquitatem moratur. Et ideo cum dubitaretur quid agendum esset, respondit Paulus: *cum rem iustis decretis temperandum esse*, hoc est rem illam prætoris tutelarum ejusque consilii arbitrio esse relinquendam. Qui quidem prætor non pupillorum dumtaxat numerum, sed difficultatem etiam consiciendarum rationum considerabit, eaque consideratione fratres consortes plurium loco non habebantur; neque rursus plurium loco habebantur pupilli, qui cum fratres non sint, idem tamen patrimonium habeant, & ita quoque consortes sunt, si ratio administrationis pariter reddenda sit, d. cap. 31. in fine Festus auctor est, *fortem patrimonium significare, indeque consortis dici*; satis indicans eos consortes appellari, qui pro indiviso commune aliquod patrimonium habent, nec referre, fratres sint, propinqui, an extranei. Inter hos enim omnes esse potuit consorsio locus. Ac de fratribus quidem illud argumento est quod ait Svetonius: *Vespasianum a primo imperii die fratrem suum consortem successorem testari persequerasse*. Sardonius Apollinaris Epist. lib. 4. *Non est cur dicere incipias; habeo consortes,*

rec.

*nequid celebrata diviso est, avarius constat me esse tractatum, quanquam cohæredis frater, & soror sub annis adduc tutelariis agant.* Testis est etiam Tertullianus cohæredes omnes esse consortes posse. Sic enim de resurrectione carnis scribit: *Caro dum ministra, & famula animæ deputatur, consort, & cohæres invenitur.* Eoque pertinet hæc inscriptionis antiquæ clausula; Q. DOMITIUS ADJUTOR HÆRES CONSORTI SUO BENE MER. FECIT ET SIBI POSTERISQUE SUIS. Scripsit quoque in Tiberio Svetonius: *Titum Tatium Romuli fuisse consortem.* Nec aliud est quod in Declamatione quadam cui titulus est, *Murtati socius*, ait ita Quintilianus: *Consortes enim potest facere casus.* Nam his verbis demonstrat Quintilianus evidenter eos qui casu in patrimonium aliquid incidunt pro indiviso commune, sive fratres, sive propinqui, sive etiam extranei sint, recte consortes dici. Consortioni disortiones contrariæ sunt. Siquidem *disortiones*, auctore Festo, *divisiones dicuntur patrimonium inter consortes.* Solentque *ita fieri disortiones, ut imprimis coerceretur commune patrimonium, ac deinde ciceretur.* Idem enim his verbis: ERCTUM CITUMQUE, *legum Rom. tabulis contineri, & in iis erctum a coercendo, citum a ciendo dictum esse, testatur idem Festus.* Eoque accedere videtur illud Servii in 8. *Æneidos: Vi est in jure ERCTO NON CITO, id est, patrimonio, vel hereditate coercita, non divisa.* Ita enim arbitror eum locum ex Festo supplendum esse. Siquidem ante coerceri subductis examinatisque singulorum consortium rationibus, hereditatem oportebat, quam en ciceretur, hoc est, in certas justasque portiones divideretur. Hæc de consortibus, quibus Pauli responsum, cui hæc regulam applicandam

esse diximus, mirum in modum illustratur, d. cap. 31. in fin.

#### LXXXVI. PAULUS LIB. VII. QUÆSTIONUM.

*Non solet deterior conditio fieri eorum qui litem contestati sunt, quam si non, sed plerumque melior.*

**L**ITIS contestatione domini litis constituuntur actor, & reus, & cap. 1. C. de sentent. & interloc. omn. jud. cap. 76. de procurat. Eaque ratione *non solet deterior conditio fieri eorum qui litem contestati sunt, quam si non essent, sed plerumque melior, adeo quidem ut fructus, quorum ante litem contestationem nulla solet haberi ratio, post acceptum judicium ex aequitate præstandos esse putaverint Sabinus, & Cassius, cap. 28. §. 4. de usuris.* Si enim reus, & actor litis domini sunt, utrique, & eorum quoque fructuum videntur quodammodo domini esse, qui ex re litigiosa post contestationem litis provenerunt. Simili modo in rem suam procuratorem datum, post litis contestationem, si vice mutua conveniatur, aequitate compensationis uti posse auctor est Papinianus, cap. 18. de compensat. Ait enim Macer procuratorem litem contestata dominum litis effici, capit. 1. §. fin. de appellat. c. 1. §. 8. quando appell. Nec alia ratione pretii, vel rei electio servatur ei, qui prior de legato litem contestatus est; quam quod prior eo ex omnibus legatariis nemo litris dominus factus sit, capitulo trigésimo tertio in fin. de leg. 1. Atque ita quidem eorum qui litem contestati sunt, plerumque melior esse conditio solet. Recte addidit Paulus *plerumque.* Interdum enim accidere potuit, ut li-

tem



tem contestantis conditio redderetur deterior, vel culpa ipsius contestantis, vel etiam negligentia, culpa quidem, si causa pendente supplicaverit, c. 2. C. ut lite pendente, negligentia vero, si noxali iudicio provocatus litem potius servi communis nomine contestari maluerit, quam ante iudicium acceptum parte sua cedendo securitatem consequi, cap. 8. de noxalib. act. Et quamvis litis contestatione actor, & reus constituantur domini litis, neque tamen actor rei litigiosæ dominus dici potest, neque etiam reus. Siquidem dominium illud in suspensio est, & aliter in bonis esse alicujus non intelligitur, quam iudicis pronuntiatione lite secundum actorem, vel secundum reum data, cap. 3. in fin. de public. in rem act. Et idcirco in sacrum dedicari non potuit, res de qua controversia est, c. fin. de litig. Nam in *manumissione sacrorum causa dici consuevit*, inquit Festus, PURI, PROB. PROFANI, SUI AURI. Non potuit etiam res litigiosa venundari, cap. 1. de litig. Ne videlicet eo modo duarum adversarii conditionem facere liceat, capite 2. d. tituli. Qui rem litigiosam in sacrum dedicat, dupli poenam pati dicitur, cap. ultim. d. tit. Quod ipsum de eo etiam dicendum suspicor, qui rem vendit litigiosam. Ita tamen ut litigiosa in sacrum dedicata, duplum non fisco præstetur, sed adversario, d. cap. ult., & contra litigiosa re venundata, non adversario; sed fisco acquiri duplum solet. Idque illud esse omnino videtur, quod ait Callistratus, *nuntiationem ad fiscum fieri solere, si rumor esset rem litigiosam venundari*, cap. 1. de jure fisci.

## LXXXVII. PAULUS LIB. XIII. QUÆSTIONUM.

*Nemo enim in persequendo deteriorem causam, sed meliorem facit: Denique post litem contestatam hæredi quoque prospiceretur, & hæres tenetur ex omnibus causis,*

ULPIANUS auctor est semel lite contestata injuriam actionem etiam ad successores pertinere, quæ aliqui nec hæredi, nec in hæredem dari consuevit, cap. 13. in princ. de injuriis, cap. 111; hoc tit. diversitatis ratio non alia est, quam quod defunctus litem contestans injuriarum, efficeretur dominus litis. Et quia hæres in jus defuncti succedit universum, certe consequens etiam est ejus litis dominum censeretur hæres, cuius defunctus dominus fuit. Eaque ratio hæres, ut ait Festus, *apud antiquos pro domino ponebatur*. Quod autem Paulus ait, *post litem contestatam hæredi prospici, & hæredem teneri ex omnibus causis*, ei prorsus consentaneum est illud Marciani: *Honoraria quoque actiones quæ intra certum tempus a prætoribus promittuntur, cum bonis actoris defuncto eo, augmentum rei decessionemve (si tales erunt ut in hæredem quoque transant) præstabunt*, cap. 32. in princ. ad l. Falc. Sensus enim est, actiones honorarias litis contestatione, vel alio modo in hæredem transeuntes, rei hæreditarias, & per consequens quartæ leg. Falcid. augmentum aut decessionem cum bonis reliquis præstare: augmentum quidem, si lis fuerit secundum hæredem data; decessionem vero, sive diminutionem, si contra hæredem fuerit iudicatum, & eoque sensu teneri hæres, hæredique prospici hac regula dicitur. Et quidem

dem adco vera sunt ac perspicua, ut satis mirari nequeam Govcano, P. Fabro, aliisque eruditis hominibus, hunc Mæciani locum vitiosum videri. Sed refellit eos dictio REI, quam illi ad reum ex præcedentibus referunt, cum hæreditariam vere pertineat. De rei enim alicujus augmento vel diminutione sensus omnino Mæcianus, qui diminui vel augeri hæreditas, & per consequens quarta Falc. posset, -lite aut secundum, aut adversus hæredem data.

#### LXXXVIII. SCÆVOLA LIB. V. QUÆSTIONUM.

*Nulla intelligitur mora ibi fieri,  
ubi nulla petitio est.*

**S**ABINIANOS videtur Scævola secutus esse Quæstionum lib. 5. Ait enim, *si pupillus sine tutoris auctoritate Sticbum promiserit, & fideiussorem dederit, propter moram pupilli fideiussorem non obligari, si post moram, a pupillo factam servus decedat; esse autem fideiussorem obligatum ad hoc, ut vivus homine possit ex stipulatu conveniri; vel etiam ex sua mora, si posteaquam conventus est, decesserit servus*, cap. 127. de verb. obligat. Hæc Scævola, satis manifestum faciens se Sabinianos sequi, naturaliter sine tutoris auctoritate pupillum obligari, contententes. Id enim nō ita esset, certe inutilis foret hac specie fideiussio, & ipso jure nulla, ac proinde nec conveniri potuisse hujusmodi fideiussor, quemadmodum Cajus, & Marcellus, apud Ulpianum expresse definiunt, Proculianorum sententia adversus Sabinianos in hac specie acquiescens, cap. 6. de verb. oblig. cap. 25., & cap. 70. §. 1. de fideiuss. Ait Scævola *si ser-*

*vus post moram a pupilli factam decedat, obligatione liberari fideiussorem; nullam enim intelligi moram ibi fieri, ubi nulla petitio est*, d. cap. 127. Aliud nihil in effectu volens quam multum intercesse; utrum mora facta sit ab ipso pupillo, an vero a fideiussore. Nam si pupillus in mora fuerit, illius moræ respectu non potuit fideiussor conveniri. Siquidem pupillus naturaliter dumtaxat est obligatus; eaque naturalis obligatio nullam parit jure civili petitionem, & per hoc nulla intelligitur mora per pupillum facta. Nulla enim mora ibi intelligitur facta, ubi nulla petitio est. Quod certe non diceretur, si pupillus civiliter esset obligatus. Tunc enim mora per pupillum facta fideiussori quoque noceret, cap. 88. de verb. obligat. Aliud est si fideiussor ipse conventus in mora fuerit. Obligatus enim civiliter, est ex stipulatu, ac per hoc petitioni etiam locus fit utiliter ex mora fideiussoris, cap. 32. in princ. de usuris. Cuiusbet enim civiliter obligato sua mora nocet jure civili; siue ea civilis obligatio conditionalis, & accessoria sit; siue etiam pura, & principalis, cap. 115. de verb. oblig. c. 5. C. de contrah. stipulat.

#### LXXXIX. PAULUS LIB. X. QUÆSTIONUM.

*Quamdiu possit valere testamentum,  
tamdiu legitimus non admittitur.*

**V**ALERE testamentum dicitur, quamdiu ex eo adiri hæreditas potest; nec ab intestato desertur hæreditas, hoc est, *legitimus admittitur*, quamdiu valere possit testamentum, cap. 29. de acq. hæred. Est, & illud cer.

eertum de inofficio testamento, aliis-  
que hereditariis causis centumviros  
cognovisse, cap. 13., & 17. de inoff.  
testam. cap. fi. C. de petit. hered.  
Hinc tractatum apud Paulum fuit li-  
bro 10. Quæstionum, si heres a Ti-  
tio institutus tanquam possessor, aut pos-  
sitor ejusdem hereditatis damnaverim  
heredem meum, ut adversus legitimum  
Titii heredem judicium exerceat centum-  
virale, quidnam de effectu legati eodem  
testamento relicti sentiendum sit. Et ait  
quidem Paulus, ita demum utile vi-  
deri legatum si legitimus heres Titii  
malam causam habuerit: tamdiu enim  
valet testamentum; & quamdiu possit  
valere testamentum, tamdiu legitimum  
non admitti, & per consequens utilia  
legata esse. In bona enim heredis le-  
gitimi causa nihil videtur esse in le-  
gato. Atque ita quidem libro 10.  
Quæstionum scripsit Paulus, cap. 30.  
de lib. legat.

# XC. PAULUS LIB. XV. QUÆSTIONUM.

*In omnibus quidem, maxime tamen  
in jure æquitas spectanda est.*

**I**N omnibus, inquit Paulus, maxime  
tamen in jure æquitas spectanda est:  
videlicet, quæ in causis paribus paria  
jura desiderat. Eam enim præcipuam  
esse æquitatis facultatem demonstrat  
in Topicis Cicero. Ait enim: *Valent  
æquitas quæ paribus in causis paria  
jura desiderat.* Et pro Cecinna: *Omnibus,*  
inquit, *in causis idem valebis  
in quibus perspicitur una atque eadem  
causa æquitas.* Et hoc inde ni fallor,  
quod nomen æquitatis interdum gene-  
ris loco poni solet, interdum non  
generis, sed speciei. Generis quidem  
loco ponitur cum ea in merum jus

gentium, præcepta civilia, & præcepta  
prætoris distribuitur, c. 31. depositi. At-  
que ita prætoris edictum, quo stricti ju-  
ris emendatur asperitas nonnullis aliter  
sentientibus recte appellari videtur  
æquitas scripta, justitiæ respectu, quæ  
scripta non est, c. 8. C. de Judiciis.  
Ait etiam Ulpianus, *edicti de pactis  
æquitatem naturalem esse*, cap. 1. de  
pactis. Edictum autem illud scriptum  
erat. Cur igitur negabimus aliquam  
inveniri æquitatem scriptam? Cæte-  
rum speciei loco sumitur æquitas cum  
in paribus causis exiguntur paria ju-  
ra. Et hujusmodi quidem æqui boni,  
quæ species, æquitas, æquitas judicis,  
ac nonnunquam par appellatur, c. 8.  
§. 6. mandati, c. 2. §. 3. de hæ-  
red. vel act. vend. c. 25. de legib.  
c. 32. de peculio c. 52. in fin. de  
pactis, c. 2. §. 5. de aqua, & aquæ  
plu. arc. Auctor est enim lib. 2. de  
Inventione Cicero, *quædam genera ju-  
ris certa consuetudine facta esse, veluti  
pactum, par, judicatum illudque par  
dici quod inter omnes æquabile est.*  
Quod ipsum a Lactantio quoque tra-  
ditum est lib. 5. cap. 15. his verbis:  
*Deus enim qui homines generat, &  
inspirat, omnes æquos, id est, pares  
esse voluit.* Et paulo post: *Ubi enim  
non sunt universis pares, æquitas non  
est, & excludit inæqualitas ipsa justiti-  
am.* Eoque sensu a jure in hac re-  
gula separatur æquitas, non aliter  
quam species a suo genere. Et ad  
hanc quidem æquitatis interpretatio-  
nem videtur etiam in eo edicto mo-  
nitorio prætor replexisse, cui titulus  
est: *QUOD QUIQUE JURIS IN AL-  
TERUM STATUERIT, UT IPSE EO-  
DEM JURE UTATUR.* Livius lib. 26.  
*Si quid injungere inferiori velis, id  
prius in te ac tuis, si ipse juris statueris,  
facilius omnes obediētes habebis.*  
Nec alio spectat quod ita Lampri-

dus de Alexandro scribit: *Clamabatque sepius quod a quibusdam suis Judæis, sive Christianis audierat, & tenebat, idque per præconem, cum aliquem emendaret; dici jubebat: QUOD TIBI NON VIS, ALTERI NE FÉCERIS.* Cujus sententiæ meminit etiam in sua Divinarum Institutionum epitome Lactantius.

## XC. PAULUS LIB. XVII. QUÆSTIONUM.

*Quoties duplici jure defertur alicui successio, repudiato novo jure, quod ante defertur, supererit vetus.*

**H**ÆREDITAS ad nos pertinet, aut vetere jure, aut novo: vetere, e lege 12. tabularum vel ex testamento quod jure factum est; novo jure sunt hæredes omnes qui ex SC. aut ex constitutionibus ad hæreditatem vocantur, c. 1. & c. 3. de petit. hæred. cap. 1. §. 7. ad SC. Tertul. c. 11. de suis, & legit. Est & illud certum edictum prætoris Orphitiano SC. antiquius esse. Siquidem SC. illud Antonino, & Commodio tribuit Ulpianus tit. 26. Hinc intelligimus quod libro Quæstionum 17. voluerit Paulus, cum scriberet, in metallum damnata mulieri, ac deinde a principe restituta, etiam cognationis jura restituta, videri, cap. ult. de sentent. pass. Id enim ad filii successionem pertinet, quem eadem mulier prius quam in metallum daretur; conceperat, & postea edidit, ac recuperato cognationis jure hæredem reliquit, d. cap. ult. Addiditque eodem loco Paulus, *hujusmodi filio duplici jure maternam deferri successionem, novo ac veteri: novo quidem, Orphitiano SC. veteri vero, prætoris beneficio; UNDE COGNATI.* Et cum dubitaretur repudiato novo jure, an

*veteri locus esset, respondit Paulus novum jus ante deferri, eoque repudiato vetus superesse: per novum jus haud dubie Senatusconsultum intelligens Orphitianum. Siquidem eo SC. liberi matris intestata, quæ in mariti manu non erat, præferuntur consanguineis, & agnatis in materna successione cum antea ipsis liberis in eadem successione agnati præferrentur, & consanguinei, auctore in fragmentis Ulpiano tit. 26. Diciturque ante deferre novum jus, eo quod Orphitiano Senatusconsulto primo gradu ad successionem maternam liberi admittantur, cum illi veteri jure a gradu primo excluderentur, & beneficio prætoris gradu dumtaxat cognatorum admitterentur, cap. 2. unde cognati. Atque ita quidem filius matris intestatæ, hæres proximus est Senatusconsulti Orphitiani jure novo; quod jus si repudiaverit filius, matris suæ consanguineis, & agnatis locum facit; iisque non extantibus, aut eandem successionem repudiantibus, rursus deferretur filio materna successio gradu cognatorum, d. cap. 2. Eoque sensu novo quod ante defertur, jure repudiato superesse in hac regula vetus dicitur.*

## XCII. SCÆVOLA LIB. V. RESPONSORUM.

*Si librarius in transcribendis stipulationis verbis errasset, nihil nocere quominus, & reus, & fidejussor teneantur.*

**S**TIPULATIONES alique contractus solent comprehendi, cap. 71. de evict. cap. 5. in fin. de auct. & conf. tut. cap. 1. §. 1. de edend. Quam formulam qui concipiebant, aut notarii erant, aut librarii: notarii quidem, si notis; libra

librarii si literis utarentur, cap. 1. §. 2. de variis, & extraord. cog. Augustinus de Doctrina Christiana libro 2. *Ex eo genere sunt nota, quas qui didicerunt, proprie jam notarii appellantur.* Illudque formularum concipiendarum officium civile, iis videtur solis exercere liberum fuisse, qui turbæ forensi adscripti erant, cap. 9. §. 1. de pœnis. Quemadmodum ex hac inscriptionis Nolanæ clausula licet suspicari, T. TACIENIUS FELIX AUGUSTALIS, SCRIBA LIBRARIUS ÆDILIS CURULIS, VIATOR ÆDILIS PLEBIS, ACCENSUS CONSULI. Est & alia quædam inscriptio vetus, id ipsum confirmans, quæ in Via Julia extare dicitur, his verbis concepta: HERCULI ET SILVANO SANCTO SACRUM, L. JUNIUS LYCO SCRIBA LIBRARIUS ÆDILIIUM CURULIUM D. D. Moris etiam erat, ut concepta formula transcriberetur, adjectis loco, die, & consule, c. 9. §. 1. de pœnis, c. 1. de edend. Huc spectat quod Ambrosius in Luc. libro 2. de tempore ortus Salvatoris disserens, sic ait: *Nam si consules adscribuntur tabulis emptionis, quanto magis redemptioni omnium debuit tempus adscribi? Habet ergo omnia que in contractibus esse consueverunt, vocabulum summam illic potestatem gerentis, diem, locum, causam, testes quoque adhibere solent.* Concepta formula, authenticum dicebatur, transscripta, index vel exemplum: index quidem, si res gesta breviter enarraretur; exemplum vero, si plene & absolute transcriptum esset instrumentum; c. 2. de fide instrum. c. ult. testam. quemad. aper. Illud etiam solet observari, ut authenticum tabellionis manu signatum, in archio, quod Rome in atrio libertatis erat deponeretur, cap. 9. §. 1. de pœnis, videlicet ut si quando ejus intercidisset exemplum, esset unde peti posset, auctore Paulo sentent.

libro 4. tit. 6. Et idcirco mirum non est, reum & fideiussorem teneri, etiam si in transcribendis stipulationis verbis errasset librarius. Ex authentico enim, quod in grammatophylacio custodiebatur, veritas depromi poterat. Atque ita quidem non de authentico, sed de constructus alicujus exemplo accipendus videtur hic Scævola locus; eamque interpretationem omnino postulat transcribendi verbum. Sic enim pro Cluentio scripsit Cicero: *Ne lituris coargui posset, testamentum in alias tabulas transcriptum signis adulterius obsignavit.* Huc etiam spectat illud Senecæ controvers. libro 2. *Ego, inquit, distavi, Duplum dabo si manus non praderitis; librario una syllaba excidis non & scripsit, si praderitis.* Hæc ille.

### XIII. MÆCIANUS LIB. I. FIDEICOMMISSORUM.

*Filiusfamilias neque retinere, neque recuperare, neque adipisci possessionem rei pecularis videtur.*

**I**SIDORUS ait, peculium esse quod pater, vel dominus filium, vel servum pro suo jure tractare patitur: hoc est, quod filius, vel servus patris dominique permisso a rationibus dominicis paternisque habet separatam, c. 5. in fin. de peculio. Hæc peculii definitio etiam Senecæ nota fuit. Ait enim de benefic. libro 7. cap. 4. *Nunquid dubium est quin servus cum peculio domini sit? Dat tamen domino suo munus.* Non enim ideo nihil habet servus, quia non est habiturus si dominus illum habere noluerit; nec ideo non est munus, cum volens dedit, quia potuit eripi; etiam si noluisse. Et paulo post: *Omnia patris sunt quæ in librorum manu sunt.*

Quis

*Quis tamen nescit donare aliquid, & filium patri: Hæc Seneca, liquido demonstrans id quod esse in peculio dicitur, in dominio non esse filiofamilias, nec ab eo civiliter possideri. Quod enim acquiritur filio, id protinus sic esse patri acquisitum censetur, ut ne momento quidem id quod ex causa peculiari questum est, intelligatur filius possidere, cap. 44. §. 4. de usurpat. cap. 4. de acquir. poss. cap. 13. de jure patronat. Eoque sensu auctor est hac regula Mæcianus, *filiumfamilias nec retinere, nec recuperare, nec etiam adipisci possessionem rei peculiaris, atque ideo patrem teneri de peculio ex contractu filii, non autem ipsum filium*, cap. 5. & cap. 44. de peculio. Si modo peculium illud castrense non fuerit, cap. 32. §. 6. pro socio, cap. 2. de contrah. empte. cap. 17. §. 1. ad municipalem. Auctor est enim idem Mæcianus, *castrense peculium a patris bonis separari, nec cogendum esse patrem propter æt alienum peculii castrensis nomine factum de peculio actionem pati*, cap. 18. §. 2. de cast. pec. Idque illud est quod his verbis exprimit eleganter Juvenalis sat. ult.*

*Solis præterea testandi militibus jus Vivo patre datus; nam quæ sunt*

*parta labore Militia, placuit non esse in corpore*

*consus*

*Omne tenet cujus regimen pater.*

Si filiusfamilias nullam rei peculiaris retineat, aut etiam adipiscatur possessionem, certe nec ullam patre mortuo intelligitur recuperare. Siquidem id demum recuperamus; quod semel amissimus. Proinde si frater a fratre cum in ejusdem patris essent potestate, pecuniam mutuatus post mortem patris solverit, questum fuit an repetitioni locus sit, cap. 38. de condiçt. indeb. Et quia nullam frater ille qui pecu-

niam fratri mutuam dedit, intelligitur peculii possessionem morte patris recuperare, sed potius ita peculium reliquis admisceri bonis paternis, ut iam illius quam aliarum rerum hæreditariarum frater censeatur fieri cum fratre consors (cap. 65. de rei vindic.) idcirco respondit Africanus pro ea parte repetitioni locum esse, quia hæres patri extriturus est frater ille qui sumptam vivo patre mutuam a fratre pecuniam solvit post patris mortem: pro ea vero parte qua frater cui solum est hæres extitit, ita repetiturum fratrem qui solvit, si non minus ex reliquo peculio suo ad fratrem cui solum est pervenisset, d. cap. 38. Atque ita recuperari nulli rei peculiaris possessio intelligitur.

#### XCIV. ULPIANUS LIB. II. FIDEICOMMISSORUM.

*Non solent quæ abundant vitiant scripturas.*

**Q**UEMADMODUM ex iis quæ supervacua sunt, nulla solet obligatio nasci, cap. 2. in princ. mandati, ita nec in testamentis quæ abundant, vitiant scripturas, cap. 17. cap. 34. de manumiss. testam. cap. 34. de hæred. instit. Eoque videri potest beatus Augustinus respexisse, de civitate Dei lib. 4. cap. 27. cum ita scriberet: *De supervacuis non magna causa est. Solet enim a viris peritis dici: Superflua non nocent.* Hæc Augustinus, regulam proferens Jurisconsulti familiarum. Et idcirco pro *viris peritis*, suspicor *juris peritis*, eo in loco reponendum esse. Similis error apud eundem Augustinum reperitur in Epist. quadam ad Macedonium his verbis: *Nec*

*Nec ideo sane frustra inlitus sunt potestas regis, vis gladii cognitoris, ungulae carnisus, arma militis. Dubium enim non est quin pro vis gladii cognitoris, omnino jus gladii cognitoris, hoc in loco legendum sit.*

iple conveniatur, an ejus procurator, quemadmodum pro P. Quintio docuit Cicero.

#### XCVI. MÆCIANUS LIB. XII. FIDEICOMMISSORUM.

*In ambiguis orationibus maxime sententia spectanda est ejus qui eas protulisset.*

#### XCv. ULPIANUS LIB. VI. FIDEICOMMISSORUM.

*Nemo dubitat solvendo videri eum qui defenditur.*

**F**IDEICOMMISSORUM libro 6. scripsit de petitione fideicommissi Ulpianus, & de hærede tractavit, qui satisfacere cogitur, ne mittatur adversarius in possessionem fideicommissi servandi causa, cap. 6. ut legat. seu fideicom. cap. 52. in fin. de judic. Hujusmodi decretis tunc esse locum addidit Ulpianus, cum nulla incidit de fideicommissis controversia. Nam si agente eo cui quid fideicommissum relatum est, idoneum constitueris hæres defensorem, in possessionem cessabit missio. Siquidem idoneus esse defensor nullus intelligitur, qui solitam non præstat satisfactionem JUDICATUM SOLVI, cap. 40. §. 2. de procurat. Eaque satisfactione hæres cum defenditur, esse intelligitur solvenda, & per consequens integra fideicommissi æque servatur causa, atque, si in possessionem missus esset adversarius. *Nemo enim dubitat, solvendo videri eum qui defenditur.* Nam alienæ litis idoneus defensor sine satisfactione nemo intelligitur, cap. 46. §. 2. de tit. Et hoc nimirum illud est quod ait idem Ulpianus, legatorum nomine in possessionem missum, si item eo nomine contestatus est, decedere cogi possessione, simul atque ei pro lite fuerit cautum, capite 5. §. 20. ut in poss. legat. Nec interest hæres

**H**ÆC conditio, FILIÆ MEÆ CUM NUPSERIT TANTUM DARI VOLO, ambiguum continet orationem. Nam si injuste semel nuptam, iterum nubere contingat legitime, an legato locus sit, dubitatur. Et quia in ambiguis orationibus maxime sententia spectanda est ejus qui eas protulit; idcirco respondit Ulpianus, si apparere possit de primo nuptiali jugo sensisse testatorem, conditionem defectam esse; sin minus, benigne dicendum non impletam conditionem defectam, cap. 10. de cond. & demonst. Simili modo si ita scriptum fuerit: TITIUS SI STATUAS IN MUNICIPIO POSUERIT, HÆRES ESTO, nihil ambiguitatis continet hæc oratio. Certe quod cuius non liceret statuas suo arbitrio in municipiis ponere. Et idcirco si eas non poneret hæres, eo quod locus non daretur, dubitabatur, an valeret institutio. Et tandem in eo videntur cum Sabinianis Proculejani convenisse, ut dicerent hæredem eum fore, cap. 14. de condiçl. & demonst. sententiam nimirum testatoris in ambiguis orationibus spectandam secuti, quæ talis fuisse videtur, ut vellet hæredem ponere statuas, si modo posset impetrare locum. Hujusmodi enim conditiones etiam non exprimantur, subintelligi tamen tacite solent; quemadmodum demonstrat eleganter Seneca de Benefic. libro quarto. Sane, in municipiis locum ponendis statu-

statuti a Duumviris, & decurionibus impetrari debuisse, non Pomponius solum, sed Paulus etiam expresse testatus est, d. cap. 14., & cap. 2. de loco publico fru. Extatque hac de re apud Fabricium, & P. Appium elegans decreti formula, cujus hæc est præcipua clausula: PLACERE HUIUS ORDINI AUCTORITATEM IN EAM REM ANTE HANC DIEM FACTAM, CONFIRMARI; PERMITTIQUE ANNIO ADJECTO LIBERTO EJUS STATUAM PONERE ANNIO MODESTO, LOCO ADSIGNATO A JUVIRIS NOSTRIS, QUO TESTATIOR SIT ERGA EUM AFFECTUS REIPUBLICÆ NOSTRÆ. Est & alia quædam inscriptio vetus huic consentanea, quæ Tarraconz in Hispania etiamnum extare dicitur, his verbis concepta: M. FABIO M. F. GAL. PAULLINO, EQUO PUBLICO DONATO AB IMPERATORE CÆS. HADRIANO AUG. ILLERDENSES CIVI OPTIMO OB FLURIMAS LIBERALITATES IN REMPUBLICAM SUAM LOCO A PROVINCIA IMPETRATO POSUERUNT. Atque ita quidem in orationibus testamentorum ambiguis ejus spectari sententia solet, qui eas protulit; hoc est, benigne interpretari solet testamentum ambigue scriptum, & secundum id quod est credibile esse cogitatum a testatore, cap. 24. de reb. dubiis. Nam, ut ait Plinius Epist. libro 4. religiosissime custodienda est defunctorum voluntas, quam bonis beneficiis intellexisse; pro jure est.

### XCVII. HERMOGENIANUS LIB. III. JURIS EPITOMARUM.

*Ea sola deportationis sententia aufert, quæ ad fiscum perveniunt.*

HERMOGENIANUS juris Epitoma-  
tum libro tertio de iis tracta-  
vit, quæ amitti deportationis sententia

solent. Et ait quidem, *sive patronus, sive libertus restituitur deportatus amissum recipi jus patronatus. Ea enim sola deportationis sententiam auferre quæ ad fiscum perveniunt*; quorum appellatio-  
ne non potest jus patronatus comprehendi, cap. 21. de jure patronat. cap. 3. §. 3. de bon. liber. Jus igitur patronatus licet amittatur deportatione, sententia tamen deportationis non aufertur. Amittitur enim deportatione quatenus vinculum est juris civilis civibus Romanis proprium; quatenus vero obsequium dicitur *verecundia* (ut est apud Papinianum cap. 41. de oper. libert.) per sententiam deportationis, exemplo patriæ potestatis, non aufertur. Eoque videri potest Plinius Epistol. lib. 10. respexisse, cum liberis cujusdam Chrysippi civitatem a Trajano ita petit, ut sint in patris potestate, utque iis in libertos servetur jus patronorum. Dubium enim non est, quin de eo patronatus jure senserit Plinius, quod solis Romanis civibus proprium erat jure Quiritium; non autem de eo, quod gentium jure ad nudum referebatur obsequium verecundia. Ejusque obsequii ratione scripsit etiam Ulpianus, *magis esse ut non extinguat servitus jus patronatus*, cap. 1. de sentent. pass. Referri etiam hæc regula potest ad jus consanguinitatis. Certum est eorum bona qui capitali judicio condemnantur, publicari. Nam male meritis publicæ, ut exemplo aliis ad deterrenda maleficia sit, etiam egestare laborare debet, capite 31. depositi. Eandemque cum parentibus calamitatem subire liberi intelligebantur, si non exilio aut morte, saltem bonis publicatis; quemadmodum auctor est libro Epistol. ad Brutum Cicero. Ait enim: *Nec vero me fugit quam sit acerbum parentum scelera filiorum poenis laci.* Sed hoc præclare legibus comparatum est,



*est, ut caritas liberorum amiores parentes Reipublica redderet. Hanc legum acerbiter nimirum nonnihil videtur Julius Cæsar mitigasse. Testatur enim Svetonius, parricidas, bonis omnibus; reliquos dimidia parte Cæsarem multasse. Eoque tandem res devenit, ut interdum omnia bona relinquerentur damnatorum liberis, interdum certæ portiones, ac nonnunquam etiam portiones incertæ id quod libro quodam singulari De portionibus quæ liberis damnatorum conceduntur, evidenter demonstrat Julius Paulus, c. 7. de bon. damnat. Hujusmodi portiones separari ab ea bonorum parte solent, quæ ad fiscum pertinebat. Et quamvis hæredes patri deportato non extarent liberi, quia tamen jus retinent inter se consanguinitatis, recte suas singuli consanguinitatis jure portiones ferent, non quidem ut hæredes, ut non ut liberi, sed *gradu legitimorum*, hoc est, ut consanguinei, & agnati ejusdem familiæ: quod utique non fieret, si patris deportati sententia, hujusmodi consanguinitas censeretur extincta. Cum igitur ea extincta non sit, & transire ad fiscum nequeat, certe nec liberis auferri per sententiam deportationis videtur. *Ea enim sola deportationis sententia liberis auferuntur, quæ ad fiscum perveniunt*, non alia; quemadmodum Epitomarum juris libro 3. ex quo hæc regula sumpta est, scripsit Hermogenianus, cap. 6. unde legitimi.*

XCVIII. HERMOGENIANUS LIB.  
IV. JURIS EPITOMARUM.

*Quoties utriusque causa lucri ratio vertitur, is præferendus est cujus in lucrum causa tempore præcedit.*

**H**ÆC regula ad vulgares quasdam legatorum, & fideicommissorum servandorum causa possessiones cautio-

Tom. I.

nesque omnino pertinet. De hujusmodi cautionibus, & possessionibus libro juris Epitomarum 4. Hermogenianus deservisse testis est epigraphe cap. 11. ut in poss. leg. Si ex causa fideicommissi apud aliquem esset hæreditas, nec legatorum fatiscaret, in possessionem adversus eum legatarius mitti solet, c. 3. ut legat. vel fideicom. Non quidem ut expellendi hæredem jure haberet, sed potius ut simul cum hærede possideret, & tandem tædio perpetuæ custodiæ extorqueret hæredi cautionem, cap. 5. in princ. ut in poss. legat. Et quia plures legatarii simul in possessionem poterant mitti, dubitatum fuit ex duobus legatariis quibus sub conditione legatum erat, in possessionem simul missis, uter præferendus sit, hoc est, uter prior possit legatum persequi. Respondit Epitomarum juris libro 4. Hermogenianus, eum esse præferendum, in cujus lucrum *justa legati petendi causa tempore præcedit*: hoc est, cujus conditio, sub qua legatum relatum est, prior impleta est; d. cap. 11. Idque dicendum esse addidit, generaliter quoties aliqua vertitur lucri ratio causa utriusque simul in possessionem missi; hoc est, quoties de lucro duorum queritur, qui simul in possessionem legatorum servandorum causa missi sunt. Solet enim vulgo dici: *Qui prior est tempore, potior est jure.*

XCIX. VENULEJUS LIB. XII.  
STIPULATIONUM.

*Non potest improbus videri, qui ignorat quantum solvere debeat.*

**Q**UI fidem violabat, non ignorans quantum deberet solvere, is appellari improbus solet, cap. 51. de re judic. c. 31. de rei vendic. certe quod in liris **X** more.

moretur assidue dolo malo. Festus enim auctor est, *ordinarium hominem dies solutum scurrum, & improbum, qui assidue in litibus moraretur. Siquē improbitatis hujusmodi nomine, aut a censore notatus, aut expressa lege judicisque promuntiatione damnatus esset, non improbus solum, sed etiam instabilis erat, ut est apud Gellium lib. 15. c. 13., & lib. 7. cap. 18.* Eoque sensu bellum enarrans Jugurthinum sic de Metello scripsit Salustius: *Improbis instabilisque videtur Metellus, postquam de rebus Vacca actis comperit.* Et tunc quidem nec ejus recipi, nec ei dici testimonium poterat, cap. 26. de testamentis. c. 21. de testibus. Porro, quem Jurisconsulti improbum vocant, ac instabilem, cum instabilem, & sacrum appellat Horatius ferm. lib. 2. Satyr. 3. his verbis: *Instabilis, & sacer esto: non ignoans hominem malum, & improbum veteribus sacrum dici; quem admodum a Festo traditum est de verb. sign. lib. 16.*

### C. CAJUS LIB. I. REGULARUM.

*Omnia quæ jure contrahuntur, contrario jure pereunt.*

**O**BIGATIONIS solutio contra est. Eoque spectare videtur illud Terentii in Adelphis: *Ego ad forum ibo ut hunc absolvam: id est, inquit Donatus, ad forum ibo ut hunc reddito illi pretio dimittam; nam veluti ligati sunt quibus debetur aliquid, & qui aliquid debent, & idcirco qui debitam pecuniam reddunt, solvi dicuntur; etiam si non pecunia numerata, sed verbis, aut nudo consensu fieri contigerit liberationem. Quod enim verbis contractum est, verbis tolli posse testis est Ulpianus, cap. 35. hoc tit. cap. 8. §. 2.*

de acceptilat. Siquidem omnia quæ jure contrahuntur, contrario jure pereunt. Idque illud est quod Seneca de Benefic. libro 6. cap. 5. ita scribit: *Pecuniam dicimus reddidisse, quamvis numeravimus pro argentis, aureos, quamvis non intervenient nummi, sed delegatione, & verbis perfecta solutio fit.*

### CI. PAULUS LIB. SINGULARI DE COGNITIONIBUS.

*Ubi lex duorum mensum facit mentionem, & qui sexagesimo, & prima die veneris audiendus est: ita enim Imperator Antoninus, cum divo Patre suo rescripsit.*

**E**XTANT Pauli responsi quædam sub hac Epigraphe: *PAULUS Imperialis sententiarum in cognitionibus prolatarum, sive Decretorum ex libris sex libro primo; cap. ult. de jure patron. c. 41. famil. erciscund. cap. ult. de hæredib. inst. Et quia singularem quandam De cognitionibus, & alium De jure singulari librum singularem scripsit idem Paulus; certe dubium non videtur, quin hæc tria, Decretum, Cognitionis, & Jus singulare, diversa sint. Nec mirum. Quædam enim juris esse dicuntur ordinarii, quædam juris singularis, & quædam denique cognitionis. Ordinarii juris ea sunt quæ a Magistratibus, vel a Principe decernuntur secundum tenorem, & ordinem juris. Ad singulare jus ea referuntur quæ contra jus ordinarium æquitate non dissuadente, favorabiliter recepta sunt, c. 33. §. 1. de acq. poss. cap. 44. §. 3. de usurp. c. 23. §. 3. de fideicom. libert. Et denique cognitionis ea dicuntur esse, quæ supra ordinarii juris dispositionem indulgentur principali rescripto, cap. 2. C. de in jus voc. cap. 1. de*

de constit. princip. Cujus generis est civilium publicorumque munerum vacatio, legitimi temporis prorogatio, inducie genis creditoribus concessæ, & sic deinceps; de quibus Paulum libro singulari De eo cognitionibus tractasse, partim ex hac regula manifestum est, partim ex epigraphæ capitulis ult. de excusat., & cap. 5. de veter. Nec alio spectat quod Symmachus Epist. lib. 1. sic ad Imperatorem Theodosium scribit: *Sed multis provocacionibus; variisque tracta judiciis intra metas justis temporis nequivit exequi propositas actiones. Ut res monebat amissum beneficium remedio integravit supplicationis. Sed idem mulierem casus, etiam rescripti humanitate fraudavit.* Hæc Symmachus, id haud dubie appellans supplicationem, quod ad cognitionem Paulus refert, non quidem causæ, litis, sive controversiæ, sed solius supplicis libelli. Ita enim a decretis quæ causæ requirunt cognitionem cerni principalia cognitionis rescripta solent. Eaque etiam ratione cum libellorum magistro sacrarum cognitionum magister jungitur in quadam inscriptione quæ ad ædem D. Lucie Romæ etiamnum extare dicitur, his verbis: *DIS MAGNIS MATRIDEUM ET ATTIDI SEXTILIUS AGESILAUS ÆDESIVS V. C. CAUSARUM NON IGNOBILIS AFRICANI TRIBUNALIS ORATOR, ET IN CONSISTORIO PRINCIPUM, ITEM MAGISTER LIBELLORUM ET COGNITIONUM SACRARUM, MAGISTER EPISTOLARUM MAGISTER MEMORIÆ.* Eoque etiam referri poterit illud Arnobii in Plal. 123. *Pium est, ut judicem videas, ut causam defendas, ut libellum porrigas, preces effundas.* Hanc juris ordinarii, & cognitionis differentiam vehementer confirmat Svetonius ad hunc modum de Claudio scribens:

*Alium interpellatum ab adversariis de propria lite, negantemque cognitionis rem, sed ordinarii juris esse, agere causam confestim apud se coegit.* Sensus enim est, rem illam per libellum sola cognitione rescriptoque principali expediri non posse, sed in ea definienda ordinem juris sequendum esse, qui ordo auditis utrimque partibus causæ requirit sedulam examinationem. Eaque ratione ab in jus vocatione libelli oblationem sejungit Paulus, cap. 25. de in jus vocand. Nec alio sensu dicitur excusari non posse tutor per libellum, cap. 25. de excusat. Est enim excusatio tutoris non res cognitionis, sed ordinarii juris. Certum est mensibus duobus integros tribui dies sexaginta, cap. 30. ad leg. Jul. de adult. Et idcirco quod lex intra duos menses jubet fieri, ordinario jure intra dies sexaginta videtur faciendum, nisi tempus illud principali rescripto fuerit ampliatum. Unde perspicuum omnino est, quidnam hac regula voluerit Paulus, ex ejus libro singulari De cognitionibus sumpta. Nimirum aliud nihil quam tutorem agentem in provinciis, & excusare se volentem, *intra menses duos*, hoc est, dies sexaginta (triginta diebus intra quos fieri a magistratibus certior debebat, simul comprehensis, capite ultimo de tur., & curat dat.) id cum facere oportere. Et cum de eo quæreretur qui die sexagesimo primo venerat, an audiendus esset, respondit Paulus; jure quidem ordinario cum audiendum non esse, sed cognitionis jure utique audiendum: *Imperator enim Antoninus cum D. Patre suo quadam cognitiene generaliter rescripisset, ubi lex duorum mensium facit mentionem, qui sexagesimo primo die venerit, audiendum esse: illudque rescriptum legis vigorem habere, cap. 1. de constit. princip. Atque ita quidem non*

ordinario, non singulari, sed solo cognitionis jure duorum mensium appellatione dies comprehenditur sexagesimus primus. Quod cum Græci interpretes non intelligerent, frustra regulam hanc suspicati sunt vitiosam esse.

## CIL ULPIANUS LIB. I. AD EDICTUM.

*Qui vetante prætore fecit, hic adversus edictum fecisse proprie dicitur.*

**P**RINCIPES, Prætores, Præsides, alique Majores magistratus, & Duces belli cum quid palam jubebant, aut vetabant fieri, id facere solent edicto, quemadmodum in Nerone testatur Svetonius. Ait enim, *munus gladiatorum edidisse Neronem tanta sevitia, ut necesse fuerit Augusto, clam frustra monitus, edicto coercere.* Donatus etiam auctor est edictum prætoris dici, & Imperatoris; hunc explicans in Eunuchio Terentii locum: *Miles nunc adeo edico tibi, ne vim facias ullam in illam.* Cui consentaneum quoque est illud Svetonii de Augusto: *Nec post bella civilia, aut in concione, aut per edictum ullos militum commotiones appellabat, sed milites.* Nec alio sensu scripsit idem Svetonius: *Augustum edicto, se dominum vocari prohibuisse; eumque locis quibusdam invidiosis, aut petulantibus laceris, contradixisse edicto: equestrum ordinem a Caligula invitatum fuisse per edictum: viatores ne per Italia oppida nisi, aut pedibus, aut sella, aut lectica transirent, edicto monuisse Drum Claudium: & denique Aulum Velleium prætorianas cohortes uno edicto exanthorasse.* Sic & prætor si quid fieri juberet, aut vetaret, vii solet edicto; cap. 5. §. 4. cap. 16., & cap. 18. de novi operis nuntiat. Et

idcirco qui vetante prætore fecit; mirum non est cum adversus edictum fecisse proprie dici, d. cap. 16. Idque adeo verum est, ut mandata præsidis ad provinciales de ejus adventu missa, eadem prorurs ratione nomen etiam haberent edicti; cap. 4. §. 2. de offi. præsid. Eoque pertinet illud Livii 1.38. *Inde præmissis edicto, ut triduo post frangens senatus ad adem Bellone adesset, omni multitudine obviam effusa, ad urbem accessit.*

## AD §. EJUS EST.

*Ejus est actionem denegare, qui possit, & dare.*

**A**LTER liberum non erat ad agendum auctori procedere, quam si actionem impetrasset, cap. 6. in princ. de inoffic. testam. cap. 3. in princ. quod quisque juris, cap. 3. de sep. violato. Nam si actione denegata adversario molestus esse non desineret auctor, exceptione non impetrata actionis eo modo solet excludi, quo per rei judicata exceptionem repellebantur illi, qui de re judicis pronuntiatione semel definita novam rursus litem movere non verebantur. Atque hoc sensu de benefic. lib. 2. cap. 8. sic scripsit Seneca: *Ad judicem missus sum, ut impetrarem, causam dixi.* Per Judicem enim Prætozem, vel Præsidem intelligit Seneca, non Judicem, datum, d. c. 6. in princ. Nec alio spectat quod ait. 5. in C. Verr. ait Cicero: *C. Gallium senatorem a L. Metello, ut ex edicto suo judicium daret in Apronium, QUOD PER VIM AUT METUM ABSTULISSE, postulantem, non impetrasse.* Et quia imperante Diocletiano ordinaria judicium datio desit in usu esse, c. 2. C. de ped. judicib. certe, & ipsa quoque actionum impetratio per consequens

quens inutilis esse, & minus necessaria coepit. Quæ res in causa fuit, ut vulgarem non impetratæ actionis exceptionem sustulerint tandem Theodosius, & Valentinianus Imperatores, cap. 2. C. de for., & impet. act. sublat. Moris etiam erat, ut non a magistratibus aliis, quam qui jus haberent dandorum judicium actiones possent impetrari: quod quidem jus magistratus municipales non habebant. Et idcirco si ab his actio damni infecti nomine competens peteretur, actionem ita rejicere non poterant, ut dicerent actionem se denegare. Ejus enim est actionem denegare qui possit, & dare. Idque illud est quod scripsit ad edictum libro primo Ulpianus, *judicium damni infecti nomine competens certam habere conditionem: Si POSTULATUM FUERIT; & postulare proprie dici pro tribunali petere, non alibi*, capite 4. §. 6. de damno infecto.

### III. PAULUS LIB. I. AD EDITIONEM.

*Nemo de domo sua extrahi debet.*

**P**LERIQUE putaverunt nullum de domo sua in jus vocari licere, quia domus tutissimum cuique refugium est ac receptaculum, cap. 18. de in jus voc. cap. 28. de fideicom. libert. cap. 5. §. 2. de injur. Si modo nec aditum ad se præstaret, nec e publico conspiraretur, cap. 19. de in jus vocand. Aliter enim solemnī denuntiatione vocari in jus poterat, non tamen de domo sua invitus extrahi, cap. 4. §. 3. de dam. infecto, capitulo vigesimo primo de in jus voc. Nemo enim de domo sua extrahi debet. Qua de re scripsimus Protrib. lib. sing. cap. 3. Quintilianus lib. 7.

cap. 9. *Ex domo in jus educere non licet; extra tabernacula eduxit.*

### GIV. ULPIANUS LIB. II. AD EDITIONEM.

*Si in duabus actionibus alibi summa major, alibi infamia est, præponenda est causa existimationis. Ubi autem æquiparant famosa judicia, etsi summam imparem habeant, pro paribus accipienda sunt.*

**D**UAS actiones de una eademque re simul concurrere novum non est, ex quibus alteram contingit interdum famosam esse, alteram non, c. 14. §. de præf. verb. Sic cum actione injuriarum concurrat actio legis Aquiliæ, c. 5. §. 1. ad leg. Aquil. Sic etiam, qui hominem furripuit, & occidit, quia surripuit furti, quia occidit, lege Aquilia tenetur, c. 2. in princ. de privat. delictis. Sic denique cum actione bonæ fidei concurrere dicitur actio furti, cap. 45. pro socio. Et quia per alteram altera non tollitur, dubitatum fuit, utra præponi debuerit, an famosa, an vero ea quæ cum famosa non sit, majorem tamen summam continet, atque ita videtur præferenda, c. ult. C. de ord. cog. c. 54. de judic. Præsertim cum si scripserit in Lucam lib. 2. Beatus Ambrosius. *Non est tamen irrationabile ut minor cedat causa majori.* Respondit Ulpianus, præponendam esse causam existimationis velut majorem. Quia enim famoso judicio damnatum famosum esse dubium non est, certe, & illud quoque videtur esse rationi consentaneum, ut in hujusmodi speciebus primo loco dispiciatur de adversarii existimatione, tanquam de causa majore, cap. 5. de pœnis, cap. 5. de variis, & extraord. cog. Quod uti-

utique fieri non poterat, si duo famosa judicia simul concurrerent. Ea enim etiam si imparem summam contineant, pro paribus tamen accipienda sunt; quo fit, ut in arbitrio aëtoris sit utro velit experiri. Videlicet eo modo quo in aliis non famosis simul concurrentibus judiciis, esse hujusmodi electio penes aëctorem solet, cap. 14. de rei vind. cap. 10. §. 5. mandati.

---

CV. PAULUS LIB. I.  
AD EDICTUM.

*Ubiunque causæ cognitio est, ibi  
prætor desideratur.*

**J**URISDICTIONEM etiam in Italicis municipiis exercuisse Prætores urbanum, testis est Ulpianus, cap. 4. §. 3. de dam. inf. Est etiam Gellius auctor libro 10. cap. 3. majores populi Romani magistratus non ea solum quæ jurisdictionis erant, in municipiis Italicis facere potuisse, sed etiam quæ erant imperii. Quod ipsum ad Edictum libro primo videtur Paulus quoque tradidisse, & simul definitivisse, quid urbis, quid item Romæ appellatione contineatur, c. 2. de verbor. signific. Eodem enim lib. 1. scripsit Paulus: *Magistratibus municipalibus non permitti in integrum restituere, aut in possessionem mittere rei, vel dotis servanda, vel etiam servandorum legatorum causa*, cap. 26. ad municipal. Et idcirco a præside in provinciis, aut si vicinum urbi Romæ esset municipium, a prætore cognita causa in possessionem mitti solet non a magistratu municipal. d. cap. 4. §. 7. tum quod ea quæ magis imperii sunt quam jurisdictionis municipalis Magistratus facere non possit, d. cap. 26., & cap. 4. de juridict. tum etiam quod in possessionem

missio solemnem requirat causæ pro tribunali cognitionem sive decretum, cap. 4. §. 2. de damno infect. quo fit ut, & Prætoris requirat præsentiam. *Ubiunque enim solemnis causæ cognitio est, ibi Prætor desideratur.* Et hic quidem ad edictum lib. 1. scripsit Paulus. Idque adeo verum est, ut hac sola ratione nec dare nec denegare potuerit municipalis Magistratus actionem, cap. 4. §. 6. Non enim aliter dari actiones solent, quam causa solemniter cognita.

---

CVI. PAULUS LIB. II.  
AD EDICTUM.

*Libertas inæstimabilis res est.*

**M**ODESTINUS auctor est, liberum hominem non posse in stipulationem deduci, quia æstimatio ejus præstari non potest, cap. 103. de verb. oblig. Ea enim sola consistunt in obligatione, quæ pecunia lui præstarique possunt, cap. 9. §. penult. de statulib. Atque ita fit, ut nulla de corpore libero contrahatur obligatio. Nam libertas cum sit inæstimabilis, pecunia lui aut reparari nequit, d. §. penult. Et hoc est, quod ait titulo 2. Ulpianus, *pretii computationem pro libertate fieri non posse*; quodque Cajus scribit, *liberum corpus æstimationem non recipere*, capite 3. si quad. pauper. sec. dicat.

---

CVII. CAJUS LIB. I. AD  
EDICTUM PROVINCIALE.

*Cum servo nulla actio est.*

**S**I servus pactus fuerit ne ipse peteret, inutile pactum est, cap. 28. de pact. Cum servo enim actio non est.

est. Nam ut ait in Phormione Terentius.

*Servum hominem causam orare leges non sinit;*

*Neque testimonii deditio est.*

Quo sensu scripsit Ulpianus, *servum personam non esse que in jus vocari possit*, c. 3. ne quis eum qui in jus voc. est. Et quia lis nulla nobis esse potest cum iis quos in potestate habemus, præterquam ex castrensi peculio, cap. 4. de judic. hinc etiam videtur hæc regula sic accipi posse, quasi contenderit Cajus cum servo nostro nullam nobis actionem esse. Hæc enim duo exempla ex eodem Cui ad Edictum provinciale lib. 1. desumpta sunt, & huic regulæ omnino conveniunt.

#### CVIII. PAULUS LIB. IV. AD EDICTUM.

*Fere in omnibus pœnalibus judiciis, & ætati, & imprudentia succurritur.*

**S**I reus in jus vocatus sequi actorem nollet, liberum actori medio antestationis erat reum manu conserata in jus ducere, & si calveretur reus pedemve strueret, etiam ei collum torqueretur, eumque adstricta cervice in jus rapere. Id enim lege duodecim tabularum expresse contineri ex Gellio, Festo, & Porphyrione admonuimus aliquando, his verbis: **SI IN JUS VOCET, ATQUE EATENUS SI MORBUS ÆVITASVE VITIUM ESIT, JUMENTUM DATO; SI VOLES ARCEAM, NE STERNITO, SI VIS VOCATIONI, TESTAMINI; IGITUR EM CAPITO ANTESTARI, SI CALVITUR PEDEMVE STRUIT, MANUM ENDOJACITO.** Varro auctor est de Lingua Latina libro sexto,

*in multis verbis in quibus antiqui dicebant S, eos postea dixisse R, ut in carmine Saliorum Caluali, dolosi, esto. Et idcirco apud Gellium pro VITIUM ESSET, recte mihi videor reposuisse, VITIUM ESIT; non, ut alii volunt, VITIUM ESCIT. Atque ita quidem si vis fieret vocationi, locus erat antestationi, & manu conserata in jus ducebatur adversarius. Eoque visus est Hieronymus Epistolarum libro decimosesto respexisse, cum ait: *Conserata manu in jus vocas, & satyricum scriptorem in prosa arguis.* Et quia Livius libro tertio scribit: *Virginis filiam in jus fuisse vocatam auctoribus qui aderant*; videtur sane eo in loco antestationis mentio fieri, quam non ita dudum suis legum tabulis decemviri promulgaverant. Nec satis erat antestationis medio reos prehendi. Nam si calverentur, rapi in jus poterant oborto collo. Idque illud est quod apud Nonium sic ait Lucilius:*

*Si non it, capito inquit eum, & si calvitur, ergo*

*Fer dominum.*

Male vulgo legitur: *Ergo sur dominum.* Ut enim hunc locum emendemus, sensus, & antiqui juris ratio postulant, præsertim cum eodem loco illud quodammodo consentaneum sit, quod sic Juvenal. Sat. 10. scribit,

*Sed videant servi ne quis negat, & pavidum in jus*

*Cervicē adstricta dominum trahat.*

Nec alio spectat quod ita Hieronymus ait Epistol. libro 2. *Oborto collo me in jus trahis, ut aut probem quod nolo, aut multorum invidiam subeam.* Dixit Hieronymus oborto collo, pro eo quod apud Juvenalem est *cervicē adstricta*. Nam cui adstringebatur cervix, ei collum torqueri dicebatur; quemadmodum auctor est Livius libro quarto, his verbis: *Hoc decreto consul armatus*

*eum*

cum paucis appellans: *tribunum, colum torfisset, metum ceteri sacramento dixeret.* Sed quorum hæc? Nimirum ut intelligamus quidnam voluerit sibi hac regula Paulus. Et certum quidem est libro quarto ad Edictum ex quo hæc regula sumpta est de pœnalibus judiciis prætoris discessisse Paulum, ejusque generis esse illud iudicium pœnale quod averfus eos datur, qui parentem, aut patronum sine venia in jus vocant, cap. 9., & cap. 11. de in jus voc. Modestinus, & Ulpianus auctores sunt quinquaginta aureorum in eos iudicium dari, aut si inopia dinoscerentur laborare, a præfecto urbis eos castigari tanquam inofficiosos; cap. ultim., & cap. ultim. de in jus voc. Et quamvis non adiecerit Prætor se causa cognita huiusmodi pœnale iudicium daturum, nihilominus tamen benigna interpretatione esse poterat venia locus. Nam si pœniteret libertum, & actionem remitteret quam vel temerario quodam ætatis impetu, vel etiam imprudentia adversus patronum sine venia in jus vocatum instituire decreverat, aut si patronus vocatus non veniret, aut non invitus vocatus esset, Paulus ad Edictum libro quarto moderandam Prætoris jurisdictionem. Fere enim in omnibus pœnalibus judiciis ætati, & imprudentiæ succurri, cap. 11. d. tit. Et recte quidem addidit particulam *fere*. Nam si libertus patronum, aut filius patrem in jus vocasset invitum, quod fieri manu concessa, aut adstricta cervice solebat, in ea causa erant, ut nullam eorum ætas, aut imprudentia veniam mereretur, sed potius a præfecto urbi graviter essent puniendi. d. c. ult., & cap. 1. de obseq. par. & pat. præst. Nam ut ait eleganter Ulpianus, *liberto, & filio semper honesta, & sancta persona patris ac patroni videri debet, c. 9. d. tit. Ea-*

que ratio est cur scripserit Imperator Gordianus nec rusticitati hac in re veniam præberi, cap. 2. C. de in jus voc. eo nihil obstante, quod aliis edicti partibus succurri soleat rusticitati, cap. 7. de jurisd. cap. 2. si quis in jus vocat. Quod autem Paulus ait, ætati in omnibus pœnalibus judiciis fere succurri, id etiam ad publica, & criminalia iudicia referendum videtur. Sic videlicet ut impuberibus, & infantibus succurratur, puberibus vero non succurratur, cap. 10. d. quæstionibus, capite 1. C. si advers. delictum, cap. 37. de minorib. cap. 38. ad leg. Jul. de adulter. cap. 22. de in jus vocand. Prudentius *æpi capius* hymno decimo.

*Sinipus tyrannis sub pudore fluctans,  
Nec vim decebat innocenti atavula  
Inferre lege, nec loquens talia  
Furor sinebat effertus parcere.*

Esse autem in publicis judiciis aliquam imprudentiæ veniam, satis ea lege demonstrat Numa, quam ita de paricidis concepit: *SI QUIS HOMINEM LIBERUM DOLO SCIENS MORTI DUIT, PARICIDA ESTO*: per paricidam non utique eum qui parentem, sed eum qui hominem qualemcumque occidisset intelligens, auctore Festo libro 14. Vim ut opinor, legemque naturæ qua omnes homines pares sive æquales sunt, intuitus, cap. 32. hoc tit. Hanc Numæ legem videtur Sylla in ea lege secutus esse, quam de sicariis edidit, scientiam requirens, & dolum malum, cap. 7. ad leg. Cor. de sicar. videlicet eo sensu quo Declamat. libro quinto sic scripsit. Seneca: *Ex toto noluisse debet, qui imprudentia defenditur.*



CIX. PAULUS LIB. V.  
AD EDICTUM.

*Nullum crimen patitur is qui non prohibet  
cum prohibere non potest.*

**T**ESTATUR Svetonius a *Tyberio*  
*Cesare interdictum fuisse ne capi-*  
*piste damnatos propinqui lugerent.* Illud-  
que interdictum ita videtur Ulpianus  
accepisse, quasi de hostibus, & perduel-  
lionis damnatis, deque suspensiosis,  
& iis qui mala conscientia sibi intul-  
lerant manus, senferit dumtaxat Tibe-  
rius, cap. 11. §. 1. de his qui notant.  
infam. Per suspensiosos eos intelligit Ul-  
pianus, qui furcillis suspensi laqueo  
vitam finierant. Nam, ut Festus ait,  
*furcillus sive furcilla sunt quibus homi-*  
*nes suspendebant.* Et quamvis hujusmodi  
homines non lugerentur, nihilominus  
tamen eos elugeri propter sanguinis  
turbationem moris erat. Adeo quidem  
ut si eorum vidua intra luctus legiti-  
mum tempus nuberent, notarentur  
infamia: nec non & illi quoque infam-  
es essent, qui eas duxerant, si modo  
ignorantia non excusarentur, d. capite  
11. §. 1. Et quia filii familias sine patris  
consensu nec rite nec jure matrimo-  
nium contrahunt, hinc certe evenit,  
ut excusetur filius qui patris jussu, &  
auctoritate intra tempus legitimum quo  
mariti solent elugeri, viduam duxit:  
ipse autem pater qui passus est ducere,  
notetur capite 11. in fin. cum cap. seq.  
de his qui not. infam. Aliud est si infacio  
patre hujusmodi nuptias contraxerit  
filius. Tunc enim filius notari, &  
excusari debuit pater. *Nullum enim*  
*crimen patitur is, qui non prohibet, cum*  
*propter ignorantiam prohibere non potest,*  
quemadmodum auctor est ad Edictum  
libro 5. Julius Paulus. Unde a con-

*Tem. I.*

trario sensu recte concludi videtur,  
patrem non esse excusandum, si cum  
sciret, & posset prohibere, noluit ta-  
men prohibere. Nam, ut ait in Troade  
Seneca:

*Qui non vetas peccare cum possis, jubet.*  
Eademque ratio est cur hi qui salutare  
auxilium denegabant inorituris, ple-  
squerentur. Id quod ab Apulejo tradi-  
tum est, De alino libro 6. *As ignoras,*  
inquit eos, etiam qui morituris auxilium  
salutare denegarint, quod contra bonos  
mores id ipsum fecerint, solere puniri?  
Huc etiam spectat vetus proquiritandi  
ratio. Moris enim erat, ut populi indi-  
gentes auxilio, Quirites conclamarent,  
indeque quiritare, & quiritari diceban-  
tur, quemadmodum Varro, Arnobius, Do-  
natus, & Nonius testati sunt. Id quod  
in vi majore a Romanis observatum  
perpetuo fuit. Seneca Epistol. libro 2.  
*Nemo statim Quiritium fidem implorat;*  
Quintilianus in Declam. cui titulus est.  
*Dives a parasito sacrilego reus cadis.*  
Deinde, inquit, quemadmodum rapio?  
de publico? non clamat, non Quiritium  
fidem invocat. Nec aliud est quod de  
eo Ulpianus scribit, qui turbam con-  
citavit dum misericordiam provocat,  
cap. 4. §. 4. vi bon. rapt. Ait enim  
libro 3. Livius: *Ad clamorem nutricis*  
*fidem Quiritium implorantis, sis con-*  
*ursus.* Deque hujusmodi concursu visus  
est etiam Ulpianus sensisse, de servo  
tractans qui clamavit ut ad auxilium do-  
mini sui conveniretur, vel qui turbam  
convocavit; c. 1. §. 19. & c. 19. de SC.  
Sillan. Nec etiam arbitror clamorem  
illum quem in occidendo fure noctur-  
no Decemviri requirunt, Cajum alio  
retulisse, cap. 4. ad leg. Aquil. Quod  
autem Paulus ait, nullum crimen cum  
pati, qui non prohibet cum prohibere  
non potest, id eam videtur interpre-  
tationem recipere, ut hujusmodi per-  
sona nequeat accusari. Esse enim cri-

*Y*

*mea*

men accusationem, & accusatorem alio nomine criminatorem dici notius est, quam ut probari necessum sit. Eaque interpretatio huic regulæ mire convenit. Moris enim erat, ut ejus qui vel famoso judicio, vel alia ratione infamis erat, nomen ad censores deferretur; hac videlicet intentione, ut ejus nomini nota in censuralibus tabulis apponeretur. Idque illud est quod sic de divi Claudii censura disserens, Svetonius scribit: *Et cum evanitis familiaribus dempsisset cuidam appositam notam, Litura, inquit, extabit.* Eodem loco ait Svetonius, *cum a censore notari, qui sibimet vim ferro intulisse arguebatur.* Cur igitur non etiam a censore notaretur, qui personæ hujusmodi infamis viduam intra luctus legitimum tempus uxorem duxerat, cum eum æque famosum esse Ulpianus testetur? cap. 11. de his qui not. infam. Nec id mirum, præsertim cum adjecterit ibidem Svetonius, *censores inquisitorum opera usos esse.*

#### CX. PAULUS LIB. VI. AD EDICTUM.

*In eo quod plus est, semper inest,  
& minus.*

**S**I servus actoris, domino sciente, & cum posset non prohibente, dolo fecerit quominus in judicio sistam, adversus dominum mihi dabitur exceptio, quia si id ignorante domino factum esset, competeret noxale judicium, ut auctor est Paulus ad Edictum libro 6. c. 2. de eo per quem factum est, hanc subjiciens rationem: *In eo enim quod plus est, semper inest, & minus.* Nam ita fit, ut qui actionem habet, quia plus habet, habeat, & quod minus est, videlicet exceptionem. Plus

autem esse actionem habere quam exceptionem, adeo verum est, ut scripserit Ulpianus, *cui domus actionem, eidem, & exceptionem multo magis competere, c. 156. hoc tit. c. unic. §. 4. de superl.*

#### AD §. NEMO ALIENÆ.

*Nemo aliena rei expromissor idoneus videtur, nisi si cum satisfactione.*

**A**UT fidejussoribus, aut reis sive expromissoribus, aut etiam pignoriibus caveri solet, c. 9. §. 3., & c. 10. de pignor. act. c. 7. §. 3. de dolo, c. 5. §. 2. de jure dot. c. 1. §. 7. de collat. c. 37. in fin. de oper. libert. Et differt quidem fidejussor a reo. Fidejussor enim una cum debitore obligatur, reus vero sive expromissor, debitore per acceptilationem liberato, solus manet obligatus. Est enim Ulpianus auctor, *si convenis ut expromissor detur solvere debitori accepto ferri, c. 4. de condict. causa dat. c. 8. §. 6. ad SC. Vellejan.* Eoque sensu videri potest Ælius Gallus apud Festum scripsisse, *non solum qui suo nomine quid promissit, verum promittendo dici; sed etiam qui pro altero quid promissit.* Et cum alienæ rei nemo videatur expromissor idoneus esse, nisi satisfactione, cumque is qui idoneus non est, habeatur pro non dato (c. 6. qui satisf. cog.) certe non ita protinus debitor liberabatur acceptilatione, quin adversus eum conditioni locus esset, c. 4. de cond. caus. dat. Ut igitur debitor expromissorem dans liberetur acceptilatione, omnino necessum est idoneum dari, c. 8. §. 6. ad SC. Vellejan. eumque qui satisfecit idoneum videri expromissorem, definit hac regula Julius Paulus.

## AD §. PUPILLUS.

*Pupillus pati posse non intelligitur.*

AD EDICTUM libro 6. ait Paulus, *si tutor pupillo noluit auctor fieri, non debere eum a pretore cogi; quia tutela iudicio iacturam hanc consequitur pupillus, nullam enim socordia, vel fraude tutoris iacturam pati posse pupillus intelligitur, cap. 17. de auct. tut. cap. 5. de dolo malo. Et hoc est quod eodem libro scripsit Paulus, pupillum pati posse non intelligi.*

## AD §. UBI VERBA.

*Ubi verba conjuncta non sunt, sufficit alterutrum esse factum.*

EODEM ad Edictum libro 6. de noxalibus actionibus differens, scripsit Paulus, *si absens sit servus pro quo noxalis actio alicui compressis dominum in cuius est potestate, vel iudicio cum sibi promittere, vel iudicium accipere compellendum, non autem simul utrumque facere. Ubi enim verba edicti conjuncta non sunt, sufficere alterutrum esse factum, cap. 2. §. 1. si ex noxali causa, c. 78. §. 1. de condict.; & demonst. cap. 22. §. 4. de noxalib. ait: Jus electionis ad hanc regulam non pertinet; quod jus in ejus arbitrio plerumque solet esse, cuius contemplatione disjunctive quid scriptum est, c. 23. & c. 47. §. 2. de leg. 2. cap. 1. §. 1. de effractionibus.*

## AD §. MULIERIBUS.

*Mulieribus tunc succurrendum est, cum defendatur non ut facilius calumnientur.*

*DECEPTIS enim mulieribus non deprecantibus jura subvenimus, cap. 2. §. 1.*

ad SC. Vellejan. Siquidem infirmitas earum, non autem calliditas meretur auxilium, d. §. 1. cap. 2. C. ad SC. Vellejan. Esse autem ad calumnias mulieres natura admodum proclives, docet eleganter Satyr. 6. Juvenalis. Ait enim:

*Nulla fere causa est, in qua non femina litem*

*Mouerit, accusat Manilia, si rea non est. Componunt ipse per formantque libellos Principum atque locos Celsi dicere parate.*

Et ideo succurrendum iis est cum opus habent defensione, non autem cum volunt calumniari.

## CXI. CAJUS LIB. II. AD EDICTUM PROVINCIALE.

*Pupillum qui proximus pubertati sit, capacem esse, & furandi & injuria faciendi.*

**P**ROXIMUS pubertati dicitur qui annum decimum tertium ingressus est. Id quod Ecloga 8. videtur hoc versu Virgilius voluisse:

*Alter ab undecimo tum me jam ceperat annus.*

Ad hunc enim locum scripsit Servius: *Id est, tertius decimus. Alter enim de duobus dicitur, ut natus sit ab undecimo, duodecimus alter, tertius decimus. Nam pubertati vicinum se fuisse significare vult, quod de duodecimo anno procedere non potest. Hæc Servius, cum haud dubie appellans vicinum pubertati, quem pubertati proximum, aut prope pubertatem esse. Jurisconsulti dicunt, cap. 13. §. 1. de dolo malo, c. 4. §. 23. de doli mali, & met. extep. Hujusmodi impuberes fictione quadam pro puberibus, in furtis, injuriis fraudibusque cunctis haberi solent, d. §. 23. de furtis, c. 13. §. 1. de dolo malo.*

Certe quia, ut Cajus hac regula testatur, *pupillus puberati proximus, & furandi, & injuria faciendæ capax est.* Id quod a Cypriano etiam in quadam de Cardinalibus Christi operibus præstatione, traditum est, his verbis: *Omnino rarum est, & difficile fieri bonum; facile & primum est, esse malum: & hac sine magistro, sine exemplo doctrina, statim a pubescentibus annis imbuimur, & docemur.* Unde apparet admodum impuberem Ulpiano dici, qui necdum egressus est duodecimum ætatis annum, c. 3. §. 1. de sepulchro violato. Sunt enim anni pubescentes, in fœminis quidem undecimus, & duodecimus, in masculis vero decimus tertius, & decimus quartus; quemadmodum probari ex Servio potest.

#### AD §. IN HÆREDEM.

*In hæredem non solent actiones transire quæ pœnales sunt ex maleficio, veluti furti, damni, injuriæ, ubi bonorum vaporem, injuriarum.*

PLACUIT enim in actionibus quæ ex delictis oriuntur, sive civiles sint, sive honorariæ, ut noxa caput sequeretur, cap. 1. de privat. delict. Et idcirco civili constitutione definitum est, pœnalibus actionibus hæredes non teneri, nec cæteros quidem successores, d. c. 1., & c. 16. §. 2. quod met. causa nisi forte ex damno locupletior hæres factus sit, c. 23. §. 6. ad leg. Aquil. nisi etiam lis ante defuncti obitum fuerit contestata. Est enim Paulus auditor, *post licet contestatam hæredem teneri ex omnibus causis*, c. 87. hoc tit. c. 13. in princ. de injur. Ejusque diversitatis ratio a nobis reddita est in explicatione, d. cap. 87.

#### CXII. PAULUS LIB. VIII. AD EDICTUM.

*Nilil interest ipso jure quis actionem non habeat, an per exceptionem infirmetur.*

DE hujus regulæ vera sententia scripsimus satis Varior. libro 2. cap. 5. iisque adjungi poterunt, quæ ad hujus tituli cap. 66. annotavimus.

#### CXIII. CAJUS LIB. AD EDICTUM PROVINCIALE.

*In toto, & pars continetur.*

DE collegiis, & corporibus discussit Cajus ad Edictum provinciale libro 3. c. 1. quod cujusque universi. nom. cap. 16. de verbor. signific. Et solent quidem universitates sive collegia ad exemplum Reipublicæ res communes, arcam communem, & actorem sive Syndicum habere, d. cap. 1. Eoque sensu arcæ Pontificum quædam inscriptiones antiquæ meminerunt, his verbis: *SI QUIS AUTEM HOC VENDERE VOLUERIT, ARCÆ PONTIFICUM HS. I. MILLIA NUMMUM INFERRAT.* Est enim in Smetii libro elegans inscriptio arcæ collegii Centonariorum his verbis mentionem faciens: *HOC AMPLIUS ARCÆ RETRO POSITÆ COLLEGII SS. DONUM DEDIT DENARIORUM QUINQUE MILLIUM.* Actor quem ad agendum dat universitas, non habetur quasi a pluribus datus. Nam pro universitate intervenit, non pro singulis, cap. 2. d. tit. Quia enim universitates portiones singulas adhibere debet, non contra singulis portionibus applicari, atque ita in toto pars,

pars, non in parte totum contineri, quemadmodum docet eleganter *Arabinus* adversus gentes libro 2. certe mirum non est pro toto corpore non pro partibus singulis Syndicum dici intervenire. Quo sensu scripsit hac regula *Cajus*, in toto, & partem contineri. Hoc enim idem est, ac si diceret, universitatem singulas ad se trahere portiones, non autem portionibus singulis applicari. Quod etiam *Ulpianus* sensisse videtur, c. 7. in princ. de except. rei judic.

#### CXIV. PAULUS LIB. IX. AD EDICTUM.

*In obscuris inspicere solere quod verisimilius est, aut quod plerumque fieri solet.*

**D**URITABATUR olim an servus sine libertate hæres institutus recte videretur institutus esse. Dubitandi ratio fuit quod ea persona institueretur cum qua non erat testamenti factio. In contrarium allegabatur tacita voluntas testatoris, & libertatis favor. Tantaque inter veteres exorta est contentio, ut vix ulla spes esset eam decidi posse; cap. penult. in princ. C. de necessar. term. hæred. Instit. Paulus eorum videtur traditionibus acquievit, se qui valere institutionem contendebant. Ait enim *in obscuris inspicere solere quod verisimilius est*. Nam, ut auctor est *Justinianus*, non est verisimile eum qui servum instituit heredem, si pratermisisset libertatis dationem, servum remanere voluisse, §. idemque juris. Instit. quibus ex caus. ma. non licet. Et quia fieri plerumque solet, ut servus tutor testamento datus sine libertate, ipsa tutelæ datione præsumeretur libertatem acquisivisse; d. cap. penult. hinc etiam fit ut putem multo magis

servilem sine libertate institutionem *Paulum* probasse. In obscuris enim inspicere vult quod fieri plerumque solet. Nec etiam ignotum est multa contra juris rigorem pro libertate esse constituta; 24. §. 9. de fideicom. liber. Huc spectat illud *Plinii Epistol.* libro 4. *Scribis mihi Sabinam quæ nos reliquit hæredes servum suum nusquam liberum esse jussisse: eam tamen sic adscripsisse legatum Modestum: QUEM LIBERUM ESSE JUSSI. Quæris quid sentiam?* consuli cum prudentibus: convenit inter omnes nec libertatem deberi quia non sit data, nec legatum, quia servo suo dederit. Sed mihi manifestus error videtur, ideoque puto nobis quasi scripserit *Sabina* faciendum, quod ipsa scripsisse se credidit. Hæc *Plinius*, satis cum *Paulo*, & *Justiniano* definiens in obscuris quod verisimilius est inspiciendum esse.

#### CXV. PAULUS LIB. X. AD EDICTUM.

*Si quis obligatione liberatus sit, potest videri cepisse. Non potest videri accepisse qui stipulatus potest exceptione submoveri.*

**P**ENNA legis *Cornelia teneri* eos *Macer* ait, qui ob accusandum vel non accusandum pecuniam acceperunt; cap. 2. de concuss. Eoque pertinet illud *Tertulliani* de fuga in persecut. Quid enim dicit ille concussor? Da mihi pecuniam. Certo ne eum tradat. Et *Paulo* post: Miles me vel delator, vel inimicus concussit, nihil *Cæsari* exigens, immo contra faciens cum *Christianorum* legibus humanis reum, mercede dimittis. Est etiam *Ulpianus* auctor, illucis ministeria sub prætextu adjuvantium militares viros, ad concutientes homines

*mines procedenda, coercere debere, cap. 6. §. 3. de offic. præsid. Tertull. eodem libro: Neque enim statim, & a populo eris intus, si officia militaria redemeris. Solent etiam iudices frequenter corrumpi. Sic enim ad Macedonium Epistola 54. scripsit Augustinus: Cum autem iudicia, & seſtimonia, quæ nec iuſta, nec vera vendenda ſunt, iniqua, & falſa venduntur, multo ſcleratiuſ utique pecunia ſumitur, quia ſclerate etiam; quævis a volentibus datur. Ea- que de cauſa, legi repetundarum. Antonini conſtitutione additum eſſe ſcripſit Ulpianus, ob pecuniam iudici, vel adverſario datam, litem perire; cap. 1. de calumniar. De qua conſtitutione cum traſclaret libro 10. ad Ediſtum Paulus, iudicem vel adverſarium pecuniam cepiſſe videri ſcripſit, qui obligatione, qua reo erat obſtriſtus, liberatus eſt; cap. 2. diſt. tit. quod fieri aut reſtitutione, aut etiam ſciſſione chirographi ſolet. Ait enim de Nabuthe, capite 13. Beatus Ambroſius; Cautionem quoque ſi quam habui debitoris, ſciſſam ſine debiti recuperatione reddidi. Et libro primo Offic. cap. 32. Eſt etiam, inquit, illa benevolentia liberalitas, ut ſi quod habes debitoris chirographum, ſciſcendens reſtitutus, nihil a debitore conſentus debiti. Auguſtinus Bonifacio: Extorta debitoribus chirographa reddebantur. Aliud eſt ſi quid iudici, aut adverſario ſtipulanti promiſerit reus. Quia enim exceptione tam legis Juliz repetundarum, quam conſtitutionis Antonini ſtipulatores huiuſmodi poſſunt removeri, certe nihil quicquam ſtipulatione videntur accepiſſe. Et hoc eſt, quod ait hac regula Paulus, non videri cum accepiſſe, qui ſtipulatus poteſt exceptione ſubmoveri. Deque huiuſmodi ſtipulatione ſentit haud dubie Tertullianus de ſu- ga, diſſerens in perſecutione, cum*

*ait: Apud inferos emancipatio noſtra eſt, & ſtipulatio noſtra in cæliſ.*

## CXVI. ULPIANUS LIB. XI. AD EDICTUM.

*Nihil conſenſui tam contrarium eſt, qui bona fidei iudicia ſuſinet, quam vis atque motus; quem comprobare contra bonos mores eſt.*

CUM ſcriberet Prætor: QUOD METUS CAUSA GESTUM ERIT, RATUM NON HABEO, hæc verba interpretans libro ad Ediſtum undecimo Ulpianus, ſic poteſt videri ſcripſiſſe: Nihil enim tam conſenſui contrarium eſt, quam vis ac metus, quem comprobare contra bonos mores eſt. Olim ita edicebatur, &c. cap. 1. de eo quod met. cauſa. Eoque pertinet quod Seneca Controverſ. lib. 5. ita ſcribit: Neque enim lex addibendi vim irſcitatur, ſed paſſo ſuccurrit, & iniquum illi videtur id ratum eſſe, quod aliquis, non quia voluit, paſſus eſt, ſed quia coactus eſt. In hoc ediſto vis eſt, inquit Paulus, major rei impetus, qui repellit non poteſt; ſive, ut Ulpianus definit, vim accipimus atrocem, & tam quæ adverſus bonos mores fit; cap. 2., & 3. d. tit. Cuiuſmodi illa vis eſt, quam ſic deſcribit ibid. Seneca: Nulla, inquit, vis eſt, æqua lex, & vincula, & ultimum periculum complectitur. Eoque ſenſu vim majorem accepit etiam Seneca de Benef. libro ſecundo capite 18. Ait enim: cum eligendum dico cui de- beas, vim majorem, ac metum excipio, quibus addibitis electio perit. Idem Ulpianus ex Labeonis ſententia metum definit non quolibet timorem, ſed majoris molitatis, capite 5. d. titulo. Hoc eſt, qui ſalutis periculum, vel

cor.

corporis cruciatum continet, capite 13. C. de transact. cap. 3. ex quib. caul. ma. Ita enim metum, & vim majorem definivit etiam Laetantius, de ira Dei, capite 15. Homo, inquit, quia multis casibus periculisque subiectus est, metuis ne qua vis major existat, quæ illum verberet, spoliet, lacevet, affligat, interimat. Atque ita quidem a metu separari in hoc edicto vis solet, quam Prætores nonnulli metus appellatione non dubitarunt comprehendere. Ait enim Ulpianus olim ita edici consuevisse: QUOD VI METUSVE CAUSA; postea vero sic, QUOD METUS CAUSA; & destratum fuisse vis mentionem, quia, quodcumque vi atroci sit, id metu quoque fieri videtur; capite 1. Videlicet ea ratione quam tradidit brevi quadam in Epigramate cum gladio reum Declamatione Quintilianus, his verbis: Quid est vis? hæc sit alias patientia alias metu; quorum alterum ad corpus, alterum ad animum pertinet.

## AD §. NON CAPITUR.

Non capitur qui jus publicum sequitur.

PAULUS ait in emendo, & vendendo naturaliter concessum esse quod pluri sit minoris emere; quod minoris sit pluri vendere, & ita invicem se circumscribere, c. 22. §. 3. locati. Quod ipsum libro ad Edictum undecimo tradidit etiam Ulpianus c. 16. de minorib. adjiciens insuper minorem ita circumscriptum non esse restituendum: Non enim minorem capi qui jus publicum sequitur. Quo pertinet illud Senecæ, Controvers. libro 5. Non possum domum habere nisi hic emato, nulla alia venalis est; hanc occasionem videt venditor, & premit; non tamen hanc emptionem rescindens, alioquin in infinitum calamitas excedet.

## AD §. NON VIDENTUR.

Non videntur qui errant consentire.

NIHIL enim consensui tam contrarium est quam error, qui imperitiam detegit, c. 15. de jurid. c. 7. in fin. de rescindend. vendit. cap. 2. de judic. Et idcirco qui in captionem per justum errorem inciderant, restitui in integrum solent, cap. 2. de integr. restitut. §. si quis agens Instit. de actionib. Id quod sibi hac regula voluit Ulpianus ex ejus de restitutionibus in integrum commentario sumpta. Nec alia ratione dixit idem Ulpianus, errore veritatem originis non amitti; & Papinianus errorem defensionem juris non excludere, capite 6. & capite 17. §. 8. ad municipal.

CXVII. PAULUS LIB. XI.  
AD EDICTUM.

Prætor bonorum possessorem hæredis loco in omni causa habet.

DE alienatione mutandi judicii causa differens ad Edictum libro undecimo Paulus, dicit, ait, ex eo edicto actionem hæredi, & in hæredem, vel similem; Prætorum enim bonorum possessorem hæredis loco habere in omni causa, c. 5. de alienat. mut. jud. causa facta. Eoque sensu scripsit etiam Ulpianus, in omnibus vi hæredum bonorum possessores haberi, non autem hæredibus æquales esse; cap. 3. §. 2., & 5. de bon. poss. hæredis appellatione omnes significari successores eisi verbis non sint expressi; cap. 170. de verb. signif. Et sic quidem tam generis quam speciei loco accipi solet hæredis nomen, speciei quidem, respectu ipsius successionis; cap. 14.

cap. 14. de testib. cap. 62. hoc tit. generis vero, sola possessionis ratione; cap. 1. de poss. hæredit. petit. Quemadmodum enim civili jure hæredes, sic jure prætorio bonorum possessores, appellabantur possessores hæreditatis; cap. 3. §. 1. de bon. poss. Hieronymus ad Oceanum: *Hic hæres uxoris, & hæreditatis alii possessores*. Cicero act. 3. in Verrem: *Itaque ei Verres possessionem hæreditatis negat se daturum*. Nec alio sensu scriptis *Paulus hæreditatis appellatione bonorum quoque possessione contineri*, quam quod bonorum possessores genere quodam hæredes sint; cap. 133. de verbor. signif. cap. 128. hoc tit. cap. 11. de petit. hæredit.

---

CXVIII. ULPIANUS LIB. XII.  
AD EDICTUM.

*Qui in servitute est, usucapere non potest: nam cum possideatur, possidere non videtur.*

**S**INE possessione usucapio non contingit, cap. 25. de usurpat. Eaque de causa ad Edictum libro duodecimo scripsit ad hunc modum Ulpianus: *Is qui apud hostes est, nihil per usum sibi acquirere potest: Qui enim in servitute est usucapere non potest: Nec captam possessionem poteris adimplere dum est apud hostes. Nam cum possideatur, possidere non videtur: cap. 23. §. 1. ex quibus caus. ma. cap. 54 §. 2. de acquir. rer. dom. Ea videlicet ratione, qua tradidit idem Ulpianus in sua potestate non videri habere, qui non est sua potestatis; cap. 21. ad legem Jul. de adult. Nam ut ait libro quarto Controversiarum Seneca, quomodo civis jura habeat, qui liberi hominis non habet? Et quamvis re vera jure gentium servi sint, qui sunt in hostium potestate,*

rectius tamen eos esse in servitute dixit Ulpianus, quam si servos appellasset. Differens enim de addicto manumisso Declamatione quadam Quintilianus, sic ait: *Plurimum autem refert, an servire merito dicamus, & eos qui in piratas inciderint, & eos qui ab hoste sint capti. Id quod ingenuis natura dedit, nulla fortuna injuria eripi ipsis potest.*

---

CXIX. ULPIANUS LIB. XIII.  
AD EDICTUM.

*Non alienat qui dumtaxat omittit possessionem.*

**Q**UI petitorio judicio utitur, ne frustra experiretur, requirere solet solemnem interrogationem an is cum quo instituit actionem, possessor sit vel desit possidere; cap. 36. in princip. de rei vindicat. cap. 20. §. 1. de interrogat. Et tunc quidem si se responderet adversarius desisse possidere, sedulo inquirebat actor an id ita non solum dolo malo, sed etiam judicii mutandi causa factum esset. Nam potest aliquis dolo malo desinere possidere, nec tamen judici mutandi causa quicquam alienasse videri: *Non enim alienat qui dumtaxat omittit possessionem; capitulo quarto §. 1. de alien. mut. jud. causa. cap. 28. de verb. signif.*

---

CXX. PAULUS LIB. XII.  
AD EDICTUM.

*Nemo plus commodi heredi suo relinquit, quam ipse imbut.*

**I**N universum jus quod defunctus habuit, succedit hæres; cap. 24. de verb. signif. Et ideo in usucapionibus



bus possessio defuncti quasi juncta descendit ad hæredem; cap. 30. ex quib. caus. majores non tamen plus juris, aut commodi fecum transfert. Nemo enim plus commodi hæredi suo reliquit, quam ipse habuit, cap. 53. hoc tit. Cicero pro Cecinna: *Dubium est quin si Cæsennium possidebat, cum erat colonus in fundo, post ejus mortem bares eodem jure possideret.*

### CXXI. PAULUS LIB. XIII. AD EDICTUM.

*Qui non facit quod facere debet, videtur facere ADVERSUS EA, quia non facit: & qui facit, quod facere non debet, non videtur facere id quod facere jussus est.*

SOLET olim actionibus, cautionibus, & edictorum clausulis nonnullis, a primis formularum, quibus illæ concipiebantur, verbis nomen imponi. Sic enim appellari videtur actio: QUOD METUS CAUSA; sic etiam actio: SI CERTUM PETETUR; c. 1. de condict. triticar. actio: QUOD JUSSU, actio: QUANTI MINORIS, cap. 25. de except. rei judic. interdictum: QUORUM BONORUM, cap. 1. quor. bon. interdictum: QUOD LEGATORUM, cap. 1. quod legat. Sic cautio: REM RATAM HABERI, cautio: JUDICATUM SOLVI, cap. 46. de procurat., & illa vulgaris clausula: AMPLIUS NON PETI; c. 15. rem ratam habent. Eoque videri potest in hac regula Paulus respexisse his verbis: ADVERSUS EA. Inter alias enim edictorum vulgares, & solemnes clausulas, hæc quoque reperitur: QUI ADVERSUS EA FECERIT; cap. 5. §. 6. de his qui dejec. vel effud. cap. 1. de ædific. edicto. Cujus meminit etiam Festus possessionem definiens, cum ait;

Tom. I.

ADVERSUS EA VIM FIERI VETO. Hanc clausulam edicto quod: DE RECEPTIS proposuit, adiecisse videtur prætor, certam iis qui arbitrum recipiant, regulam præscribens; cap. 3. §. ait prætor., & cap. 32. de receptis. Et cum ad illud edictum scriberet libro ad Edictum decimo tertio Julius Paulus, ejus clausulam hanc: QUI ADVERSUS EA FECERIT, ita interpretatus est, ut contenderit videri arbitrium: ADVERSUS EA facere; hoc est, in pœnam vulgaris illius clausulæ: QUI ADVERSUS EA FECERIT, incidere, si non facit quod facere debet; & si aliquid extra compromissum attemptaverit (quod facere non debet, d. cap. 32. §. fin.) non videri cum facere id quod facere prætoris edicto jussus est. Eamque veram esse arbitror hujus regulæ sententiam, præsertim cum satis constet libro ad Edictum tertiodecimo, diservisse Paulum de receptis; cap. 32. de receptis.

### CXXII. CAJUS LIB. V. AD EDICTUM PROVINCIALE.

*Libertas omnibus rebus favorabilior est.*

CERTUM enim est servos dominio alieno contra naturam subijci, cap. 5. §. 1. de statu hom. Nam jure naturali omnes homines liberi sunt, & æquales; c. 4. de justit. & jure, cap. 32. hoc tit. Quintilianus lib. 3. cap. 10. *Liberos natura omnes, & iisdem constare elementis, & fortassis antiquis etiam nobilibus ortos dici potest.* Seneca declamabat lib. 7. *Neminem natura fecit liberum, neminem servum; imposuit fortuna nomina hæc singulis.* Eaque res in causa est quod libertas tam favorabilis sit, ut in rebus obscuris secundum eam fere semper pronun-

nuntietur; c. 16. & 17. de manumiss. testam. c. 4. §. 6. de statuliber. cap. 20. hoc tit.

CCXIII. ULPIANUS LIB. XIV.  
AD EDICTUM.

*Nemo alieno nomine lege agere possit.*

QUI jus suum persequerentur, aut lege, aut jure agere dicebantur; lege quidem, si legitima esset actio; jure vero, si honoraria, cap. 2. §. 2. de orig. jur. cap. 3. de offic. prætor. Eoque sensu lib. 17. cap. 10. *legis actiones centumviralium causarum*, & lib. 20. cap. 1. *juris actiones* accepit Gellius. Sic etiam auctor est Svetonius: *Vespasianum de eadem re pluribus legibus agi vetuisse*; D. *Augustum legibus aggredi, resque cædis absentes deferre statuisse*. Sic & Livius *eos qui adferunt in libertatem, lege agere dixit* libro 4. Terentius Phor. *Lege agito ergo*. Plautus Aulul. *Lege agito tecum, molestus ne sis*. Dicitur etiam legis actio ex Decemviralibus, aliisque legibus descendens legitimus actus; ut sunt emancipatio, in jure cessio, adoptio, manumissio, cretio, usurpatio, & sic deinceps, de quibus late differuimus de auctoritate prudentum libro singulari. Atque ita *legis actionem* accepit Gellius libro 20. c. 9. Ait enim *ex jure manu conserutum verba esse, qua cum lege agitur, dici apud prætorem solent*. Nec aliter de legis actionibus sentiunt Jurisconsulti cum *apud magistratus legis actionem* dicunt; cap. 3. de offic. proconsul. cap. 1. de offic. jurisdiction. cap. 4. de adopt. Est, & tertia legis actionis significatio; iis magistratibus propria qui in homines facinorosos lege animadvertunt. Sic enim Declamat. libro 10. scribit Seneca: *Etiā quibus animadvertere in damnatos*

*nos necesse est, non dicunt OCCIDE, non MORERE, sed AGE LEGE, crudelitatem imperii verbo mitiore subducunt*. Valerius libro 4. cap. 8. *Ac jussu liſtore lege agere, tunc demum aperuit*. Hanc triplicem legis actionis interpretationem, illa verba requirunt quæ de Cn. Flavio sic protulit Livius lib. 9. *Falsosque circa forum in albo proposuit, ut quando lege agi posset, sciretur*: Senſus enim est ex Fastorum albo cognosci quibus diebus vel liceat, vel non liceat cum adversario legibus experiri, actus legitimus exercere, & in facinorosos animadvertere. Quæ omnia fieri nomine alieno non poterunt; licet mandato speciali absentis nomine auctor recte fieret procurator, videlicet solemnī quadam ratione apud acta suscipiens procuracionem quodammodum ex eo licet suspicari, quod scripserit Paulus *decreto prætoris actorem constituti, si nondum sari pupillus potest, ut procuratorem facere possit*; cap. 24. de administr. & peric. tut. Et quamvis procurator alterius negotio gerat; nihilo magis tamen alieno nomine lege agere censetur. Non enim ille cujus nomine agitur, sed procurator ipse dominus litis constituitur, eamque suo nomine quodammodo exequitur; c. 11. de doli, & met. except. cap. 4. §. ult. de appellat. Actus quoque legitimus non potuisse alieno nomine exerceri, certius est quam ut ea res prolixior rem requirat disputationem, cap. 3. de acceptilat. cap. 90. de acquir. hæred. cap. penult. C. de vind. & apud consil. ma. cap. penult. C. qui ma. non poss.

AD §. TEMPORARIA.

*Temporaria permutatio jus provinciarum non innovat.*

MORIS erat, eos qui in provinciis domicilium habentes, Romæ vel in Ita-

Italia studiorum, aut alia iusta de causa morari volebant, habitationem impetrarent rescripto Principis, nec ante discederent, quam ad ipsum etiam impetrassent. Eumque morem tradidit Cassiodorus Variarum libro 1., & 4. Sic enim de liberis Valeriani cuiusdam scribit studiorum causa Romam deducitis: *Quos illustris magnificentia tua in supradicta urbe facias commorari, nec illis liceat ante discedere, nisi hoc secunda discernamus iterum iussione.* Erat & illud moris, ut habitationem non concederet Princeps, sine annua certaue pensione. Eoque sensu scripsit Svetonius: *Cæsarem annuam habitationem Romæ usque ad bina millia nummum, in Italiam non ultra quingenos festinus remisisse.* Neque est verisimile, sine iusta causa huiusmodi habitationem Principes cuiquam indulsisse, & inter causas iustas, studiorum causam numerari ex eo perspicuum est, quod causam studiorum appellaverit probabilem absentis causam Ulpianus cap. 28. ex quibus caus. majores. Est etiam Modestinus auctor, *provinciales studiorum, aut rei suæ gerendæ gratia Romam vocari*; cap. 36. ad municipal. evidenter demonstrans, constare omnino debuisse, quam ob causam relicto domicilio Romam commigrasset provincialis; & negotiatorem quidem rei suæ gerendæ gratia, hominem vero literarum studiorum causa iuste habitationem a principibus impetrasse; cap. 18. in final. de judiciis: Eaque sola ratione non minus lege Cornelia tuti erant qui habitationem impetraverant, quam si domicilium Romæ haberent; cap. 5. §. 2. de iniuriis. Hæc habitationis impetratio, alio modo commensus dicitur, nec perpetua, sed temporaria erat, utpote temporaria sub se continens loci mutationem. *Est enim commensus*, auctore in

Terent. Donato, *ex aliqua commutatione temporalis abscissus.* Et quia mutatio loci temporaria ius provinciarum non innovat, certe finito habitationis impetrato tempore, provinciales qui commensus impetraverant, domum revocati, muneribus, aliisque bonorum municipalium functionibus tam erant obnoxii, quam si nunquam egressi provinciam fuissent. Idque illud est quod ait Ulpianus, *eum qui ultra commensus abest, vel ultra formam commensus datam, ad munera vocari posse*; cap. 2. in fin. ad municipal. Observari etiam solet, ut sic domo separarentur in provinciis dignoscerenturque municipes, quemadmodum in urbe constat cives Romanos tribu distinctos fuisse. Id enim in Vitellio docuit non obscure Svetonius, cum ait: *Ceterum P. Vitellius domo Nuceria.* Ex libro Smetii inscriptionem habeo quæ hunc etiam morem liquido demonstrat, his verbis; D. M. C. JULII FILETIONIS DOMO AFRICA MEDICI QUI VIXIT ANN. XXXV. C. JULIUS FILETUS ET JULIA EUTHENIA FILIO KARISSIMO F. C. Sunt & aliæ inscriptiones quibus idem loquendi genus exprimitur, domibus ita distinctis: DOMO ARRETIO; DOMO ATESTÆ; DOMO ROMA; DOMO BOLDINIA; DOMO VIENNA; DOMO VERONA; DOMO CELEÆ; DOMO CARTHAGINE; DOMO ANTHIOCHIA SYRIA. Nec alio sensu ius revocandi domum videtur Ulpianus accepisse, de iis differens qui domum revocant, si non ibi contraxerunt ubi conveniuntur, c. 2. §. 3., & §. 4. de judiciis. Huiusmodi privilegio a municipibus singulis renuntiari ad tempus poterat; c. 7. qui satisd. cog. Nec per renunciationem ius provinciarum intelligitur innovari. Mutatio enim iuris temporaria non innovat ius illud provinciarum quod ei qui permutat cum reliquis

liquis municipibus commune est. Et ita quidem Ulpianus sensisse videtur libro ad Edictum 14. ex quo hæc regula sumpta est; d. cap. 7. eo plane sensu permutationis vocabulo usus, quo permutationem rerum pro Sestio, & in Paradoxis tempestatum temporumque permutationes accepit Cicero. Et in Catilinam: *Si Catilina*, inquit, *sententiam permutaveris*.

#### CXXIV. PAULUS LIB. XVI. AD EDICTUM.

*Ubi non voce sed presentia opus est, mutus si intellectum habet, potest videri respondere; idem in furdo: hic quidem, & respondere potest.*

**I**N negotiis quibusdam vox requiritur necessario, & presentia; in quibusdam presentia quidem necessaria est, non vox. Stipulationes vocem requirunt, & presentiam. Neque enim absens neque mutus possunt stipulari; c. 1. §. 1. de verbor. obligat. *Hæreditates acquiri solent voce, & presentia; acquirebantur etiam, siue voce sola presentia. Voce, & presentia acquirebantur, solemnī cretionis formula: presentia vero sola, pro hærede geritione*, quemadmodum auctor est Ulpianus tit. 22. Mutus hæreditatem cernere non potest. Vocem enim non habet. Potest tamen pro hærede gerere sola presentia sine voce; c. 5. de acq. hæredit. Ubi enim non voce, sed presentia opus est; mutus si intellectum habet, potest videri respondere. Solemniter videlicet an hæres sit interrogatus; c. 3. de interrog. Eoque pertinet quod ita Quintilianus lib. 11. c. 2. scribit: *Quippe non manus solum, sed nutus etiam declarat nostram voluntatem, & in mutis pro sermone sunt*. Surdus etiam, non ta-

men mutus (qualis est natura surdus) videri potest respondere, d. c. 5. quia intelligere potest, & consentire; cap. 48. de obligat. & act.

#### AD §. FURIOSUS.

*Furiosus absentis loco est; & ita Pomponius lib. 1. Epist. scribit.*

LICET enim præsens sit, nullum tamen habet intellectum. Nam (ut ait lib. 7. cap. 12. Lactantius) *in furiosis mens extinguatur anima, manet, & ideo non exanimis, sed demens vocantur*. Eaque de causa, si nulla spes esset pristinae sanitatis recuperandæ, furiosus absentis loco haberi solet.

#### CXXV. CAJUS LIB. V. AD EDICTUM PROVINCIALE.

*Favorabiliores rei potius quam actores habentur.*

**P**AULUS auctor est, inter pares numero iudices si dissonæ sententia preferantur, in liberalibus causis pro libertate, in aliis etiam publicis pro reo statutum obtinere, cap. 38. de re judic. Pro libertate quidem, quod ea rebus omnibus favorabilior sit; cap. 122. hoc tit. pro reo vero, quia rei favorabiliores habentur quam actores. Id quod Epist. lib. 11. testatur etiam Seneca, *Reus inquit, sententiarum partibus absolvitur; & semper quicquid dubium est humanitas inclinat in melius*. Aliud est si duo iudices dati diversas dederint sententias. Non enim statim pro reo videbitur iudicatum, sed utraque sententia tamdiu erit in pendenti, donec iudex competens unam confirmaverit, cap. 28. de re judic. Eamque solet confirmare quæ mitior est. Sic enim scri-

scripsit idem Seneca Controvers. lib. 2.  
*Alter iudex damnat, alter absolvit,  
 inter dispares sententias mitior vincat.*

CXXVI. ULPIANUS LIB. XV.  
 AD EDICTUM.

*Nemo prædo est qui pretium numeravit.  
 Locupletior non est factus qui liber-  
 tum acquisierit. Cum de lucro duo-  
 rum queratur, melior est causa pos-  
 sidentis.*

**D**ISSERENS ad Edictum libro 5.  
 Ulpianus de petitione hæredita-  
 tis, cum ait hæreditatis petitione teneri,  
 qui pro hærede vel pro possessore possidet:  
 pro possessore autem possidere prædonem,  
 qui cum sciret ad se non pertinere hæ-  
 reditatem, in vestri bona, nullam habens  
 possidendi causam; c. 11. c. 9. c. 25. §. 2. de  
 petit. hæred. c. 34. §. 9. de solut. Et  
 cum de eo dubitaretur, qui sciens alie-  
 nam emerat hæreditatem, ac plerisque  
 videretur quasi pro possessore possidere, di-  
 splicuit hæc sententia Ulpiano. *Nemo  
 enim prædo est, inquit, qui pretium nu-  
 meravit;* cap. 14. §. 6. de petit. hæred.  
 In qua tamen sententia Julianus, Pa-  
 pinianus, Cælius, & Paulus videntur  
 fuisse. Volunt enim illi, omnes omni-  
 no malæ fidei possessores prædones di-  
 ci, & pro possessore possidere, etiam si  
 pretium numeraverint, cap. 33. §. 1.  
 usurpat. cap. 55. de condit. indeb.  
 cap. 28. de hæred. petit. cap. 5. de  
 acq. poss. c. 13. de noxalib. actionib.  
 Est, & illud certum, eos qui bona  
 fide hæreditatem possident, in id dum-  
 taxat Senatusconsulto teneri, in quo  
 locupletiores facti sunt, cap. 25. §. 8.  
 de petit. hæred. Proinde si servum ju-  
 sta ex causa manumiserint, non viden-  
 tur eo nomine conveniri posse.

Locupletior enim non est factus  
 qui libertum acquisivit. Meliorem  
 etiam causam esse possidentis hære-  
 ditatem bonæ fidei, cum de lucro duo-  
 rum qui simul petunt hæreditatem, qua-  
 ritur, nemo est qui ex Neratio non ju-  
 dices, cap. 57. de petit. hæred.

CXXVII. PAULUS LIB. XX.  
 AD EDICTUM.

*Cum prætor in hæredem dat actionem  
 quatenus ad eam pervenit, sufficit si  
 vel momento ad eum pervenit ex do-  
 lo defuncti.*

**Q**UÆ hæreditatem restituere roga-  
 tus est, omnes transferre actio-  
 nes solet, quæ jure civili hæ-  
 redi. & in hæredem competunt; c. 40.  
 ad SC. Trebel. Hæreditatis enim re-  
 stitutio non soluto est, sed successio;  
 c. 38. d. tit. Et quia certum est post  
 litem contestatam hæredem teneri ex  
 omnibus causis etiam pœnalibus, qua-  
 situm fuisse videtur an hæres restituere  
 hæreditatem jussus, ex dolo defun-  
 cti possit conveniri, & Paulus ad  
 Edictum libro vigesimo respondisse  
 post hæreditatem restitutam eum non  
 posse conveniri, quia exceptione hæ-  
 reditatis restitutæ adjuvantur: eumque  
 recte conveniri antequam restituatur  
 hæreditas; tunc enim exceptione ali-  
 qua adjuvandum non esse; c. 27.  
 §. 6. ad SC. Trebel. Nec audiendum  
 hæredem, quod dicat exigui tempore  
 apud eum hæreditatem fuisse, para-  
 tumque se restituere. Cum enim præ-  
 tor in hæredem dat actionem quate-  
 nus ad eum pervenit, sufficit si vel  
 momento ad eum pervenit ex dolo  
 defuncti. Per momentum spatium tem-  
 poris perexiguum intelligit Paulus, ea  
 certe ratione quia sic Livius lib. 21.  
 scri-

scripsit: *Non cunctandum tali occasione  
vatus Annibal totis viribus aggressus  
urbem, momento cepit.* Diversa quoque  
diei cuiusque tempora momenta dici,  
testis est lib. 3. adversus Marcionem  
Tertullianus, his verbis; *Constat et  
his quoque testibus in Judea per dies  
quadraginta matutinis momentis civita-  
tem de co'lo pependisse.* Hæc ille, om-  
nino demonstrans in momenta sic dies  
divisos esse, ut certa uniuscuiusque  
diei matutina, meridiana, vespertina,  
momenta fuerint. Atque ita momen-  
tum videri possunt jurisconsulti acce-  
pisse, cap. 6. de usurpat. cap. 3. §. 3.  
de minoribus, cap. 23. de acquir.  
rer. dom.

#### CXXVIII. PAULUS LIB. XIX. AD EDICTUM.

*In pari causa possessor potior haberi de-  
bet. Hi qui in universum jus succe-  
dunt, hæredis loco habentur.*

**A**IT Paulus ad Edictum libro  
nonodecimo in iudicium de ser-  
vo corrupto earum etiam rerum aestima-  
tionem venire, quos servus secum ab-  
stulit; nec interesse ad eum perlasæ sint,  
qui corruptus, an ad alium iustius enim  
esse eum teneri, qui Princeps fuerit de-  
litti, quam eum quæri, ad quem res  
delatae sunt. Nam in pari causa posses-  
sorem huiusmodi potiorē haberi debere;  
cap. 10. de servo cor. Certe propter  
bonam fidem qua res furtivæ sæpenu-  
mero possidentur; cap. 9. §. 2. de  
public. in rem act. Eodem libro scrip-  
sit Paulus, *hæredibus ejus cujus ser-  
vus corruptus est, actionem competere  
servi corrupti; hæredumque loco eos ha-  
beri, qui in universum jus succedunt;*  
cap. 8. de ser. cor. cap. 170. de  
verb. sig.

#### CXXIX. PAULUS LIB. XXI. AD EDICTUM.

*Nihil dolo creditor facit qui suum re-  
cipit. Cum principalis causa non  
confistit, nec ea quidem que sequun-  
tur locum habent.*

**L**EGE duodecim tabularum, inquit  
Ulpianus, prodigo interdicitur bo-  
norum suorum administratio, & curator  
datur, exemplo furiosi; cap. 1. de curat.  
furiosi. Formula interdictionis hæc  
erat; *QUANDO TU BONA PATER-  
NA HABITAQUE NEQUITIA TUA  
DISPERDIS, LIBEROSQUE TUOS AD  
EGESTATEM PERDUCIS, OB EAM  
REM TIBI ÆRE COMMERCIOQUE  
INTERDICO;* auctore Julio Paulo  
Sentent. lib. 3. tit. 16. Hæc formula  
etiam Senecæ nota fuit, de benef. li-  
bro 3. cap. 16. Ait enim. *Peto ne-  
quam hominem existimas, cui parca non  
cui curatore opus sit.* Idem Seneca sic  
etiam controvers. libro 4. scribit;  
*Servi quoque nomine tecum quæri pos-  
sum, quem, qui frangi fuerat, nequam  
fecisti.* Nec alio spectat illud August.  
lib. 3. de doct. Christ. Neque enim  
ullo modo quisquam sobrius credideris  
domini pedes ita unguento precioso a  
muliere perfusus, ut luxuriosorum, &  
nequam hominum solent quorum talia  
convivia detestamur. Et cum antea  
apud Paulum nullo sensu legeretur.  
*HABITAQUE*, id postea in *HABI-  
TAQUE*, id est, *AVITAQUE*, recte  
mutatum fuit. Ita enim veteres locu-  
tos esse, testis etiam Hieronymus est  
sic ad Demetriadem virginem scribens;  
*Et cum incensis direptis omnibus in  
urbe captivitas sit, nunc habitas re-  
nundare dicitur possessiones.* Fuit autem  
huiusmodi interdictionis bonorum au-  
ctoritas tanta, ut si ab eo emas quem

vetuit prætor alienare, idque tu scias; *usucapere non possis*; quemadmodum libro ad Edictum vigesimo primo scribit Paulus, cap. 12. de usurpat. Adviditque eodem loco diversas rationes duas, quarum una est, quod alienationis verbo quodammodo *usucapio continetur*, cap. 28. de verb. sign. altera, quod alienatio principalis causa sit, & *usucapio inter ea numeretur, quæ sequuntur alienationem*. Si igitur non valeat alienatio rei, certe nec rei alienatæ valebit *usucapio*. Cum enim principalis causa non consistis, nec ea quæ sequuntur locum habent. Et hæc quidem certissima, sunt, si modo ab eo cui bonis interdictum est, creditæ pecuniæ restitutionem fieri non contigerit. Nam tunc suum recipit creditor, etiamsi non ignoret ei, qui nummos restituit mutuo datos, bonis interdictum esse, cap. 13. §. 1. cap. 14. & cap. 44. de condict. indeb. Nihil enim dolo creditor facit, qui suum recipit, cap. 9. §. 1. de condict. caus. dat. Atque ita quidem libro ad Edictum vigesimo primo scripsit Paulus; eo nihil obstante quod Ulpianus tradiderit interdum personam locum facere repetitioni, ut puta si is cui bonis interdictum est, solverit, cap. 29. de condict. indeb. Id enim de eo intelligendum est, qui post interdictionem bonorum emit, & solvit: quod certe facere non potuit, cum ei commercio interdictum sit.

#### CXXX. ULPIANUS LIB. XVIII. AD EDICTUM.

*Nunquam actiones præsertim pœnales de eadem re concurrentes alia aliam consumit.*

**A**D EDICTUM libro octavo decimo scripsit Ulpianus: *si servus servum alienum subripuerit, & occide-*

*ris furti, & damni injuria compescere actionem*; capite vigesimo septimo ad leg. Aquil. Idem Ulpianus auctor est, si quis ancillam alienam subripuerit, & flagitaverit, servi corrupti agi posse, & furti; cap. 2. §. 3. de privat. delict. Qui enim flagitat ancillam, ipsa flagitatione eam corrumpit. Nam, ut Festus definit, *flagitare nihil aliud est, quam suprare*. Inter cutem flagitatos, inquit Festus, dicebant antiqui, *mares*, qui *stuprum passi aliquando essent*. Nonius etiam, & Isidorus testes sunt: *flagitium veteres vitium, quod virgini inferitur appellasse*. Eoque sensu accipiendum est illud P. Africani apud Gellium libro septimo cap. 11. *Sed tu plus tercia parte pecuniæ paternæ perdidisti atque absumpsisti in flagitiis*. Quemadmodum igitur ancillæ flagellatione servi corrupti, sic ejusdem subreptione locus furti judicio esse solet. Ait enim Tertullianus libro quarto adversus Marcionem. *Nemo sua furatur, aut suffodit, sed ille potius qui in aliena descendit, & hominem a domino ejus alienat*. Nec alio spectat Terentii illud in Eunuchis.

— *Tun' me prohibeas*

*Meam ne tangam? C. prohibeo inquam. G. audin' tu? hic furti so alligat.*

Actio servi corrupti non consumit furti actionem, quemadmodum nec injuriarum actio actionem legis Aquilia. Ait enim libro ad Edictum octavodecimo Ulpianus, *actionibus legis Aquiliae, & injuriarum concurrentibus duas fieri affirmationes, aliam damni, aliam contumeliae*. Nam generaliter post longas controversias definitum esse, *nunquam actiones præsertim pœnales de eadem re concurrentes aliam consumere aliam*, cap. 5. §. 1. ad leg. Aquil. cap. 60. de oblig., & act. cap. 34. d. tit. cap. de injur. Ejusque defi-

definitionis hæc ab eodem Ulpiano prodita est ratio, quod nunquam plura delicta concurrentia faciant, ut ullius impositus detur: neque enim delictum, ob aliud delictum minuire poenam: eaque de causa eum qui hominem subripuit, & occidit, quia subripuit furti, quia occidit, Aquilia teneri; neque alteram earum actionum alteram consumere; capitulo secundo de privat. delict. cap. 14. §. 1. de præscript. verbis, cap. 2. de tut., & rationib. distrah. cap. 1. vi bo. rapt. Quod ipsum a Quintiliano in ea Declaratione traditum est, qua de ignominioso pulsatore disserit. *Dua enim sunt injuria, inquit, in hoc tuo facto, & ideo dua poene.* Hujusmodi poenalis judicii concurrentibus sic locus esse in foro solet, ut omnibus expetiri necessum non foret, sed liceret aëtori quam voluerat actionem exercere, & quod amplius in aliis erat, hoc etiam officio judicis exequi. Ita enim receptum fuisse, de actionibus concurrentibus libro singulari docuit Paul. d. cap. 34. Et hoc nimirum illud est, quod sic etiam Modest. Regularum lib. 3. scribit, *Plura delicta in una re plures admittunt actiones, sed non posse omnibus uti probatum est, c. 53. de oblig., & act.* Nec alio spectat quod ait Paulus, *si ex eodem facto dua competant actiones judicis partes esse, ut quo plus sit in reliqua actione, id actor ferat; si tantundem, aut minus id consequatur: c. 41. de oblig., & act.* Sensus enim est, duas ex uno facto concurrentibus poenalis actionibus, unam eligere aëto-rem debere, & si plus in reliqua actione est, quam in electa, id eum officio judicis ferre; sin minus, aut tantundem id eundem aëto-rem actionis institutæ medio consequi. Et ita cum actione concurrat hac specie officium judicis. Quod igitur Ulpianus hac

regula scribit, poenales actiones de eadem re concurrentes aliam per aliam non consumi, id omnino ad judicis officium videtur referendum esse. Eo enim officio cessante, dubium non est, quin per exceptionem, aut ipso jure altera consumat alteram; c. 34. §. 1. de oblig., & act. cap. 13. in prin. de insti. act. cap. 43. hoc tit. Sique famosa fuerit altera, & altera non famosa, præponendam esse famosam docuimus ad hujus tit. cap. 104.

#### CXXXI. PAULUS LIB. XXII. AD EDICTUM.

*Qui dolo deficiit possidere, pro possidente damnatur, quia pro possessione dolus est.*

**A**DVERSUS possessorem dari solet rei vindicatio; cap. 7. de rei vind. Sed & is qui ante litem contestatam dolo deficiit rem possidere, tenetur in rem actione; cap. 27. §. 2. d. tit. Dolus enim pro possessione est. In hæreditatis quidem petitione, & rei vindicatione, senatusconsulti, in noxalibus vero judiciis, & interdictis iusta edicti prætoris interpretatione, cap. 13. §. 2. de hæred. petit. d. c. 27. §. 2. cap. 12., & cap. 21. §. 2. de noxalib. actionib. cap. 1. de tab. exhibend. Et idcirco qui dolo deficiit possidere, pro possidente damnatur, non quidem directa, sed utili actione. Nam, ut ait Paulus, *hæc actio in locum directæ actionis succedit, capite 26. §. 2., & 4. de noxalib. act.*

#### CXXXII. CAJUS LIB. VII. AD EDICTUM PROVINCIALE.

*Imperitia culpe adnumeratur.*

**A**CTOR est ad Edictum provinciale libro 7. Cajus, *medicum qui imperite secuit servum; aut medi-*



*camento perperam usus est culpa reum esse: imperitiam enim culpæ adnumerari, cap. 8. ad leg. Aquil. cap. 9. § 5. locati. Ex hoc loco ab hominibus eruditissimis probatum est, medicos olim chirurgos fuisse. Verius existimo dici posse omnes chirurgos medicos appellari, quam medicos omnes chirurgos fuisse. Sic enim in fabulis scribit Hyginus Augusti libertus: Chiron Centaurus Saturni filius artem medicinam chirurgicam ex herbis primus instituit: Apollo arte oculariam medicinam primus invenit. Est etiam inscriptio quædam vetus id liquido demonstrans, his verbis: CHRESTE CONSERVÆ ET CONJUGI CELADUS ANTINOUS DRUSI MEDICUS CHIRURGUS BENEMERENTI FECIT. Huic consentaneum est illud Hieronymi ad Onasum: Medici quos vocant chirurgicos, crudeles putantur; & miseri sunt. Atque ita medicum accepit etiam Ambrosius, enarrans Psal. 37. his verbis: Novus medicus quæ singulis vulneribus medicamenta convenient, cujus ulceris putredo ferro sit amputanda, ne in totius corporis serpent exitium. Eodem loco addidit Cajus, mulionem quoque qui per imperitiam impetu mularum retinere non potuit, culpæ nomine teneri si illa bovem alienum obriverint; idemque juris esse in persona ejus, qui impetum equi, quo vehebatur propter imperitiam retinere non potuit; d. cap. 8. Est etiam Paulus auctor, eum culpæ reum esse, cujus imperitia ignis in stipulam, vel spinam comburenda ejus causa immissus, alienam segetem, vel vineam læsit; c. 30. §. 3. ad legem Aquil. Eoque pertinet quod ita Georg. lib. 1. Virgilius ait:*

*Sape etiam steriles incendere profuit agros,  
Atque, levem stipulam crepitantibus urere flammis.*

Plinius libro decimo octavo cap. 30.

Tom. I.

*Sunt qui accendunt in arvo, & stipulas, magno Virgilii præconio.*

#### CXXXIII. CAJUS LIB. VIII. AD EDICTUM PROVINCIALE.

*Melior conditio nostra per servos fieri potest, deterior fieri non potest.*

**E**X conventionibus servi melior fieri potest conditio domini, non deterior; cap. 19. de fidejuss. cap. 62. de verborum obligat. cap. 32. de acquir. rer. domin. ex delictis deterior, non melior, cap. 21. in princ., & cap. 22. de noxal. act. cap. 1. §. 8. de vi, & vi armata. Etiam si servus mercenarius fuerit; cap. 5. §. 6. quod vi, aut clam. Deteriorem dico conditionem non causam: Pejorem enim domini causam servi facere, nisi forte scierit dominus, omnino non possunt; auctore Paulo sent. lib. 5. tit. 12. in fine.

#### CXXXIV. ULPIANUS LIB. I. AD EDICTUM.

*Non fraudantur creditores cum quid non acquiritur a debitore, sed cum quid de bonis deminuitur.*

**E**DICTUM de is quæ in fraudem creditorum facta sunt, ad deminuentes patrimonium suum pertinere ait Ulpianus, non autem ad eos qui id agunt ne locupletentur, c. 6. in princ. quæ in fraud. cred. Eoque Bulgarus, Placentinus, & Accursius hanc regulam recte arbitrantur referendam esse. Ad edictum enim libro 21. cui hæc regula tribuitur, de eo disseruit Ulpianus, cui sub conditione legatum relatum est, cap. 42. de oblig. & act. Indequè intelligi facile potest, si hujus.

A a

juf.

julmodi legatarium solvendo non esse contigerit, invitum ampiecti legatum non cogi; nec si repudiaverit, fraudari creditores. Suum enim patrimonium non deminuit, d. cap. 6. Nam, ut ait eodem libro Ulpianus, non fraudantur creditores cum quid non acquiritur a debitore, sed cum quid de bonis deminuitur.

*cem litem suam facere ait, cum dolo malo in fraudem legis sententiam dixit, vel gratia, vel inimicitia, vel etiam sordibus. Nec interesse sitiusne famuliss judex sit, an vero paterfamilias: Neminem enim ex suo delicto meliorem suam conditionem facere posse, cap. 5. de judiciis.*

#### AD §. NEMO EX SUO.

*Nemo ex suo delicto meliorem suam conditionem facere potest.*

EXTAT Imperatoris Antonini constitutio, quæ prohibet judici in publicis, privatis, vel fiscalibus causis pecuniam dare, cap. 1. §. 2. de calumniat. Id autem fieri interdum solere, testis est libro 2. Epist. Cyprianus. Ait enim: *Quis inter hæc vero subveniat? patronus? sed prævaricatur, & decipit, judex: sed sententiam vendit. Qui sedes crimina vindicaturus admittit; & ut reus innocens pereat, sit nocens judex.* Et paulo post: *Nullus de legibus mortuus est, de questore, de judice pavor nullus; quod potest redimi non timetur.* Est etiam Ambrosius, Sermone 7. auctor, usque adeo hoc inolevisse malum, ut quasi ex consuetudine vendantur leges, corrumpantur jura, sententia ipsa venalis sit. Ideoque si constaret corruptum esse judicem, litem perire voluit Antoninus, d. §. 2. Ita nimirum ut ea pars, quæ judicem corrumpit, lite cadat: hoc est, interprete Festo, ejus rei de qua agitur causam amittat, & judex eam, quæ inter partes extincta est, litem suam faciat, in eam summam condemnandus, quæ religioni judicantis æqua videbitur, c. 5. §. 4. de oblig., & act. c. ult. de extraord. cognit. Deque hujusmodi judice differens ad Edictum lib. 21. Ulpianus, tunc judi-

#### CXXXV. ULPIANUS LIB. XXIII. AD EDICTUM.

*Ea quæ dari impossibilia sunt, vel quæ in rerum natura non sunt, pro non adjectis habentur.*

OBTINUIT impossibiles condiciones testamento adscriptas pro nullis habendas esse, cap. 3. de condiçt., & demonst. Et idcirco sub impossibili conditione factam institutionem non vitari, cap. 1. de condiçt. Instit. Quia enim impossibiles in faciendo conditiones in non faciendo fieri possibiles possunt, cap. 7. de verb. obligat. certe institutionem sub impossibili conditione scriptam sic voluerunt prudentes valere, ut ei potius mendum subesse interpretarentur, quam testatorem data opera, quod fieri non potest, fieri voluisse, d. c. 1. Veluti si sic concepta fuerit testamenti formula: *PUBLIUS SEMPRONIUS, SI CÆLUM DIGITO TETIGERIT, HÆRES ESTO*; hanc conditionem ita interpretantur, quasi scriptum fuerit: *SI CÆLUM DIGITO NON TETIGERIT.* Cur autem hujusmodi interpretatio in contrariis recepta non fuerit, a Meciano elegans est ratio prodita, c. 31. de oblig., & act. Eadem dicenda sunt, si quæ in rerum natura non sunt, dari voluerit testator; veluti Strichum qui mortuus est, aut Hypocentaurum qui esse non potest; §. 1. Instit. de inutilib. stipulat. cap.

cap. 30. §. de jurejurand. Eoque pertinet illud Senecæ Epistol. lib. 8. *In rerum natura quadam non sunt, & hæc autem quæ non sunt, rerum natura completitur, quæ animo succurrunt, tanquam Centauri, Gigantes, & quicquid aliud solâ cogitatione formatum habere aliquam imaginem capis, quamvis non habeat substantiam.*

CXXXVI. PAULUS LIB. XVIII.  
AD EDICTUM.

*Bona fides tantundem possidenti præstat, quantum veritas, quoties lex impedimento non est.*

**A**QUA pluvia nocet, vel opere facta, vel natura; cap. 1. §. 2. de aqua, & aqua plu. arcend. Nam, ut ait in Topicis Cicero, *genus est aqua pluvia nocens; ejus generis formæ duæ, loci vitio, & manu nocens, quarum altera jubetur ab arbitrio coerceri, altera non.* Quod ipsum ab Ulpiano quoque traditum est cap. 1. §. 12. d. tit. Est etiam Paulus auctor ad Edictum lib. 18. *cum cum quo aquæ pluvie arcendæ agitur, cogi judicium accipere, ut opus tollat, quoniam suo nomine convenitur; emptorem vero bonæ fidei, non quidem opus sellere, sed solam præstare patientiam cogendum esse adversario diuere, cap. 7., & cap. 12. d. tit. Et id quidem verum erat, si modo longo tempore opus factum emptor non possedisset bona fide. Quoties enim lex agendi dicta impedimento non est, bona fides tantum longo tempore possidenti juris in opere facto præstat, quantum ipsa veritas, hoc est, quantum vere, juste, ac legitime servitus constituta, aut ejus libertas acquisita posset præstare, cap. 1. §. 17., & cap. ult. de aqua, & aqu. plu. arcend. cap. 10. si servitus*

*vindie. Et hoc nimirum illud est quod sibi hæc regula Paulus voluit, ex ejus libro ad Edictum 18. desumpta per legem, eam legem intelligens, quæ ab auctoribus divisionis agro dicta est, d. §. 17. Ait enim libro de Conditionibus Agrorum Siculus Flaccus, *auctores divisionis adsignationisque leges quasdam colonis describere solere, ut qui agri delubris sepulchrisve publicis, viæ, itineris, actus, ambitus, ductusque aquarum privatis, & publicis utilitatibus servierint, in eadem conditione essent, quæ antea fuerant.* Deque hujusmodi legibus observavit rectissime Brissonus, Ulpianum etiam sensisse, c. 8. ad legem Jul. pecul.*

CXXXVII. ULPIANUS LIB. XXV.  
AD EDICTUM.

*Qui auctore judice comparavit, bonæ fidei possessor est.*

**I**MPENSA funeris semper deducitur ex hæreditate, & omne creditum præcedit, cap. penult. de relig., & sumpt. fun. Funerisque haberi ratio tanto solet, ut militem familiare funus excusaret, auctore Gellio; ut etiam in funus mortui servi necessariæ impensæ fierent, cap. 13. §. 19. de act. empt. cap. 31. §. 1. de relig. Et idcirco differens libro ad Edictum 25. de sumptibus funerum Ulpianus, *si nihil occurrat unde funeretur defunctus, ait ad res quoque legatas manum mitti oportere interveniente Prætoris, nec si postea hereditas fuerit adito, rem emptori auferend. m esse; quia bonæ fidei possessor est & dominium justum habet, qui auctore judice comparavit, cap. 14. §. 1. de religiof. Juste enim possidet, qui auctore Prætoris possidet, cap. 11. de acquir. poss.*

CXXXVIII. PAULUS XXVII.  
AD EDICTUM.

*Omnis hereditas quamvis postea adeatur,  
tamen cum tempore mortis continuatur.*

**P**RÆTEREA pulla, inquit Festus, nulli alii licebat uti quam ei qui funus faciebat. Funus autem eum facere oportebat cui funeris sui curam testator mandaverat, aut scriptos hæredes, aut si nullus scriptus esset legitimus, vel cognatos, suo quosque ordine quo succedunt, cap. 12. §. 2. de relig. Qui funus facit, iusta non facit faciendo funus. Funus enim facere, iusta facere, & exequi funus diversa sunt, cap. 2. in fin. & cap. 3. de in jus vocando. Nam qui funus indistinctum pompa funebri præcedente ducit, facit funus; qui sacrificio, quod humanum Festus appellat, rite peracto, glebam obijcit, iusta facit; & qui denique cadaver prosequuntur, eos exequi funus, exequiasque frequentare, dixerunt veteres. Moris enim erat, ut mortui, aut populari sandapila exportarentur, aut pompa funebri ducerentur. Nam tempore vespertino eos efferri solere ait Festus, qui funebri pompa duci propter inopiam nequibant. Eoque pertinet quod ait Suetonius: Domitiani cadaver populari sandapila per vespillationes exportatum fuisse. Nec alio videtur Ulpianus respexisse, cum scriberet sumptus funeris a magistratu decernendos esse pro facultatibus, vel dignitate defuncti; sumptum funeris causa eum deum videri factum, sine quo funus duci non possit, cap. 13. §. 3., & c. 14. §. 3. & 5. de religiosis. Qui funus faciebat, funus ducebat, d. cap. 14. §. 2. Qui autem funus sequebantur, exequi funus, exequiasque frequentare dice-

bantur. Sic enim de Flamino Diali scripsit libro 10. cap. 15. Gellius: *Mortuum nunquam attingit, funus tamen exequi non est religio*. Sic etiam Suetonius de Tiberio: *Quorundam illustrium exequias usque ad rogum frequentavit*. Et Donatus, Funus, inquit, est pompa exequiarum. Denique, qui in sepulchrum obijcit glebam eum iusta facere; Varro, & Festus ajunt, porca præstantea familia purganda causa Cerei immolata. Hinc intelligimus quænam sit hujus regulæ sententia vera. Differens enim ad Edictum libro vigesimo septimo Paulus de sumptibus funerum, impensam funeris semper deduci scripsit ex hereditate, etiam legatis, & pretiis manumissorum non deducis, cap. 25., & cap. penult. de religiosis. Addiditque necessarium non esse ut hereditas adita sit. Onnem enim hereditatem, licet postea adeatur, cum mortis tempore continuari; atque ita fieri, ut quo mortis tempore ad executionem deductionemque funeris necessaria sunt, recte ex hereditate etiam non adita deducantur. Nam, ut ait libro nono Epist. Ambrosius, ubi testamentum, ibi hereditas. Quod ipsum satis liquido demonstrat etiam Ulpianus, cap. 1. §. 4. de injuriis. Sane cum tempore mortis continuari hereditatem adeo verum est, ut scripserit expresse Cajus, cum qui postea heres exiit, ex mortis tempore successisse defuncto hac ratione videri, quod ejus familia ex tempore mortis funesta facta intelligatur, licet post aliquid tempus heres exiit, cap. 28. de stipul. fervor. Nec ante desinebat esse funesta, quam iusta defuncto fecisset hæres. Tandiu enim, auctore de Lingua Latina libro quarto Varrone, familia funesta manebat, & humilior dicebatur. Ait etiam Nonius Varro nem de Vita Pop. Rom. libro 5: sic scripsisse: *Quæd humatus non sit, heredi*

*vedi porca præcidanea suscipienda Tel-  
luri, & Cereri, aliter familia pura non  
est. Hanc porcam Gellius, Festus, &  
Varro præcidaneam vocant, dissentien-  
te Victorino, qui eam appellari præ-  
cidariam vult, non præcidaneam, de  
Orthographia differens. Fuisse quaque  
porcam aliam quæ in re, & in præ-  
sente mortuo immolabatur, testis est  
idem Victorinus, eamque præsentaneam  
appellat. De qua porca dubium non  
est quin senserit Festus cum sic scri-  
beret: *Præf. ... porca dicitur, &c.* Ita  
enim ex eodem Victorini de Ortho-  
graphia libro, restituendus est hic Fe-  
sti locus: *Præsentanea porca dicitur, ut  
ait Peranius, quæ familia purgandæ  
causa Cereri immolatur.* Nec dubito  
quin ea restitutio verissima sit, & ad  
hujus regulæ veram sententiam ac-  
commodatissima.*

## AD §. NUNQUAM.

*Nunquam crescit ex postfacto præteriti  
delicti æstimatio.*

Non de sumptibus funerum dum-  
taxat, sed etiam de sepulchro violato  
scripsit libro ad Edictum vigesimo  
septimo Julius Paulus, cap. 27. de inju-  
riis, cap. 4. de sepulch. violato. Et quia  
sepulchri violati actio alia pecuniaria  
est, alia capitalis, cap. 9. cap. 11. d. tit.  
dubitatum certe fuisse videtur, an is qui  
actione pecuniaria ob modicam sepul-  
chri violationem conventus est, postea  
corruente integro monumento, possit  
capitali judicio conveniri, quasi ruinæ  
causam dederit, & Paulus respondisse,  
id nullo modo fieri posse, *nunquam  
enim ex postfacto crescere præteriti deli-  
cti æstimationem.* Videlicet ea ratione,  
qua scripsit idem Paulus, si vulneratus  
fuerit servus non mortifere, negligentia  
autem perierit, de vulnerato actionem

*esse, non de occiso, cap. 30. in fin. ad  
leg. Aquil.*

CXXXIX. CAJUS LIB. AD EDI-  
CTUM PRÆTORIS URBANI.

*Omnes actiones quæ morte, aut tempore  
pereunt, semel inclusæ judicio  
salvæ permanent.*

**L**ITIS enim contestatione pœnales  
actiones transmittuntur, & tem-  
porales perpetuantur, c. ult. in fin. de  
fidejuss. tut. Per actiones temporales  
honorariæ intelliguntur actiones. Illæ  
enim post annum aliter dari non so-  
lent, quam si rei persecutionem habe-  
rent, cap. 22. in fin. de liberali causa,  
cap. 35. de oblig. & act. aut sine rei  
persecutione, inclusæ semel judicio fo-  
rent, cap. 5. de publicanis. Est etiam  
Ulpianus auctor, omnes pœnales actio-  
nes post litem inchoatam ad heredem  
transire, c. 26. de obl. & act. Eaque  
de re sæpius jam dictum est.

## AD §. NON VIDETUR.

*Non videtur perfecte cujusque id esse,  
quod ex casu auferri potest.*

Hanc regulam arbitror desumptam  
esse ex Caji ad Edictum Prætoris ur-  
bani commentario de liberali causa.  
Docet enim in eo commentario Ca-  
jus, interdum patrono licere pro li-  
bertate liberti litigare, interdum non  
licere. Licere quidem, si patrono  
ignorante libertus venire se passus est;  
non licere, si id ipsum sciente patro-  
no factum fuerit, cap. 4. de lib. caus.  
Auctor est Quintilianus libro septimo  
cap. 8. in patroni manu libertum esse:  
eque ratione parronis munus, operas,  
& testamentum deberi alio loco de-  
mon-

monstratum est. Quod ipsum sensisse videtur Ulpianus cum scriberet, *interfisse nostra, libertes libertasque habere*, c. 5. d. tit. Atque ita quidem patronorum esse liberti solent, quia in eorum manu sunt; non tamen perfecte, quia ex casu eis auferri, & eripi possunt. *Non enim perfecte videtur cuiusque id esse, quod ex casu auferri potest.* Casus est, si non ignorante patrono libertus vendundari se passus fuerit. Tunc enim in manu esse patroni desinit, & servus efficitur.

#### CXL. ULPIANUS LIB. LVI. AD EDICTUM.

*Absentia ejus qui reipublica causa abest, neque ei neque alii damnoisa esse debet.*

SENATORIBUS equitibusque Romanis Italiam excedere aliter non erat liberum, quam si facultatem excedendi impetrassent. Proinde qui proficisci volebant, olim quidem Senatuum, postea vero principem adibant, & exposita peregrinationis causa justa, commeatum impetrabant, cap. 2. in fin., & cap. 22. §. penult. ad municipal. cap. 15. C. de dignit. Idque illud est quod ait Svetonius, *commeatus a senatu peti solitos, sui beneficii Claudium fecisse*. Plinius Trajano: *Deinde ut hoc facere quam maturissime possim, indulge commeatum.* Est etiam in eodem Claudio Svetonius auctor, *majorum temporibus Rabirio Postumo equiti Romano sine commeatu Ptolemaeum Alexandrium crediti servandi causa secuto, crimina maiestatis apud iudices motum fuisse*. Et Cicero Epist. fam. libro 9. *Cum in his angustiis versarer, inquit, placitum est ut postulatam legationem liberam mihi reliquisque nostris, ut aliqua causa proficiscendi bo-*

*nesta quaereretur.* Senecam quoque saepius a Nerone *commeatum petisse, bonisque cedere voluisse* Svetonius testis est. Inter alias quibus decernebatur commeatus causas iustas, reipublicae causa longe iustissima fuit. Cum enim libro 43. scriberet Livius, *editto senatores ex tota Italia Romam esse revocatos, eos dumtaxat exceptos fuisse addidit, qui reipublicae causa abessent*. Certe quod soli illi reipublicae causa intelligantur abesse, qui non sui commodi causa, sed coacti abeunt; cap. 36. ex quib. caus. major. Et idcirco mirum non est, absentiam ejus qui reipublicae causa abest, ei damnosam esse non debere, nec etiam alii, cap. 5. de sepulch. si modo vere scripserit Africanus, *publicum officium non debere, vel domo, vel compendio cuiquam esse*, cap. 29. ex quibus caus. major. Quod autem Modestinus ait, *abesse reipublicae causa intelligi, & eum qui ab urbe profectus est, licet nondum provinciam excesserit, & eum qui excesserit, donec in urbem revertatur*, cap. 32. d. tit. id audio quibuscumque vitiosum videri, pro excesserit, legendum accesserit, existimantibus. Sed frustra. Sensus enim est, nullam sine commeatu injungi solere reipublicae causa legationem, & tamdiu aliquem abesse reipublicae causa, ac per consequens habere commeatum intelligi, donec ab urbe profectus, rursus in urbem rediit. Nam, ut ait Festus, *dari commeatus dicitur cum tempus datur, quo quis ire debeat, & redire*. Atque ita duo tempora sub se continet commeatus, unum cundi, donec absens reipublicae causa legatione functus excesserit provinciam, alterum redeundi, donec provinciam excedens, in urbem fuerit reversus; deque huiusmodi temporibus sentire videtur Modestinus, d. cap. 32. Ut enim non sine commeatu ab urbe proficisci, sic nec  
ad

ad urbem redeuntes poterant Præfides provinciam excedere sine commeatu; quemadmodum expresse docet Svetonius, cum ait: *Divum Claudium ad quoddam spectaculum commeare in urbem non solum præfidebus provinciarum permisisse, verum etiam exilibus quibusdam.*

XXLI. PAULUS LIB. LIV.  
AD EDICTUM.

*Quod contra rationem juris receptum est, non est, producendum ad consequentia.*

DE hac regula scripsimus ad hujus tituli caput primum.

AD § UNI DUO.

*Uni duo pro solido barcas esse non possunt.*

NON enim dominium esse, apud duos pro solido potest, cap. 19. §. 2. de castrensi pec. nec plures eandem rem possunt in solidum possidere. *Contra naturam quippe est, ut cum ego aliquid teneam, tu quoque id tenere videaris, quemadmodum docet eleganter, & latissime Paulus, libro ad Edictum quinquagesimo quarto, ex quo hæc regula lumpa est, cap. 2. §. 4. de acq. poss.*

XLII. ULPIANUS LIB. LVI.  
AD EDICTUM.

*Qui tacet, non utique fatetur; sed tamen verum est eum non negare.*

ARBITER dari solet, aut æstimandæ liti, aut judicandæ, cap. 25. §. 2., & cap. 26. ad leg. Aquil. Eoque pertinet hæc veteres notæ, A.

L. E. quas ita interpretatus est Valerius Probus, ARBITRIUM LITIS EXTIMANDÆ, vel, ARBITRIUM LITI ESTIMANDÆ. In actione, quæ adversus confitentem datur, judex non rei judicandæ, sed æstimandæ datur. Nam nullæ partes sunt iudicandi in confitentes, d. cap. 25. cap. 6. §. 1. de confess. Siquidem, ut Paulus ait libro ad Edictum quinquagesimo sexto, *confessus pro judicato est*, cap. 1. d. tit. Eodem libro tractatum a Paulo fuit, an is qui tacet habeatur pro confesso. Et certum quidem est, tacentem haberi interdum pro confesso: quod tunc fieri maxime solet, cum in jure ab adversario interrogatur, ne Prætor videatur contemni, cap. 10. §. 3. de interrog. Eoque referri poterit illud Donati in Terentium: *Taciturnitas confessionis genus est, contra adversarii interrogationem.* Aliud erat si adversarius non teneretur respondere. Tunc enim qui tacet neque fateri intelligitur, neque etiam negare, cap. 9. de except. Id quod Valerius satis indicat, de M. Claudii Marcelli filio sic lib. 6. scribens: *Constas juvenem productum in Rostra defixo in terram vultu perseveranter tacuisse, verecundoque silentio plurimum in ultionem suam valuisse.* Cæterum de ejus, qui tacet consensu pro tractatus cujusque diversitate, varie a prudentibus responsum est, nec ullam habet ea res difficultatem.

XLIII. ULPIANUS LIB. XLII.  
AD EDICTUM.

*Quod ipse, qui contraxerunt obstat, & successoribus eorum obstat.*

NON enim debet, quis melioris esse conditionis, quam auctor ejus, a quo jus in eum transiit. Et ideo

ideo æquissimum visum est ei, qui ex persona auctoris utitur accessione, pati dolum auctoris, capite 4. §. 24. de doli except. Qua de re differens libro ad Edictum lexagelimo secundo Ulpianus, dolum auctoris cum etiam esse ait, si debitor in fraudem alienus creditoris, id persequi, aut solvere noluerit, quod persequi, & solvere potuit; cumque dolum successoribus quoque ob stare. Quod enim ipsis, qui contraxerunt obstat, id eorum successoribus ob stare, capit. 44. mandati. cap. 3. quæ in fraud. credit.

---

CXLIV. PAULUS LIB. LXII.  
AD EDICTUM.

*Non omne, quod licet, honestum est.  
In stipulationibus id tempus spectatur,  
quo contrahimus.*

**A**D Oceanum sic scribit Hieronymus; *Aliæ sunt leges Cæsaris, aliæ Christi; aliud Papinianus, aliud Paulus noster præcipit. Apud illos viri impudicitie fræna laxantur, & solo stupro, atque adulterio damnato, passim per lupanaria, & ancillulas, libido permittitur, quasi culpam dignitas faciat non volutas. Hæc Hieronymus, demonstrans evidenter non omne, quod licet honestum esse. Licere enim fornicari, cum nihil fornicatione sit inhonestius. Qua de re differit etiam de Providentia Dei libro quarto Salviatus. De tempore, quod in stipulationibus spectari solet, scripsimus ad hujus tituli caput decimum octavum.*

---

CXLV. ULPIANUS LIB. LXVI.  
AD EDICTUM.

*Nemo videtur fraudari eos, qui sciunt, & consentiunt.*

**N**ON videtur celatus, qui scit; neque certiorari debet, qui non ignorat, cap. 1. in fin. de act. empt. Et idcirco, qui consentientibus creditoribus aliquid a fraudatore, vel emit vel stipulatus est, non videtur in fraudem creditorum fecisse. Nemo enim videtur fraudare, eos, qui sciunt, & consentiunt, cap. 6. §. 5., quæ in fraud. credit. Quod ipsum etiam locum habet in adiliis actionibus, cap. 48. §. 1., & 3. de edic. edict. cap. 4. §. 5. de except. dol. mali Nec alia ratio est cur scripserit Pomponius, *simpliciarum venditionum causa ne sit reddidit in usu esse*, d. cap. 48. §. fin. Res enim poculentæ, & esculentæ nulla fere continent latentia vitia: easque simplicarias appellari ex libello Fulgentii de Prisco Sermonem suspicari licet. In eo enim sic scriptum est: *Simplones dicuntur convivæ; nam, & amicus sponsi, qui cum eo per convivia ambulat, simplator dicitur.* Hæc Fulgentius tam simplicaria, quam simplatores a simplicionibus posse derivari, non obscure demonstrans.

---

CVLVI. PAULUS LIB. LXII.  
AD EDICTUM.

*Quod quis dum servus est egit, proficere libero facto non potest.*

**I**N stipulationibus id tempus spectamus quo contrahimus, cap. 78. de verb. obligat. Et idcirco si tempore ser-



servitutis sub conditione stipulatus fuerit servus, & eum ante conditionis eventum contigerit manumitti, non servo, sed domino commodum stipulationis acquisitum censebitur. Nam quod quis egit dum servus est, ita protinus acquiritur domino, ut servo libero facto proficere illud nullo modo possit. Et hæc quidem vera est regulæ hujus sententia, ex Pauli ad Edictum libro 62. desumptæ. Nam in eo libro hac de re tractatum a Paulo fuisse ex inscriptione d. c. 78. omnino constat. Eaque res latius ad hujus tituli, cap. 18. a nobis exposita est.

#### CXLVII. CAJUS LIB. XXIV. AD EDICTUM PROVINCIALE.

*Semper specialia generalibus insunt.*

**C**AJUS ad Edictum provinciale libro 24. de bonis differens auctoritate judicis possidendis, *ideo, ait* ΑΝΑΓΡΗΝ singulorum instrumentorum fieri posse, quod licet creditoribus universorum bonorum descriptionem facere. *Semper enim specialia generalibus inesse,* cap. 15. de bon. auct. judic. possid. cap. 6. de aliment. legat.

#### CXLVIII. PAULUS LIB. XVI. BREVIS EDICTI.

*Cujus effectus omnibus predest, ejus & partes ad omnes pertinent.*

**S**OLET debitor qui solvendo non erat, aut bonis cedere, aut foro. Bonis autem cedebatur, non in jure tantum, sed etiam extra jus per nuntium, & per epistolam; cap. ult. de cess. bon. Erat enim moris ut rei qui

*Tom. I.*

solvendo non essent; legis Julæ de bonis cedendis beneficium implorarent, eoque impetrato omnibus suis bonis, res alienum in jure professi, creditoribus cederent, bonorum, sive (ut est apud Varronem) *bonam copiam* ejurantes, cap. 4. C. qui bon. cedere poss. Eoque pertinet illud Senecæ de Benefic. lib. 6. Si quis patriæ meæ pecuniam credat, non dicam me illius debitorem, nec ex hoc res alienum profitebor aut candidatus, aut reus. Et tunc quidem observari etiam solet, ut creditores solo venditionis bonorum remedio, indemnitati suæ consulerent. Siquidem bona dividere non poterant propria auctoritate, nec etiam jure domini detinere, d. cap. 4. Extra jus bonis ad eum modum cedebatur quem sic Apolog. 2. descripsit Apulejus: *Pater ejus pluribus creditoribus deservatus maluit retinere pecuniam quam perdere. Nam cum undique verum talibus flagitaretur, & quasi insanus ab hominibus obviis teneretur; Flax, inquit, negat se posse dissolvere annulos aureos, & omnia dignitatis insignia abjicit, cum creditoribus depascitur.* Hæc Apulejus, satis indicans in omni bonorum cessione verbum, hoc est, nudam voluntatis professionem sufficere. Quod ipsum Philippus etiam, & Theodosius Imperatores, jurisconsultum Marcianum secuti, tradiderunt, cap. 1. , & cap. ult. C. d. tit. cap. ult. D. de cess. bon. Frustra igitur hanc clausulam, *scrupulose* priorum legum explora, responso Theodosii adjecit Tribonianus aliquid novi juris introduxisse cum Theodosio, Philippum falso persuasus. Nec dubium est quin clausula illa Triboniani sit. Eam enim abesse a Theodosiano codice norunt omnes. Cæterum foro cedere debitores dicuntur qui solum vertunt, qui judicio provocati latitant, qui ne per procu-

**B b** *rato-*

ratores quidem ad jus fori respondent. Et hujusmodi quidem debitorum *bona*, si tertio edicto, aut uno pro tribus dato, ad sui defensionem non excitarentur, non possidebantur solum, sed etiam vendi a creditoribus poterant, cap. 1 §. si nemo, quod cujuscunque universi. nom., cap. 7. quib. ex caus. in poss. eat. *Possidebantur quidem dies triginta, vendebantur vero post trigesimum diem*, quemadmodum pro P. Quintio docet Cicero. Si modo cum creditoribus intra dies illos triginta debitorum ejusque successores de certa portione non essent pacti. Solet enim majore creditorum parte consentiente a Prætoris decretum nonnunquam interponi, ut certam creditores singuli portionem ferrent, cap. 58. §. 1. mand. cap. 7. §. fin. & cap. 8. de pactis. Seneca de Benefic. libro 4. cap. 39. Appellare debitorem ad diem possum, *Et si foro cesseris portionem feram*. In bonorum venditionibus illud esse in usu solet, ut aut sector admitteretur, aut magister constitueretur. Sector admitterebatur, si creditores parati essent partem ex bonis, licet ab extraneo consequi, c. 60. de pactis, cap. 6. de bon. auct. jud. possid. Tunc enim ita dividendi bona solent, ut de certis portionibus cum creditoribus singulis decideret emptor, datis auctore Theophilo fidejussoribus idoneis. *Sectores* autem hujusmodi emptores appellari, testis evidentissimus est Alconius Pedianus. Deque hujusmodi emptoribus arbitror accipiendum esse Justiniani titulum: **DE SUCCESSIONIBUS SUBLATIS QUÆ FIUNT PER BONORUM VENDITIONES**. Nam si Theophilo credimus, *bona debitoris addicebantur emptori decreto Prætoris eaque additione, sic debitori succedebat emptor jure prætorio, ut actiones omnes debitoris, Et adversus debitorem competentes,*

*ad emptorem transferrentur*. Aliud erat si ex bonis rei non dubitarent singuli creditores solidum consequi. Tunc enim ex creditoribus uni, quem major pars elegerat, ne corrumpentur rationes negotium dari solet, addita rerum omnium venditarum diligenti cura capite fin. de curat. bon. dand. cap. 15. de bon. auct. jud. possid., c. 9. de curat. sur. Eumque magistrum appellari, testatur Cicero ad Atticum lib. 1. Ait enim: *Una agebant ceteri creditores, in quibus erat Lucullus, Et P. Scipio, Et is quem putabant magistrum fore, si bona venirent, L. Pontius*. Hæc cum ita se habeant, nunc intelligimus quid hac regula voluerit Paulus. Certum enim est, ejus qui bonis vel foro cessit, creditores non esse omnes unius ejusdemque conditionis. Nam alii re, & effectu creditores sunt, alii effectu solo, non re. Re & effectu creditores sunt qui aliqua exceptione perpetua nequeunt submoveri; effectu autem solo, quibus nondum competit actio, ejusmodi sunt conditionales creditores, capite 54., & capite 55. de verborum significatione. Atque ita effectum accipi in prudentum responsis novum non est, capite 5. §. 1. quod cum eo, cap. 1. §. 12. ut legat. non capiatur capite 14. in fine commun. divid. Deque hujusmodi effectu sensit hac regula Paulus ex ejus Brevis edicti libro 16. desumpta. In eo enim libro de rebus auctoritate judicis possidendis, & magistris faciendis Paulum diservisse, constat ex epigraphe cap. 26. de rebus auctorit. judic. possid., & cap. 55. de verb. signific. Et idcirco ea videri potest hujus regulæ esse sententia, quasi contenderit Paulus creditores conditionales cum aliis creditoribus concurrentis effectum omnibus aliis prodesse posse. Nam si evanuerit conditio, partes hujus creditoris aliorum augent

augment portiones. Et ita cujus effectus omnibus prodest creditoribus, ejus quoque partes five portiones, ad omnes creditores pertinent, eorumque portionibus aut accrescunt, aut etiam detrahuntur: accrescunt quidem, evanescente conditione; detrahuntur vero, si eventum sortita conditio fuerit.

#### CXLIX. PAULUS LIB. LXVII. AD EDICTUM.

*Ex qua persona quis lucrum capit, ejus factum præstare debet.*

**Q**UOD filius peculiari nomine apprehenderit, id statim pater ejus possidet, cap. 4. de acquirend. poss. Quod servus acquirit, id etiam acquiri domino nemo dubitat. Et cum natura æquum sit eum qui commodum sentit, incommodi etiam participem fieri, quid mirum, & filii patrem, & dominum servi factum præstare? cap. 1. quod cum eo, cap. 27. in princip. de pecul., cap. 1. §. 8. de vi, & vi armata. Nec refert proprius ne servus, an mercenarius sit de cujus facto præstando agitur. Ait enim Ulpianus, si tuum servum mercenarium habuero, quicquid ab eo factum fuerit meo nomine, ob id non secum, sed mecum interdictio quod vi aut clam agendum esse, cap. 5. §. 6. quod vi aut clam, cap. 1. §. 10. de vi, & vi armata. Nam, ut ait pro Cecinna Cicero, si tuus servus nullus fuerit, & omnes alieni ac mercenarii; tamen & ipsi tua familia, & genere, & nomine continebuntur. Seneca de Benefic. libro 7. Nec conductum meum quanquam sis dominus intrabis, nec servum tuum mercenarium meum abduces. Idque ad eum morem omnino pertinet cujus ita meminit libro 6. de Providentia Dei Sal-

vianus: *Illorum more dominorum nobiscum agitur, qui mancipia obsequiis suis non necessaria, mercedibus promerendis locant.* Ejusque moris meminerunt sapientissime Jurisconsulti, cap. 18. §. 3. c. 19. §. fin., & cap. 20. de instrum., & instruct. legat., cap. 73. §. 1. de legat. 3. cap. 11. §. 1. de pœnis. Solent etiam operarum Servilium hujusmodi locationes, aliarum locationum exemplo, in quinquennium plerumque fieri cap. 49. de act. empti, cap. 18. §. 3. de stipulat. servor. Annisque singulis annuæ exolvebantur dominis mercedes, cap. 19. in fin. de instrum., & instruct. legat. cap. 25. §. 2., & cap. 26. de usufruct.

#### CL. ULPIANUS LIB. LXVIII. AD EDICTUM.

*Parem esse conditionem oportet ejus, qui quid possideat vel habeat, atque ejus cujus dolo factum sit quominus possideret, ut haberet.*

**H**ÆC regula desumpta est ex c. 2. §. 26. ne quid in loco publ. ejusque ratio redditur hujus tit. c. 131. Nec alio spectat quod Cajus ait, eum videri facere quominus facere possit, qui erogat bona sua in fraudem future actionis, idque ex interdictis colligi, in quibus ita est: QUOD DOLO FECISTI UT DESINERES POSSIDERE; c. 68. pro socio. Quid autem hac regula sit possidere vel habere, explicat Ulpianus, d. c. 2. §. 23. A quo videtur dissentire Cornelius Fronto.

CLI. PAULUS LIB. LXIV.  
AD EDICTUM.

*Nemo damnum facit, nisi qui id fecit  
quod facere jus non habet.*

**I**N interdicto: NE QUID IN LOCO  
PUBLICO, his quinque verbis solet  
uti PIETOR: QUAE EX RE QUID ILLI  
DAMNI DETUR, c. 2. in princ. ne  
quid in loco publ. Eaque verba inter-  
pretans Paulus ad Edictum libro 64.  
neminem damnum facere scripsit, nisi  
eum qui id fecit quod facere jus non  
habet. Et ideo damnum eum pati, au-  
ctor est Ulpianus, qui commodum amit-  
tit quod ex publico consequeretur, eoque  
nomine eum qui damnum fecit interdi-  
cto teneri, nisi tacende jus principali  
auctoritate consecutus esset, cap. 2. §. 7,  
& 10. ne quid in loco publico.

CLII. ULPIANUS LIB. LXIX.  
AD EDICTUM.

*Hoc jure urimur, ut quicquid omnino  
per vim fiat, aut in vis publica, aut  
in vis privata crimen incidat. Deficit  
& qui mandas. In maleficio rati-  
bus mandato comparatur. In contra-  
dictibus quibus doli praestatio, vel bona  
fides inest, haec in solidum tenetur.*

**L**EX Julia publicorum conjuncta fuit  
cum lege Julia majestatis, & in  
publicas damnabat personas: ferebatur,  
auctore Paulo sentent. libro 5. tit. 26.  
indeque publicorum dicebatur, cap. 32.  
de poenis, cap. 1. in princ. de vi, &  
vi armata, & sine aliqua provocatio-  
ne delinquentes aquae, & ignis inter-  
dictione coerceretur, quemadmodum re-  
fert Philipp. 1. his verbis Cicero?

*Quid? quod obrogatur legibus Caesaris,  
quae jubenti ei qui de vi, itemque ei  
qui majestatis damnatus sit aqua, &  
igni interdicti? quibus cum provocatio  
datur, nonne astra Caesaris rescinduntur?*

Privatorum autem hominum armato-  
rum furorem, incriminumque seditiones,  
coetus & concursus, alia lege repressit  
Caesar, quae lex Julia privatorum di-  
cebatur, d. tit. 26., & d. cap. 32. Et  
quia legis Plotiae de vi apud Cicero-  
nem mentio fit Epistol. Familiar. li-  
bro 8. facile suspicor his duabus Juliis  
rogationibus, eam legem sublatam fuisse.  
Eoque etiam spectat illa publicae  
vis, & privatae definitio, quam tradi-  
dit Etym. libro 5. tit. 26. Hidorus.  
Et haec quidem sic in usu fuerunt ante  
legem regiam. Cum enim lege regia  
desisset esse ad populum provocatio,  
desisset etiam a populo magistratus  
creari, & coerceri, lex illa Julia pu-  
blicorum cum lege Julia ambitus in  
urbe tandem cessabat; cap. unic. de  
lege Jul. ambit. Solent veteres legem  
aliquam cessantem, aut ad desuetudi-  
nem inclinantem sic interdum retra-  
ctare, ut quae post eam latam novis  
legibus aliis, aut constitutionibus fue-  
rant definita, ei in retractando per  
saturas adjicerentur, ejusdem legis no-  
mine retento. Est enim Festus auctor  
legem multis aliis legibus confectam,  
saturam dici, & in sanctione legum  
adscribi. NEVE PER SATURAM AB-  
ROGATO AUT DEROGATO. Ait etiam  
Svetonius, leges quasdam Augustum  
retractasse, quasdam ex integra sanxisse,  
capiti legis Papiae Poppae a Tiberio Ca-  
sare quasi senaenarii generare non pos-  
sent, addit, D. Claudium abrogasse.  
Et ideo mirum non est vim arma-  
tam ad legem Juliam de vi publica  
prudentes retulisse, quam sub privato-  
rum lege Caesar expresse voluit com-  
prehendi, cap. 3. 4. 5., & 10. ad leg.  
Jul.

Jul. de vi publ. Non enim dubium est, quin publicorum, & privatorum leges Juliz, sic fuerint aliquando retractatz, ut vix nomen integrum retinuerint. Nam quæ leges Juliz publicorum privatorumque genere quodam ab initio dicebantur, postea specie quadam describi, & appellari leges de vi publica, & privata cœperunt. Hisque legibus tenebantur qui vim fecerant. Nam, ut ait hac regula Paulus, *hoc jure utimur, ut quicquid omnino per vim fiat, aut in vis publica, aut in vis privata crimen incidat. Diciturque vis publica, quod exemplo publicorum judiciorum, hujusmodi violentiæ executio cuius ex populo concederetur; privata vero, quod executio ejus lesio cuique propria esset, & pecuniaria, §. 1. Institut. de public. judic.* Per executionem persecutionem intelliges. Sic publicam actionem interpretatur eam actionem Ulpianus, *que omnibus potest, cap. 1. §. 4. de susp. tut.* Sic libertas dicitur publica res, c. 33. in princ. de fideicom. liberr. Publicam enim tutelam meretur libertas, cap. 2. ne de statu defuncti. Et idcirco tam hi plurimum errant qui vim omnem publicam esse armatam contendunt; quam illi, qui vim armatam idcirco publicam dicunt appellari, quod arma essent publica, & publice in armamentariis custodirentur. Quasi vero stuprum inferre vis publice non sit, c. 29. in fin. ad leg. Jul. de adulter. c. 3. ad leg. Jul. de vi publica. Quasi fustes, & lapides, & armorum appellatone Jurisconsulti de vi publica differentes, non comprehenderint; cap. 3. §. 2. de vi, & vi armat. cap. pen., ad l. Jul. de vi publ. Qui vi dejectus est, interdicitur solet unde dejectus est restitui. Atque ita non criminaliter solum, sed etiam civiliter conveniebatur qui vim fecerat; criminaliter quidem, le-

gibus Juliis; civiliter vero, interdicto, c. 1. in princ. de vi, & vi armata c. 32. de pœnis. Moris enim erat, ut si quis vi dejectus esset, ita interdicere Prætor: *UNDE TU ILLUM VI DEJECISTI, RESTITUAS; d. cap. 1. in princ. Et quia dupliciter homines dejiuntur, aut sine coactis armatisque hominibus, aut per hujusmodi rationem, & viam, idcirco contendis pro Cecinna Cicero, ad duas res dissimiles duo devincta esse interdicia; unum de vi quotidiana, alterum de vi armata. De quibus dubium non est quin senserit etiam Paulus cum scriberet possessionis recuperanda causa sub rubrica: UNDE VI, interdicia proponi, c. 2. in fine, de interdici. Deque hujusmodi interdiciis libro ad Edictum sexagesimo nono differuit latissime Ulpianus c. 1., & cap. 3. de vi, & vi armat. Addiditque: Cum procurator armatus venit, ipsum dominum armis dejecisse videri, si mandavit, sine ratum habuit. Dejecere enim eum qui mandat; rectiusque secundum Sabinum, & Cassium dici in maleficio ratihabitionem mandato comparari, d. c. 1. §. 7., & d. c. 3. §. 6. Nec non in heredes in factum actionem competere in id quod ad eos pervenit; aliter atque in bonæ fidei contractibus fieri solet. Nam ex iis tenentur hæredes in solidum d. cap. 1. in fin.*

CLIII. PAULUS LIB. LXV.  
AD EDICTUM.

*Fere quibusunque modis obligamur, hisdem in contrarium actis liberamur, eum quibus modis acquirimus, hisdem in contrarium actis amittimus. Ut igitur nulla possessio acquiri nisi animo, & corpore potest: ita nulla amittitur, nisi in qua utrumque in contrarium actum.*

**P**OSSESSIONIBUS rerum immobilium transferendis actus duo solemnes adhibebantur, unus erat acquisitionis, alter amissionis. Civilis fundi possessio acquirebatur solemniquadam in fundum inductione, c. 3. de usufr. c. 32. §. 4. de administrat. tutor. c. 41. de acquir. poss. Et quia inductionieductio contraria est, certe quemadmodum civilis possessio acquiri dicitur inductione, sic ea consuevit amitti eductione. Educebatur enim ex fundi venditor, & sic fundi ejus possessionem corporalem amittebat, simul exuta omni retinendæ possessionis affectione; eoque momento in fundum emptor ducebatur, & eandem, quam venditor exuerat, animi induens affectionem, non corpore solum, sed etiam animo apprehendere possessionem intelligebatur; adhibitis, nisi vehementer fallor, usurpationis solemnibus antiquis, de quibus disternimus late suo loco. Atque ita quibus modis acquiruntur, hisdem in contrarium actis amitti possessionem auctor est hac regula Paulus, cap. 8., & cap. 46. de acquir. poss. Eo nihil obstante, quod ab eodem Paulo traditum sit, possessionem animo solo amitti posse, quamvis acquiri nequeat solo animo, cap. 2. §. 5. d. tit. Id enim perpetuo verum est actibus illis duobus simul

non concurrentibus, quibus amitti, & acquiri eodem momento corpore, & animo possessionem moris fuisse demonstratum est. Omissione amitti possessionem nemo dubitat. Nam qui fundum usufructu; eum sine possessione non acquirit, cap. 25. de usurp. Et quia duo unam rem in solidum nequeunt possidere, cap. 3. §. 4. de acquir. poss. consequens videtur emptore bonæ fidei possidente, non censi dominum verum possidere, sed potius omissione possessionem amisisse; eoque sensu amitti solo animo possessionem ad Edictum libro 54. Paulum scripsisse, d. §. 5. Tum quod eo libro de usufructibus tractaverit Paulus, tum etiam quod certum sit possessionem recedere, ut quisque constituit nolle se possidere, cap. 17. de acquirend. poss.

CLIV. ULPIANUS LIB. LXX.  
AD EDICTUM.

*Cum par delictum est duorum, semper oneratur petitor, & melior habetur possessoris causa, sicut fit cum de dolo excipitur petitoris. Non enim datur talis replicatio petitori. AUT SI REI QUOQUE IN EA RE DOLO ACTUM SIT. Illi debet permissum pernam petere, qui in ipsam non incidit.*

**I**NTERDICTO Salviano utitur dominus fundi de rebus coloni, quas pro mercedibus fundi pignori futuras pepigerat, §. interdictum quoque. Inst. de interd. Addiditque Theophilus adversus quemvis res coloni possidentem huic interdicto locum esse. Quod ipsum etiam videtur Julianus voluisse. Nam adversus extraneum eidem interdicto locum facit, c. 3. de Sal. interd. Et recte quidem. Est enim adipiscendæ possessionis, quemadmodum, & interd-

dictum. QUORUM BONORUM, quod certum est adversus quemlibet possessorem etiam directo competere, c. 2. §. 3. de interdicto, capit. 1., & 2. quor. bonor. Nec obest rescriptum Gordiani, c. 1. C. de precario. Illud enim de iis accipiendum est, qui res coloni emptionis titulo possident. Cum enim res illæ desierint esse coloni, certe nec utili quidem interdicto Salviano auferri earum possessionem emptoribus potuit. Siquidem hujusmodi interdicto ad possessionem rerum, quæ coloni propriæ sunt adipiscendam dumtaxat locus erat. Eaque ratio est cur scripserit Julianus, ejus quod apud emptorem ex ancilla pignori obligata, & a colono vendita natum est, apprehendendi gratia, utile interdictum reddi oportere, cap. 1. de Salvia. interdict. Ex eo enim perspicuum est ad adipiscendam ancillæ venditæ possessionem, ne utili quidem interdicto locum fuisse. Et hæc quidem adeo vera sunt, ut etiam si colonus res in fundum duorum pignoris nomine intulisset, & singulis in solidum obligasset, singuli adversus extraneum res coloni detinentem, Salviano interdicto, & adversus earundem rerum emptorem, non quidem interdicto, sed actione Serviana experiretur; sique inter ipsos fundi communis dominos questio moveretur, possidentis conditio melior esset, cap. 1. de Salviano interdict. cap. 10. de pignoribus, cap. 36. de noxalib. act. Hoc est ejus qui Salviano interdicto rerum coloni ab extraneo detentatum, adeptus erat in solidum possessionem, etiam si aliter accusaret ex pari delicto alterius fidem, cap. 36. de dolo. Cum enim par delictum est duorum, semper oneratur petitor, & melior habetur possessoris causa; quemadmodum hæc regula Paulus auctor est, ex ejus

libro ad Edictum septuagesimo repetita. In eo enim libro non de interdictis solum, sed specialiter etiam de Salviano interdicto, & simul de possessoris in eodem interdicto causa meliore Paulum disseruisse, ex cap. 2. de Salvia. interdict. ejusque epigraphe omnino constat. Ex, quo capite etiam probari videtur, id quod de causa possessoris meliore diximus, non solum in interdicto locum habuisse, sed etiam in Serviana. Ait enim Ulpianus, *quamvis possessor vicisset interdicto, nihilominus ad Servianum judicium descendendi consueviss;* hoc est, utilem fuisse hanc inter duos ejusdem fundi dominos exceptionem. Si NON CONVENIT UT EADEM RES MIHI QUOQUE PIGNORI ESSET, d. cap. 2., & cap. 10. de pignorib. Eaque exceptione nullo modo proderat petitori si res coloni pignori datæ erant singulis in solidum. Causa enim possessoris haberi in hujusmodi specie melior solet. Aliud est si pro partibus res fuerint pignori obligatæ, tunc enim possessoris conditio melior non est, c. 1. de Salvia. interdict., & d. cap. 10. Quod autem de pari delicto dictum est, id tunc etiam locum obtinet cum de paribus delicti poena tractatur. Siquidem ait eodem loco Ulpianus, *ei permitti poenam petere, qui in ipsam non incidit.* Proinde si ambo in poenam inciderint ex pari delicto, quin cesset petitio poenæ, nulla dubitatio est, c. 36. 16., & 18. de dolo. Videlicet eo modo quo scripsit hæc regula Ulpianus: *adversus doli exceptionem non dari replicationem doli.* Nam, ut ait Labeo, *iniquum esset communem malitiam petitori quidem præmissis, ei vero cum, quo agitur poena esse.* c. 4. §. 12. & 13. de doli except. Per poenam id omne damnum intelligi potest, quod extra rei persecutionem est, cap.

cap. 12. §. 1. si quis omis. caus. testam. cap. 2. in fin. de tut., & rat. distrah. Atque ita pœnam accepit etiam Labeo, d. §. 13.

CLV. PAULUS LIB. LXV.  
AD EDICTUM.

*Factum cuique suum, non adversario nocere debet. Non videtur vim facere, qui suo jure utitur, & ordinaria actione experitur. In pœnalibus causis benignius interpretandum est.*

**L**IBRO ad Edictum sexagesimo quinto, cui hæc tres regulæ adscribuntur, certum est de interdictis. **UNDE VI, & UTI POSSIDETIS** Paulum scripsisse. Et de eo quidem differens qui dejectus est vi ab usufructu, eum ait Paulus in eandem causam restituendum esse; sique finiretur tempore usufructus, postquam dejectus a domino est usufructuarius, restitutionem nibilominus fieri oportere, & usufructum iterum constituere dominum cogendum. *Factum enim cuique suum non adversario nocere debet*, c. 9. de vi, & vi armata. Eodem libro ait Paulus, *qualemcunque possessorem, hoc ipso quod possessor est, plus juris habere, quam ille habeat, qui non possidet*, c. 2. uti possidet. Eoque jure si voluerit uti possessor, & ordinaria experiri actione, etiam adversus verum dominum, audiendum esse, nec eum vim facere videri. Non enim videtur vim facere qui suo jure utitur, & ordinaria actione experitur. Actionis verbo continentur interdicta, c. 37. de obl., & act. Et ideo pro actionem ordinariam arbitror Paulum hac regula interdictum **UTI POSSIDETIS** intellexisse. Præsertim cum ita scripserit de Limitibus Agror. Aggenus Urbicus;

*De possessione fit controversa, quoties de totius fundi statu per interdictum, hoc est, jure ordinario litigatur.* Non est etiam dubium quin duo fuerint interdicta. **UNDE VI**, unum de vi quotidiana, alterum de vi armata. Id enim pro Cecinna testatur expresse Cicero. Et non civiliter solum, sed criminaliter etiam, eum, qui vim fecerat, potuisse conveniri, demonstratum a nobis est ad hujus tituli caput 152. Eoque non dubium est quin respexerit eodem ad Edictum libro 65. Paulus de utraque vi differens, cum ita scriberet: *In pœnalibus causis benignius interpretandum est.* Eamque regulæ hujus veram sententiam vehementer confirmat Ulpianus, capite 32. de pœnis.

CLVI. ULPIANUS LIB. LXX.  
AD EDICTUM.

*Invitus nemo rem cogitur defendere. Cui damus actionem, eidem, & exceptionem competere multo magis, quis dixeris. Cum, quis in alii locum successerit, non est æquum si nocere hoc, quod adversus eum nocuit in cujus locum successit. Plerumque prioris eadem causa esse debet circa petendum ac defendendum, qua fuit auctoris. Quod cuique pro eo præstat, invito non tribuitur.*

**A**D Edictum lib. 70. scripsit Ulpianus, *si debitori meo velim actionem cedere, & fateatur se debere, paratumque dicat solvere, audiendum esse.* Neminem enim invitum defendere cogi, cap. 21. de judic., c. 31. de re judic. Dari etiam cum competenti cautela dies solet ei qui debitum fateatur, non tamen invito d. cap. 21. Quod enim cuique pro eo præstat, invito non tri-



tribuitur, cap. 19. §. 2. de donat. Eodem libro interdictum de superficiebus interpretans Ulpianus ait, *si is in cuius solo superficies est, adversus superficiarium velis vindicare, exceptione utendum in factum data. Nam cui damus actionem, eidem, & exceptionem ex eadem causa multo magis competere*, capite 1. §. 3. de superfic. capite 28. §. fin. quib. ex caus. majores. Videtur etiam eodem libro Ulpianus de hærede, qui deliberat, quædam tractasse. Ait enim, *si res sunt in hereditate, quæ ex tractu temporis deterioras fiunt, eum qui deliberat, adito Prætoro sine præjudicio iustis pretiis vendere posse, & simul curare, ut as alienum, quod sub pæna, vel sub pretiis pignoris debetur, exolvatur; de jure delib. non enim æquum esse, ut quod respectu pæna, vel pignorum pretioforum nocuit adversus defunctum, etiam heredi ejus invito noceat*. Scio hanc regulam ab Ulpiano relata alio fuisse eod. lib. non tamen ut hic legitur affirmative, sed negative, c. 3. §. 2. de itinere ætque pri. Et cum eod. loco sic scriptum esset: *A me videtur vi, aut clam, aut precario possidere, qui ab auctore meo vitioso possidet*, hæc quoque verba subjecit Ulpianus: *Plerumque enim emptoris eadem causa debet esse circa petendum, ac defendendum, qua fuit auctoris*, d. cap. 3. §. 2.

# CLVII. ULPIANUS LIB. LXXI. AD EDICTUM.

*Ad ea quæ non habent atrocitatem facinoris, vel sceleris, ignoscitur servis, si vel Dominis, vel his qui vice dominorum sunt, veluti tutoribus, & curatoribus obtemperaverint.*

**P**ERTINERE hanc regulam ad interdictum QUOD VI, AUT CLAM, satis constat ex cap. 11. §. 6. quod vi, aut clam. Illius enim capituli, & hujus regulæ eadem inscriptio est. In eo capite de eo tractatur, quod a pupilli, vel furiosi servis vi aut clam factum est, tutoris curatorisve jussu, his verbis: *An ignoscitur servo, qui obtemperavit tutori, vel curatori?* Nam ad quædam, quæ non habent atrocitatem facinoris, vel sceleris, ignoscitur servis si, vel dominis, vel his, qui vice dominorum sunt, veluti tutoribus, & curatoribus obtemperaverint, quod, & in hoc casu admittendum est, d. §. 6. Auctor est Cornelius Fronto, *vixam sine armis esse, & habere defensionem*. Proinde, quod hac regula traditum est, id omnino de rixa intelligi videtur, ex litibus, & contentione nata, aut certe de vi juris retinendi causa sine facinore facta. In his enim ignoscitur servis, non autem si domini jussu hominem occiderent; aut furtum, vel piraticam facerent, c. 20. de obligat. & act. Nam ut apud Paulum Pedius ait, *servus in facinoribus domini dicto non debet audiendus esse* cap. 21. §. 1. rer. amor. Eoque pertinet quod Declamatione quadam de nuptiis inter inimicorum filios differens Quintilianus, ita scribit: *Servi mo berule quadam liberior ex bona mente faciunt, & aliquando indicium* C c fidei

*fidei putant empti mancipia non pa-  
uisse. Soletque mitius puniri servus,  
si domini iussu, quam si ignorante  
domino facinus commisisset, c. 2. C. de  
sepulchro violato. Eo nihil obstante,  
quod audiam dici pœnam relegationis  
in servum non cadere, cujus pœnæ  
meminit Constantius d. c. 2. Id enim  
usquequaque verum non est. Nam Ul-  
pianus, servo competere libertatem non  
posse, ait, si relegatus moratus sit in  
urbe; cap. 2. qui, & a quib. ma. Et  
sane alia servorum, alia item libero-  
rum hominum relegatio fuit. Servi  
enim in agros, homines vero liberi  
in provincias solent relegari. Idque  
Apologia David cap. 14. testatur evi-  
denter Ambrosius. Ait enim: Plerique  
autem divitum amandare consuevit man-  
cipia sua, & per agellulos relegare, &  
hæc pœna gravior est matur. Quod au-  
tem Ulpianus scribit, dominorum vice  
tutores esse, & curatores, ei prorsus  
consentaneum est illud ejusdem Am-  
brosii ad Clementianum Epist. librog.  
Sunt etiam Lævidi parvuli, qui nihil  
differunt a servulo, quoniam sub cura-  
toribus sunt, & actionibus.*

AD §. SEMPER, ET §. IN CON-  
TRACTIBUS.

*Semper qui dolo facit quo minus habe-  
ret, pro eo habendus est, ac si habe-  
ret. In contractibus successores ex dolo  
eorum quibus successerunt non tantum  
in id quod pervenit, verum etiam in  
solidum tenentur: hoc est unusquisque  
pro ea parte qua hæres est.*

Ex Epigraphæ cap. 20. de novi oper.  
nuntiat. satis apparet libro ad Edi-  
ctum 71. de novi operis nuntiatione  
Ulpianum scripsisse, eoque hanc prio-  
rem regulam non incommode referri  
posse. Ait enim illo capite Ulpianus,

*interdictum hujusmodi adversus hæredem  
ajus qui fecit opus novum, in hoc com-  
petere damtaxat, quod ad eum pervenit,  
vel si quid dolo malo ipsius factum es-  
set quominus perveniret; semper enim  
qui dolo facit quominus haberet, pro eo  
habendum est, ac si haberet, d. c. 20.  
Eodem libro interdictum etiam de pre-  
cario interpretatus est Ulpianus. Eoque  
interdicto hæredem ejus qui rogavit te-  
neri, scripsit, siue haberet, siue dolo  
fecisset, quominus haberet. Semper enim  
qui dolo facit quominus haberet. Ex  
dolo autem defuncti hæredem hujusmodi  
bæstius teneri, quatenus ad eum per-  
venit; aliter atque in bonæ fidei con-  
tractibus fieri solet, cap. 8. in fin. de  
precario. In iis enim non tantum in  
id quod pervenit, sed etiam in soli-  
dum tenetur hæres, cap. 12. & c. 49.  
de obligat. & act. Certe quia tamdiu  
precarium est quamdiu is qui concessit  
patitur, cap. 1. de precario: quod  
de contractibus bonæ fidei dici non  
potest, in quibus libera permittitur  
potestas judici ex bono, & æquo æsti-  
mandi quantum aëtori restitui debeat,  
§. in bonæ fidei. Instit. de act. id quod  
in precario fieri non solet. Eaque ra-  
tione a precario dignosci commodat-  
um potest.*

CLVIII. CAJUS LIB. XXVI. AD  
EDICTUM PROVINCIALE.

*Creditor qui permittit rem venire,  
pignus demittit.*

PLACET, inquit Paulus, in urbanis  
habitationibus locandis investis, &  
illata pignori esse locatori, etiam si nihil  
nominatum convenerit, cap. 4. de pactis.  
Sed cur in prædiis rusticis observatur  
contrarium? cap. 4., & cap. 7. in quib.  
caus. pign. §. interdum. Instit. de in-  
terd.

terd. Nullam Paulus, nullam item Neratius aliam profert rationem, quam quod ita placuerit, quodque eo jure uterentur Romani. Sed profecto, alia urbanorum, alia item rusticorum prædiorum locatio fuit. Ejus enim mobilia qui conduxerat habitationem, annuæ pensioni tacita conventionē sic erat obligata, ut ne ignorare quidem eam consuetudinem conductori liceret, ac proinde nulla necessario scriptura opus erat, nullisque tabulis, cap. 13. in fin. locati. Contrario jure in prædiis rusticis utebantur Romani. In iis enim locandis signaculo opus fuit, & tabularum conscriptione, cap. 9. §. 3. c. 25. §. 3., & cap. 29. locati. Et inter alias quidem conventionis leges expresse solet comprehendere ut in vecta, & illata in rusticum prædium pignori essent locatori, cap. 4. in quit. caus. pign. Eumque morem in rusticorum fructuum venditionibus, veluti oleæ pendētis, pabuli hyberni, & sic deinceps, veteres etiam observabant. Inter alias enim leges oleæ pendētis venditæ, illam quoque scilicet comprehendit ait de Re Rustica Marcus Cato: DONICUM SOLUTUM ERIT, AUT SATISDATUM, QUÆ IN FUNDUM ILLATA ERUNT PIGNERI SUNTO. Et illam de pabulo hyberno: DONICUM PECUNIA SATISFECERIT, AUT DELEGARIT, PECUS ET FAMILIA, QUÆ ILLIC ERIT, PIGNERI SUNTO. Item de venditis ovium fructibus: CONDUCTOR DUOS MENSES PASTOREM PRÆBEAT DONEC DOMINO SATISFECERIT AUT SOLVERIT, PIGNORI ESTO. Nec alio videri potest Imperator Alexander respexisse, cum scriberet, *certi juris esse ea quæ voluntate dominorum, coloni in fundum conductum induxerint, pignoris jure dominis prædiorum teneri*, capite 5. C. de locato, & conduct. Senius enim est,

res quæ in fundum voluntate dominorum locationis instrumento comprehensa illatæ sunt, pignoris jure teneri. Diciturque instrumenti scriptura voluntas dominorum ea ratione, qua scriptura testamenti voluntas appellatur defunctorum, cap. 4. §. 10. de doli mali, & met. except. Eoque referenda omnino est hæc juris regula. Extat enim Prætoris interdictum: DE MIGRANDO, de quo videtur Cajus libro ad Edictum provinciale 26. scripsisse, cap. 2. de migrando. Ex eodem libro sumpta est hæc juris regula. Quid igitur obstat quo minus eam ad interdictum de migrando referamus? Quemadmodum enim homo qui non est ex rebus pignori obligatis, quo minus abduci possit, vis fieri vetatur interdicto: DE MIGRANDO, cap. 1. de migrand. ita quoque res, quæ pignoris obligationi est exempta, quo minus recte auferatur, nihil quicquam esse in causa videtur. Quod tunc accidere solet, vel creditor rem pignori obligatam permittit venire. Intelligitur enim pignus dimittere, cap. 4. §. 1. quib. mod. pign. sol.

#### CLIX. PAULUS LIB. LXX. AD EDICTUM.

*Non ut ex pluribus causis deberi nobis idem potest, ita ex pluribus causis idem possit nostrum esse.*

HOC est, non amplius quam semel res nostra esse potest, sæpius autem deberi potest, quemadmodum eodem libro interpretatus est hanc regulam Paulus, cap. 14. §. 2. de except. rei judic. Eoque pertinet quod idem Paulus ait, *sicut dominium non potest nisi ex una causa contingere, ita, & possidere nos ex una dumtaxat*

*causa posse*, cap. 3. §. 3. de acquirend. possesi.

CLX. ULPIANUS LIB. LXXVI.  
AD EDICTUM.

*Aliud est vendere, aliud vendenti  
consentire.*

**C**ELsus ait, *si quis rem meam vendidit minoris quam ei mandavi, non videri alienatam; & si petam eam non nocituram mihi vendita rei exceptionem*, quemadmodum libro ad Edictum septuagesimo sexto scripsit Ulpianus, c. 1. §. 2. de except. rei venditæ. Eaque exceptio obstaret si ipse vendidisset. *Aliud enim vendere esse, aliud vendenti consentire*, auctor est eodem loco Ulpianus, adjiciens insuper alienatum non proprie dici, quod adhuc in dominio venditoris manes, venditum tamen recte dici, c. 67. de verbor. signific. Per venditorem eum intelligit Ulpianus, qui cum rei vendendæ dominus sit, eam mandavit distrahi certo pretio. Proinde si is qui iussu alterius vendidit, minoris vendidit, res dicitur vendita non autem alienata. Vendita quidem, respectu ipsius contractus; non alienata vero, propter inutilem venditæ rei exceptionem. Et hoc est, quod ait hac regula Ulpianus, *aliud esse vendere, aliud vendenti consentire.*

AD §. REFERTUR.

*Refertur ad universos quod publice fit per majorem partem.*

ULPIANUS *municipali lege caveri ait, ut ordo non aliter habeatur quam duobus partibus adhibitis*, cap. 3. de decret. ab ord. fac. Eaque partes duas

arbitror esse, bulen, & ecclesiam; quarum auctoritatem in decretis municipalibus publicis necessariam fuisse docet Plinius, de quodam medico Epist. lib. 10. sic Trajano scribens: *Petebat apud me a Julio Pisone denarium circiter quadraginta millia donata illi publice ante viginti annos, & bule, & ecclesia consentiente*. Nec aliud est quod sibi hac regula voluit Ulpianus. Refertur enim ad universos municipales ait, quod publice fit per majorem bulen, & ecclesiæ partem. Refertur sane commodum, quo Seneca de Benefic. lib. 6. c. 19. ita scripsit: *Si quis patria mea pecuniam credas, non dicam me illius debiterem, nec ex his as alienum proficebor, aut candidatus, aut reus, ad exolvendum tamen hoc portionem meam dabo*. Nec alia ratione tradidit Scævola, quod major pars curiæ privatum non publice decernendo efficit, pro eo haberi, ac si omnes egerint decuriones, c. 19. ad municipal. Meminit etiam legitimi decurionum numeri Marcianus, quo non coactio negat decreta valere, cap. 2. de decret. ab ordine fac. Illud autem quod publica fit auctoritate, dici publice fieri ex supradicto Plinii loco neminem arbitror non intelligere. Cicero ait. 4. in C. Verrem: *Pestremo homines ex tota provincia nobilissimi primique publice privatimque venerunt*. In quem locum Asconius, publice, inquit, legati venerunt; privatim, qui injurias suas persequerantur.

AD §. ABSURDUM EST.

*Absurdum est plus juris habere cum, cui legatus sit fundus, quam heredem, aut ipsum testatorem si viveret.*

Si quis ex causa legati vindicet, de dolo exceptionem pati debet, ex causa ejus in cujus locum successit, cap. 4.

cap. 4. §. 26. de doli except. Absurdum enim est plus juris legatarium habere, quam heredem, aut testatorem si viveret. Et idcirco ut hæres, qui in universum jus succedit, submoveatur exceptione, ita & legatarius debet submoverti, quasi unius rei successor, cap. 6. de except.

CLXI. ULPIANUS LIB. LXXVII.  
AD EDICTUM.

*In iure civili receptum est, quoties per eum cuius interest conditionem non impleri, fiat quominus impleatur, perinde haberi, ac si impleta conditio fuisset, quod ad libertatem, & legata, & ad heredum institutiones perducitur, quibus exemplis stipulationes quoque committuntur, cum per promissorem factum esset, quominus stipulator conditioni pareret.*

**L**IBRO ad Edictum septuagesimo septimo ait Ulpianus, inter omnes convenire, heredem sub conditione institutum pendente conditione possidentem hereditatem substitutio cavere debere de hereditate, cap. 12. qui satilid. cog. Sique per substitutum steterit quominus impleatur conditio, perinde eam haberi, ac si impleta fuisset. Ita enim receptum esse iure civili testatur eodem loco Ulpianus, tam circa libertates, & legata, quam circa heredum institutiones. Quod ipsum tradidit etiam Julianus, c. 24. de cond., & demonstr. Sic de libertate conditionali sentit idem Ulpianus, c. 3. de statulib. Sic de legato Papinianus, c. 78. de condiçt., & demonstr.

CLXII. PAULUS LIB. LXX.  
AD EDICTUM.

*Quæ propter necessitatem recepta sunt, non debent in argumentum trahi.*

**P**ROPTER necessitatem est receptum, ut is qui in vinculis, vel in custodia militari, vel etiam in servitute hostium est, ac per hoc in iudicium non stetit, exceptione debeat adjuvari, c. 4. §. 1. si quis caut. Idque adeo verum esse arbitratus est Attilicinus, ut contenderit conventionem, ne ulla exceptio in promissione deserta iudicio sistendi causa facta obijciatur, non valere, d. cap. 4. certe ne conventio talis trahatur aliquo modo in argumentum. Nam quæ propter necessitatem recepta sunt, non debent in argumentum trahi. Per desertam promissionem, desertum accipitur vadimonium; quod ab Alciato mirum est intellectum non fuisse, qui ex deserta desertam promissionem studuit facere. Sed frustra. Id ipsum enim quod hic de promissione deserta traditur, ad desertum vadimonium refert expresse Seneca de Benef. libro 4. cap. penult. Ait enim: *Vadimonium promittimus, tamen deseritur: non in omnes datur actio; deserentem vis major excusat.*

CLXIII. ULPIANUS LIB. LV.  
AD EDICTUM.

*Cui jus est donandi, eadem & vendendi, & concedendi jus est.*

**D**ONARI non potest, nisi quod ejus fit cui donatur, cap. 9. de donat. Sic etiam quod venditur, emptoris fieri necessum est, cap. 53. de con-

contrah. empt. Ait enim de Benefic. libro 5. Seneca, *quemadmodum vendere, sic dare a se dimittere esse, & id quod tenueris habendum alteri tradere.* Sed qui donat, suum deminuit patrimonium, quod is non facit qui vendit. Ideoque jus donandi vendendi jure majus est. Quod autem conceditur, id protinus ei non acquiritur, cui conceditur, c. 35. d. tit. c. 1. de prec. Plus igitur donare est quam vendere, plus item vendere quam concedere. Et quia quod minus est ei licere debet, cui quod plus est licet, cap. 21. hoc tit. certe mirum non est cui jus est donandi, eidem & vendendi, & concedendi jus esse: non autem, cui jus est vendendi, & concedendi, eidem esse jus donandi. Qui enim liberam habet peculii administrationem, emere, & vendere potest, non donare, c. 28. in fin. de pactis, c. 3. §. 5. de don. inter vir., & uxor. Sic tutor rem pupilli potest alienare, non autem donare, c. 56. §. 3. de furt. c. 7. §. 1., & c. 22. de administ. tut.

#### CLXIV. PAULUS LIB. LL. AD EDICTUM.

*Pœnalia judicia semel accepta, in heredem transmissi possunt.*

**P**AULUS ait libro ad Edictum quinquagesimo primo, *ordinata liberali causa liberi loco haberi eum qui se suo litigat, ita ut ei adversus eum qui se dominum esse contendit, actiones nulla denegentur: easque si tales sint ut tempore, aut morte pereant, litteris contestando in tutum redigi posse; non solum ut ei qui de sua libertate litigat, sed etiam ut ejus heredibus consulatur* Pœnalium enim judicia semel accepta ad heredem transmissi, cap. 24. in

princ. de liberali causa cap. 26. de obligat. & act. Deque ea re differuimus ad hujus tit. cap. 87.

#### CLXV. ULPIANUS LIB. LIII. AD EDICTUM.

*Cum quis possit alienare, potuerit, & consentire alienationi. Cui autem donare non conceditur, probandum erit, nec si donationis causa consenserit, ratam ejus voluntatem habendam.*

**P**ERTINET hæc regula ad Edictum de aquæ pluviz arcendæ actione. Certum enim est de hujusmodi actione libro ad Edictum quinquagesimo tertio Ulpianum latissime differentem inter alia scripserit, *in concedendo aquæ ducenda jure, non eorum dumtaxat in quorum loco aqua oritur, sed eorum etiam ad quos ejus aqua usus pertinet, voluntatem exquirendam esse, capite octavo, de aqua, & aqua pluvia arcendæ actione.* Si modo tales essent personæ, ut possent jus illud aquæ quod habent alienare. Per hoc enim multo magis posse alienationi consentire intelliguntur. Quod utique non facerent, si nullam haberent donandi potestatem. Neque enim si donationis causa consentirent, rata eorum haberetur voluntas, c. 28. in fin. de pactis. Quod etiam a Petro Fabro ut novissimo, ita regularum juris interprete diligentissimo observatum est.

CLXVI. PAULUS LIB. XLVIII.  
AD EDICTUM.

*Qui rem alienam defendit, nunquam locuples habetur.*

**I**S ENIM qui suscipit alienæ rei defensionem, et si locupletissimus est, et si consularis sit, non videtur viri boni arbitratu defendere, nisi satisfacere fuerit paratus, c. 51. c. 52., & c. 53. de procur. Defendere enim viri boni arbitratu aliud nihil est quam satisfacere, cap. 5. §. 3. judicat. solvi. Recte meminit Paulus consularis, d. c. 52. Non enim dubium est quin consularis locuples sit, tum quod certæ fuerint equestris, senatoria, & consulares facultates: tum etiam quod candidati magistratum inituri soleant et alienum proficere, ut est apud Senecam de Benefic. lib. 7. cap. 19.

CLXVII. PAULUS LIB. XLIX.  
AD EDICTUM.

*Non videntur data, quæ eo tempore quodantur accipientis non fiunt.*

**T**ALIS constitui servitus potest, ut aquam quærere, & inventam ducere liceat. Idque Labronem scripssisse testis est Paulus libro ad Edictum 49. cap. 10. de servit. præd. rustic. Addidique idem Labeo eo modo hujusmodi servitutem cedi posse, quo servitus adfissio nondum facta impenitur, d. c. 10. Siquæ aquam inveniri non contigerit, certe nec poterit duci, & per hoc inutilis erit aquæ cessio, siquidem tempore cessionis nihil factum est accipientis. Non enim videntur data, quæ eo tempore quodantur, accipientis non

fiunt. Nam id dari auctore Seneca dicitur, quod habendam alteri traditur; etiam si (ut Paulus ait) servitutes sint prædiorum, cap. 19. de servit. præd. rustic. Quomodo autem aqua soleat dari docet eleganter Vitruvius de Architect. lib. 8. cap. 1.

## AD §. QUI JUSSU JUDICIS.

*Qui jussu judicis aliquid facit, non videtur dolo malo facere, quia parere necesse habet.*

QUI dolo malo sepulchrum violat, sepulchri violati actione tenetur. c. 3. in princ. de sep. viol. Proinde si quis sepulchrum ædificaverit ex quo aqua noceat, aquæ pluvie arcendæ tenebitur; & si jussu judicis opus restituerit, non tenebitur sepulchri violati, quia dolo caret, cap. 4. in princip. de aqua & ag. plu. arc. act. Nim. ( ut ait Paulus de aqua pluvia differens libro ad Edictum quadragesimo nono ) qui jussu judicis aliquid facit, non videtur dolo malo facere, quia parere necesse habet. Magistratibus enim concessum fuit jurisdictionem suam defendere per alii iudicio, c. 1. si quis jus dic. adeo quidem ut scripserit etiam Alconius, eum qui potestatem suam in administratione non defendit, imminuti magistratus, velut majestatis læsæ reum esse.

CLXVIII. PAULUS LIB. I.  
AD PLAUTIUM.

*Rapienda occasio est, quæ præbet benignius responsum.*

**C**UM esset de procuratore damnato controversia, aliis eum indistincte debere conveniri contententibus, aliis distinctionem requirentibus, in.

inter alia responsum fuit aliter eum non debere conveniri, quam si aut in rem suam datus esset, aut obtulisset se, cum sciret cautum non esse. *Illudque responsum responsis aliis multo benignius esse, omnibusque eo nomine placuisse.* Plautius ait, c. 61. de procurat. c. 7. de rei vind. Satis per hoc indicans ex eo tempore protinus in juris regulam responsum illud transivisse, & ex eo etiam eleganter concludi, *rapiendam esse occasionem, quæ præbet benignius responsum; quemadmodum ad Plautium libr. 1. Paulus testatur.*

#### AD §. QUOD FACTUM EST.

*Quod factum est cum in obscuro sit, ex affectione cujusque capis interpretationem.*

**REGULA** est juris civilis tutorem in rem suam auctorem fieri non posse, cap. 1. de auctorit. tut. De qua regula differens ad Plautium libro primo Paulus, cum tutor debet pupillo, cum ait delegari ipso tutore auctore non posse; tum, quia futurum sit, ut auctoritate sua tutor liberetur; tum etiam ne in propria causa indulgeat tutor affectioni, capitulo 18. d. tit. *Quod enim factum est, cum in obscuro sit, inquit eodem loco Paulus, ex affectione cujusque capis interpretationem; hoc est, quoties de eo quod factum est obscura quædam exoritur controversia, an is qui fecit aliqua in faciendo usus fuerit affectione, ledulo inquiri solet.* Hujusmodi controversiæ, & affectionis interpretationi inter pupillum, & tutorem pupilli debitorem locus esse nullo modo potuit, & ideo in rem suam non potuit tutor auctor fieri. Certe ne ejus affectio, ad quam naturam proclives sumus in discrimen adducatur, c. 33. ad leg. Aquil.

#### CLXIX. PAULUS LIB. II. AD PLAUTIUM.

*Is damnum dat, qui jubet dare, ejus vero nulla culpa est, cui parere necesse est.*

**J**ABOLENIUS ait, *si liber homo jussu alterius damnum injuria dedit, actionem legis Aquiliæ cum eo esse, qui jussit, si modo jus imperandi habuit, cap. 37. in prin. ad leg. Aquil. Eum enim damnum dare, qui jubet dare, & ejus nullam culpam esse cui parere necessum sit, auctor est Paulus ad Plautium libro secundo, de damno injuria dato differens. Nam certum est quædam de lege Aquilia eo libro Paulum tractasse, cap. 33. d. tit. Ait etiam Ulpianus, servum nihil delinquere domino jubenti obtemperantem, capite secundo, §. 1. de noxalib. act. Sed hoc in damno locum habet injuria dato, non autem in facinoræ, cap. 20. de obligat. & act.*

#### AD §. QUOD PENDET.

*Quod pendet non est pro eo quasi sit.*

**EODEM** ad Plautium libro secundo scripsit de eo Paulus, qui pro servo fidejussit, & cum ais in solidum teneri etiamsi nihil in peculio est; sique eam fidejussionem in rem domini fieri contrahit, dominum servi nomine duntaxat de peculio teneri, quod tunc eris, cum res judicatur, cap. 35. de fidejussorib. Atque ita pendere obligatio peculii intelligitur, usque ad rei judicatz tempus, etiamsi tempore sponsonis nihil esset in peculio. Nam, ut ait eodem loco Paulus, *quod pendet, non est pro eo quasi sit, sed pro eo potius quæ-*



*quasi aliquando esse possit, cap. 213. de verbor. signific. cap. 16. §. 2. de fidejuss.*

CLXX. PAULUS LIB. III.  
AD PLAUTIUM.

*Factum a iudice quod ad officium ejus non pertinet, ratum non est.*

**E**st receptum, ut si quis subiciat se jurisdictioni alterius possit ei, & adversus eum jus dici, cap. 14. de iurisd. cap. 28. ad municipal. Est, & illud certum, supra jurisdictionem suam, aut extra suum territorium jus dicere neminem posse, cap. fin. de iurisd. cap. 1. §. 1. de offic. præsect. urb. Et ita, qui non cogitur invitus in aliquo loco iudicium pati, potest pati submissione. Esti quidem submiserit se, non agere solum, sed etiam excipere cogitur actiones, & ad eundem iudicem mittetur, quemadmodum auctor est Paulus ad Plautium libro tertio cap. 22. de Judic. Si vero agere invitum, apud se coegerit alterius loci Iudex, ei impune non parebitur, d. cap. fin. Nam, ut ait eodem libro Paulus, *factum a iudice quod ad officium ejus non pertinet, ratum non est.* Ad officium autem iudicis pertinet si privatus est limites formulæ præscriptæ non excedere; si magistratus supra jurisdictionem suam, & extra suum territorium jus non dicere, d. cap. fin. cap. 1. & 2. C. si a non compet. judic. cap. 1. C. qui pro sua iurisd.

CLXXI. PAULUS LIB. IV.  
AD PLAUTIUM.

*Nemo ideo obligatur, quia recepturus est ab alio quod præstiterit.*

**A**D Plautium libro 4. ait Paulus, si dominus, vel pater pecuniam mutuam accepturus jufferit servo filiove numerari nullam quaestionem esse quin ipsi condici possit; immo hoc casu de jussu actionem competere. Neminem enim ideo obligari, quia recepturus est ab alio quod præstiterit, quam ab eo cui præstiterit, cap. 5. quod jussu. Id quod hac specie contingit. Servo enim vel filio patris domini jussu pecunia numeratur, quam creditor a patre, vel domino recepturus est, non a servo, non a filio. Siquidem ipsa numeratione inter hujusmodi personas, & creditorem nulla constituitur obligatio, quamvis iis recte solvatur, cap. 141. §. 3. de verb. oblig. cap. 11. & 13. de stipulat. servor. quamvis etiam ab iis chirographum, vel pignus accipiat, atque ita ipsis obligari creditor quodammodo videatur, cap. 1. §. 1. vers. creditor. de oblig. & act. §. fin. Institt. quib. mod. re contrah. oblig. cap. 5. quod jussu.

CLXXII. PAULUS LIB. V.  
AD PLAUTIUM.

*In contrabenda venditione ambiguum factum contra venditorem interpretandum est: ambigua autem intentio ita accipienda est, ut res salva auctori sit.*

**H**AC regula Paulus ait contrahi venditionem. Emptionem etiam contrahi argumento est titulus Pandectarum.

etiarum : De contrahenda emptione. Ut igitur venditio, sic etiam emptio contrahi dicitur; venditio quidem a venditore; emptio vero ab emptore legibus propolitis. Venditionis leges hujusmodi sunt: Si QUID SACRUM, VEL RELIGIOSUM, VEL PUBLICUM EST EJUS VENIT NIHIL, c. 22. & 72. de contrah. empt. QUO JURE QUAEQUE CONDITIONE EA PRÆDIA LUCII TITII HODIE SUNT, ITA VENEUNT, ITAQUE HABEBUNTUR; c. fin. d. tit. Si AD DIEM PECUNIA SOLUTA NON SIT, UT FUNDUS INEMPTUS SIT, c. 2. de leg. commiss. FLUMINA STILLICIDIA UTI NUNC SUNT UT ITA SINT, cap. 33. de contrah. empt. c. 17. §. 1. de servit. præd. urbanor. Est etiam Varro auctor, de Ling. Lat. libro 4. *lege prædiorum urbanorum ita scribi solere: STILLICIDIA FLUMINAQUE UT ITA FLUANT CADANTQUE. Quem locum si vitiosum esse suspiceris ( ut re vera est ) sic tibi persuadeas restitui posse: STILLICIDIA FLUMINAQUE UTI NUNC FLUUNT CADUNT, ITA FLUANT CADANTQUE. Emptionis leges tales sunt: QUANTI TU EUM EMISTI, QUANTUM PRETII IN ARCA HABEO, EST MIHI EMPTUS CENTUM, ET QUANTO FLURIS EUM VENDIDERO, cap. 7. de contrah. empt. QUÆ EX MEIS EDIBUS IN TUAS EDES PROJECTA SUNT, UT MIHI ITA HABERE LICEAT, cap. 80. d. tit. Illud etiam certum est hujusmodi leges si ambiguz essent, iis nocuisse in quorum potestate fuit eas apertius conscribere, cap. 39. de pactis. Ex quo consequi omnino videtur in contrahenda venditione contra venditorem, & emptione contrahenda contra emptorem ambiguum pactum interpretandum esse. Et id quidem de venditore tam diste non hac regula solum, sed aliis etiam*

prudenter responsis est definitum, ut nullam eas res admittat amplius dubitationem, d. c. 39. c. 21., & c. 33. de contrah. empt. De emptore vero omnino dubitaretur, si Paulus non scripsisset, *in emptione contrahenda legem emptionis contra emptorem secundum venditorem interpretandam esse, cap. 34. d. tit. Et recte quidem, nec ullam admittit responsum illud emendationem, si modo verum est, ut venditionem, ita quoque emptionem contrahi, & ( quod toties inculcant Jurisconsulti ) obscurarum pacti iis nocere qui potuerunt r. integra apertius loqui, d. c. 39. d. cap. 21., & 99. de verb. oblig. Quod etiam Accursius ignorasse non videtur. Ambigua autem intentio ita accipienda est, ut res salva auctori sit. Semper enim in dubiis id agendum est, ut quam tutissimo loco res sit bona fide contracta; nisi cum aperte contra leges, scriptum est, cap. 21. de reb. dubiis.*

#### CLXXIII. PAULUS LIB. VI. AD PLAUTIUM.

*In condemnatione personarum qua in id quod facere possant damnantur, non totum quod haberi extorquendum est, sed & ipsarum ratio habenda est, ne egeant.*

DE iis qui in id quod facere possunt damnantur, latissime differimus ad hujus tituli cap. 23.

#### AD §. CUM VERBUM.

*Cum verbum RESTITUAS lege invenitur, cisi non specialiter de fructibus additum est, tamen etiam fructus sunt restituendi.*

Ad Plautium libro 6. scripsit Paulus, *in Fabiana actione, & Pauliana fin.*

*fructus restitui*: Nam verbum RESTITUAS quod in hac re Prator dixit, plenam habere significationem, ut fructus quoque restituuntur. Cum enim verbum RESTITUAS in lege invenitur, cisi non specialiter de fructibus additum est, tamen etiam fructus sunt restituendi, cap. 38. §. 3. de usuris, cap. 35. de verbor. significat. Per legem lex intelligi potest Fabiana, quam Prator observans, ea qua in fraudem patroni alienata sunt, restitui jubet, auctore eodem Paulo, sentent. lib. 3. tit. 3. cap. 1. §. penultimo si quid in fraud. patron. Et ita quæ jubente Pratore fit restitutio, eadem fieri lege hæc regula dicitur, quemadmodum bonis interdici lege, aut moribus solet, ipso Pratore verba solemnia pronuntiante; ut est apud Paulum sentent. libro 3. tit. 4., & Ulpianum, cap. 5. de acquir. hæred.

## AD §. UNICUIQUE.

*Unicuique sua mora nocet, quod & in duobus reis promittendi observatur.*

EODEM libro de Mora scripsit Paulus. Ait enim *moram rei nocere quoque fideiussori*: sed si fideiussor servum obligat, & reus moram fecit, mortuo Stichio fideiussori succurrendum; unicuique enim nocere suam moram, cap. 88. de verborum oblig. Quod & in duobus reis promittendi observatur. Testatur enim Marcianus si duo rei promittendi sint, alterius moram alteri non nocere, c. 32. §. fin. de usuris. Et ita Paulus quoque ad Plautium scripsit; cui omnino contrarium est quod ex eodem Plautio sic refert Pomponius: *Ex duobus reis ejusdem Stichi promittendi factis, alterius factum alteri quoque nocet capite penultimo de duobus reis*. Non est quod cum Accursio suspiceris de duobus reis lociis sentire Pomponium.

Verisimilius enim est scripsisse Pomponium, eo sensu factum unius rei alteri nocere quo ab eodem traditum est, altero ex duobus reis capite dimisso alterum non liberari, cap. fin. d. tit. Et ita factum unius rei alteri nocet, sicut diximus suum cuique factum nocere, cap. 155. hoc tit. Delictum haud dubie per factum intelligentes.

## AD §. DOLO FACIT.

*Dolo facit qui petit quod redditurus.*

Id ipsum a Paulo quoque traditur, cap. 8. de except. doli mali. Et quia verus regulæ hujus sensus est, eum dolo facere qui id petere audet, quod eidem a quo petit se redditurum esse non ignorat, certe de iis curiosus inquirendum non est, quæ Accursius objicit. Ad res enim litigiosas hæc regula trahi nullo modo potest, cap. fin. de rei vindicat. cap. 3. §. 11. ad exhibend. cap. 25. C. locati.

CLXXIV. PAULUS LIB. VIII.  
AD PLAUTIUM.

*Qui possit facere ut possit conditioni parere, jam posse videtur.*

Ad Plautium libro 8. ait Paulus dubitatum fuisse, si servus sub conditione fuerit hæres institutus, an bonorum accipere possessionem possit: & ait posse, idque Scævola probasse, c. 10. de bon. possessi. secund. tabu. si modo conditioni parere possit hujusmodi servus. Qui enim facere potest, ut possit conditioni sub qua institutus est, parere, idem quoque jam posse videtur bonorum accipere possessionem, quemadmodum eodem loco a Paulo traditum est.

Et hoc etiam verum est si Prætor de servi conditione certus sit, tunc enim bonorum possessionem recte admittere servus potest, cap. 7. de bon. possell.

### AD §. QUOD QUIS.

*Quod quis si velit habere non potest, repudiare non potest.*

EODEM ad Plautium libro 8. scripsit Paulus, tutorem bonorum possessionem pupillo competentem repudiare non posse, quia tutori petere quidem permissum est, non autem repudiare, c. 8. de bon. poss. c. 49. de acquir. hæred. Cur autem repudiare permissum non sit, quænam obsecro in medium adferri alia ratio posset, quam hæc juris regula, præsertim cum de eodem Pauli ad Plautium lib. 8. desumptam constet? Tutor igitur quia si velit bonorum habere possessionem non potest, certe nec eam poterit repudiare. Is enim potest repudiare qui, & acquirere potest, cap. 4. & cap. 18. de acquir. hæred. cap. 45. §. 1. de legat. 2.

### CLXXV. PAULUS LIB. XI. AD PLAUTIUM.

*In his qua officium per liberos fieri personas leges desiderant servus intervenire non potest. Non debet melioris conditionis esse quam auctor meus, a quo jus in me transit.*

**I**NTER hujusmodi officia Magistratus, Equestres, & Senatorie dignitates, judicia, arbitria, militiæ, postulatio, & testimonii dictio, numerantur; a quibus servos esse repellendos passim traditur, cap. 6. de testibus, cap. 12. de judiciis, cap. 3. de offic. Prætor. cap. 7. de receptis. Atque ita

officium accipi ex eo constat, quod Præfides, & Proconsules eorumque comites officii causa in provinciis agere, vel militare dicantur, c. 46., & 72. de contrahend. empt. cap. 46. de jure fisci. Eoque sensu, Senatoria & Equestria officia refert Suetonius biennii spatium determinare Sergium Galbam voluisse; Divum Titum recepta ad se prope omnium officiorum cura, patris nomine epistolas dictasse, & edita conscripsisse, orationesque in Senatu recitasse quæstoris vice: Vespasianum Augustum perlectis epistolis officiorumque omnium brevitiis, amicos admisisse. Hæc ita Suetonius, evidenter demonstrans quam lata civilium officiorum sit appellatio, quibus receptum est ut servi non fungantur, d. §. penult. Civili quoque officio funguntur qui absumt Reipublicæ causâ, etiam si milites sint, cap. 62. de contrahend. empt. c. 1. de re milit. c. 7. ex quibus caus. major. Ed idcirco nec Reipublicæ causâ abesse, nec milites esse servi possunt, cap. 7. si quis cautionibus cap. ult. hoc tit. cap. 11. de re milit. cap. 6. C. qui milit. poss. c. 2. C. de tyronibus. Proinde si Reipublicæ ad bellum necessarius videretur usus servorum, aliter illi in numeros non referbantur, quam si manumissi essent. Id enim indicat Suetonius, cum ait: D. Augustum servos viris mulieribusque pecuniosioribus indictos, ac sine mora manumissos sub priore vexillo habuisse, neque aut commissos cum ingenuis, aut eodem modo armatos. Nec mirum servos ab omni militia fuisse prohibitos, cum scripserit Valerius libro 2. Populum Romanum operam dedisse, ne Imperatoribus capite census sacramento rogare esset necesse, quorum iniuria inopia suspecta erat, ideoque publica armis non committebantur. Quod autem Paulus ait, non debere me conditionis esse melioris, quam fueris auctor meus, id

id nullam continet obscuritatem, & est jam læpius ea de re a nobis tractatum.

CLXXVI. PAULUS LIB. XIII.  
AD PLAUTIUM.

*Non est singulis concedendum quod per Magistratum publice possit fieri, ne occasio sit majoris tumultus.*

**L**IBRO ad Plautium tertio decimo scripsit Paulus si maris proprium jus ad aliquem pertineat. Uti possidetis interdictum ei competere, si prohibeatur jus suum exercere, c. 14. de injur. Nec adversarium juvabit, quod dicat mare, & littora maris communia esse naturali jure, capit. 2., & 3. de rer. divis. ac proinde naturaliter ei, qui quod commune est efficere propriam studet, resisti posse, cap. 13. §. si. de injur. Quia enim usurpatum est tametsi nullo jure, ut quis prohiberi possit ante ædes meas, vel prætorium piscari, d. §. fin. certe ad officium Magistratus, ne occasio sit majoris tumultus faciendo, hanc omnem controversiam referri voluerunt prudentes, & interdicto locum esse; quoniam ad privatam causam jam pertinet hæc res; non ut olim ad publicam, d. c. 14. Quamobrem si quis ante prætorium suum proprio privatoque jure piscari sine Magistratus auctoritate impediatur, injuriarum agere potest, d. c. 13. in fine. Non enim id facere singulis concedendum est; quod per Magistratus fieri publice potest. Eoque pertinet quod lib. 3. Hexameron c. 10. sic Ambrosius scribit: Spatia maris sibi vindicant jure mancipii, pisciumque jura sicut vernaculorum conditione sibi servitii subjecta, commemorant. Ille, inquit, sinus maris

meus est, ille alterius. Dividunt elementa sibi potentes. Et de Nabothæ, c. 3. Inducis mare intra prædia tua, ne desint belvæ; producis fines terræ, ne possis habere finitimum. Meminit etiam maritimarum hujusmodi piscinarum Varro de Re Rustica l. 3. c. 17. & Columella, l. 8. c. 16.

AD §. INFINITA.

*Infinita æstimatio est libertatis, & necessitudinis.*

PER necessitudinem jus intelligitur cognationis, & affinitatis, cap. ult. de justit., & jure. Est etiam, ut ait Fronto, necessitudo, vel sanguinis, vel maritorum, cum præceptoribus, cum amicis. Nec mirum infinitam esse necessitudinis æstimationem, cum scripserit Festus, in necessarios, qui aut cognati, aut affines sunt, necessaria officia conferri præter castratos. Eoque pertinere cap. 21. solut. matrim. admonuimus suo loco.

CLXXVII. PAULUS LIB. XIV.  
AD PLAUTIUM.

*Qui in jus dominiumve alterius succedit, jure ejus uti debet: Nemo videtur dolo exequi, qui ignorat causam cur non debeat petere.*

**A**D Plautium lib. 14. refert Paulus: cum hereditatem aliquis vendit, esse debere hereditatem, ut sit emptio, c. 7. de hæred. vel act. vendita. Heredemque res hereditarias eodem jure tradere debere emptori quo a defuncto eas accepit. Qui enim in jus dominiumve alterius succedit, jure ejus uti debet, c. 14. d. tit. Nam defuncti personam ita representat, ut non bonorum dimittat, sed sacrorum quo-

quoque dicatur heres, auctore Festo; indeque etiam est quod successionem dicamus heredis, non accessionem, quemadmodum docet Ambrosius enarrans Psalm. 37. Et quamvis omnes hereditarias actiones præstare soleat hæres emptori; illud tamen observabatur, ut hæres emptori non præstaret quod non debitum exegerat, cap. 2. §. 6. d. tit. Id enim sine dolo malo potuit ab hærede factum videri. Nam, ut eodem ad Plautium libro 14. scripsit Paulus, *nemo videtur dolo exqui, hoc est, iudicio persequi rem aliquam: qui causam ignorat cur eam non debeat petere.* Quod ipsum ab Ulpiano quoque traditum est, c. 2. §. 5. de doli mal. & met. excep.

vix modico sudore distillat. Nec alia ratio est cur scripserit eodem libro Paulus, loco Sacro, Sancto, vel Religioso interveniente, *servitum constitui non posse.* Hujusmodi enim locis uti fas non est, c. 17. §. 3. de aqua, & aq. plu. arc. act. Quo fit, ut nec iis servitus possit imponi. Cum enim principalis causa non consistit, plerumque nec ea quæ sequuntur locum habent. Causa principalis est usus sive possessio loci; accessorium loci; ejusdem habitus, sive qualitas, cap. 86. de verb. sign. Cur autem plerumque dixerit Paulus, ab aliis observatum est.

---

CLXXVIII. PAULUS LIB. XV.  
AD PLAUTIUM.

*Cum principalis causa non consistat, plerumque nec ea quidem, quæ sequuntur locum habent.*

**S**I fons exaruerit ex quo ductum aqua habeo, isque post constitutum tempus, quo amitti non utendo servitus solet, ad suas venas redierit, dubitatum fuit an aqueductus amissus sit. Et ait quidem ad Plautium lib. 15. Paulus, aqua ducenda jus amissum esse, quia principalis causa, nimirum ipsius fontis scaturigo esse desit. Cum enim principalis causa non consistit, plerumque nec ea quidem, quæ sequuntur locum habere. Nihilominus tamen Casarem rescripsisse jus non negligentia, aut culpa amissum, restituendum esse, fonte ad venas suas redeunte, c. 35. de servit. rustic. præd. Eoque pertinet illud Cypriani adversus Demetrianum: *Et fons, qui exundantibus prius venis largiter proflebat, senectute deficiens,*

---

CLXXIX. PAULUS LIB. XVI.  
AD PLAUTIUM.

*In obscura voluntate manumittentis favendum est libertati.*

**I**D enim humanitas est; & in ambiguis rebus humaniorem sententiam sequi oportet. c. 10. in fi. de rebus dub. c. 10. in fi. de manumiss. testam.

---

CLXXX. PAULUS LIB. XVII.  
AD PLAUTIUM.

*Quod iussu alterius solvitur, pro eo est quasi ipsi solutum esset.*

**S**I donaturus mulieri iussu ejus sponso numeravi, & nuptiæ secutæ non sunt, mulier condicet. Ipse enim mulieri solutum a me videtur, ac deinde a muliere sponso traditum. Nam quod iussu alterius solvitur, pro eo est quasi ipsi solutum esset, quemadmodum ad Plautium scripsit Paulus libro 17. cap. 9. in princ. de condic.

cau.

causa dat. cap. 64. de solut. Non est enim corpore, & actu necesse apprehendere possessionem, sed oculis quoque, & affectu, cap. 1. §. 13. de acq. poss. Atque ita qui mandat solvi, ipse etiam videtur solvere, capitulo quinquagesimo sexto de solut.

# CLXXXI. PAULUS LIB. I. AD VITELLIIUM.

*Si nemo subitis hereditatem, omnis  
vis testamenti solvitur.*

**S**I nemo, inquit Pomponius, hereditatem adierit, nihil valet ex his quæ testamento scripta sunt. cap. 9. de test. tut. Non enim potest ullum testamentum valere, quod heredem non habet, capite tertio de his quæ in testam. delent. Proinde, si nemo ex pluribus hereditibus subitis hereditatem, vis omnis testamenti solvitur, cap. 17. si quis omnia caus. testam. c. 14. C. de fideic. Si quidem vis testamenti cum hereditatis aditione adeo est conjuncta; ut qui hereditatem adit, adire quoque testamentum dicatur. Explicans enim Plolm. 18. sic scripsit Sermone decimo quarto Beatus Ambrosius: *Novum tamen testamentum singuli adveniunt, & omnes possident.* Idem Ambrosius Epist. libro nono. *Ubi, inquit, testamentum, ibi hereditas.* Et hæc quidem locum habent in hereditatibus directis. In fideicommissariis enim hereditatibus provisum est, ut si scriptus hæres noster adire hereditatem, jussu Prætoris adeat eam, & restituat, d. c. 17., & c. 38. §. 1. de vulg., & pup. substit. Sed quia invitatus adit, destitui videtur jure civili testamentum, & ideo secundas tabulas non oportere resuscitari aditione hujusmodi coacta, respondebat Quintus Cervidius Scævo-

la. Aliud tamen jus in usu fuisse Paulus auctor est, quia pupillares tabulæ pars sunt prioris testamenti, eoque fit ut prioris testamenti viribus non solutis, nec posterioris quoque solvantur vires, d. §. 1. Et hoc inde, nisi fallor, quod in iis testamenti tabulis quibus instituuntur, & substituantur hæredes, duæ intelligantur hereditates diversæ contineri, cap. 2. §. 2. de hæred., vel act. ven. una quidem in prima, altera vero in ima cera. Eoque videri potest Svetonius respexisse, de C. Cæsare ita scribens: *Novissimo testamento tres instituit hæredes sororum nepotes, Cajum Octavianum ex dodrante, & L. Pinarium, & Q. Pedium ex quadrante; reliquos in ima cera.* Sensus enim est tres solos sororum nepotes sibi C. Cæsarem hæredes instituisse, & reliquos his tribus substituisse. Nam hac potissimum ratione in ima cera secunda hereditas scribebatur, quod quamvis prioris testamenti locus esset, ad posterius non soleat venire. Et idcirco sic tabulæ testamenti interdum aperiebantur, ut ex septem signis ea tantum rumperentur, quæ priori hereditati imposita erant, salvis supra imam ceram reliquis signis; id quod de pupillari substitutione tradidit expresse Cajus Instit. lib. 2. tit. 4. Ut igitur suas secundæ tabulæ vires retineant, nihil interest an ultro adeat, an vero per Prætoris fideicommissarium coactus restituat hæres institutus hereditatem. Prioris enim testamenti pars sunt tabulæ secundæ, d. §. 1.

CLXXXII. PAULUS LIB. III.  
AD VITELLIIUM.

*Quod nullius esse potest, id ut  
alicujus fieret, nulla obligatio  
valet efficere.*

**L**IBER homo in stipulatum deduci non potest, quia nec dari oportere intendi, nec æstimatio ejus præstari potest, c. 103. de verb. obligat. Ideo dari oportere hominem liberum non intenditur, quia nullius esse potest, cap. 70. de contrah. empt. ideo nec ejus præstari potest æstimatio, quia libertas res est inæstimabilis, cap. 106. hoc tit. Nec obest quod homo liber possit effici servus, capit. 5. §. 1. de statu hom. *Qua enim ab initio inutilis fuit stipulatio, non convalescet ex post facto, §. nec in pendenti.* Infit. de inutilib. stipulatio. Idem juris est si rem Sacram, vel publicam dari quis stipulatur. Quamvis enim res Sacra prophana fieri, & usibus publicis relicta, in privatos usus reverti possit, nihilominus propter eandem rationem inutilis est stipulatio, capit. 83. §. 3. de verb. oblig. *In stipulationibus enim id tempus spectatur, quo contrahimus, cap. 78. d. tit. Et ideo quod nullius esse tempore contrahitur potest, id ut aliquo tempore fiat alicujus, nulla efficere valet obligatio.* Nam quæ dominio nostro exempta sunt, in obligationem deduci nullo modo possunt, cap. 34. §. 1. de contrah. empt. Quomodo autem res Sacra fiat profana, suo loco demonstrabitur.

CLXXXIII. MARCELLUS LIB. III.  
DIGESTORUM.

*Est si nihil facile mutandum est ex solemnibus, tamen ubi aequitas evidens poscit, subveniendum est.*

**C**ITATIONES fieri in jure solent voce præconis, cap. 7. de in integ. restitut. Qui in jus vocabantur, sive denuntiatione, sive per edictum, etiam citari dicebantur, cap. 15. §. 2. de jure fisci. Svetonius in Tiberio; *Citati ad causam dicendam partim se doni vulneraverunt.* Et in Caligula; *Alios cum clam interemisset, citare nihilominus ut vivos perseveravit.* Livius lib. 3. *Citari jubent in curiam patres. In jure tam adiores, quam reos citari voce præconis consuevisse, ex Alconio, & Apulejo offendimus suo loco.* Irenæus lib. 1. Adversus Hæreses, cap. 9. *Ecce, judex in proximo, & præco me jubet mea defensionem adesse.* Auditor est lib. 3. Digestor. Marcellus, *si citatus respondet, morem esse ut pronuncietur, d. c. cap. 7.* Quibus verbis ad eum morem respexit Marcellus, quorum, cujus nomen citabatur, non respondentem præco declarabat abesse. Tunc enim summatus cognoscens Prætor, aut iusta, aut injusta de causa citatum abesse, auditis eorum, qui ad excusationem admitti desiderabant, quamadmodum demonstratum a nobis est Protribunalium libro singulari. Atque ita: *si Prætor reum citatum non iusta ex causa pronuntiaret abesse, eaque ratione etiam absentem posse condemnari, & confestim sedentem adhuc protribunali Prætozem adiret reus, scripsit Marcellus eum restitui posse; quia non sua culpa, sed parum exaudita voce præconis desuisse existimari potest, d. cap. 7.*

Nec



*Nec ejus haberi rationem voluit D. Antoninus, quod mos receptus diceretur immutari. Esti enim nihil facile ex solemnibus est immutandum, tamen ubi evidens aequitas poscit, solemnibus receptisque moribus salvis subveniendum est, d. cap. 7.*

#### CLXXXIV. CELSUS LIB. VII DIGESTORUM.

*Vani timoris justa excusatio non est.*

**V**OLUERUNT Decemviri tempus judicati faciendi esse mensis unius, auctore Gellio libro 20. cap. 1. Deque eo tempore videtur Ulpianus sensitse, cum scriberet, *repleri ex lege quod sententia desti, si minorem diem statueris* Judex tempore judicati legitimo, c. 4. §. 3. de re judic. Sic etiam Papinianus tempus quod condemnatis præstatur, legitimum appellat, cap. 3. in princ. de usuris. Nec aliter tempus illud liberum erat debitoribus, quam si satisfactum foret, præsertim in gravioribus causis, cap. 16. §. 1. de acceptilat. Ait enim Valerius libro quarto. *Scipionem Asiaticum a Consule in vincula publica duci jussum fuisse, quod judicate pecunia satisfacere non posset.* Porro legitimum tempus quod judicatis dabatur, a Majoribus qui pro tribunali cognoscebant, Judicibus, non tam præcise debebat observari, quin illud pro causæ qualitate, & quantitate, vel personarum obsequio, vel contumacia nonnunquam arctare, nonnunquam ampliare potuerint, capite 2. de re judicata. Si quæ iis qui fatentur se debere, vel qui ex re judicata necesse habent redde-  
re, tempus ad solvendum fuerit prorogatum, eorum qui intra prorogatum diem non solvebant, pignora capiebantur, & post duos menses vendebantur,

*Tam. I.*

cap. 31. de re judic. Et ea quidem, distractio pignorum fieri per officium solet, cap. 74. de evictionibus, hoc est, per apparitores Prætoris extra ordinem sententias exequentes, cap. 50. de evictionibus. Apparitores autem viatores dicuntur non lictores, quamvis tam lictores Prætor haberet, quam viatores, ut est apud Gellium libro decimotertio, cap. 12. A licioribus enim apparitores separat Svetonius in Domitiano, his verbis: *Cum bastis militariibus præcedere cum inter lictores apparitoresque.* Sane viatores consuevisse sententias exequi, non lictores, ex eo patet evidentissime, quod viatores interpretetur litim executores Justinianus, §. tripli Institutione de actionibus. Videlicet ea ratione qua tradidit Ulpianus, missum in possessionem; si non admittatur, per viatorem introducendum esse; cap. 5. §. 21. ut in poss. legat. Prætoris haud dubie viatorem intelligens, cap. 5. §. 9. de rebus eor. Et hæc quidem cum ita se habeant, nunc intelligimus quidnam hac regula Celsus voluerit: *Si creditor cui reus judicatus est, tam fuerit mesiculosus, ut vulgati sententiarum executione non contentus, condemnati debitoris nomine decem a Titio stipulatus deinceps a Sejo judicatus pecunia satisfdari stipuletur, de aestimatione ejus quod stipulatoris interest satisfdari, cum satisfdatum non esset, dubitatum fuit.* Et ait quidem libro 6. ff. Celsus, *interdum nihil aestimandum esse.* Nimirum si debitor, & is qui decem promisit, tam fuerint locupletes, ut censu essent in ordinem equitum, vel decurionem lecti. Nam per hoc vanus omnino videtur creditoris metus, de tam exquisita securitate solliciti, eaque vanitas excusanda non est, nec illius timoris ulla in aestimatione ejus quod interfuit satisfdari, ratio est habenda. Vani enim timoris non nullam justam excusationem,

*E c*

*ita*

ita nullam quoque, ait Celsus, *astimationem esse*, cap. 13. de re judicata. Aliud erat si tam de Titii poenam promittentis, quam de ipsius rei condemnati facultatibus disiderent homines. Tunc enim ejus quod creditoris interfuit a Sejo satildari cum non esset satildatum sorte non soluta ratio haberi solet, d. cap. 13. nam desit esse vanus timor.

#### CLXXXV. CELSUS LIB. VIII. DIGESTORUM.

*Impossibile nulla obligatio est.*

**I**MPOSSIBILE est quod meum est amplius meum fieri, cap. 14. §. 2. de except. Et ideo rei suae emptio consistere non potest, cap. 19. de usurpat. cap. 45. hoc tit. Quamvis unus ex venditoribus meliorem adferre possit conditionem. Nam, ut ait libro 8. ff. Celsus, *emere cum tota re etiam nosseam potest possumus*, cap. 13. de in diem addit.

#### CLXXXVI. CELSUS LIB. XII. DIGESTORUM.

*Nihil peti potest ante id tempus quo per rerum naturam persolvi possit, & cum solvendi tempus obligationi additur, nisi eo praterito peti non potest.*

**P**AULUS auctor est, *interdum puram stipulationem ex re ipsa dilationem capere*: veluti si quis id quod in utero est, aut fructus futuros, aut domum futuram stipulatus sit; tunc enim incipit actio cum ea per rerum naturam praestari possunt, cap. 73. de verborum obligat. Nam ut ait Celsus, *ni-*

*hil peti potest ante id tempus quo per rerum naturam persolvi possit*. Atque ita Celsum hanc regulam accipi voluisse, evidenter demonstrat Pomponius, cap. 14. d. tit. Hae enim Pomponii verba: *Celso placet*, sic videntur supplenda esse: *Celso placet libro duodecimo Digestorum*, ex quo hae regula sumpta est. Simili modo quod debetur in diem ante peti non potest quam dies venerit, cap. 7. de re judic. capite 118. de verborum oblig.

#### CLXXXVII. CELSUS LIB. XVI. DIGESTORUM.

*Si quis pregnantem uxorem reliquit, non videtur sine liberis decessisse.*

**I**NFANS aut in rerum natura est, aut in rebus humanis. In rerum natura quidem, conceptus, in rebus vero humanis, si non editus, saltem vivens in utero matris, cap. 1. §. 6. in fin. cap. 6. in fin., & cap. 7. de suis, & legit. Quod in rebus humanis est, in rerum quoque natura est, non autem, quod in rerum natura est, id omne in rebus humanis est, c. 1. de hered., vel act. vend. Mortui in rebus humanis non sunt. Ita enim scripsit Ep. lib. 10. Seneca: *Quamvis fructus operis praetuli nullus ad defunctum exemptumque ebus humanis pertineat, ipsa tamen contemplatio futuri operis juvat*. Desinunt etiam mortui esse in rerum natura, c. 59. §. 6. de hered. instit. Quid igitur mirum, *eos qui mortui nascuntur, appellari nunquam liberos potuisse?* c. 129. de verb. sign. Quod igitur Celsus, ait *eum qui pregnantem reliquit uxorem non videri sine liberis decessisse*, id ad eos liberos referendum est, qui si non in rebus humanis, saltem in rerum natura sunt,

sunt, cap. 18. quand. dica leg. d. cap. 7.

### CLXXXVIII. CELSUS LIB. XVII. DIGESTORUM.

*Ubi pugnantia inter se in testamento juberentur, neutrum ratum est. Quæ rerum natura prohibentur, nulla lege confirmata sunt.*

**J**ULIANUS ait, duas orationes pugnantia continentes simul falsas esse, & idcirco inutilem esse institutionem orationes pugnantes continentes, cap. 13. §. 3. de reb. dub. Quod ipsum tradidit hac regula Celsus, hujusmodi subjiciens rationem: *Quæ enim rerum natura prohibentur, nulla lege confirmata sunt.* Nam ut ea quæ inter se pugnant, simul subsistant, non patitur rerum natura, cap. 7. hoc titulo quo fit, ut nec confirmari possint ulla lege quemadmodum docet eleganter in Enchiridio Beatus Augustinus.

### CLXXXIX. CELSUS LIB. XIII. DIGESTORUM.

*Pupillus nec velle, nec nolle in ea ætate, nisi appositâ tutoris auctoritate creditur; nam quod animi judicio fit, in eo tutoris auctoritas necessaria est.*

**P**UPILLUS jure civili sine tutoris auctoritate non obligatur, quia nullum dominium transferre potest, ut pote qui nec velle, nec nolle creditur in ea ætate nisi appositâ fuerit tutoris auctoritas, cap. 5. §. 1. & cap. 9. §. 1. de auct. tut. cap. 8. de acquir. hæred. Hæreditatem etiam adire non potest sine tutoris auctoritate, d. cap. 9. §. 2. tum quod hæredita-

tem adcentes obligentur æri alieno, tum etiam quod in adeunda hæreditate opus sit *animi judicio* hoc est scientia, & certo decreto, quibus destituitur ætas pupillaris, cap. 8. & cap. 9. de acquir. hæred. Et idcirco, *in eo quod animi judicio fit necessaria est tutoris auctoritas.* Eoque pertinet illud Ambrosii ad Clementianum, Epistolar. lib. 9. *Parvuli hæredes nomen nudum hæreditatis non auctoritatem usurpant, jubendi jus, & utendi non habent, qui plenitudinem suæ ætatis expectant, ut a curatoribus liberentur.*

### CXC. CELSUS LIB. XXIV. DIGESTORUM.

*Quod evincitur in bonis non est.*

**D**E Curatore bonis dando libro 24. ff. scripsit Celsus, cap. 3. de curat. bon. dandor. id bonorum quibus Curator datus est, appellatione non contineri asserens, quod evincitur: *siquidem Curator nec ad retinendum, exceptionem; nec etiam ad recipiendum id quod evincitur, actionem habet, c. 53. de acquir. rer. dom.*

### CXCI. CELSUS LIB. XXXIII. DIGESTORUM.

*Neratius consulens an quod beneficium dare se quasi viventi Cæsar rescripserat, jam defuncto dedisse existimaretur respondit non videri sibi Principem, quod ei quem vivere existimabat, concessisset, defuncto concessisse, quem tamen modum esse beneficii sui vellet, ipsius estimationem esse.*

**P**RINCIPIS beneficia varia sunt. Suetonius auctor est, commectus a Senatu peti solitos, sui beneficii Clau-

*dum fecisse.* Solet etiam Principis beneficio, aut rebus concedi immunitas, aut personis, & quæ personis concessa erat, semper extinguebatur cum personis, quæ rebus, non utique, cap. 3. §. 1. de censibus. Magistratus quoque & dignitates omnes etiam militares ante quidem a Senatu, & Populo, postea vero a Principe conferebantur, & beneficia dicebantur, cap. 57. in fin. de re judic. cap. unic. de lege Julia ambit. cap. 5. de jurisd. Ait enim Svetonius: *Tiberium Cæsarem in suspicionem venisse per quosdam beneficii sui centurionis a commatu castra repetentes.* Et Cicero Epist. Fam. libro quinto: *De centurionibus tamen,* inquit, *& de tribunorum militum contubernali- bus, res est in integro;* genus enim horum beneficiorum definitum lege non erat. Et rursus libro septimo. *Huic ego neque tribunatum, neque ul- lius beneficii certum nomen peto.* Nec alio referendum est quod Modestinus ait, *absesse Reipublica causa intelligi tribunos Militum, & Comites legatorum qui ad ararium, aut in commentarium Principis delati sunt,* cap. 32. ex quibus caus. major cap. 41. §. 1. de excusat. Erat enim moris, ut eorum qui hujusmodi beneficia fuerant a Senatu populoque Romano, vel a Principe consecuti, ad ararium, aut in Principis commentarium hac potissimum intentione deferretur nomen, ut iis ex arario populi, aut Principis fisco annua darentur, auctore Frontino de Aqueductibus libro 2. Eoque spectasse videtur Cicero sic pro Archia Poeta scribens: *Testamentum sape fecis nostris legibus, & adiis hereditates civium Romanorum, & in beneficiis ad ararium delatus est a L. Lucullo Pratore, & Consule. Qui Principis beneficio adepti erant civitatem, aut jus Quiritium (illud enim a Principe solere peti testis est Episto-*

*lar. libro 10. Plinius)* in Principis etiam commentarium referebantur, id quod a nobis suo loco demonstratum est. Sunt & alia Principis beneficia, quæ ex aliorum commentariis qualia sint, facile cognosci possunt, quibus addo ea omnia quæ juris esse cognitionum aliquando diximus: *Hujusmodi Principis beneficia, de quibus nunc late tractatum est, quasi viventi a Cæsare concessa, defuncto concessa non videri:* Neratius auctor est hac regula, *ita tamen ut ipsius Principis æstimatio sit, quem velit sui beneficii modum esse;* hoc est, an etiam illud velit ad filios liberove defuncti, optime de Republica meriti, transmitti.

## CXCII. MARCELLUS LIB. XXIX. DIGESTORUM.

*Ea quæ in partes dividi non possunt, solida a singulis hæredibus debentur.*

**D**E Servitute legata differens libro 29. Digestorum Marcellus ait, *si quis fundum Mævio, & ad eum viam per alium fundum, & eundem fundum siue via Titio legasset, siue via legatum fundo cessurum;* quia neque acquiri per partem servitus potest. *Ea enim quæ in partes dividi non possunt, solida a singulis hæredibus debentur legatariis singulis, quibus unus idemque fundus relictus est in solidum singulis,* cap. 3. de servit. leg. Nam si servitus debetur fundo, certe ea uti poterunt singuli domini; liquidem ea sic dividi nequit, ut pro parte debeat, pro parte non debeat, cap. 17. de servitut. Videlicet ea ratione qua Dionysio scripsit Architas Philosophus, *indivisa esse quæ divisionem non admittunt, & simplicia sunt, monadem, pun-*

*ctam*

*Hum, & sonum individua dici*, ut est apud Diogenem Laertium de Vitis Philosophorum libro tertio. Uno eodemque sono, uno eodemque puncto utuntur plures in solidum singuli non pro parte, agri salubritate, & amoenitate fruuntur plures non pro parte, sed in solidum singuli. Quidni ergo sic etiam uterentur una eademque servitute loci unus plures domini? Præsertim cum liquido constet servitutes hujusmodi nihil aliud esse quam habitus, & qualitates prædiorum, c. 12. quemad. servit. amit. qui habitus, & qualitates dividi non magis possunt, quam sonus, aut punctum, quam salubritas, quam amoenitas. Nam, ut ait eleganter Celsus, *quid aliud sunt jura prædiorum, quam prædia qualiter se habentia, ut bonitas, salubritas, amplitudo?* cap. 86. de verb. signif. d. cap. 12. Cum igitur Servitutes individue sint, consequens utique videtur, eas a singulis hæredibus solidas deberi; quæ certe pro parte, aliarum rerum dividuarum exemplo deberentur, si in partes dividi possent, cap. 25. §. 9. fam. ercisc. Et solet quidem rerum hæreditariarum divisio fieri partim officio Judicis, partim ipso jure: officio Judicis, per adjudicationem. Auctor est enim tit. 19. Ulpianus, *adjudicatione dominium acquiri per formulam familia erciscunda, per formulam communis dividundo, & per formulam finium regundorum.* Atque ita rem adjudicatam a re ex causa judicari tradita distinxit, & separavit Ulpianus, cap. 3. in fine, & c. 7. in princ. de public. in rem act. Cæterum æ alienum defuncti in portiones hæreditarias sine aliquo Judicis facto ex lege duodecim tabularum ipso jure dividi solet. Eoque sensu scripsit Imperator Gordianus, *ea quæ in nominibus sunt non recipere divisionem.* Per divi-

sionem enim intelligit judicis officium, rationem hanc subjiciens: *Cum ipso jure in portiones hæreditarias ex lege duodecim tabularum divisa sint, capite 6. C. f. in. ercisc.* Quod ipsum eleganter etiam a Quintiliano quadam Declamatione traditum est sub hoc titulo: *Aper communis, & nova tabula, his verbis: Finge esse aliquem ex creditoribus petitorum, nunquid petere a te totam summam potest? minime, ut opinor. Duos enim pater noster filios reliquit, & necesse est, sicut bona, ita onera esse communia. Partem ergo tu debuisse, partem ego. Et paulo post: Num dubium est quin dicturus fueris creditor? Tu debes mihi, patri tuo credidi, cujus ex parte dimidia heres es, assem non possum a te petere, sed semissem petere possum. Et hoc etiam illud est quod ait Ulpianus, in iudicium familia erciscundæ nomina non venire, c. 2. §. fin. fam. ercisc.*

## AD §. IN REDUBIA.

*In re dubia benigniorem interpretationem sequi non minus justius est, quam tutius.*

REGULA hæc desumpta est ex c. 3. de his quæ in testam. delent. nec opus habet interprete.

## CXIII. CELSUS LIB. XXXVIII. DIGESTORUM.

*Omnia fere jura hæredum perinde habentur, ac si continuo sub tempore mortis hæredes existissent.*

**H**ÆREDITAS in multis partibus juris pro domino habetur, ideoque hæreditati, ut domino per hæreditarium servum acquiritur, c. 61. de acqu.

acqu. rer. dom. Et quia hæreditas eum testatoris morte continuatur, etiam si eam adiri postea contingat, certe quod acquisitum est hæreditati, id hæredi eam post c'ap'sos cretionis dies adeunti, & cernenti, acquisitum censebitur. Nam, ut Celsus hac regula definit, *omnia fere jura hæredum perinde habentur, ac si continuo sub tempus mortis hæredes extitissent*. Quod ipsum Celsus etiam defendit adversus Proculi sententiam, c. 28. §. fin. de stipulat. ser. Et quamvis pro domino habeatur hæreditas, personam tamen domini veram non repræsentat; siquidem id tribui potius juris fictioni debet, quam rei veritati. Quo fit ut ususfructus, qui sine persona constitui non potest, hæreditati per servum non acquiratur, nec per consequens hæredi postea eam adeunti, d. c. 61. & c. 26. de stipulat. ser. Idque Celsum non ignorasse, & articulum fere, huic regulæ eadem de causa ab eodem Cello adjectum esse vulgo traditur.

#### CXCIV. MODESTINUS LIB. VI. DIFFERENTIARUM.

*Qui per successionem quamvis longissimam defuncto hæredes constituerunt, non minus hæredes intelliguntur, quam qui principaliter hæredes existunt.*

**S**I hæres Titii falsum dixerit, & ulque ad finem litis oppugnaverit testamentum, ac succubuerit, quasi indignus repelli solet, cap. 13. §. 5. de jure fisci, ejusque portio applicatur fisco, cap. 24. de lege Cor. de falsis: salva interim cohæredi sua portione: *Eumque cohæredem si mori contigerit, & ei rursus hæres extiterit ille qui ut indignus ab hæreditate Titii fuerat ex-*

*pulsus, an non prohibendus ejset hæres existere, dubitabatur*. Et scripsit quidem Differentiarum libro sexto Modestinus, *non esse prohibendum, quis non principaliter in Titii hæreditatem succedit*, cap. 7. de his quæ ut indignis. Eo nihil obstante quod hæredis Titii existens hæres, Titio etiam succedere quodammodo videatur, quemadmodum hac regula traditum est eodem Modestini Differentiarum libro 6. desumpta. Aliud enim est hæredem principaliter esse, aliud non principaliter. Nam hæres qui falsum dicens testamentum succubuit, quatenus quidem hæres est principaliter, ut indignus repelli solet; quatenus vero principaliter hæres non est, utique non solet repelli, d. §. 5. & d. cap. 7.

#### CXCV. MODESTINUS LIB. VII. DIFFERENTIARUM.

*Expressa nocent, non expressa non nocent.*

**S**ENTENTIAM hujus regulæ, & originem veram tradidit Modestinus c. 52. de condi&. & demonstr. Eamque optime Bulgarus videtur affectutus esse, quem etiam alii secuti sunt.

#### CXCVI. MODESTINUS LIB. VIII. REGULARUM.

*Privilegia quedam causa sunt, quedam persone, & ideo quedam ad hæredem transmittuntur, quæ causæ sunt; quæ persone sunt ad hæredem non transeunt.*

**D**E hæc regula scripsimus ad hujus tituli c. 48. quibus addi poterit cap. 29. De re judic.

#### CXCVII.

CXC VII. MODESTINUS LIBRO  
SINGULARI DE RITU  
NUPTIARUM.

*Semper in conjunctionibus non solum  
quid liceat considerandum est, sed &  
quid honestum sit.*

**C**ONJUNCTIONES aliz justæ sunt  
& licitæ, aliz licitæ non justæ.  
Justæ, & licitæ sunt quæ legitimæ sunt,  
& juri civili congruæ, ut sunt nuptiæ;  
licitæ non justæ, quæ permittuntur  
tacito civili jure, ut est concubinarus,  
c. 23., & c. 31. de ritu nupt. c. 1. de  
concubi. Rursum ex conjunctionibus li-  
citis, aliz licitæ sunt, & honestæ si-  
mul; aliz licitæ quidem, non tamen  
honestæ. Quæ enim in concubinato  
est, ab invito patrono ei discedere li-  
cet, & alteri se in concubinatum da-  
re, c. 1. de concub. Sed quia id ho-  
nestum non est, hoc faciens liberta  
matrisfamilias perdit honestatem, c. 41.  
de ritu nuptiar. Et ita in conjunctio-  
nibus non solum quid liceat spectari  
solet, sed etiam quid honestum sit;  
cap. 41., & 42. d. tit. Non enim omne  
quod licet honestum est.

CXC VIII. JABOLENUS LIB. XIII.  
EX CASSIO.

*Neque in interdicto, neque in ceteris  
causis pupillo nocere oportet dolum  
tutoris, siue solvendo est, siue non est.*

**D**E Tabulis exhibendis scripsisse Ja-  
bolenum libro tertiodécimo ex  
Cassio testis est Epigraphe c. ult. de  
tabul. exhib. Et quia Paulus ait, si ta-  
bula apud pupillum dolo tutoris esse  
desierint, in ipsum tutorem interdictum

*comperire, c. penult. d. tit. certe non  
possum non adfentiri Petro Fabro exi-  
stimanti id ipsum etiam tractatum  
fuisse a Jaboleno, ex Cassio libro 13.  
Hac videlicet ratione quod, neque in  
interdicto de tabulis exhibendis, neque  
etiam in ceteris causis pupillo nocere  
oporteat dolum tutoris, siue solvendo  
est, siue non est. Ait enim Paulus,  
equum esse ipsum tutorem ex delicto suo  
teneri, non pupillum, d. cap. penult.  
Nec transfertur in pupillum post pu-  
bertatem hoc quod dolo tutorum fa-  
ctum est, c. 13. §. de act. empti. Ea  
enim dumtaxat habentur rata ex re-  
scriptis Trajani, & Hadriani, quæ  
bona fide a tutore gesta sunt, nec in-  
terest tutor solvendo fuerit, nec ne,  
cap. 12. §. 1. de administ. & peric.  
tutor.*

CXCIX. JABOLENUS LIB. VI.  
EPISTOLARUM.

*Non potest dolo carere, qui imperio  
Magistratum non paruit.*

**E**QUE nomine coercendus est, c.  
fin. de jurid. cap. 1. si quis jus  
dic. c. 26. §. 4. in fin. ex quib. caus.  
major. Ait enim de Legibus Cicero,  
ut Magistratibus leges, ita populo præse-  
se Magistratus.

CC. JABOLENUS LIB. VII.  
EPISTOLARUM.

*Quoties nihil sine captione investigari  
potest, eligendum est quod minimum  
habeat iniquitatis.*

**S**I Testator ita scripserit: QUI SQUIS  
MIHI ALIUS FILII FILIUSVE  
HÆRES SIT, ait Labco non videri fi-  
liam

*liam contineri, Proculus contra. Labeo videtur verborum figuram sequi; Proculus mentem testantis. Et idcirco respondit Epistolarum libro septimo Jabolenus, se non dubitare, quin Labeonis sententia vera non sit, c. 116. de verb. sign. Est enim, Labeonis sententia captionibus exposita, eo quod ad solam relata sit verborum figuram. Nam, ut ait pro Cecinna Cicero, quæ lex, quod Senatusconsultum, quod Magistratus edictum, quod fœdus, aut pactio quod ut ad privatas res vedeam, testamentum, quæ judicia, aut stipulationes, aut pacti convensit formula non infirmari, & convelli potest, si ad verba rem deficiat, ne velimus, consilium autem eorum qui scripserunt, & rationem & auctoritatem relinquamus? Verborum igitur figura sine captionem nequit investigari; iusta autem, & benigna mentis voluntatisque interpretatio minimum habet iniquitatis. Proinde mirum non est non Labeonis, sed Proculi definitionem secutum esse Jabolenum. Ait enim eodem libro 7. quoties nihil sine captionem investigari potest, eligendum esse quod minimum habet iniquitatis, nihil aliud volens in effectu, quam non esse in verborum errore versandum, sed potius supremam testatoris voluntatem iuste, ac benigne interpretandam esse: hoc enim minimum habere iniquitatis, cum alterum illud sine captionem nequeat fieri, c. 24. de reb. dub. Et hæc quidem adeo vera sunt ut dubium non videatur, quin Labeonis explosa, & Proculi sententia recepta fuerit, tum quod Pomponius, & Ulpianus tradiderint, filiorum appellatione in formula testamenti etiam filios contineri, c. 16. de testam. tut. c. 45. de leg. 2. tum etiam quod de Benef. libro 5. c. 19. sic scripserit Seneca: Sed ut dialogorum altercatione spoliata, tamquam Jurisconsultus respondam, mens spectanda est dantis.*

## CC. JABOLENUS LIB. X. EPISTOLARUM.

*Omnia quæ ex testamento proficiuntur, ita statum eventus capiunt, si initium quoque sine vitio ceperint.*

**E**X testamento proficiuntur legata, & fideicommissa, proficiuntur etiam servorum manumissiones. Et ob id si testamentum invalidum est, nihil valebit quod ex eo proficiuntur, c. 1. §. 1. de leg. 3. Nihil enim relinquere legato, vel fideicommissio potest is qui testamentum faciendus non habet, d. cap. 1. §. 2. Nam, ut ait hac regula Jabolenus, quæ ex testamento proficiuntur, ita statum eventus capiunt, si initium ceperint sine vitio; hoc est, si ipsum testamentum, ex quo initium sumunt legata, vitiosum non sit; cap. 29. qui testament. fac. poss.

## CCII. JABOLENUS LIB. XI. EPISTOLARUM.

*Omnis definitio in jure civili periculosa est, parum est enim ut non subverti possit.*

**P**ER definitionem intelligit Jabolenus regulam juris civilis, c. 10. de auro arg. leg. cap. 4. §. 1. de hæred. Instit. Dicitur enim regula Catoniana definire, c. 1. de reg. Cat. Et hujusmodi quidem definitiones nonnumquam subverti posse, a nobis est demonstratum ad hujus tituli c. 1. Quod ipsum Prosper Aquitanicus non videtur ignorasse. Sic enim Epistola quadam de libero arbitrio scribit: Ad definitionem alicujus definitionis, ea promenda



*menda sunt, quæ alteri intellectui, a quo videtur definitio diffonare, non cedant, & eam regulam cui sunt optata, non deferant.*

CCHII. POMPONII LIB. VIII.  
AD QUINTUM MUCIUM.

*Quod quis ex culpa sua damnum sentit, non intelligitur damnum sentire.*

**T**ESTAMENTO heres institutus ab eo cujus etiam intestati legitima hereditas ad me pertineret, eodem momento ex testamento, & legitimam repudiare possum hereditatem. Si autem legitimam velim ad me pertinere, videbor ante repudiare testamentum, & sic legitimam acquisisse. Ita enim ad Q. Mucium scripsit Pompon. c. 77. de acq. vel omit. hæred. Et quia ad hujusmodi hereditatem duplex patet via, certe nihil deesse videtur quo hæres sibi prospiciat, ne in damnum incidat. Proinde si ex testamento hereditas adita fuerit, eamque contigerit damnosum esse, non intelligitur is qui adiit; damnum sentire. Nam, ut ait eodem libro Pomponius, quod quis ex sua culpa damnum sentit, non intelligitur damnum sentire. Potuit enim, & utramque, & alterutram, repudiare, §. quantitas. Inst. ad leg. Falcid. potuit etiam tempus deliberandi impetrare, atque ita instruere se, expediret nec ne agnoscere hereditatem cap. 5. de jure deliber.

*Tem. I.*

CCIV. POMPONII LIB. XXVIII.  
AD QUINTUM MUCIUM.

*Minus est actionem habere quam rem.*

**P**ETIMUS vel esse aliquid nostrum, vel dari nobis aliquid oportere, cum in rem agimus, cap. 6. de rei vindic. Atque ita fit ut minus sit actionem habere quam ipsam rem. Nam qui in rem agit, fieri potest ut licet actionem impetraverit, rem tamen nunquam consequatur. Ait enim Cajus, eum nullam videri actionem habere, cui propter inopiam adversarii inanis actio est, cap. 6. de dolo. Testis est etiam Scævola, sumptus in petendo, & eventus executionis posse incertos esse, cap. 51. de peculio.

CCV. POMPONII LIB. XXXIX.  
AD QUINTUM MUCIUM.

*Plerumque fit ut etiam ea quæ nobis abire possint, proinde in eo statu sint, atque si non essent ejus conditionis ut abire possent; & ideo quod fisco obligamus, & vindicare interdum, & alienare, & servitutem prædio imponere possumus.*

**C**UM enim fit alienatio cum sua causa dominium ad alium transferimus, quæ esset futura, si ea res apud nos mansisset, idque toto civili jure ita se habere, testatur eodem ad Quintum Mucium libro 39. Sextus Pomponius, c. 67. de contrah. empt. Et ideo fit ut rem filco obligatam possimus a non domino vindicare, possimus alienare, & etiam prædio non prohibeamur imponere servitutem. Hujusmodi enim vindicatio alienatio.

*F f &*

& impositio servitutis fieri cum sua causa intelliguntur, c. 20. de solut. c. 12. C. de distract. pignor. c. 20. de acq. rer. dom.

CCVI. POMPONIUS LIB. IX. EX  
VARIIS LECTIONIBUS.

*Jure natura equum est neminem cum  
alterius detrimento, & injuria fieri  
locupletiores.*

**Q**UOD pupillus sine tutoris auctoritate mutuum accepit, & locupletior factus est, si pubes factus solverit, non repetet. Nam, ut ait Pomponius, *natura equum est, neminem cum alterius detrimento fieri locupletiores*, cap. 13., & 14. de cond. indeb. cap. 6. de negot. gest.

CCVII. ULPIANUS LIB. I. AD  
LEGEM JULIAM, ET  
PAPIAM.

*Res judicata pro veritate accipitur.*

**A**D Legem Juliam, & Papiam libro primo ait Ulpianus, *ingenium accipi etiam cum de quo sententia lata est, quamvis fueris libertinus, quia res judicata pro veritate accipitur*, cap. 25. de statu hom. Idque eo pertinet quod Senatores lege Julia prohiberentur libertinas uxores ducere, cap. 44. de ritu nupt. Eaque de re differens ad legem Juliam, & Papiam libro primo Ulpianus, scripsisse videtur mulierem de qua sententia lata est pro ingenua haberi, & ob id nubere Senatori posse, etiam si fuerit libertina, rem enim judicatam pro veritate haberi. Si modo in ea re per collusionem nihil factum fuerit, cap. 4.

de collus. deteg. Nam, ut ait eleganter Donatus, *quod in jure semel judicatum est, rescindi.* & iterum agi non potest, indeque proverbium, *Actum agere*, cujus apud Terentium frequens est mentio, natum putat, pro eo quod est nihil agere. Eaque etiam ratio est cur de re judicata pacisci nemo possit. Ita enim Alexandrum Imperatorem rescipuisse, ex iis incertis titulis constat, qui Gregoriano codici a Cujacio tribuuntur.

CCVIII. PAULUS LIB. III. AD  
LEGEM JULIAM, ET  
PAPIAM.

*Non potest videri desisse habere,  
qui nunquam habuit.*

**S**VETONIUS auctor est, *legem Juliam, & Papiam aliquanto severius quam ceteras Augustum emendasse.* Ea lege inter alia precipue cavebatur ne cœlibes, & orbi ex testamentis civium Romanorum quicquam caperent; quemadmodum docet evidenter Tacitus Annalium libro tertio his verbis: *Ex lege Papiæ præmiis inducti; si a privilegiis parentum cessaretur, velut parens omnium populus vacantia teneret.* Sensus enim est, Divum Augustum multis præmiis ad legitimam liberorum procreationem invitasse cives Romanos, ac pertinacius parentum privilegia rejicientes, ita punivisse, ut ex aliorum testamentis nihil quicquam caperent, sed eorum loco succederet populus. Ut autem Iulius nullam Julæ legis rogatione inter cœlibes, & orbos factum fuisse diffidentiam, facit hic Taciti locus, *quo ararium traditur vacantia bona occupasse, si a privilegiis parentum cessaretur.* Hoc enim nihil est aliud, quam si cœli.

cœlibes, & orbi contemnerent jura parentum, hi quidem sterilitatis causa nuntium uxori non remittentes, illi vero in cœlibatu vivere gessientes. Idque eo mihi persuadeo constantius, quod sciam Hermogenianum scripsisse, propter sterilitatem commode retineri matrimonium non posse, cap. 60. de donat. int. vir. & uxor. Auctor est eodem libro Tacitus: Imperante Tiberio relatum fuisse de moderanda Papia Poppæa, quam senior Augustus post Julias rogationes incandens cœlibum pœnis, & augendo ærario sanxerat; relationisque causam dedisse gliscentem periclitantium multitudinem, cum omnis domus dclatorum interpretationibus subverteretur, multorumque excisi fuissent status, ni Tiberius statuendo remedio quinque Consularium, quinque e Prætoris, totidem e Senatu sorte duxisset, apud quos exoluti plerque legis nexu, modicum in præsens levamentum erant. Ac tunc quidem primum arbitror Papiam legem ita fuisse retractatam, ut cum antea nulla esset, certa deinceps observaretur cœlibis, orbi, & patris solitarii differentia, sic quidem ut cœlibes ab omni testamentariæ successione commode secluderentur; orbi vero semissem obtinerent reliquorum, & pater solitarius certam portionem. Id quod ex Ulpiani titulo decimo tertio plane cognosceretur, si integer esset, quamvis interim ea quæ de cœlibe, & orbo diximus, auctore suo non destituantur. Is enim consentanea ex Soromeno libro primo Historiæ Tripartitiæ annotata quadam reperiuntur. Nec quidem, vel divortio, vel morte matrimonio soluto, protinus novum contrahi voluit Augustus matrimonium. Testatur enim titulo decimo quarto Ulpianus, *fœminis legem Juliam a morte viri vacationem anni tribuisse* (credo propter lucus legiti-

um tempus) *a divortio sex mensium, legem autem Papiam a morte viri biennii; a repudio anni, & sex mensium.* Non est quod hic hæreas, & pro Biennii, suspiceris Triennii ex Svetonio reponendum esse. Ait enim Dio, palam dixisse Augustum, se nunquam festinare cœlibes coegisse, ac iis primum quidem triennium, postea vero biennium se dedisse. Hæc cum ita sint, nunc fatis apparet quid sibi voluerint Jurisconsulti de iis differentes, qui solidum ex aliorum testamentis consequi lege Papia prohibentur, c. 72., & c. 88. §. fin. de hæred. instituend. c. 6. de vulgar., & pupil. cap. 16. §. 13. ad SC. Trebel. c. 67. in fin. d. tit. De orbis enim sentiunt, & patribus solitariis quos certum est solidum consequi non potuisse, iisque auferri solere quod capere non poterant, & in ærarium redigi, d. c. 67. in fin., & c. 12. §. fin. de jure fisci. Cœlibes autem nihil potuisse capere, adeo verum est ut scripserit Ulpianus tit. 17. *quod cœlibi testamento relictum est, caducum fieri si legi intra dies centum cœlebs non paruerit.* Deque eo arbitror sensisse Clementem cap. octagesimo secundo de acq. hæred. Unde, & illud perspicuum est quod hac regula traditur. Cum enim ea ex Pauli ad legem Juliam, & Papiam libro tertio desumpta sit, certe ad cœlibes, orbos, & patres solitarios non incommode videtur referri posse; præsertim cum scriperit Ulpianus: *eos qui solidum capere non possunt ex asse hæredes institutos: & rogatos restituere solidum, adire hæreditatem, & restituere cogendos esse*, cap. 16. §. 13. ad SC. Trebel. Quænam enim alia hujus responsi esse ratio potest, quam quod orbis, aut solitarius pater nihil contra legem Papiam faciat, integram hujusmodi hæreditatem adeundo. Ipsa enim adi-

tionem nihil acquirit sibi, quo sit ut nec restitutione quicquam desinat habere. Siquidem *videri non potest* restituendo deluisse habere hereditatem, qui eam non habuit adeundo. Et hoc est, quod ait hac regula Paulus, *non videri eum deluisse, habere, qui nunquam habuit.*

CCIX. ULPIANUS LIB. IV. AD  
LEGEM JULIAM, ET  
PAPIAM.

*Servitutem mortalitati fero  
comparamus.*

CERTUM est ex lege Papia legatum intercidere, si ante aditam hereditatem mortuus sit legatarius. Quid autem si servus factus sit? Idem erit juris, c. 59. de condic., & demonstrat. Nam *servitutem mortalitati fero comparamus*, d. c. 59. cap. 23. quand. dies legat. cap. 32. §. 4. de don. inter vir., & uxor. Et ita regulam hanc interpretatus est Gifanius noster, meo quidem iudicio rectissime.

CCX. LICINIUS RUFINUS LIB. II.  
REGULARUM.

*Qua ab initio inutilis fuit institutio,  
ex postfacto convalescere non  
potest.*

SCRIPSIT Licinius Rufinus libro secundo Regularum de formula testamenti. Eamque formulam honorario, & civili iure inter alia necessario requirere ait testes idoneos heredisque institutionem non vitiosam: testes autem idoneos non esse, quibus imperari a testatore potest, ut testes fiant, cap. 6.

de testib. §. in testib. Inst. de testam. Certi etiam juris est non posse ullum testamentum valere, quod heredem non habet, cap. 3. de his quæ in testam. del. Heredemque nullum intelligitur habere, si cum eo scriptus est hæres, testamenti factio temporibus tribus diversis non fuerit, videlicet testamenti facti tempore, ut possit valere institutio; & tempore mortis testatoris, ut habeat effectum; & denique cum aditur hereditas, cap. 49. §. 1. de heredib. instit. Et hoc ita, si testator miles non fuerit, cap. 13. §. 1. de testam. milit. Eoque non dubium est quin hæc regula respexerit Rufinus. Per initium enim tempus intelligit nuncupationis testamenti. Nam quæ eo tempore inutilis est institutio, ex postfacto nec morte testatoris, nec etiam additione hereditatis potest convalescere; quemadmodum nec ea valet institutio, quæ ab initio utilis existens tempore mortis testatoris, aut intra diem cretionis efficitur inutilis. Nec est quod obiciatur: *Latium, & cælibem, cum quibus testamenti factio non est, si mortis testatoris tempore, aut intra diem cretionis, hic quidem parverit legi Papie, ille vera civis Romanus fiat, heredes esse possit, ideoque ab Ulpiano traditum esse tit. 22. Non enim vitiosa est huiusmodi institutio, tuis quod ei insit tacita conditio, quemadmodum demonstrat Ulpianus, tit. 17. de caducis differens, tum etiam, quod regula Cætoniana, nec ad institutiones conditionales, nec ad leges novas pertineat, cap. 4., & cap. 5. de reg. Caton. Nam per novas leges non dubium est quin leges Junia Norbana de Latinis, & de orbo, ac cælibe Julia, & Papia intelligantur. Ad huiusmodi enim leges Cætonianam definitionem non pertinere, adeo verum est, ut servus cælibis, aut orbi*

testi hæres institutus ad hæreditatem admitteretur, si dominus legi Papie non pareret, & servum manumitti, vel alienari contingeret, antequam adiretur domini jussu hæreditas, cap. 82. de acquir. hæred. Illud autem non facile dixeris, quia fieri possit, ut verum sit quod Papinianus ait: *Catonianam regulam ad hæreditates non pertinere*, cap. 3. de reg. Caton. Est enim certissimum, eas ad puras institutiones omnino referri, cap. 8. de liberis, & posthum. Qui putat locum corruptum esse, probabili sane utitur conjectura. Libertatis enim, & hæreditatis nomina sic interdum confusa librariorum negligentia inveniri, ut alterum frequenter alterius occupaverit locum, ex Quintiliani Declamatione, cui tit. est: *Rusticus parasitus*, animadverti. Sic enim habent quidam codices: *Pudet dicere quo pretio hereditatem mancipaveris*: quidam sic:

*Pudet dicere, quo pretio libertatem mancipaveris*. Et idcirco interpretis doctissimi Jac. Cujacii conjecturam, pro *hereditates*, existimantis apud Papinianum, *libertates* esse reponendum, omnino probarem, si ad legitimas hæreditates non videtur Papinianus respexisse, d. cap. 3. Arnobius in Psalm. 5. *Hæreditas de morte parentis nascitur filijs*.

---

CCXI. PAULUS LIB. LXIX.  
AD EDICTUM.

*Servus Reipublica causa abesse non potest.*

**S**UMPTA est hæc Regula ex cap. 7. si quis caut. quod ab aliis etiam animadversum est. Hic vero fit finis, quem Deus optimus maximusque dedit, cui soli laus, honor, & gloria in omni ævo.

# INDEX CAPITUM

## IN TRIBUS HISCE CONJECTANEORUM

### LIBRIS CONTENTORUM.

#### LIBRO I

**D**E Majoribus & minoribus Magistratibus. CAP. I.

De divortio propter Sacerdotium. II.

De publico tabulario. III.

De effraetibus carcerum. IV.

De flagitationibus ancillarum. V.

Ludorum causa donatio, & de Pretore

ludorum causa procedente. VI.

De fabulis personatis. VII.

De libertinis. VIII.

De armamentario. IX.

De mercedibus Praceptorum. X.

De ingratia libertis. XI.

De simplariis venditionibus. XII.

Religionis beneficium quid sit. XIII.

De vestimentorum in funus erogatione. XIV.

Synopsis, Conjectio, Index. XV.

De homicidii poenis. XVI.

De columna laetitia. XVII.

De scriptis, dictisque famosis. XVIII.

De iis qui fugiunt accensationis metu. XIX.

De veste lugubri. XX.

#### LIBRO II.

De lege Fusca Caninia. CAP. I.

De tempore messium, & arearum. II.

De balneis singularia quaedam. III.

De foliorum usu. IV.

De vulgo quaestis. V.

De eo qui in invidiam alterius imaginem portas Imperatoris. VI.

De morte, & capitis diminutione civitatis. VII.

De Tusco vico. VIII.

Ad processum viri donatio. IX.

De jurisperitis. X.

De domesticis sacris. XI.

De vivo parietibus imposito. XII.

De vitionibus & lignis coctis. XIII.

De fundo in affectum vendito. XIV.

De veteri nuptiarum jure. XV.

De vispellionibus servis. XVI.

De exauguratione. XVII.

De enatricibus puellisque comatis. XVIII.

De Praceptoribus puellarum. XIX.

De classicis, & allegatis testibus. XX.

#### LIBRO III.

De infantis necandi piaculo. CAP. I.

De antiquis Justiniani fabulis. II.

De militiis quae vendi solent. III.

De die natali Calendisque Martiis. IV.

Per fenestram monstrare quid sit. V.

De annonis, & contributionibus praediorum. VI.

De patriciis. VII.

De susceptoribus vestium militarium. VIII.

De moribus. IX.

De pedaneis Judiciis. X.

De munere nuptiali. XI.

De usitate aedificiorum altitudinis modo. XII.

Religionis causa coire quid sit. XIII.

De speculatoribus eorumque jure. XIV.

De re sextoria. XV.

Damnandae memoriae ratio vetus. XVI.

De Flavio, & Caesaris appellatione. XVII.

De furiosis, & mente capitis. XVIII.

De libris Instit. juris civilis; Et de

Caje. XIX.

De optima lege. XX.

JA.

JACOBI RÆVARDI JC.  
CONJECTANEORUM  
LIBER PRIMUS.

C A P U T I.

De Majoribus, & minoribus Magistratibus.



AGISTRATUS populi Romani, aut Majores erant, aut minores, Majores, Consules, Prætores, & Censores. Minores omnes reliqui. Dicebanturque Majores, quod

maximis auspiciis crearentur. Ac de auspiciis quidem illud constat, patriciorum auspicia in duas potestates olim fuisse divisa, maxima enim Consul, Prætorum, & Censorum erant, minora vero Magistratuum reliquorum auctore Gellio noct. Attic. lib. 13. cap. 14. Majora, & minora auspicia a Majore, & minore templo nomen habent. *Templum autem locus*, ut ait Varro, *dicebatur in terris anguris, vel auspicii causa quibusdam conceptis verbis finitus*. Scribit idem Varro de Ling. Lat. libro 6. templum olim fecisse augures *conspicione*, qua oculorum conspectum finiebant, & conspicioni adididisse eos *cortumionem* quæ dicebatur a cordis visu, ad hæc loca quædam agrestia quæ augurio, ut ait Festus, designantur, & alicujus Dei sunt, *Tesca* vocari templumque verbis ad hunc modum conceptis in arce effari consuevisse: TESCAQUE. METÆ SUNTO. QUOAD EGO. EAS RELIN-

QUAM. NUNCUPAVERO. OLLA. VER. ARBOR. QUICQUID EST. QUOD. SENTIO. ME. DIXISSE. TEMPLUM. TECTUMQUE. FERTO IN SINISTRUM. OLLA. VER. ARBOR. QUICQUID EST. QUOD SENTIO. DIXISSE. TEMPLUM. TECTUMQUE. FERTO. IN DEXTRUM. INTEREA. CONCRETIONE. CONSPICIONE. CORTUMIONEQUE. UTI. QUE. EA RECTISSIME. SENSI. Sic mihi Varronis locus videtur restituendus, & per *arcem*, auguraculum intelligi. Nam ita locum appellari; ex quo majora fiebant auspicia, facile ex Festo quivis potest animadvertere. Auctor est etiam libro 1. Livius augurem in arcem deductum in lapide ad meridiem versus confedissee baculumque sine nodo aduncum tenuisse quem *Lirum* appellaverunt, inde prospectum in urbem agrumque capto regiones ab oriente ad occasum determinasse, ad meridiem partes dexteræ, lævasque ad septentrionem pronuntiasse, & signum contra quod longissime conspectum oculi ferebant solo animo finivisse. Et idcirco mihi satis persuadeo hæc solemnia verba: TESCAQUE. METÆ. SUNTO. QUOAD. EAS. RELINQUAM. NUNCUPAVERO. Ad conspicionem, & cortumionem referenda esse, & sic in-

intelligenda quasi augur ea tacite in corde suo pronuntiet, hoc sensu, Agrestia illa loca quæ oculis, & corde video, volo esse hujus templi metas, easdemque metas in hoc templo faciendo tamdiu nuncupavero, donec eas finito augurio relinquam. Et sic quidem hæc verba solennia visus est interpretari ipse Varro, cum ait: *In hoc templo faciendo arbores constitui fines apparet intra eas regiones, quæ oculi conspiciunt, id est, quæ turmur, a quo templum dictum, & contemplare.* Hæc etiam verba. OLLA. VER. ARBOR. &c. sic accipienda sunt, ut iis ab augure dextræ, & sinistræ regiones determinentur, hoc sensu; Quicquid intra illam arborem est quod me sentio cortumione, & conspiciione templum testumque dixisse, hoc arbor illa serat in sinistrum, id est, arbor illa, & quicquid intra eam arborem est, sinistram, & rursus altera illa arbor dextram determinet regionem. Denique his verbis: INTEREA. CONCRETIONE, &c. significari etiam videtur augurem ea omnia quæ concretionem, conspiciione, & cortumione sensit, utique rectissime sensitse, hoc est, corde, & visu probe omnia determinasse. Atque ita quidem, concretionem, conspiciione, cortumioneque effari majora templa, & iis Majores creari Magistratus videntur apud Romanos conluevisse. Cæterum templa minoræ ad hunc modum definit Ffistus: *Minora templa sunt ab auguribus, cum loca aliqua tabulis, aut linteis sepuntur, ne uno amplius ostio pateant certis verbis definita.* Ex quo loco etiam perspicuum est, quo sensu minores Magistratus auspiciis minoribus creari soleant, & quid item a Majoribus templis, auspiciisque templa, & auspicia minoræ differant. Cui autem Consulium, Censorum, Prætorumque majora, & aliorum Magistra-

tuum auspicia dicantur minoræ, hæc ab Aulo Gellio prodita est ratio, quod eorum auspicia magis essent rata quam istorum. Et hoc inde ni fallor, quod quo majore templo, & solemnitate fiant auspicia, eo magis esse rata, & firma censeantur. Illud etiam observari solet, ut iisdem Majoribus auspiciis Consules, & Censores non crearentur. Censores enim collegæ Consulium, aut Prætorum non sunt, sed Prætores Consulium sunt, & Consules Prætorum. Idcirco neque Consules, aut Prætores Censoribus, neque Censores Consulibus, aut Prætoribus turbant, vel retinent auspicia: ac Censores inter se, rursus Prætores, & Consules inter se vicant, & obstant, inquit idem Gell. Quod sic esse intelligendum puto. ut una conspiciione una cortumione de Prætoribus, & Consulibus haberi auspicia majora poterint, non utique de Censoribus, & Consulibus simul, non de Prætoribus, & Censoribus simul. Retinere autem (ut hoc etiam obiter admoncam) siue obtinere dicuntur auspicia quibus auspicio Magistratus addicuntur turbare, quorum causa repetenda auspicia sunt, & viciare quibus abdicunt aves Magistratus. Iisdem igitur Majoribus auspiciis cum Consulibus, aut Prætoribus rogari Censores nequeunt, sed diversa opus habent conspiciione, & diversa cortumione. Idque mihi illud esse omnino videtur, quod sic C. Tudix num scripisse Gellius ait: *Censores æque non eodem rogantur auspicio, atque Consules, & Prætores.* Et hæc quidem Magistratum antiquam differentiam una cum jure publico lege Regia sublatam esse ex eo intelligi facile potest, quod eadem lege, & inauspicato, & sine Comitibus solius Principis autoritate crearentur Magistratus, cap. unico de leg. Jul. amb. Eaque res efficit, ut imperio duntaxat, & potestate pec-

cane



eandem legem Regiam a Majoribus minores Magistratus postea dignoscerentur, qui antea nullo potestatis, nullo Imperii respectu solis auspiciis discernebantur. Et hinc deinde videtur accidisse, ut nonnulli Magistratus, qui olim inter minores numerabantur, post legem Regiam inter Majores referrentur. Erat enim Tribunus plebis minor, erat etiam major Magistratus. Marco Messalæ, & C. Tuditano, si Gellio credimus, minor Magistratus tribunus est. Hi enim auspiciis solis minores Magistratus discernunt a Majoribus, & Consules, Prætores, Censoresque solos auspiciis rogari Majoribus auctores sunt. Jurisconsulti vero non inter minores, sed inter majores Magistratus Tribunos plebis expresse collocant. Nam solo imperio, & potestate nulla prorsus auspiciorum habita ratione sic a Majoribus minores Magistratus discernendos putant, ut omnes Magistratus, quos sine fraude in jus vocare non licet, Majores, & reliquos appellari minores voluerint cap. 32. de injur. cap. 8. de accus. Eorumque numero, qui sine fraude in jus non evocantur, Tribunos etiam plebis contineri Ulpianus evidenter demonstrat, cum eos contendit in jus vocari non posse, qui imperium habent, qui coercere aliquem possint, & juberi in carcerem duci, cap. 2. de in jus voc. Prehensionem autem Tribunos plebis habuisse Gellius auctor est, lib. 13. cap. 12. Igitur si habuerint prehensionem, recte etiam videtur consequi eos in jus vocari non potuisse, & per consequens inter majores Magistratus Tribunos plebis a Jurisconsultis relatos fuisse.

## CAPUT II.

*De Divortio propter Sacerdotium.*

**D**IVORTIUM, aut bona gratia sit, aut cum ira animi, & offensa, cap. 32. §. 8. de donat. inter vir. & uxor. Ad iram, & animi indignationem referri indicium de moribus potest cap. 57. d. tit. cap. 39. solut. matr. Bona gratia dissolvi matrimonium illud dicitur, quod propter Sacerdotium, sterilitatem, valetudinem, senectutem, militiam, retineri commode non potest, cap. 60. cum seq. de donat. inter vir. & uxor. Eaque bona gratia prius efficit, ut quique suum jus habeat imminutum, cap. 6. de divort. Illud certe non facile dixeris, de quo Sacerdotio senserit hic Jurisconsultus. Ex Tertuliano videor id mihi primus inadvvertisse. Sic enim libro de Monog. scribit: *Cereris Sacerdotes viventes etiam visis, & consentientibus amabili separatione viduantur.* Et in Exhortatione ad Castitatem: *Novem, inquit, continentes, & quidem Tauri illius Egyptii antistes, feminas vero Cereris Aphricanæ, cui etiam sponte abdicatione matrimonio adsciscunt, exinde adempto contactu masculinorum usque ad oscula filiorum.* Quibus etiam addi potest, quod sic ad Uxorem idem Tertullianus lib. 1. scribit: *Ceterum viduas Aphricanæ Cereris adfiscere sciquis durissima quidem oblivione matrimonii adlevis.* Nam manentibus in æternum viris non modo ibro decedunt, sed & alias eis utique vidensibus loco suo insnuant adempto omni contactu usque ad oscula filiorum. Atque ita quidem divortium illud, quod propter Sacerdotium fieri dicitur, satis ex Tertulliano intelligimus ad Aphricanæ Cereris

Sacerdotium referendum esse, & quod Jurisconsulti bonam gratiam dicunt, id amicabilem, ab eodem Tertulliano separationem appellari, Ambrosius de Abraham lib. 2. cap. 6. bonam veniam dixit. Ait enim: *Recte igitur Abraham cum bona venia voluit nepotem dimittere.*

### CAPUT III.

#### *De publico Tabulario.*

**L**OCUM, ad quem custodienda deferrebantur testamentorum, contractuum, aliarumque conventionum instrumenta, archium sive grammatophylacium appellat Ulpianus cap. 9. §. 1. de pœnis. Eumque locum fuisse atrium libertatis auctor est Livius, lib. 43. ait enim: *Censores ex templo in atrium libertatis ascenderunt, & ibi signatis tabellis publicis clausaque tabulario, & dimissis servis publicis negarunt se prius quidquam publici negotii gesturas quam iudicium populi de se factum esses.* Hæc Livius, haud dubie quod ab Ulpiano archium dicitur, hoc Tabularium cum Cicerone appellans. Nam pro Archia poeta scripsit ad hunc modum Cicero: *Hic tu tabulas desideras Heraclensium publicas quas Italico bello incenso tabulario interisse scimus omnes.* Hunc autem Ciceronis locum de atrio libertatis accipiendum esse latis indicat Festus in verbo *Probrum* his verbis: *Lex sua in atrio libertatis cum multis aliis legibus incendio consumpta est, ut ait M. Cato in ea Oratione qua de auguribus inscribitur.* Nec alio spectat quod in Augusto Svetonius ait, ab Afanio Pollione atrium libertatis extructum fuisse, deque huiusmodi Tabulario Paulum etiam sensitisse satis constat sent.

lib. 4. tit. 6. cum ita de testam. scriberet: *Ac deinde signo publico obsignatum in archium redigatur, ut si quando exemplum ejus interciderit, sit unde peti possit.* Atque ita quidem in atrio libertatis archium sive tabularium populi Romani fuisse videtur, & Ulpianus de pragmaticis quibus interdicti solet, ne huiusmodi loco sedeat, differens, de iis tabellionibus, scribis, servisque publicis sensitisse, qui transcribendis in atrio libertatis publicis privatisque tabulis operam dabant. Quod autem archium est Ulpiano, id idem archium etiam, ut credam appellari faciunt Tertullianus, Augustinus, Ambrosius aliique auctores similes.

### CAPUT IV.

#### *De effraCTORIBUS Carcerum,*

**N**EGARI non potest, quin vis publica sit carceris effractura cap. 1. & 11. ad leg. Jul. de vi pub. Quis enim credat fores parietesve carceris sine telo effringi posse? Qui fores aperit, fores non effringit, nam quæ effringuntur fores, opus habent restitutione, ait enim in Adelph. Terentius:

*Fores effregit? restituentur; discidis Vestem? refarcietur.*

Igitur ubi nulla opus est restitutione, ibi quoque nulla esse intelligitur effractura. Quid mirum publici carceris effractores capite puniri, cum eadem poena hominum privatorum securitati provisum sit? cap. 1. de effract. d. cap. 11. Aliud igitur est elabi apertis, aliud item de carcere effractis foribus erumpere. Effractores enim capite plecti debent, cæteri levius puniuntur d. cap. 1. Inter effractores hæc quoque numerantur, qui quadam cum

cæteris, qui in eadem custodia sunt, conspiratione comantur evadere cap. 1. de effract. carcer. militem quoque qui ex carcere dato gladio erumpit, capite puniendum Paulus auctor est, cap. 38. §. 11. de pœn. Idque de eo milite accipiendum videtur, qui vim intulit custodi suo. Moris enim erat, ut miles in carcerem conjectus, custodem haberet, qui cussos eadem, qua miles, catena copulabatur. Eumque morem expressit Epist. lib. 1. Seneca, his verbis: *Quemadmodum eadem catena, & custodem, & militem copulat, sic ista quæ tam dissimilia sunt, pariter incedunt.* Et Augustinus in Psal. 128. *Ligantur duo, inquit, & mittuntur ad judicem latro, & colligatus, ille sceleratus, ille innocens una catena ligantur, & longe sunt a se.* Quo sensu custodiam catenati ordinis videtur etiam Hilarius accepisse, sic ad Constantium Augustum scribens: *Plebs in custodiam catenati ordinis constricta disponitur.* Eoque pertinet, quod in hanc sententiam apud D. Lucam Act. Apostol. c. 12. de D. Petro scriptum legimus: *Οτι δι' ἰμνησιν αὐτῶν προήχθη ὁ ἄγγελος, τῷ ναυτῇ ἐκείνῳ ὃς πῖρος κομῶμενος μετὰ τοῦ στρατιῶτος, διδόμενος ἀλλήλοις διὰ τὸ φύλακεν αὐτὸν τῶν θυρῶν ἐπέσθην τῷ φυλακῇ.* Igitur similes aliæve captivi eadem cum suo custode catena copulatus dato, hoc est clam subministrato gladio vim intulerit custodi, & de carcere sic eruperit, inter effractores carceris eorum pœna coercendus recte numerabitur, quod utique non fieret si absque gladio sine ulla vi custodis sui negligentia fugisset d. cap. 1. Æmilius Probus in Dione: *Lygo quidem Sythicusanus per fenestras gladium dedit; quo Dion interfectus est.*

## CAPUT V.

## De flagitationibus Ancillarum.

**I**TEM si quis ancillam alienam subripuit, & flagitaverit, inquit Ulpianus, utraque actione tenebitur, nam & servi corrupti agi poterit, & furti, c. 2. §. 3. de privat. delict. Aliud est ancillam appellare, aliud item flagitare. Appellat enim qui blanda oratione ancillæ pudicitiam attentat, eoque nomine non servi corrupti, non furti, sed injuriarum dumtaxat tenetur, cap. 15. §. 15. & 17. de injur. Idque inde videtur originem habere, quod sic libro 5. Livius scribit: *Et quemadmodum servis suis vetant domini quicquam rei cum alienis dominibus esse, pariterque in iis beneficio, ac maleficio obstineri æquum censent, sic vos interdicitis Patribus commercio plebis.* Qui autem flagitat ancillam, ipsa flagitatione eam corrumpit. Si quidem ex Festo constat flagitare idem omnino esse quod suprare, non autem ad stuprum, ut Budæo, & aliis videtur, sollicitare. Sic enim libro 9. scribit Festus: *Inter ceterum flagitatos dicebant antiqui mares qui stuprum possi aliquando essent.* Auctor est etiam Nonius Marcellus, flagitium veteres virium quod virginis infertur dici voluisse. Eoque sensu videri potest apud Gellium libro 7. c. 11. flagitium accepisse P. Africanus his verbis: *Sed tu plus tertio parte pecunie paterna perdidisti, atque absumpsisti in flagitiis.* Isidorus Etymolog. libro 5. *flagitium a flagitando corruptela libidinis.* Et hanc quidem interpretationem prorsus postulant hæc Ulpiani verba: *Nam & servi corrupti agi poterit.* Mis enim verbis ipsum stuprum videtur omnino intellexisse Ulpianus, quemad-

modum, & furti verbo subreptionem. Tertullianus enim libro 4. adversus Marcionem sic ait: *Nemo sua furatur aut infudit, sed ille peius qui in aliena descendit, & hominem a domino ejus alienat.* Terentius in Eunuchis:

— *Tun' me prohibeas*

*meam ne tangam? C. prohibeo inquam.*

*G. andin' tu, hic furti se adligas.*

Male Donatus in hoc loco furti vocabulum ad malefictum traxit, quemadmodum ex Tertulliano evidenter patet. Et hæc quidem cum non animadvertisset Accursius, flagellaveris, pro flagitaveris, visus est in hoc Ulpiani responso reposuisse.

extant: *Inter viam, & uxorem, ait Cajus, ex indulgentia principis ludorum causa denatienem receptam fuisse, cap. 42. de donat. inter vir. & uxor.* De iis haud dubie ludis sentiens, quos Maritus, Prætor, Quæstor, aut Consul designatus exhibere debebat. De quibus etiam visus est sensisse Marcellus. Cum enim fidei hæredum commissum esse scriberet Marcellus, uti darent C. Sejo in honorem Consulatus quadringenta hæc verba subjecit: *Urvo Mevio Sejus Consul designatus est, & munus edidit, deinde ex calendis Januariis Senatuum ingressus est, cap. 26. de condit. & demonstrat.* Nec alio referri debet quod apud Ulpianum quæstum legimus, an quod dignitatis nomine a patre datum, est, conferri debeat. Respondens Ulpianus conferendum non esse hæc verba subjecit: *Hec enim propter onera dignitatis præcipuum haberi oportere cap. 1. §. 14. de collat. bon.* Per onera dignitatis, ludos, & curules quadrigas aliosque id genus sumptus intelligens. De quibus Sermone 81. scripsit etiam ad hunc modum. D. Ambrosius: *Magistratus in theatris mimis, & arletis, & gladiatoribus, aliisque hujusmodi generibus hominum totum pene patrimonium largitur, ac prodigit, ut unius bene favorem vulgi adquirat.* Hujusmodi ludos non declarati, & nuncupati, sed designati Magistratus ad acquirendum in nuncupando vulgi favorem edere solent, quemadmodum hoc in loco Ambrosius testatur. Et idcirco quod Cajus, & Justinianus de Prætoris scribunt in theatrum ludorum causa prodeunte, apud quem in transitu manumitti potest, hoc ad eum Prætores referendum non est, qui ludos edit, sed ad eum potius, qui spectaculo præsidet, cap. 7. de manumiss. vind. §. Servi vero. Institut. de libert. Prætor cum duobus

## C A P U T V L

*Ludorum causa donatio, & de Prætoris ludorum causa procedunt.*

**S**OLENT designati Magistratus ludos exhibere populo Romano. Tertullianus libro de Spectac. *Ut talia spectes, ut talibus exultes, quis tibi Prætor, aut, Consul, aut Quæstor, aut Sacerdos de sua liberalitate præstabit?* Juvenalis Sat. 8..

— *Quanti sua funera vendant Quid refert? Vendunt nullo cogente Nerene:*

*Nec dubitans celsi Prætoris vendente ludis.*

Est etiam Jul. Capitolinus auctor, Quæstores candidatos ex sua pecunia munera populo dare ab Alexandro jussos fuisse, ut post quæsturam præturas acciperent. Per munera venationes intelligit Capitolinus. Sic enim lib. 6. cap. 20. scripsit Lactantius: *Et primitus quidem venationes, quæ vocantur munera, Saturno attributa sunt.* Atque hujus quidem antiqui moris etiam in nostro jure quædam reliquæ

mo.

modis in theatrum ludorum causa prodire solet, aut designatus, & necdum nuncupatus, tanquam candidatus; aut designatus, & nuncupatus, tanquam Magistratus. Tanquam candidatus ludos populo sumptibus suis exhibens, tanquam Magistratus editioni spectaculorum præsidens. Livius lib. 25. *lis ludis faciendis prærit Prætor is, qui jus populo plebique dabit summum.* Auctor est enim Servius Maurus Prætorum habitu triumphali ludis Circensibus præsidisse, quod ipsum libro de Spectaculis testatur quoque Tertullianus. Ait etiam Festus ludos piscatorios quotannis mense Junio trans Tyberim fieri solitos a Prætoribus urbano pro piscatoribus Tyberinis. Et sane editionibus spectaculorum Prætorum adeo verum est præsidisse, ut scripserit expresse Svetonius virginibus vestalibus locum in theatro separatim, & contra Prætoris tribunal Augustum dedisse.

## CAPUT VII.

*De fabulis Personatis.*

**E**RANT olim fabulæ personatæ, erant non personatæ. Personatæ personis: non personatæ sine personis exhibebantur. Personatarum primam originem docet Servius Virgillii interpres his verbis: *Necesse erat pro ratione sacrarum aliqua ludicra, & surpita fieri quibus posset populo risus moveri, & qui ea exercebant propter vereturiam, remedium hoc adhibuerunt, ut personas factas de arborum corticibus sumerent, ne agnoscerentur.* Attellani proprie vocabantur personati, quia licet comædi, & tragædi personis uterentur, solebant tamen illi, & histriones cæteri interdum, cogi personam

deponere exceptis Attellanis: iis enim jus non erat cogi deponere personam, quemadmodum docet eleganter Festus, explicans quænam personata diceretur fabula Nævii. Personarum hujusmodi veras effigies Goltzii nostri exprimunt numismata, ex quibus animadverti personam indumentum capitis fuisse, vultus humani præ se ferens speciem veram ore supra modum patulo, quo vox histrionis emittebatur. Idque mire convenit cum eo quod Bassus apud Gellium lib. 5. c. 7. ait, personam coperimentum fuisse testum undique una tantum vocis emittendæ via pervium. Nec alio videri potest Prætor respexisse in eo edicto, quod de iis proposuit, qui notantur infamia, scenicos indicans famulos esse his verbis: **QUI. ARTIS. LUDICRÆ. PRONUNTIANDIVE. CAUSA. IN. SCENAM. PRODIERIT.** cap. I. de his qui not. infam. Hujusmodi enim pronuntiatio vel fieri personis solebat, vel sine personis.

## CAPUT VIII.

*De Libertinis.*

**N**ON servi solum, sed etiam ingenui manumitti solent, & tam ingenui, quam servi manumissi dicebantur libertini. Peregrini manumissione consequerentur civitatem Romanam, servi libertatem. Auctor est enim lib. 41. Livius, socios ac nominis Latini eorumque liberos primo quidem manumissione, deinde migratione & censu in civitatem Romanam transivisse, & libertinos appellatos fuisse. Ait enim: *Liberos suos quibusque Romanis in eam conditionem, ut manumitterentur, mancipio dabant, Libertinique civis essent.* Quod ipsum paulo post multo apertius de.

demonstravit idem Livius, cum scriberet ad legem quam de sociis, ac nominis Latini eorumque Majoribus C. Claudius tulerat adjectum SC. fuisse, ut Dictator, Consul, Interrex, Censor, Prætor qui esset apud forum cum manumitteretur, in libertatem vindicaretur; jusjurandum daret, qui socium manumitteret civitatis eum mutandæ causa non manumittere, qui id non juraret manumittendum non esse. Sunt igitur libertini ex iusta servitute manumissi cap. 6. de stat. hom. erant, etiam libertini homines ingenui qui manumissione solemnî, & iusta Romanæ civitatem consequabantur. Est & tertia libertinorum significatio, quæ accommodari specialiter libertorum filiis solebat. Jure enim veteri licet revêra ingenui essent ex libertinis procreati, illi tamen nomen habere ingenuorum non poterant, sed libertini dicebantur, quemadmodum in Claudio docet Suetonius. Ait enim temporibus Appii Claudii Cæci, & deinceps aliquamdiu libertinos dictos, non ipsos qui manumitterentur sed ingenuos ex his procreatos. Et Idcirco quod ait Justinianus, *ex libertinis duobus ingenuos nasci non libertinos* §. 1. Instit. de ingen. hoc eam habere sententiam potest ut libertorum filii, & sint, & appellentur nunc ingenui, qui licet ingenui essent, ingenui tamen olim non dicebantur, sed libertini, ne videlicet filii melioris esse viderentur conditionis, quam parentes. Est & alia libertinorum significatio, eaque referri ad filios solet ex nuptiis injustis procreatos. Livius enim auctor est lib. 42. ex militibus Romanis, & ex Hispanis mulieribus, cum quibus connubium non esset, natos se memorantes supra quatuor millia hominum orasse, ut sibi oppidum in quo habitarent daretur; Senatûm decrevisse ut nomina sua apud

L. Canuleam profiterentur, eorumque si quos manumississet, eos Cartejam ad Oceanum deduci placere: qui Cartejensium domi manere vellet, potestatem fore uti numero colonorum essent agro assignato: Latinam eam coloniam fuisse, libertinorumque appellari. Et ita manumissione quidam libertini erant, quidam nativitate, manumissione socii, ac nominis Latini, sive peregrini, filii ex iis inter quos connubium non est, procreati, & servi ex iusta servitute manumissi; nativitate, libertinorum filii. Hæc si vera sunt, nunc videndum est, quo sensu filium libertinum acceperit Jabolenus de eo differens qui filium libertinum habebat minorem 14. annis cumque hæredem instituerat, deinde ita scripserat: SI. MIHI. FILIUS. NULLUS. ERIT. QUI. IN. SUAM. TUTELAM. VENIAT. TUM. DAMA. SERVUS. LIBER. ESTO. Quærebatur an Dama liber esset, negabat Trebatius, quia filii appellatione libertinus quoque contineretur. Labeo contra quia eo loco verum filium accipi oporteret cap. ult. de jur. deliber. filius verus, filio opponitur libertino, filius igitur libertinus filius verus non est. Verus autem filius est, quem nuptiæ demonstrant exemplo patris veri, iusti, & legitimi, cap. 5. de in jus voc. Ambrosius de Abraham c. 3. *Pater erat cum de ancilla prolem haberet, sed pater filii non erat, quia non erat legitimo susceptus conjugio.* Est igitur filius verus legitimus non vulgo quæsitus, hoc est, illegitimi tantum, sed etiam adoptivi respectu. Idem enim Ambrosius lib. de Incarnat. Do. Sac. ita scribit: *in usu nostro est adoptivus filius, & verus filius.* Adoptivum filium non dicimus filium natura, sed eum dicimus naturæ esse qui verus est filius. Et quia vero filio opponitur liber.

libertinus, consequens igitur est, aut adoptivum, aut certe illegitimum filium aliquo modo filium dici libertinum. Sane per libertinum illegitimum filium verisimilius est apud Jabolenum intelligi quam adoptivum. Erat enim certa quædam ratio legitimisationis, eaque non quidem parentis, sed majoris alicujus Magistratus manumissio dicebatur naturalium liberorum, quemadmodum ex Livii postremo loco probari potest evidentissime. Atque ita per libertinum naturalem filium legitimatum videri potest Jabolenus intellexisse d. cap. ult. non filium ex cive Romano, & Latina procreatum, ut voluit Alciatus, non etiam, ut alii suspicantur, filium in servitute susceptum, & cum patre postea manumissum.

## CAPUT IX.

*De Armamentario.*

CUM scriberet Livius libro 31. *Conflagrasse borea regia, & armamentarium cum ingenti apparatu machinarum, tormentorumque, per armamentarium locum intellexit publicum, in quo fieri reponique solent instrumenta, & arma bellica, cui loco qui præfectus erat, dicebatur armorum custos, cap. 14. in fine de re militi. Eoque sensu, custodis armorum meminit hæc vetus inscriptio: V. F. C. VIRIUS SABINUS VETERANUS ARMORUM CUSTOS. LEG. XIII. GEM. MART. VICT. D. M. non enim licebat arma cuiquam domi habere, cap. 1. ad leg. Jul. de vi pub. Est etiam Marcianus auctor, si colonus, vel servi ferrum illicite in odio fecerint, nulla poena dominum teneri, cap. ult. §. 9. de publican. Omnino demonstrans*

*privatis hominibus nullam fuisse armorum in privato loco faciendorum auctoritatem, siquidem ea non nisi in publicis armamentariis licite conficiebantur Livius lib. 29. Tormenta machinasque, & advexeras secum, & ex Sicilia cum commatu missa erant, & nova in armamentario, multis salium operum artificibus de industria inclusis, fiebant. Per ferrum autem gladium apud Marcianum intelligi evidenter ex Quintiliano constat lib. 2. cap. 17. Ait enim, non fabricetur militi gladius, potest uti eodem ferro lauro. Arnob. in Psalm. 139. Nam ferro tollitur vita ut multum quinquaginta annorum. Cæterum quod privatis hominibus armorum: sic olim ademptus fuerit usus, id videri potest a temporibus Pompeii Magni originem sortiri, si vera sunt quæ Plinius de Pompejo scribit lib. 34. cap. 14. Quibus ea esse contentanea videntur quæ Isidorus Etymolog. lib. 6. cap. 9. ita refert: *Græci, & Tusci primum ferro in caris scripserunt, postea Romani jusserunt ne graphium ferreum quis haberet.* Unde, & apud scribas dicebatur: CERAM. FERRONE. CÆDITO. Hinc etiam est quod arma alienare crimen esse, & armorum custodem arma militi committentem non suo tempore culpam luere scripserit Julius Paulus d. cap. 14. in fin. Quo pertinet illud Taciti lib. 17. *Aperire deinde armamentarium jussit, rapta statim arma sine more, & ordine militie.* Est etiam quædam inscriptio vetus, quam nuper in Hollandia repertam accepimus armamentarii eodem prorsus sensus mentionem faciens his verbis: IMP. CÆSAR. L. SEPTIMIUS. SEVERUS AUG. ET MARCUS AURELIUS ANTONINUS CÆSAR. COH. X. VVOL. ARMAMENTARIUM VETUSTATE COLLAPSUM RESTITUERUNT. Hinc quoque intelligimus,*

mus, quæ ratio fuerit, cur exauctorari milites arma deponere juberentur, id quod in Alexandro tradidit Lamprius hanc proferens exaustorationis formulam. QUIRITES DISCEDITE ATQUE ARMA DEPONITE. Id enim ad armamentarium, quo publice arma custodiri solent, omnino etiam referendum est. Nec alio sensu moveri dicuntur arma cap. unic. C. ut armor. usus.

## C A P U T X.

### De mercedibus Præceptorum.

**N**ON satis constat quid sibi voluerit Sat. 10. his versibus Juvenalis:

*Eloquium aut famam Demosthenis,  
aut Ciceronis*

*Incipit optare, & totis Quinquatribus optat*

*Quisquis adhuc uno partem colis affo  
Minervam,*

*Quem sequitur custos anguste vernu-  
la capse.*

Quos ego sic explicandos censo, ut illi etiam pueri, Demosthenis, aut Ciceronis eloquentiam, simulatque scholam primum ingressi, sunt, exoptare soleant, quibus recenti quadam certæ mercedis pensione prima liberalium disciplinarum a Præceptoribus elementa traduntur. Eoque referendum est, quod de mercedibus Paulus, & Julianus scribunt, quas Præceptoribus pro facultate patrimonii, & pro dignitate natalium pupilli tutor constituere debet, quodque de capasario apud Ulpianum legimus, hoc est servo si ve ( ut utar Juvenalis verbo ) vernula, qui portat libros cap. 12. §. 3. de administrat. & peric. tut. c. 4. ubi pupil. educ. deb. cap. 13. de manumiss.

vind. Sueton. in Nerone: *Constat quosdam cum pædagogis, & capasariis uno prandio pariter necatos.* Augustinus in Psalm. 40. *Modo nobis serviunt Judæi, tanquam capasarii nostri sunt, Audentibus nobis codices portant;* & in Psalm. 56. *Solent, inquit, servi post dominos codices ferre,* quod autem de Quinquatrib. Juvenalis scribit, ei prius consentaneum est illud Tertulliani de Idololatria: *Quis ludæi magister si non tabulæ idolorum, quinquatria tamen frequentabis: Ipsam primam novi discipuli stipem Minervæ, & honori, & nomini consecras.* Hæc Tertullianus, per primam novi discipuli stipem Minervæ quinquatribus consecrandam hunc Juvenalis verum a nemine intellectum e eanter explicans:

*Quisquis adhuc uno partem colis affo  
Minervam.*

Hoc est, quisquis novus discipulus primam tantum Præceptoris novæ exsolvit stipem Minervæ consecrandam. In ludis enim literariis, scholis, & gymnasiis celebratur Minerva, quemadmodum lib. 5. de Providentia Dei refert Salvianus. Hujusmodi mercedes idibus singulis exsolvi solere Præceptoribus, auctor est Horatius Sermon. lib. 1. Sat. 6. Idque ex eo etiam omnino fit verisimile, quod eam stipem quinquatribus consecrare Præceptores Minervæ soleant, ( si Tertulliano, & Juvenali credimus ) quam ipsis idibus a discipulo novo acceperant. Siquidem quinquatrus auctore Sexto Pompejo dies festus est, qui post diem quintum in honorum Minervæ celebrabatur. Observari etiam solet ut Præceptores, quibus debita non exsolvebantur mercedes, hac de re conquerentes extra ordinem audirentur, cap. 1. in princip., & §. 2. D. de extraog. cognit. Idque eo sensu accipiendum est, ut omnem desiderii sui apud eum, qui hujusmodi



di jurisdictioni præerat, exponendi necessitatem in diem postulationum producere Præceptores non cogerentur, sed statim si vellent etiam de plano deberent audiri. Scripsimus Protribunalium libro singulari Majores populi Romani Magistratus operam duobus modis postulationibus dedisse, nimirum aut ordinario quodam certoque postulationum die, aut de plano sella extra ordinem posita. Et cum adesset ille postulationum dies, tunc etiam moris, erat, ut ordo quidam auctore Ulpiano postulationum servaretur, quo expeditius omnium audiri desideria possent, cap. 9. §. 4. de offic. Procons. Ejusque moris meminit etiam Festus. Sic enim scribit: *Ordinarium hominem, Oppius ait, dici solitum furrum, & improbum qui assidue in litibus morantur, ob eamque causam in ordine staret aduentum Prætorum.* Deque hujusmodi ordine non dubito, quin semper Jurisconsulti senserint, cum de aliqua re extra ordinem discipendum esse cognoscendumque scriberent. Adiri igitur Prætor ordine solet, solet etiam sine ordine adiri. Adibatur quidem ordine diebus postulationum sedens pro Tribunali, adibatur vero sine ordine, sive ut Jurisconsulti loquuntur, extra ordinem de plano cognoscens, sella curuli in Foro, in itinere, aut etiam domi posita. Velleus Paterculus lib. 2. *Jurisdictionibus, agendoque pro Tribunali ordine traheret assisa.* De mercedibus Præceptorum differuit lib. 8. Protribunalium Ulpianus, omnemque ejus rei cognitionem sic ad Præsidem provincie transtulit in eo libro, ut nullam urbani siveque Magistratus mentionem fecerit, cum interim ex innumeris Pandectarum locis certo certius sit libris Protribunalium, tam de Prætoris urbani quam de Præsidis, aut Proconsulis jurisdictione Ulpianum differuisse.

Tom. I.

se. Proinde si dixeris nullam Prætori urbano concessam fuisse de mercedibus Præceptorum cognitionem, videbitur intentioni tux Ulpianus suffragari nullam Prætoris, sed omnem solius Præsidis, cum de hac re differit, mentionem faciens d. §. 2. Et id quidem verissimum est. Non enim Prætoris Romæ, sed Tribunorum plebis propria fuit hujusmodi cognitio. Idque dilucide docet nos Juvenalis sic de mercedibus Præceptorum Satyra 7. scribens:

*Rara tamen merces, quæ cognitione  
Tribuni*

*Non eget.*

Sensus enim est avaros parentes Præceptoribus suorum puerorum debitas vix aliter mercedes exolvere, quam expressis Tribunorum de hac recognitionem, & pronuntiantium sententiis damnatos. Protribunalium libris de iis dumtaxat Magistratibus differuit Ulpianus, qui jus haberent Tribunal ascendendi curulemque sellam ponendi, de iis qui in subelliis confidebant non differuit, id quod titulus ipse Protribunalium liquido demonstrat. Tribunos plebis non in Tribunalibus, aut sellis curulibus, sed in subellis confedisit auctor est Aferonius Pedianus his verbis: Sunt enim subellia Tribunorum, Quæstorum & hujusmodi minorum judicia exercentium, qui non in sellis curulibus, nec in Tribunalibus, sed in subelliis confidebant. Quid igitur mirum de mercedibus Præceptorum differentem Protribunalium libro 8. Ulpianum, nullam Prætoris (de ea enim re non cognoscebat) nullamque Tribunorum, qui non in Tribunalibus, sed in subelliis confidebant, mentionem fecisse?

H h

CA.

## CAPUT XI.

*De ingratis Libertis.*

**D**E quodam Athenarum memorabili instituto scribit ad hunc modum libro 2. Valerius Max. *Age, quid illud institutum Atbimorum, quam memorabile, quod convicius a Patrono libertus ingratus jure libertatis exuitur. Superfedeo te, inquit, habere civem tanti muneris impium aestimaterem, nec adduci possum, ut credam urbi utilem quem domi scelerum cerno. abi igitur & esto servus, quoniam liber esse nescisti.* Idem Valerius sic etiam de Massiliensibus scripsit paulo post: *Tres in eodem munitiones rescindi permittunt, si ter ab eodem deceptum dominum cognoverint, quarto errori subveniendum non putant, quia sua jam culpa injuriam accepit, qui ei se toties objecit.* Hæc Valerius morem Atheniensium, & Massiliensium circa ingratos libertos eleganter exprimens. Svetonius auctor est ingratos libertos, & de quibus Patroni conquererentur Divum etiam Claudium in servitutem revocasse. Quod tamen sic non accipere convenit, ut Divus Claudius expressa quadam constitutione videatur definitivisse in servitutem libertos ob ingravitudinem a Patronis revocari posse, sed ita potius, ut Patronos de ingratis libertis conquerebantur Princeps audiret, auditaque causa libertos in servitutem, si ita res videretur postulare, Princeps revocaret, non Patronus. Temporibus enim Divorum Claudii, & Neronis nihil aliud læso Patrono concedebatur, quam ut vicissimum ultra lapidem in oram Campaniæ libertum posset relegare, auctore Tacito Annal. libro 13. Et idcirco imperan-

te Nerone cum actum esset in Senatu de fraudibus libertorum, efflagitatumque, ut adversus male meritos revocandæ libertatis jus Patronis daretur, Cæsarem Senatui scripsisse addidit idem Tacitus, ut privatione expenderent causas libertorum, quoties a Patronis arguerentur, in commune nihil derogarent. Unde conjectari facile potest, nec Divum Claudium, nec Neronem ingratos libertos jure patronatus in servitutem a Patronis revocari passos esse, sed omnem de ea re dispositionem Claudium quidem sibi reservasse, Neronem vero Senatui commississe. Eoque jure tamdiu usus videtur populus Romanus donec tandem Imperatoris Commodi constitutio talis prolata esset: *Cum probatum sis contumelias Patronos a libertis esse violatos, vel illata manu atroci esse pulsatos, aut etiam paupertate, vel corporis valetudine laborantes relictos, primum eos in potestate patronorum redigi; & ministerium domini præberi cogi, sin autem nec hoc modo admoventur, vel a Præfide emptori addicuntur, & pretium Patronis tribuetur cap. 6. de agnos. liber.* Quod autem de libertis Commodus scribit, qui Patronos paupertate laborantes relinquunt, id de iis libertis videtur accipiendum, qui cum & ipsi re latius tenui sunt, operas tamen suas locari non patiuntur. Moris enim erat ut Patroni paupertate laborantes operas libertorum suorum locarent, & ex operarum mercede sustentarentur, c. 25. de oper. libert. Ejusque moris videtur Seneca meminisse, Declamat. lib. 5. Ait enim: *Bona bello perdis, ad restitutionem nudus veni, nunc libertorum operas desidero.* Meminit liberti Papi-nianus, qui operas vel ministerium Patrono luminibus capto exhibet, eumque ait propter Patronum a civilibus muneribus non excusari cap. 17. ad muni-

municip. Nec mirum cum ad hujusmodi ministerium gravissima pena sit adstrictus. Nam si Patronus hujusmodi valetudine laborantem relinqueret libertus, hac D. Commodi constitutione in servitutem tamquam ingratus revocari poterat. Eaque constitutione usos etiam posterioribus seculis fuisse Romanos Valerianus, & Gallienus Augusti satis indicant cum ajunt: *Solo obsequio non prestiti velamento datam libertatem rescindi non posse*, cap. 30. C. de lib. easi. Hoc enim rescriptum sic interpretatur est de Jacobo c. 3. Beatus Ambrosius: Ita libertatem accepisti ut meminisse manumissoris tui debeas, ut Patrono tuo noveris legitimum obsequium deferendum; ac ab ingrato revocetur libertas. 20. et 21.

## CAPUT XII.

*De simplariis Venditionibus.*

**S**IC scribit Pomponius: *Simplariarum venditionum causa, ne sit redhibitio, in usu est*, cap. 48. in fine de zdil. edic. Arbitror simplariarum venditionum appellatione rerum esculentarum, & poculentarum, quæ nulla fere continent latentia vitia; Pomponium intellexisse. Animadverti enim Fulgentium Placiadem libello de Prisco Sermonem sic scripsisse: *Simplones dicuntur convivæ, nam & amicus sponsi, qui cum eo per convivia ambulat, simplator dicitur*. Sutrrius Piscatoria: *Summates viri simplones fusi sunt ganei*. Est autem ganeum taberna. Hæc Fulgentius satis indicans, ut a simplonibus simplator dictus est, sic etiam a simplatore simplaria dici potuisse, eoque verbo esculenta, & poculepta veteres videri intellexisse.

## CAPUT XIII.

*Religionis beneficium quid sit.*

**I**NTER alias, quibus procurator iudicium suscipere non compellitur, causas justas, Religionis beneficium númerat Modestinus cap. 18. de procurat. militesque causas defendere posse negat cap. 7. in princip. ad leg. Jul. Majest. Testis est etiam Arrius Menander cum, qui litem habuit, & ideo militaverit, exautorari solere, c. 4. §. 8. de re milit. Eoque pertinet quod Ambrosius Offic. lib. 1. cap. 37. ita scribit: *Qui Imperatori militat a suspensionibus litium ætæ negotiorum forensium, venditione mercium prohibetur humanis legibus*. Seneca Epist. lib. 14. auctor est, militiæ vinculum Religionem appellari. Primum, inquit, militiæ vinculum est Religio, & signorum amor, & deferendi nefas. Quod ipsum Ambrosius etiam testatur de Virg. libro 3. Ait enim: *Quando sine militiæ sacramento miles in tentorio bellator in pratio?* Proinde qui militiæ vinculo ab omni negotiorum forensium ætæ prohibetur humanis legibus, is recte videri potest, Religionis beneficio ne procurator sit, exulari. Est enim primum militiæ vinculum Religio. Et sic quidem arbitror Religionis beneficium accipere Modestinum d. cap. 18. aliter atque Tribonianus sensisse videtur, c. 8. de procurat. Quo sensu etiam Religionem etiam videri debet Marcianus accepisse, de iis differens quos Religio moratur, cap. 36. in princip. de fidelicom. libert. Hoc est, qui ad servum manumittendum evocati, potestatem sui facere non possunt vinculo militiæ.

## CAPUT XIV.

*De Vestimentorum in funus erogatione.*

CUM vestibus etiam pretiosissimis olim cremabantur mortui, & cessante cadaverum crematione, sepeliebantur Livius libro 34. Magistratus in coloniis, municipisque hic Roma, infimo genere magistris vicorum toga praetexta habenda jus permittimus, nec id ut viri solum habeant tantum in fine, sed etiam ut cum eo cremantur mortui, sceminis dumtaxat purpura usu interdiximus. Hieronymus Epist. libro 2. Cur mortuos vestras auratis obvolvitis vestibus? cur ambisio inter luctus lacrymasque non cessat? an cadavera divitum nisi in fisco putrescere nesciunt? Lactantius Instit. lib. 2. cap. 4. Pari enim ratione defunctorum corpora odoribus, ac pretiosis vestibus illita, & convoluta humi condunt qua Deos honorant. Augustinus in Psalm. 43. Non cogitavit nisi quemadmodum pretiosis vestibus obvoluit sepeliretur. Apulejus libro 1. Floridor. Illic quoque videret hominem praesidere, hominem depugnare, togam quoque parari, & voto, & funeri: Item pallio cadavera operiri, & philosophos amicitia. Est etiam Svetonius auctor Caligulam magni Alexandri thoracem repetitum e conditorio ejus interdum gestasse. Et Livii epitomator Florus an non libro 48. sic etiam de M. Emilio scripsit? Praecipis filiis lecto se strato sine linceis, sine purpura efferrent. Ad hunc morem videri possunt Martianus, & Paulus respexisse togam in funus filii dedicante, ille vero ineptas voluntates defunctorum circa sepulturam veluti vestes, aut alia supervacua ut in funus impendantur, non valere ex Papiniani sententia scribens, cap. 19. in princip. de in rem ver. cap. 113. in fine de legat. 1. Quo sensu vestem collocare scripsit etiam Ulpianus c. 14. §. 4. de relig. & sumpt. funer. Et Scævola vestimenta in funus erogare, cap. ult. d. tit. nec aliud est quod sic Juvenalis Sat. 3. scribit:

*Pars magna Italia est se vorum admittimus, in qua*

*Nemo togam sumit nisi mortuus.*

Et quamvis cum vestibus conderentur olim cadavera, non tamen oportebat ornamenta cum corporibus condi. c. 14. §. 4. de relig. & sumpt. funer. Idque eo pertinet quod olim non vestibus solum, sed ornamentis etiam pretiosissimis, veluti linceis margaritarum, & viriolis ex smaragdus cadavera consueverint exornari, cap. ult. §. 1. de aur. & arg. leg. Et idcirco mirari satis nequeo a doctissimis hominibus intellectum non esse, quid sibi voluerit Ulpianus de eo differens, quod ad corpus custodiendum, vel etiam commendandum factum est, d. §. 4. Non enim dubium est quin ad commendandum corpus id factum dicatur, quod ad exornandum cadaver impensum est. Quis enim ignorat, ut vivum sic etiam mortuum corpus ornamentis commendari? Ea videlicet ratione, qua de Saturni statua sic scripsit libro de Pallio Tertullianus: *Latoris purpura ambisio, & galaticae ruboris superfluitio Saturnum commendat.*

## CAPUT XV.

*Synopsis, Conjectio, Index.*

QUONIAM *Synopsis* Graeci, id Latini *Conjectio* videntur appellasse. Synopsis rei alicujus brevis descriptio est, sic & conjectio. Synopsis rei

rerum pupillarum coniectio est, sicut rerum dotalium coniectio synopsis, c. 5. de reb. cor. Apulejus in Apol. 2. *Præter hæc ea conditione scilicet coniectio nem, si nullus ex me scriptis liberis vita demigasset, ut dos omnis apud filios ejus Pontianum, & Pudentem maneret.* Per coniectio nem brevem haud dubie instrumenti dotalis in villa sine testibus, aut qua alia solemnitate scilicet descriptionem hoc in loco intelligit Apulejus. Sic rem quæ quasi per indicem exponitur causæ coniectio nem, quasi causæ in breve coniectio nem definit etiam Asconius. Et in duodecim tab. ANTE. MERIDIEM. CAUSAM. CONJICITO. Sic regula quasi causæ coniectio, dicitur eo quod rem, quæ est, breviter enarrat, cap. 1. de reg. jur. Sic denique efficacem brevem, & perfectam quandam ejus quod testamento relicta est, interpretationem, vel ex vicinis scripturis, vel ex consuetudine patrisfamilias, vel regionis, velur per indicem exponendam visus est quoque coniectio nem Ulpianus appellasse, cap. 21. §. 1. in fine, qui testam. sac. poss. nimirum ea ratione, qua id quod efficax est, & perfectum, Nonius coniectarium appellat. Meminit etiam causam coniectio nis Gellius libro 3. cap. 10. *Et cum, inquit, ad Judices coniectenda, consistendaque causa gratia venisset, tum Protagoras sic exorsus est.* Cæterum indicem brevem etiam subnotationem quandam esse satis ex libro intelligimus, qui libro 41. elegantem indicis formulam recenset: *Eodem anno, inquit Livius, tabula in adæ matris Martia cum indicio hoc posita est.* TIB. SEMPRONII. GRACCHI. CONSULIS. IMPERIO. AUSPICIOQUE. LEGIO. EXERCITUSQUE. POPULI. ROMANI. SARDINIAM. SUBEGIT. IN EA PROVINCIA. HOSTIUM CAESA. AUT. CAPTA. SUPRA LXXX.

MILIA. REPUBLICA. FELICISSIME GESTA. ATQUE LIBERATIS. VECTIGALIBUS. RESTITUTIS. EXERCITUM. SALVUM. ATQUE. INCOLUMEM. PLENISSIMUM. PRAEDA. DONUM. REPORTAVIT. ITERUM. TRIUMPHANS. IN URBEM ROMAM. REDII. CUJUS. REI. ERGO. HANC. TABULAM. DONUM. JOVI. DEDIT. Ex quo loco jam plane perspicuum est, quid apud Asconium sit per indicem exponere causam, & apud Justinianum, *summo digito, & quasi per indicem, §. fin.* Institut. de pub. judic. cap. 1. §. nostram. C. de vet. jur. enucl. Quid item intelligi Paulus per indicem velit, cap. 2. de fid. instrum. Et Svetonius indicem scribens rerum a se gestarum Augustum fecisse, quem vellet incidi in æneis tabulis, quæ ante Mausoleum statuerentur.

## CAPUT XVI.

## De homicidio pœnis.

QUI hominem occidit lege Cornelia de sicariis tenetur cap. 1. ad leg. Corn. de sicar. *Pœnaque legis Cornelia olim quidem insulam deportatio, & donorum omnium adeptio erat; hodie vero humiliores bestia subji ciuntur, altiores deportantur in insulam,* inquit Martianus c. 3. §. pen. d. tit. *Hodie, hoc est, non Alexandri solum sub quo Martianum floruisse auctor est Lampridius, sed etiam Severi, & Antonini temporibus.* Iis enim Imperantibus testatur Hieronimus floruisse vixisse, qui Tertullianus sic in libro de Spect. scribit: *Et qui insigniori cu que homicida leonem poscit, idem gladiatori atrociori petat rudem, & pileum præmum conferat.* Et in libro de Anima de humanis judiciis ita differit: *Nam illa si-*

carum, variis & exquisitis etiam præter naturam crudelis feris, dissipant, & quidem turventem, imo nec facile morientem curata mora finis ad plenitudinem pœnæ. Idem Tertullianus sic etiam de Resurrectione scribit: *Nec calicem damnaris, si quis cum veneno temperaris, nec gladium ad bestias pronuntiaris, si quis eo lotrocinium fueris operatus.* Iisdem temporibus in crucem etiam tollebantur homicidæ. Sic enim Sentent. libro 5. tit. 23. scribit de ficiariis Julius Paulus: *Inbonestiores pœna capitibus vindicari placuit, humiliores vero in crucem tolluntur, aut bestiis obijciuntur.* Eoque non dubium est quin Tertullianus respexerit Adversus Marcionem libro 4. his verbis: *Christus vero iustissimus ut homicida morti expulatur.* Petronius Arbitrator in Satyr. Cum interrim Imperator provincie lotrones iussit crucibus affigi. Hinc intelligimus mutila esse, & imperfecta hæc Martiani verba: *Humiliores enim solent, vel bestiis subijci, d. §. pen. & sic restituenda: Humiliores enim solent in crucem tolli, vel bestiis subijci, eaque verba studio Tribonianum deleri fecisse omnino memorem jam inde a Constantini temporibus crucis supplicium ex usu publicorum judiciorum sublatum esse, idque Sozomenum tradidisse, ut est apud Cassiodorum Historiæ Tripartitæ libro 1. cap. 8. Quod ipsum tradidit etiam Augustinus sic in Psalm. 36. de Cruce scribens: Cum sub antiquis scelerati crucifigerentur, modo nullus crucifigitur: honorata est, & finita est, finita est in pœna, manet in gloria. A locis suppliciorum fecit transitum ad frontes Imperatorum. Et in Johan. tract. 36. Modo, inquit, in pœnis reorum non est apud Romanos, ubi enim Domini crux honorata est, putatum est quod, & reus honoraretur, si crucifigeretur. Nec est quod accuses Tribonianum (injuncto*

enim munere functus est) si modo particulam VEL, quæ fraudem aperit sensumque vitiat, deleri fecisset.

## CAPUT XVII.

De Columna Lactaria.

QUID sibi velit titulus octavi libri Codicis Justiniani: DE INFANTIBUS. EXPOSITIS. LIBERIS. ET. SERVIS. ET. DE. IIS. QUI. SANGUINOLENTOS. NUTRIENDOS. ACCEPERUNT. Unum si exceperis, ignorant interpretes ceteri. Interpres quem excipio, Cujacius est, sanguinolentos infantes eos dici existimans, quos recens natos appellat Constantinus, c. 1. C. Theod. de exposit. Rectissime, siquidem Donatus in Terentium auctor est, puerum a matre sanguinolentum non pulchrum ab obstetrice, sed scitum in Andria Terentii pronuntiarî. Observavimus etiam partus sanguinolentos, qui exponebantur, aut ad necem in solitarium locum abijci, aut ad loca quædam populi Romani publica misericordie causa deferri consuevisse, idque Paulum sibi voluisse infantes abjectos ab iis expresse distinguentem, qui publicis locis exponuntur, c. 4. de agnosc. & alend. lib. Seneca Declam. libro 10. *Curatis quis ex solitudine infantes auferat, perituros nisi auferantur.* Et iis quidem locis publicis unum mihi deprehendisse videor, isque Lactaria columna dicebatur, de qua scripsit hoc modo Festus: *Lactaria columna in foro eliteria, dicta quod ibi infantes lacte alendos deferbant:* Quod ipsum a P. Victore etiam traditum est, libro de Regionibus Urbis. Ait enim in undecima regione, quæ Circus maximus dicitur, forum olitorium, & in eo columnam lactariam esse, ad quam infantes

fantes lacte alendos deferunt. Qui igitur ad hanc columnam infantes misericordiae causa deferunt alendos, hi ex Pauli nostri sententia eos loco publico exponere recte dicuntur. Et de huiusmodi expositione videtur etiam in Apologetico sensitse Tertullianus. cum ita scriberet: *In primis filios exponitis suscipiendos ab aliqua praeferente matre extranea.* Vidimus nuper in fastis Huberti Goltzii numisma quoddam Q. Lucretii Vespillonis, in cuius una parte columna erat inter duas capras media cum infatulo, & in altera effigiem Junonis Sospitae. Et quia non ignorabam lacte caprino solitos esse infatulos alii, nec incommode expositos infantes Junoni Sospitae commendari, statim suspicatus sum, eam columnam, fuisse lactariam columnam, ad quam infantes lacte alendos deferabantur. Et haec quidem conjectura nostra amicissimo Guidoni Laurino adeo placuit, ut ejus auctoritate, & consilio Goltzius ipse indicem conglutinans rerum in fastis memorabilium columnam illam appellare *Lactarium* non dubitaverit.

sit *dicaſſit* antiquos pro *dixeris* posuisse. Et fere persuaserat amicus optimus sic proſus apud Ciceronem legendum eſſe. Sed tandem animadverti ipſos Decemviros inter eos qui condiderant, aſſitaverant, occentaverantque, & eos qui dixerant alicui convitium, diſcrimen ſeciſſe. Certe quod gravius cenſuerint eos pleſtendos qui palam audiente in theatris, acclamante occentationi, aut etiam famoſum carmen propoſitum legente populo convitiabantur iis, qui id ipſum, licet publice, tamen ſine ludis, occentatione, aut aliqua proſcriptione faciebant. Si quidem illos Decemviri ſcripſerunt capite pleſtendos eſſe, ut ex Cicerone probatum eſt, hos vero ſuſtibus caſtigandos. In Perſium enim ſic ſcripſit Cornutus: *Lege 12. Tab. tantum eſt, ut ſuſte ſeriretur qui publice invehebatur.* Atque ita duz fuiſſe in 12. tabulis de ſcriptis diſtiſque famoſis leges diverſae videri poſſunt, a quibus poſtea diſceſſum eſſe docet Ulpianus, ſi quis ob carmen famoſum dampnetur, Senatusconſulto eſſe expreſſum ſcribens, ut inteſtabilis ſit, cap. 21. de teſt.

## CAPUT XVIII.

*De ſcriptis, diſtiſque famoſis.*

CICERONEM de Republica libro quarto ita ſcripſiſſe auctor eſt Beatus Auguſtinus: *Noſtra contra duodecim tabula cum perpaucae res copite ſunxiſſent, in his hanc quoque ſancientiam putaverunt: SI QUIS OCCENTASSIT, aſſitiſſit, ſive carmen condidiſſit, quod infamiam faceret, ſtigmatumque alteri.* Admonuit me Giſanius noſter, videndum eſſe an non pro *aſſitiſſit*, rectius hoc in loco, *oc diſſiſſit*, legeretur, praeteritum cum Feſtus auctor

## CAPUT XIX.

*De iis qui ſugiunt accuſationis metu.*

MARTIANUS ait eadem ſervari in bonis eorum qui metu accuſationis fugerunt, quae in damnatorum bonis conſtituta ſunt. cap. 28. de bon. libert. Quod ſic accipiendum eſt, ut ſi quis accuſationis metu profugiſſet, dies ei certa finiretur, a quibus niſi citatus reſpondiſſet abſens damnaretur, ejusque bona publicarentur. Hunc enim morem evidenter Livius libro 25. his verbis oſtendit: *Conſulim Corviliſ Tribuni plebis omiſſa mul-*

*na certatione rei capitalis diem Postumio dixerunt, ac ne vades daves prabendi a viatore, atque in carcerem duci iussu-  
sunt. Postumius vadibus datis non ad-  
fuit. Tribuni vocaverunt plebem quæ  
ita scrivit: SI. M. POSTUMIUS. AN-  
TE CALENDAS. MAJAS. NON. PRO-  
DIDISSET. NEQUE. EXCUSATUS.  
ESSET. VIDERI. IN. EXILIO. ESSE.  
BONAQUE. EJUS. VENIRE. IPSI  
AQUA. ET. IGNI. PLACERE. IN-  
TERDICI. Idem Livius libro 29. ita  
scribit: *Postra conscientia sibi metipsum  
exilium consciscentes cum absentes dam-  
nati essent, corporibus subteclis, bona  
tantum quæ publicari poterant pigno-  
randa pœnæ præbebant.* Et hæc ita so-  
lent observari si reus accusationis me-  
tu fugerent. Nam si ante abfuisset  
quam de ejus nomine deferendo quic-  
quam tentaretur absens requirendus an-  
notari solebat, ut copiam sui præsta-  
ret, cap. 1. de requir. reis. Et tunc  
quidem de eo qui requirendus anno-  
tatus erat, non quasi pro damnato,  
sed quasi re integra quærebatur, si quis  
esset qui eum argueret, cap. 6. de cult.  
& exhibit. reor.*

ste rei, abstinent etiam lugentes. Rei  
quidem squalida, hoc est sordida, &  
purpure obsoleta: Lugentes vero non  
squalida, sed pellicea, aut certe ( ut  
etiā apud nos a sœminis obser-  
vatur ) nigra veste pellibus suffulta  
induti. Sic enim lib. 14. scribit Fe-  
lius: *Pellem habere Hercules fingitur,  
ut homines culeus antiqui admonerentur,  
lugentes diebus luctus in pellibus sunt.*  
Et nigra veste lugentes usos esse hæc  
vetus inscriptio manifestum facit:  
PRO. SALUTE. S. P. Q. R. CUM.  
BARBARIS. DIMIGANTES. PARITER.  
OCCISI. JACENT. SINGULARE. EXEM-  
PLUM. ET. CHARITATIS. ET. FOR-  
TITUDINIS. CELINENSES. XXI. DIES  
ATRATI LUXERUNT. Cicero in Va-  
tinium: *Nulla supplicatio fueris, cedo  
quis unquam cenavit atratus.* Et pau-  
lo post: *Quis unquam in luctu dome-  
stica, quis in funere familiari cenavit  
cum toga pulla?* Hæc Cicero, vestem  
lugubrem haud dubie appellens *togam  
pullam*, & a conviviis lugentes absti-  
nuisse simul indicans. Cæterum ut vi-  
ri toga pulla, sic lugubri stola ut in  
luctu mulieres solent. Ita enim Ennius  
scripsisse testatur Nonius: Et quæ  
illæ est quæ lugubri succincta est stola?  
Alia igitur lugubris est, alia item  
squalida vestis. Id quod satis etiam  
Ulpianus indicat sic a lugubri veste  
squalidam distinguens: *ut puta si ad  
invidiam alicujus veste lugubri utitur,  
aut squalida*, cap. 15. §. 21. de Injur.  
Non enim dubito quin lugubrem, pro  
ea qua mortui, & squalidam vestem,  
qua rei lugentur hoc in loco posuerit  
Ulpianus. Nam sic ad Polybium scrip-  
sit Seneca: *Procul istud exemplum ab  
omni Romano viro luctum suum, aut  
intemperativis vocare luctum, aut sordium,  
aut squaloris sorditate irritare.* Et Li-  
vius lib. 34. *Quid, inquit, aliud in  
luctu, quam purpuram, aut aurum depo-  
nunt?*

## CAPUT XX.

## De Veste lugubri.

**Q**UI *lugens* ( inquit Paulus Sen-  
tent. libr. 2. tit. 21. ) *abstinere  
debet a conjugiiis, ornamentis,  
& alba veste.* Hieronymus ad Julia-  
num lib. 2. Epist. *Laudent te alii, &  
tuas contra diabolum victorias Panegy-  
ricis prosequantur laudibus, quod lato vultu  
mortes tuleris filiarum, quod in quadra-  
gesimo die dormitionis eorum lugubrem  
vestem mutaveris, & dedicatio essum  
martyris candida tibi vestimenta reddi-  
deris.* Et sane abstinent a candida ve-



nunt? quid cum eluxerunt sumunt? Ex quibus locis satis apparet moderato, & honesto cultu, non sordido, non (ut plerique putat) obsoleto matronas Romanas maritos, & maritos uxores suas luxisse. Eumque cultum vulgares quasdam intemperantesque sceminas nimia simulati mæoris affectatione, lualore, & sordibus contaminasse, indignatur Ambrosius, de Fide Refur. differens his verbis: *Illud vero frequens in mulieribus ut clamores publicos sevant, quasi metuant, ne earum ignoretur arumna, ut illuciem vestis, afficiant quasi in ea sit sensus dolendi ut impetum sordibus immadidens caput, ut postremo (quod plerisque in locis vulgo fieri solet) discisso amictu, disloricata veste, secreta pudoris nuda prostituant quasi ipsam lenocinentur pudorem, quia pudoris sui præmia perdiderunt.* Porto qui lugebant, non toga solum, aut stola lugubri induti erant, sed etiam incedebant capillo tonso. Docens enim Nonius pro consuetudine veteres tonsuram dixisse, ait sic Accium scripsisse: *sed*

*quoniam hæc est mulier funesta & sensu lugubri?* Idem Nonius auctor est Sisennam quoque libro Hist. 3. ad hunc modum scripsisse: *Cum complures menses barba immissa, & tonso capillo, lugubri vestitu populum vicatim flens una cum liberis circumiret.* Atque ita quidem toga pulla capilloque tonso lugebatur olim cum contra rei eorumque amici proximiores sordidam induerent vestem, capillumque submitterent. Idque licet a me in Variorum libris dilucide probatum sit, non insuper tamen habui illud adicere, quod sic libro 45. de Rhodiis Livius scribit: *Extempo veste sordida sumpta domos principum cum precibus, & lacrymis circumstant, orantes ut prius cognoscerent causam quam condemnarentur.* Et libro 44. *Sordidati, inquit, barba, & capillo promisso cum ramis oleæ ingressi Curiam, procubuerunt.* Ad datur illud Quintiliani ex Declamatione cui titulus est: *DISCORDES FRATRES: Reum me detulit, sordes mihi induit, ad iudicem vocavit.*

# JACOBI RÆVARDI JC.

## CONJECTANEORUM

### LIBER SECUNDUS.

#### C A P U T L

##### De Lege Fufia Caninia.



**H**ÆC Lex an Fufia, an Fufia, an etiam Fufia debeat appellari, magna est dubitatio. Ulpianus in fragmentis tit. 1. & Theophylus appellant *Furiam*, vulgari Institutionum editio *Fufiam*, & Pandectæ Florentinæ *Fufiam*. Admonuit Contius in quibuldam Institutionum exemplaribus manuscriptis hanc legem *Fufiam* vocari, & recte monuit. Habeo enim antiquissimum exemplar in quo sic expresse scriptum invenio: DE. LEGE FUFFIA CANINIA SUBLATA. Nec dubito quin ea sit germana lectio, præsertim cum eam Florentinæ Pandectarum editione videam confirmari. Inscriptiones enim cap. 37. de condit. & demonstrat. & cap. 215. de verb. signific. manifesto demonstrant Julium Paulum ad legem Fuffiam Caniniam scripsisse librum singularem. Certum est anno ab urbe condita dccvi. Quintum Fufium Calenum, & P. Vatinius Consules fuisse; iisque Consulibus ut credam hanc legem fuisse latam, Q. Fufii Consulis numisma quoddam in causa est. Cum enim de hujus Consulatu ageret in excellentissimo suo Faftorum opere Hu-

bertus Goltzius, ejusdem Consulis numisma quoddam protulit, cujus anterior pars pileum libertatis insignis, & posterior ipsam exhibebat libertatis effigiem cum hac subscriptione: LIBERTAS. Et quia non ignorabam, si quid in vita laude dignum gessissent Romani, id eos solere tabellis lapideis, æreis, argenteis, aureisque numismatibus, atque aliis monumentis tam publicis quam privatis testatum posteris, & consignatum relinquere, prorsus mihi persuadere cœpi, hanc legem Fuffiam, qua de libertate tractabatur, illius Q. Fufii Caleni fuisse, ejusque rei testimonium hoc numismate publice extitisse. Unde autem *Caninia* dicatur hæc eadem lex, quia nihil certi adferre possum, conjecturis (scribimus enim Conjectanea) utar verisimilibus. Certum est imperante Augusto hanc legem cum multis aliis retractatam fuisse. Svetonius enim auctor est, de numero, & de conditione, ac differentia eorum qui manumitterentur, Divum Augustum curiose cavisse, quæ si non omnia, saltem magna ex parte, solent Fuffiæ legi accepta ferri. Et idcirco vix dubito quin hanc legem retractaverit Augustus C. Caninio Gallo eam veluti Consule anno ab urbe condita dcccli. rogante, & ita quæ Fufia solum

lum dicebatur postea *Fusiam Caniniam* ea ratione appellatam fuisse licet suspicari, qua lex Papia Poppæa, lex etiam Julia dicitur. Lege *Fusia Caninia* cautum fuit ut certus servorum numerus testamento manumitteretur, auctore Paulo Sentent. libro 4. tit. 14. Hinc dubitabatur si testamento legimum in manumittendo numerum servaverit testator, & unum, aut alterum servum ultra numerum justum legaverit ut manumitteretur, an legi *Fusie* fraus fiat. Et ait quidem ad legem *Fusiam Caniniam* libro singulari Paulus legatarium non esse compellendum ut manumittat, quoniam toties secundum voluntatem testatoris facere compellitur, quoties 'contra legem' nihil sit futurum. Addiditque eodem loco Paulus nec a legato quidem legatarium repellendum esse, cap. 37. de condict. & demonstr. Cui ex diametro contrarium est Modestini responsum, quo traditur, si quis, quos non poterat manumittere, legavit ut manumitterentur, nec legatum nec libertatem valere, cap. 31. de legat. 2. Paulus ait valere legatum, negat valere Modestinus: Quid dicemus? Aliud nihil quam Paulum de eo legato sentire, quod contra legem *Fusiam* relinquatur, ut indicat Epigraphe d. cap. 37. Modestinum de eo, quod contra legem *Æliam Sentiam* in fraudem creditorum. Responsum enim Modestini desumptum est ex ejus Regularum libro primo, quo libro certum est, eum de lege *Ælia Sentia* differuisse, argumento cap. 16. de manumiss. Legatum servi ut manumittatur contra legem *Fusiam* ideo valet, quod legatum illud solum contineat legis fraudandæ consilium, non eventum, quo eventu cessante, purgatur fraus, eaque purgata, cur non valeret legatum? Aliud est si legatum simile contra legem *Æliam Sentiam*

relictum sit in fraudem creditorum; duplici enim fraudi obnoxium est hujusmodi legatum, legis videlicet, & ipsorum creditorum. Nec cessante legis fraude quod fieri poterat manumissione non subsequente, fraus cessabat creditorum. Non enim servi manumissione solum, sed ejus etiam alienatione fraudem sentire creditores intelligebantur, eaque res efficit, ut non valeat hujusmodi legatum, ne servi legati alienatione fraudarentur creditores. Et hæc vera est hujus summæ difficultatis extricatio, de qua mire solliciti sunt interpretes quidam recentiores.

## CAPUT II.

*De tempore messium, & arearum.*

**M**ESSIUM arearumque temporis meminit Scævola de mancipiis rusticis differens, quæ tempore messium, & arearum delegantur, cap. 15. §. 1. de alim. legat. Area locus est in quo frumenta teruntur, aliaque legumina exprimuntur, cap. 14. in fin. d. tit. Solet etiam non teri dumtaxat, sed ventilari quoque in areis frumentum, cap. ult. §. fin. C. de servit. Quod etiam Nonius verbo *subrigere*, & Varro de Re Rustica libro 1. tradiderunt. Et id quidem quæ ratione soleat fieri, docet eleganter Ambrosius de Cain, & Abel libro 2. cap. 1. *In hac*, inquit, *rurali area excutitur ritum, & dum sepius ventilatur, separatur a paleis*. Et in 3. cap. Lucæ: *Dum*, inquit, *frumenta in area ventilantur, plena a vacuis, ab inanibus fructuosa, veluti quodam aura spivantis examine, separantur*. Augustinus in Psal. 68. sic etiam de frumento differens ait: *Labore magno metitur, portatur*

satur ad aream, tritatur, ventilatur post tanta pericula cæli, & tempestates, & labores rusticorum, curamque dominorum mittitur in horreum frumentum purgatum. Alio areæ interpretationem duplicem tradidit idem Varro libro quarto de Ling. Lat. his verbis, ubi frumenta scilicet terantur, & arseant, areæ. Et ad eam arbitror tempus arearum, cujus Scævola meminit, esse referendum, quod alii ad trituram solam referunt, nulla ventilationis mentione facta. Est enim cum messium tempore sic conjunctum arearum tempus, ut mancipia quæ metendis frugibus operam dederant, eadem quoque non terendis solum, sed etiam vertendis in areâ frugibus quo ventilarentur facilius, & exarescerent, occuparentur.

### CAPUT III.

#### *De balneis singularia quadam.*

**B**ALNEA quædam publica erant, quædam privata, cap. 2. §. 6. ne quid in loco pub. cap. 13. §. 7. de injur. c. 13. in fine de usufr. Privata balnea in intima parte domus, vel inter amœnas dietas extrui solent. Ad publica cuivis e populo aditus patebat d. cap. 13. in fine, de usufr. Auctor est Seneca Epist. libro 13. non quotidie lavari solere. Nam ut ajunt, inquit, qui pisces mores urbis trahunt, brachia, & crura quotidie abluobant, quæ scilicet sordes opere collegerant, cæterum toti mundinis lavabantur. Observari etiam solet, ut quadrante publice lavaretur, indeque res balnearia res diceretur quadrantaria. Sic enim enarrans duodecimum caput Lucæ scripsit Ambrosius: Quadrantem autem in balneis dari solere reminisci-

mur, cujus oblatione illic unusquisque lavandi accipit facultatem. Juvenalis Sat. 6.

*Nam qua docta nimis, cupit, & facunda videri*

*Crure tenuis mediæ tunicæ succingere debet,*

*Cedere Silvano porcum, quadrante lavari.*

Seneca Epist. libro 13. *At olim, & pauca erant balnea, nec ullo cultu ornata, cur ornaretur res quadrantaria, & in usum non in oblectamenta repetita?* Eoque sensu mercedes balnearum publice præbitorum accipiendæ sunt apud Papinianum cap. 91. §. 4. de legat. 3. Solent etiam certis quibusdam annis nummis nonnulli balnearum domini balneatoribus locare præstandum balneum cap. 58. §. fin. locat. cap. 4. §. 1. de his qui not. infam. cap. 9. Qui potior in pigno. hab. Atque ita de balneo scripsit Ulpianus quod in usus privatos extructum locare cœpit usufructuarius cap. 13. in fin. de usufr. Erant quoque balnea in quibus gratis lavabatur. Siquidem a privatis hominibus testamento balneum, & lavatio in perpetuum gratuita relinqui nonnunquam populo solet. Id quod ex Inscriptionibus Martini Smetii animadverti. Excellentissimum enim volumen illud hanc mihi suppeditavit antiquam inscriptionem: IN HVIVA BALINEI LAVATION. HS CCCC. NO. MIN. C. AVIASI. T. F. SENECAE. F. SVI. T. AVIASIVS. SERVANDVS. PATER. TESTAMENTO. LEGAVIT. VTI. EX. REDITV. EIVS. SVMMÆ. IN. PERPETVVM. VIRI. ET. IMPVBES. RES. VTRIVSQUE. SEXVS. GRATIS. LAVENTVR. Est & alia in eodem libro his verbis concepta: BALINEVM. ET. LAVATIONEM. SOLO. PRIVATO. GRATVITAM. IN. PERPETVVM. DEDIT. Quibus omnino consentanea est cle.

elegans quædam legati formula cujus Scævola meminit, cap. 35. §. 3. de legat. 3. Cæterum balnearum cura, Romæ quidem Ædiliū erat, in Provinciis Quæstorum. Sic enim scripsit idem Seneca: *Hæ quoque nobilissimæ Ædiles fungebantur officio iuvandi ea loca, quæ populū receptabant, exigendique mundicias, & usilem, ac salubrem temperaturam.* In municipiis autem Quæstoribus curam similem committi solere ex Gellio licet suspicari libro 10 c. 3. Et idcirco mirari aliquando soleo quidnam sibi vellet Justinianus, vel in *transitu servum manumissi* posse scribens, cum Prætor in balneum prodit, §. servi vero. Institut. de libert. non ignorans curam balnearum Ædiliū fuisse, non Prætoris. Sed tandem animadverti hunc locum ex Caji libro primo rerum quotidianarum descriptum esse, & quod de Prætoris in balneum eunte refert Justinianus, id ipsum de Prætoris lavandi causa prodeunte Cajum interpretatum esse, cap. 7. De manumiss. vind. Nec est quod dicas Prætores, Consules, Patricios, aliosque claros, & nobiles Viros fere singulos propria habuisse, & privata balnea. Licet enim id verum sit, eo tamen non minus publica balnea frequentabant. Testis est enim Svetonius Aciam Cæsaris Augusti matrem in corpore maculam veluti picti Draconis habuisse, nec potuisse unquam eximi, & propterea publicis balneis eam perpetuo abstinuisse.

## CAPUT IV.

## De Foliorum usu.

**E**UM qui usum fundi habet, neque foliis, neque oleo, neque frumento, neque frugibus usurum refert

Ulpianus, c. 12. §. 1. de usu, & habit. Qui non consideraverunt de usu rusticæ villæ hunc Ulpiani locum intelligi oportere, in eo vehementer lapsi sunt, quod pro *foliis*, putaverunt, si non *doliis*, saltem *oleis*, legendum esse. Cajus auctor est, qui fundi usum habet, ei hæcenus in eo fundo morari licere, ut neque domino fundi molestus sit, nec his per quos opera rustica fiunt, impedimento, cap. 11. d. tit. Ex quo loco patet evidentissime, cur is qui fundi usum habet, foliis uti non potuerit. Ut enim oleum, frumentum, & fruges, sic folia quoque, arborumque frondes non ad ulum fundi, sed ad opera rustica referri debent, & per consequens non usum habenti, sed proprietatis domino solent attribui. Idque eo mihi verisimilius videtur, quod certo sciam arborum foliis non viridibus solum, sed etiam aridis ali pecora consuevisse. Scribit enim libro 5. de Re Rust. c. 5. Columella, fraxinum capris, & ovibus gratissimam, nec bobus inutilem esse, ulmumque jucundissimum pabulum bobus adferre. Est etiam Servius Honoratus auctor, frondatorem eum dici qui arbores amputat, & de frondibus manipulos facit hyemis tempore animalibus ad pastum offerendos. Et Cato *Circum vias*, inquit, *ulmos series, & populos, uti frondem ovibus, & bobus habeas.* Idem Columella differens de cibariorum, & cura boum, sic quoque libro 6. c. 3. scribit: *Si grano abstinemus frondis arida corbis pabulatoria modiorum viginti sufficit, & sarni pondo triginta.* Et paulo post: *Tota æstate, & deinde autumnus satientur fronde, quæ tamen non ante est utilis quam cum maturaverit vel imbribus, vel assiduis corbis, probatæque maxime ulmei, post fraxinea, & ab hac populnea, ultima sunt iligneæ, & quærnea, & lauræ, sed post æstatem neces-*

cefs-

*cessaria deficientibus ceteris possunt etiam, & folia ficulnea probe dari, si sit eorum copia, aut stringere arbores expedit.* Hæc Columella, docens evidenter quid vere de foliorum usu sentiendum sit, quod perperam a non aemine ad unguenta trahitur.

## CAPUT V.

*De vulgo quesitis.*

**M**ODESTINUS auctor est vulgo conceptos dici, qui patrem demonstrare non possunt, vel qui possunt quidem, sed eum habent quem habere non licet, cap. 23. de stat. hom. Ex quo loco patet evidentiſſime, eos etiam vulgo quesitos dici, qui patrem quidem certum habent, non tamen legitimum §. sed etſi quis, Institut. de Ingen. Eoque sensu scripsit Paulus nec vulgo quesitam filiam posse a patre naturali uxorem duci cap. 14. §. 1. de rit. nupt. Et Celsus vulgo quesitos matrem sequi, c. 19. de stat. hom. Eoque spurios etiam, aut nothos appellari, de Verb. Significat. libro 12. scripsit Festus. Quo sensu spurios accepisse videtur Marcianus cap. 25. de capt. & postl. revers. Et Papinianus filiam vulgo quesitam cap. 16. §. 1. De his quæ ut indig. Queritur enim apud Papinianum de testamento Coccei Cassiani clarissimi Viri, hoc est, Senatoris, qui Rufinam quandam ingenuam concubinam suam honore pleno, ac propemodum ut justam uxorem, licet in obscuro loco nata fuisset, dilexerat, ejusque filiam nepti suæ cohæredem dederat, & quia tandem apparuit filiam illam vulgo quesitam, hoc est naturalem non legitimam fuisse, quærebatur an valeret institutio. Respondet Papinianus, ejus, qui con-

cubinam habuit, quod testamento relictum est, concubinæ, ejusque filiz, actionem non denegari, & idcirco testamentum Cassiani, quo alumnam suam, hoc est naturalem concubinæ suæ filiam, nepti legitimæ cohæredem dederat, validum esse, eaque vera sententia est d. §. 1. quem qui putat emendandum, omnino fallitur, vitiosus enim non est.

## CAPUT VI.

*De eo qui in invidiam alterius imaginem portat Imperatoris.*

**S**ENATUSCONSULTO cavetur, inquit Scævola, ne quis imaginem Imperatoris in invidiam alterius portaret, & qui contra feceris, in vincula publica mittitur, cap. 38. de Injur. Hunc locum, qui difficillimus est, ita soleo interpretari, quasi de eo senserit Scævola, qui in invidiam novi alicujus Imperatoris imaginem, Imperatoris defuncti, etiam post ejus memoriam damnatam, portare non veretur. Id autem interdum fieri consuevisse, testis est Svetonius. Ait enim non defuisse qui per longum tempus vernis æstivisque floribus ornarent Neronis tumulum, imaginesque prætextatas in rostris præferrent. Nec alio videtur Beatus Ambrosius respexisse, cum in Psalm. 38. ad hunc modum scriberet: *Si quis tyranni imagines habeas, qui jam vultus interit, jure damnetur. Quo modo tu hostis, & adversarii imaginem in Civitatem veri Imperatoris inducis, nisi ipse te damnet?* Cæterum portari Imperatoris imago sic interdum solebat, ut ea vestibus intexeretur. Ait enim Ausonius Imperatori Gratiano pro Consulatu gratias agens, eundem Imperatorem munera sua verborum honore ad hunc

mo-

modum profecutum esse: *Palmatam tibi misi in qua Drusus Constantinus parens noster intextus est.* Et paulo post: *Constantinus* (inquit Ausonius) *in argumento vestis intextur, Gratianus in muneris bonore sentitur:* Idem Ausonius sic etiam in Epigrammata scripsit:

*Hos ille Serum veste contraxi iubet*

*Hos celat argento gravi.*

Loquitur de quodam divite, qui cum degener esset, & mœchogenitus antiqua captabat stemmata, Romulumque & Remum iis, quibus utebatur vestibus fericis, intexi jubebat.

## C A P U T VII.

*De morte, & capitis diminutione Civitatis.*

CATO in Originibus ait, morem fuisse ut urbem condituri taurum in dextra, vaccam intrinsecus jungerent, & cincti ritu Sabino togæ parte caput velati, parte succincti tenerent stivam incurvam, ut glebæ omnes intrinsecus caderent, & ita sulco ducto loca murorum designarent, aratrum suspendentes circa loca portatum. Est etiam Pomponius auctor urbem ab urbo nomen sortiri, *urbem* enim esse aratro definire, additque Varum tradidisse urbem appellari curvaturam aratri quod in urbe condenda adhiberi solet, cap. 239. §. 6. de verbor. signif. Dicebaturque sulcus ille, quo loca murorum designabantur, *fulcus primigenius*. Est enim Festus auctor, primigenium sulcum appellari, qui in condenda urbe tauro, & vacca, designationis causa, imprimitur. Videntur etiam præter aratrum in urbe condenda quædam alia boni ominis gratia die auspiciato adhiberi consuevisse. Est enim ab eodem Festo traditum:

*Quadratam Romam* locum in palatio ante templum Apollinis dici, ubi reposita sunt quæ solent boni ominis gratia in urbe condenda adhiberi. Et hæc quidem hætenus de veteri urbium condendarum ritu, quem in urbibus evertendis videntur etiam Romani observasse. Nam Acro, ut in condendis, sic in evertendis quoque Civitatibus, aratro veteres usos esse tradidit, idque sibi Horatium voluisse Carminum lib. 1. Ode 16. cum ait:

*Imprimeretque muris*

*Hostile aratrum exercitus insoles.*

Adhibitum etiam in evertendis urbibus Sabinum cingendi ritum fuisse, ex coloniarum deductione licet suspicari. Qui enim colonias deducebant, hi vexillum tollere, aratrumque circumducere solent, & ita coloniarum territorium aliquod novum constituere omni jure pristino veterem illam hostibus ereptam civitatem, in quam novæ coloniz deducebantur, exuentes. Morem hunc expressit eleganter Philippica secunda Cicero his verbis: *Tu autem insulenti elatus omni auspicio rum jure turbato Casinum coloniam deduxisti quo erat paucis annis ante deducta ut vexillum tolleres, ut aratrum circumduceres, cujus quidem vomere portam Capuæ pene perstrinxisti, ut florentis coloniarum territorium minueretur.* Hæc Cicero, Antonium graviter reprehendens, quod inauspicato coloniam eo deduxerat, quo fuerat rite auspiciatoque ante deducta. Cinctos autem ritu Sabino eos fuisse qui colonias deducebant, indicant numismata quæ C. Julio Cæsari colonias deducenti ab Huberto Goltzio accepta feruntur. Et hæc quidem si vera sunt nunc intelligimus quo sensu scripserit Modestinus eam Civitatem quasi morte usumfructum legatum definire habere in quam aratrum inductum est, cap. 21. Quibus mod. usufr. Inducitur

autem in eam Civitatem aratrum, quæ sic funditus evertitur ut & faciem, & nomen amittat Civitatis, & circumducitur aratrum, cum non quidem evertitur, sed necessaria coloniarum quadam deductione expugnata Civitas quasi nova, ac recens nata mutato territorio, in populi Romani, potestatem ac dominium transit. Eoque sensu a municipio videri potest coloniam Ulpianus sejunxisse cap. 27. §. 1. Ad municip. Auctor est idem Modestinus, non morte solum, sed capitis etiam diminutione Civitatis, usufructum Civitati relictum extinguere. d. cap. 21. Quenam fuerit hæc capitis diminutio omnino non constat, quamvis dubium non sit quin dari olim municipibus quibuscumque, & data interdum adimi consueverit Romana Civitas. An autem hujusmodi ademptione extinguere usufructus soleat, viderit ille qui municipium tum capite diminui scripsit cum ei Civitas additur. *Quia enim capitis diminutione non facile (ut ait Modestinus) hujusmodi usufructus extinguere solet*, certe perspicuum videtur, per capitis diminutionem nullo modo Civitatis amissionem intelligi Modestinum voluisse. Nam si ita esset, facillime extingueretur usufructus Civitati relictus, siquidem frequentissime & plerumque levissimis de causis municipibus Romana Civitas adimebatur. Testis est enim Svetonius C. Cæsarem, de Civitate iis colonis adimenda, quibus per ambitionem, & ultra præscriptum data esset in Senatu retulisse, Tyberium Cyzicemis in Cives Romanos violentius quædam ausus publice libertatem ademinisse. Et ideo verius esse animadverti de liberis Civitatibus, quæ in populi Romani deduntur potestatem, capitis diminutionem Civitatis intelligi Hujusmodi enim civitatibus minuitur caput

nam prior earum status sic commutatur ut quæ liberæ fuerant, & sui juris dedantur cum agris, terminis, delubris aliisque rebus cunctis, in populi Romani ditionem, quemadmodum vetus; & solemnibus quædam dedicationis formula, liquido demonstrat his verbis concepta: *ESTISNE VOS LEGATI ORATORESQUE MISSI A POPULO COLLATINO UT VOS POPULUMQUE COLLATINUM DEDERETIS SUMUS. ESTNE POPULUS COLLATINUS IN SUA POTESTATE? EST. DEDISTISNE VOS POPULUMQUE COLLATINUM, URBEM, AGROS, AQUAM, TERMINOS, DELUBRA, UTENSILIA, DIVINA. HUMANAQUE OMNIA IN MEAM POPULIQUE ROMANI DITIONEM? DEDIMUS. AT EGO RECIPIO.* Extat hæc formula apud Livium libro primo. Atque ita quidem civitatis deductio, videri potest capitis diminutio civitatis apud Modestinum appellata fuisse, & apud eundem de legato tractari quod ab ipsis civibus civitati relictum est, dicto capite 21.

## C A P U T VIII.

### De Tusco vicio.

**L**ocus fuisse publicus Romæ videtur, in quo consistere solent homines liberi, qui se venales postulabant, quemadmodum indicat Ulpianus apud Labeonem, & Caelium quæsitum scribens: *Si quis in asylum confugerit, aut eo se contulerit quo solent venire qui se venales postulant, an fugitivus sit*, cap. 17. §. 11. de edil. edict. Tuscum vicum hujusmodi locum fuisse non obscure demonstrat Plautus, sic in Curculione scribens:

*Sub veteribus ibi sunt qui dant qui que accipiunt favore.*

Pe.



*Pone edem Castoris ibi sunt quibus credas male:*

*In Tusco vico ibi sunt homines, qui ipsi sese venditant.*

Idque etiam visus est Horatius voluisse, Serm. lib. 2. Sat. 3. his verbis:

— *Ac Tusci turba impia vici,*

*Cum scurris factor, cum velabro omne macellum*

*Mane domum veniant.*

Non enim dubito quin per *turbam* *impiam* *Tusci vici* eos intellexerit hoc in loco homines liberos Horatius, qui se venditabant, qua vix ulla esse major impietas potest. Hæc cum non animadvertissent interpretes pessime ad sceneratores *impiam* hanc *turbam* retulerunt, sceneratores enim non in Tusco vico, sed sub veteribus frequentes erant, & assidui, quemadmodum ex Plauto probatum est. Liberi homines majores viginti annis qui se venundari patiebantur, in servitutem redigebantur jure civili, cap. 5. §. 1. de stat. hom. cap. 23. de liber. caus. cap. 1. Quib. ad libert. procl. non licet. Patiebantur autem sese venundari, aut ad pretium participandum, aut ad actum gerendum c. 6. §. 4. de injust. rup. irr. test. Eoque spectat quod sic Ambrosius libro de Joseph scribit: *Quomodo non omnis servus, avarus, qui pro exigua pecunia lucella se ipsum auctoratur. Qui se vendunt ludo* (inquit Acron) *auctorati vocantur auctoratio enim dicitur venditio gladiatorum*. Ex quo loco videor mihi intelligere quinam fuerint hi qui seipso auctionabantur ad actum gerendum. Non enim dubito quin illi fuerint, qui aut histrionico, aut gladiatorio, aut saltatorio alicui ludo se vendebant, tum quod id fieri solere certo certius sit, tum etiam quod inter alia per actum motum corporis veteres intellexerint ut histrionum, & saltatorum qui etiam ex eo

*Tem. I.*

ipso *actu* dicebantur, auctore Festo. Sic actum histrionum veris affectibus minorem esse scripsit etiam Quintilianus Institut. lib. 10. cap. 2. Gladiatores igitur, & saltatores actum gerere Ulpiano dicuntur, sortassis ea ratione, qua tragædos agere gestum scripsit Varro de Lingua Latina libro 5. Et sine liberos homines interdum se ludo olim vendidisse præter Acronem evidentissime demonstrat Ambrosius explicans cap. 1. Epistolæ Divi Pauli ad Galatas. Sic enim scribit: *Quantus ergo error est post gratiam reverti sub lege, hoc est, accepta libertate velle servire, ut ereptus gladio immemor beneficii denovo se vendat lanista*. Accusator est enim emptoris qui relicto eo rursum ad priorem dominum redit. Hæc Ambrosius Quibus etiam ea possunt adjungi quæ Lactantius Instit. Divin. lib. 6. cap. 12. ad hunc modum refert: *Unde bestias emis, hinc capius redime; unde feras possis, hinc pauperes ale; unde homines ad gladios comparas, hinc innocentes mortuos sepeli*. Juvenalis Sat. 8.

— *Quanti sua funera vendunt*

*Quid refert? vendunt nullo cogente*

*Nerone,*

*Nec dubitant celsi Prætoris vend-re ludis.*

Et ex his quidem omnibus satis mihi perspicuum videtur se vendere ad actum gerendum, aliud nihil esse, quam se ludo vendere, non ita se vendere, ut is qui venditur, rerum emptoris actor fiat, siquidem actum gerere, & actorem esse, diversa sunt, c. 99. in fine de verbor. signif. Non etiam vendere ad aliquod servorum publicorum munus gerendum ut quibusdam videtur. Cæterum contractus hujusmodi quibus liberi homines sese venundari patiebantur sustulit Imperator Leo Novella LIX. quos contractus etiam Ambrosii temporibus in usu fuisse probatum est.

## CAPUT IX.

*Ad processum Viri donatio.*

**Q**UOD uxor marito ad Castrensem, aut Palatinum honorem munere donato consequendum donat, hoc ad processum viri donatum videtur c. 41. de don. inter vir. & uxor. quemadmodum hæc præ se fert inscriptionis antiquæ clausula: **HUIUS ORDO DECURIONUM OB SPEM PROCESSUS EJUS HONOREM DECURIONATUS GRATUITUM OBtulit.** Ambrosius in Psal. 118. Ser. 7. *Tentari solent prosperis superborum processibus.* Et libro 5. Epist. *Palatina omnia officia, hoc est, memoriales, agentes in rebus; apparitores diversorum comitum temperare a processu jubentur.* Seneca in prologo libro secundo Declam. sic etiam scribit: *Foroque se, & honoribus parant, in quibus ipsa quæ sperantur timenda sunt, ego quoque aliquando ejus processus avidus.* Illud etiam ad processum viri donatum potest videri, quod ob valetudinis processus voto suscepto uxor donat mariti nomine; quod hæc inscriptio vetus quam Laurinorum beneficio acceptam ferimus, omnino demonstrat. **T. AURELIUS AUG. LIB. DIO-SCORUS. VOTUM MÆSCULAPIO SANCTO OB PROCESSUS SUOS CUM VALERIA. NICE. CONJUGE. ET AURELIIS. DIOSCORIS. VICTORINÆ FILIIS. D. D.** Atque ita quidem tam id quod ob valetudinis, quam quod propter honoris processus erogatur, ad processum viri donari dicitur, d. c. 41.

## CAPUT X.

*De Jurisperitis.*

**E**A fuit apud Romanos Jurisperitorum differentia, ut alii *studiosi* dicerentur, sive *candidati*, alii *antecessores*, *antisophiste*, sive *sophiste*, alii denique *Jurisconsulti*, sive *juris Auctores*. Studiosi assidebant cap. 1. de offic. assessorum. Candidatorum opera Principes utebantur, cap. unic. de offic. Quæst. Antecessores, sophistæ, & antisophistæ juris scientiam interpretabantur. Jurisconsulti populo principali auctoritate de jure respondebant. Hinc intelligimus quid sibi voluerit Paulus cum ita scriberet: *Divus Antoninus Pius rescriptis studiosos qui salaria petebant, hæc exigere posse, cap. 4. de extraord. cog.* Per *studiosos* enim assessores intelligit quibus voluit salaria dari Divus Pius, si peterent. Nam sic accipiendum esse hunc Pauli locum ex eo licet suspicari, quod certum sit, auctoritate Capitolino assessoribus certa, & perpetua salaria non Divum Pium, sed Alexandrum Imperatorem constituisse. Hujusmodi studiosorum interpretatio etiam Gellio nota fuit libro 12. c. 13. *Cur, inquit, me potius rogas quam ea istis aliquem peritis, studiosisque viris quos adhibere in consilium judicaturi soletis?* Nec alio sensu auctor est in Nerone Svetonius, scribere, vel dicere testamenta studiosos. Id enim tribui Jurisperitis solet, cap. 88. in fin. de legat. 2. Si Jurisperiti appellari consueverint studiosi, non est igitur mirum Ulpianum Jurisprudentiam *studium* appellasse, his verbis, *hujus studii duo sunt positiones*, cap. 1. §. 1. de just. & jure. Et hoc inde potissimum, quod uno modo prudentia juris *justi*, & *inju-*

*injusti scientia diceretur, altero vera non simulata philosophia d. cap. 1. Et quatenus quidem scientia est, ars appellatur, auctore de Arte Grammatica Victorino, quatenus vero philosophia non ars, sed studium. Id quod ex Laetantio probari potest, qui Divin. Institut. libro 3. cap. 2. ad hunc modum scribit: Philosophia est ( ut nomen indicat ) ipsique definiunt studium sapientiae. Hujus igitur studii, inquit Ulpianus, hoc est hujus vera non simulata philosophia due pestienses sunt. Ceterum antecessoris vocabulum satis antiquum est. Nam eo pro Doctoribus etiam Tertullianum multis in locis usum invenio. Videturque nomen antecessorum relativum esse, respectu sectatorum. Ut enim sine magistro nullus appellari discipulus potest, nec contra sine discipulo magister: ita nec sine sectatoribus, antecessores, nec sine antecessoribus ulli fuerunt sectatores. Sic Divum Lucam Apostoli Pauli sectatorem appellat Adversus Marcionem libro 4. Tertullianus. Sic etiam a discipulo visus est Svetonius sectatorem se junxisse de Marco Valerio Probo Grammatico ad hunc modum scribeas: Hic non tam discipulus quam sectatores aliquos habuit: nunquam enim ita docuit ut magistri personam sustineret. Ut igitur discipulos magistri, sic antecessores doctores, sive professores habere sectatores solent. Id quod variis in locis demonstrat Gellius. Nam libro 1. cap. 9. ad hunc modum scribit: Hoc tantum dicere solius novitiorum philosophorum sectatores cum veteribus Pythagorici praestant. His addantur quae ab eodem Gellio de sectatoribus tradita sunt libro 14. cap. 5. libro 9. c. 15. libro 12. cap. 1. & 5. Sophistas quoque eos appellari, qui privatim, aut publice profitebantur ex Galeno recte observatum est. Id enim ita esse in Ty-*

berio docet Svetonius de graviore quodam jurgio differens inter antisophistas moro. Quibus & illud etiam potest addi quod idem Svetonius sic de Orbilius Grammatico scripsit: Fuit autem naturae acerbis non modo in antisophistas quas eveni sermone laceravit, sed etiam in discipulos. Eoque sensu sophistas videtur accepisse Modestinus eap. 6. de exculat. Tertullianus libro de Anima: Erravit, & Christus pscatores citius quam sophistam ad praconium emittens. Idque illud est quod Ambrosius enarrans caput quartum Lucae ita scribit: Non gymnasia choris resecta sapientium, sed plebem Dominus simplicem requisivit. Ecce quos Ambrosius sapientes eos sophistas appellat Tertullianus. Quid mirum juris aliosque professores sophistas appellari, cum scripserit expresse Pomponius, Sempronium quendam ob maximam juris scientiam SOPHON a populo Romano fuisse appellatum? Est etiam Gellius auctor veteres juris magistros sapientes dictos fuisse. Sic enim libro 4. c. 1. scribit: Ne illi quidem veteres juris magistri, qui sapientes appellati sunt, defuisse satis existimatur quid sit parvus. Pomponius auctor est ante tempora Divi Augusti qui studiorum suorum fiduciam habebant eis liberum fuisse de jure respondere, primumque Divum Augustum, quo major juris auctoritas haberetur constituisse, ut ex ejus auctoritate responderetur, & publice respondendi jus a Principibus peteretur, cap. 2. §. 25. de orig. jur. Unde perspicuum omnino est quid sibi voluerit Cicero cum sic pro Murana scriberet: Itaque si mihi homini vehementer occupato stomachum moveritis vidue me Jurisconsultum esse profitebor. Nam Ciceronis tempore qui se Jurisconsultum profitebatur, hoc est ( ut Pomponius loquitur ) qui fiduciam studiorum suorum habebat, etiam si

imperitissimus esset, in numerum Jurisconsultorum referebatur. Et idcirco ut major juris auctoritas haberetur, alios nullos de jure passus est Augustus respondere, quam quibus id beneficii loco concessisset. Eaque res efficit, ut nulli quoque studiosi ante nomen habuerint olim *Jurisconsulti*, quam hujusmodi auctoritatem a Principe obtinissent, quemadmodum ex Svetonio colligere licet, qui sic de Caligula scribit: *De juris quoque consulti quasi scientia eorum omnem usum aboliturus saepe jussit ut mebreuile esset illud ne quid respondere possint prater eum.* Sensus enim est Caligulam nemini auctoritatem de jure respondendi se daturum saepe jussisse, ac per hoc se solum de jure consultum iri, siquidem absque Principis auctoritate publice de jure consuli, & respondere nemo poterat, nec per consequens nomen habere *Jurisconsulti*. Et hæc quidem hætenus de *Jurisperitis*.

## C A P U T "XI."

### De Domesticis Sacris.

**M**ODESTINUS nuptias esse ait Divini, & humani juris communicationem, cap. 1. de ritu nupt. Per *humanum jus* ipsam intelligit liberorum procreationem, & successionem legitimam. Per *jus Divinum* domesticam sacrorum curam. Moris enim erat ut hi qui matrimonio jungebantur larem matrimonium collocarent c. 1. §. 2. de agnosc. & alend. liber. Ejusque moris meminisse videtur Arnobius Adversus Gentes libro 2. *Cum in matrimonio, inquit, convenitis, toga vestris lectulos, & murorum genas advocatis.* Nec alio spectat quod sic Tertullianus in Apologetico scribit 2.

*Domesticas Deas, quos lares dicunt, domestica potestate tractatis, pignorando, venditando.* Est etiam Nonius auctor, vestibula quosdam putasse sub ea proprietate distincta, quod in primis ingressibus, & in spatiis domorum Vestæ, hoc est, aræ, & foci soleant haberi. Locus in quo sacra reponebantur, appellabatur *penetræ*, & a repositis sacris *sacrarium*, & a laribus *lararium*, quemadmodum Festus, Livius, & Julius Capitolinus auctores sunt. Festus enim *penetræ sacrificium* illud dici ait, quod in interiori sacrarii parte conficitur. Livius libro 24. *Cum ad se quoque venire præscisset, in sacrarium ad penates confugit.* Et denique Capitolinus testis est ab Alexandro Imperatore, Alexandrum Magnum inter Divos in larario majore consecratum fuisse. Ulpianus quoque *sacrarium* definiens locum in quo sacra reponuntur, addidit etiam in ædificio privato esse locum hujusmodi posse cap. 9. §. 1. de rer. divis. In hujusmodi latariis peragi solent domestica sacra, eorumque sacrorum inter virum, & uxorem, una cum legitimis liberis, quædam erat communicatio, eaque Divini juris communicatio dicebatur, d. c. 1. de ritu nupt. Et hæc quidem Divini juris communicatione eveniebat, ut filiusfamilias in sacris esse, & sacrorum familiarumque hæres diceretur, auctore Livio libro 45. Ait enim Livius L. Paulum duos filios in adoptionem dedisse, duos nominis, sacrorum familiarumque hæredes domi retinuisse. Eoque sensu, laribus, & sepulchris avitis carere scripsit etiam Cælius cap. 38. de rei vindicat. Festus quoque auctor est sacra non publica solum, sed etiam privata Romanos curiosissime administrasse, & filiumfamilias sicut pecuniam, sic etiam sacrorum hæredem dici, eo quod hujusmodi hæredem diligentissime administrare

nistrare domestica sacra esset necessarium, indeque sine sacris hereditatem in proverbio eam dici solitam, quæ alicui sine incommoda appendice obveniret. Hæc in effectu Festus, per incommodam appendicem necessariam intelligens sacrorum curam. Atque ita sine sacris ea videri dicta hereditas potest, quam quis sine negotio, sine molestia quadam accessoria, qualis esse sacrorum cura solet, factus est: quod ab aliis animadversum non videtur.

## CAPUT XII.

## De Rivo parietibus imposito.

DUCTUS aquæ fieri solent generibus tribus, rivis per canales strucliles, aut fistulis plumbeis, aut etiam tabulis fistilibus, quemadmodum auctor est Vitruvius lib. 8. cap. 7. Ambrosius quoque Hexameron lib. 3. cap. 2. de aqua disserens: *Quis* (inquit) *ignarus* quod plerumque etiam canalibus manu artificis derivata quantum descendit tantum rursus ascendat? Canales strucliles nonnunquam parietibus imponebantur. Ait enim Pomponius, si aqua ducatur supra eam per pontem qui supra rivum factus sit, aliam aquam jure duci, dum inferiori rivo non noceatur cap. 3. §. fin. de aqua quotid. & æstiva. Auctor est etiam Julius Paulus arcum supra iter alienum aquæ ducendæ causa non jure fieri. cap. 11. in princip. de aqua, & aqua plu. arc. Quibus & illud quonque consentaneum est quod Plinius Trajano scribit se ad fontem purissimum pervenisse quo videatur aqua debere perducì, sicut initio tentatum erat arcuato opere, ne tantum ad plana Civitatis, & humilia perveniat. Evidenter enim cum Paulo, & Pomponio demonstrat Plinius rivos

erigi, & parietibus imponi nonnunquam consuevisse. Ac proinde satis arbitror manifestum esse quid sibi libro secundæ Rerum Responsorum voluerit Neratius de rivo parieti imposito consultus, cum ait: *usufructuarius novum rivum parietibus non potest imponere*, c. 61. de usufruct. Sensus enim est usufructuarii nullos canales strucliles imponere parieti posse, nec ita rivo parieti imposito aquam novam ducere. Ea ni, fallor, ratione qua scripsit idem Neratius usufructuarii imponere novum tectum parieti non posse, c. 44. d. tit. Quia videlicet etiam si meliorem excolendo ædificium domini causam faciat non tamen id jure suo facere potest d. cap. 44. Atque ita quidem parietem rivum imponere nihil aliud apud Neratium est, quam canalibus struclilibus parieti impositis, aquam ducere. Siquidem Vitruvius ea duci rivis intelligitur aqua, quæ per strucliles canales ducitur. Et hæc quidem ut sunt brevissime, ita esse certissima puto, & omnem excludere emendationem.

## CAPUT XIII.

## De titiionibus, &amp; lignis coctis.

TITIIONES, & alia ligna cocta ne fumum faciant, utrum ligno ad carbonem, an suo generi adnumerabimus? Et magis est, ait Ulpianus ut proprium genus habeatur, cap. 55. §. 4. de leg. 3. cap. 167. de verb. sig. Ignorant interpretes quæ sint ligna cocta. Qui tradidit ligna cocta dici, quibus ignis vi humiditas exempta est, ut fumare nequeant, titiiones definivit, non alia ligna cocta. Siquidem titiionem vulgus appellat extracum foco torrem semivivum extinctum, auctore Lactantio Divinar. Instit. lib. 4. c. 14.

cap. 14. Sunt igitur præter titiones, & alia quoque ligna cocta, nimirum ligna amurca macerata. Est enim Plinius auctor Natur. Hist. lib. 15. cap. 8. ligna macerata amurca nullius fumitædio ardere. Et Cato de Re Rustica cap. 130. Codicillos, inquit, oleagineos, & cætera ligna amurca cruda perspergito, & in sale posito, perhibent bene, ita neque fumosa erunt, & bene ardebunt.

## CAPUT XIV.

*De fundo in assem vendito.*

**I**N assem vendere nihil aliud est quam pretio in assem consummato vendere, ut ecce, Titius a Sempronio mutuum accipiens sub usuris iustis pecuniam, fundum Sempronio in solidum dedit pignori, & cum idem Titius a Cajo Sejo accepisset postea aliam pecuniam mutuum, dedit fundum eundem pignori etiam Cajo Sejo in solidum, atque ita fundus Titii, Sempronio, & Cajo Sejo pignori datus erat singulis in solidum. Sempronius, & Cajo Sejus fundum hunc a Titio emerunt, eamque venditionem ait Modestinus in assem factam esse cap. 9. in princip. quib. mod. pig. vel hyp. Nimirum hoc modo ut Sempronii forte cum usuris debitis, & forte Caji Seii etiam non sine usuris similibus, una cum ipsius fundi hyperocha, hoc est, una cum eo, quod amplius erat in fundi æstimatione quam in pignoris credito simul computatis pretium quoddam certum consummaretur, atque ita consummato pretio, creditoribus fundus divideretur. Eaque venditio idcirco fieri in assem dicebatur, quod pretium ad hunc modum consummatum vere, & Latine *as* appellaretur,

quemadmodum mihi videor ex Columella docere posse, qui sic lib. 3. de Re Rust. cap. 3. scribit: *Fis tum in assem consummatum pretium sferstiarum* xxix. millium. Et paulo post: *Fis in assem summa sortis, & usurarum* xxxii. millium quadringentorum lxxx. nummorum. Idem Columella sic etiam lib. 2. c. 13. de Re Rustica scriptis: *Ut fit in assem autumnalis satio modiorum ducentorum*. Et paulo post: *Sic in asse fiunt octo menses, & dies decem*. Atque ita quidem nunc satis arbitror perspicuum esse, quid apud Modestinum sit in assem vendere. Quod igitur Modestinus ait venditione huiusmodi in assem facta jus pignoris extingui, hoc inde est, quod dominium fundi ad hos creditores emptionis jure pertineat, ac proinde necessario extingui debeat pignoris causa: Siquidem pignus rei suæ consistere non potest, cap. 45. de regulis juris.

## CAPUT XV.

*De veteri nuptiarum jure.*

**P**UELLÆ viripotentes sic olim in tutorum fuisse videntur potestate ut ex eorum, & matris si ea superstes esset, arbitrio nubereant eaque tutorum & matris auctoritas *jus dicebatur nuptiarum*. Et quamvis in deligendo marito tutores a matre dissentirent, nihil tamen arbitrio puellæ tribuebatur, sed Magistratus, si res peragi inter parietes nequisset, cognita tutorum matrisque causa, aut secundum tutores, aut si ita videretur æquitas postulare secundum matrem jus dabat nuptiarum, auctore Livio libro 4. Nec erat cur in jus prodiretur, si de jure nuptiarum maternæ, & tutelares controversiæ transigi inter parietes potuissent, ut ait eodem loco

loco Livius. Tunc enim si non verbis saltem sortitione controversiis huiusmodi finis imponebatur. Ea nisi fallor ratione, qua Plautus de servilibus nuptiis sortitione conciliatis disserit in *Caſina* act. 1. Scen. 7. Eoque videri potest Svetonius in Tiberio respexisse, cum ita scriberet: *Aliam & quaſtura removit, quod uxorem pridie ſortitione ductam, poſtridie repudiasset.* Sensus enim est Quaestorem hunc remotum a Tiberio quaſtura fuisse; quod eam quam pridie tutoribus, matre, aliisque proximioribus amicis dissentientibus sortitione acquirerat uxorem, poſtridie, hoc est, altero quam eam duxerat die, repudiasset. Et hoc quidem nuptiarum jus antiquissimum primi expressa lege, Severus, & Antoninus Imperatores iustulisse videntur. Eos enim in hæc verba rescripſisse auctor est Paulus: *Ad officium tutoris adminiſtratio pupillæ pertinet, nubere autem pupilla ſuo arbitrio poteſt,* cap. 20. de ritu nupt. Eamque legem intelligit Ambrosius sic de Virginibus libro 1. scribens: *Nempe ſi hominem amarent filia veſtra per legem poſſent eligere quem vellet.* Scripserunt Imperatores: *Ad officium tutoris, & Tribonianum pro Tutoris, falſo repoſuiſſe Curatoris docuimus alio loco.* Volunt igitur Imperatores ſuo arbitrio puellam viripotentem maritum eligere, qui antea etiam inaudita, & inconſulta puella eligi a tutoribus, & matre ſolebat, eaque res *ius dicebatur nuptiarum*, ad quod *ius* videtur etiam Lucius Cuspидius in ſuo teſtamento reſpexiſſe, cum ait: *PERMITTO. AUTEM. FILIABUS. UT. QUEM. QUÆQUE. EARUM. VOLUERIT. SIBI. VIRUM. OPTET. OPTATIQUE. PER. PATRIAM. POTESTATEM. COMPOS. FIAT.* Indicat enim expreſſe his verbis Cuspидius ſolere nunquam pa-

tris teſtamento puellis *ius illud* vetus nuptiarum indulgeri, quod Severi, & Antonini reſcripto diximus tandem ſublatum fuiſſe.

## CAPUT XVI.

## De viſpellionibus ſervis.

**S**I hac lege venierint, aut teſtamento hanc conditionem acceperint ſervi, ne unquam manumittantur, omnino ex conſtitutionibus manumitti prohibentur, cap. 4. §. 4. & cap. 9. de manumiff. cap. 3. §. 9. de SC. Silan. cap. 17. §. 17. de ædil. edict. ſique manumiffi fuerint, ad libertatem non perveniunt c. 9. Qui & a quibus manum. Et de huiusmodi quidem venditionis lege etiam apud Svetonium eſt, quod huc referas. Nam ſic in Auguſto ſcribit Svetonius: *Neque aut crebrius, aut perſidioſius rebellantes graviore nunquam multatus eſt pœna, quam ut captivos ſub lege venundaret, ne in vicina regione ſervirent, neve intra viceſimum annum liberarentur.* Eſt etiam de iis ſervis qui teſtamento manumitti prohibentur, in antiquiſſimo Lucii Cuſpidii teſtamento elegans exemplum: Sic enim in eo ſcriptum eſt: *ET FAMULOS MÆSUM QUONIAM ERRE EST, ET GETAM QUONIAM IMPOSTOR, DAVUM QUOQUE, ET MAURUM MANCIPIES ESSE IN PERPETUUM EDICO, QUONIAM MALEDICI, ET CONTUMACES SEMPER FUERUNT UT IN PISTRINO FOENAS PROMERITAS LUANT.* Hæc Cuspидius, piſtrini mentionem expreſſe faciens. Ex quo conjectari poteſt, iſtiſtinum tam teſtamento; quam alia qua venditionis expreſſa lege hac conditione ſervos improbos olim dedeſſe conſueviſſe ut nunquam manumitti poſ-

possent: Eoque sensu ausim dicere hunc Terentii verum esse accipiendum in Andria:

*Verberibus casum te in pistrinum Dava dedam usque ad necem.*

Quo pertinet illud Augustini de Spiritu, & Litera: *Qui enim dicit, verbi gratia, volo ut hi omnes servi mei operentur in vinca, & post laborem requiescentes epulentur, ita ut quisquis eorum hoc noluerit in pristino semper molas, videtur quidem quicunque contempserit, contra voluntatem domini sui facere, sed tunc eam vincet si, & pristinum contemnens effugeris.* Servi qui manumitti non poterant vispelliones dicebantur, cap. 31. de evict. Idque ex eo patet evidentissime, quod sic de eo cui vispellio solutus est, Marcellus scripserit: *Habet enim servum qui ei auferri non possit: promissor servi eum debet hominem solvere, quem, si velit testator, possit ad libertatem perducere,* cap. 72. sub finem, de solut. Unde autem hujusmodi servi vispelliones fuerint appellati, aliis divinandum relinquendo, interim non dubitans quin a vispellionibus, longe diverſi fuerint vispelliones.

## CAPUT XVII.

*De exauguratione.*

**S**EMEL, inquit Marcianus; *ade facta etiam diruto adfissio loci, sacer manes,* cap. 6. §. 2. de re. divil. cap. 73. de contr. empt. Certe quia religio solum occupat, quemadmodum Plinio scripsit Trajanus his verbis: *Nam si facta ades esset, licet collapsa sit, religio ejus occupavit solum.* Et ideo qui liberare locum sacrum religione volebant, inde sacra solent evocare cap. 9. §. 1. d. tit.

Festus enim de sacris in veteribus curiis peragi solitis lib. 11. ad hunc modum scripsit: *Quæ cum ex veteribus in novas evocarentur, septem curiarum per religiones evocari non poterunt.* Dixit Festus per religiones, quod idem ac si dixisset exauguratione. Fiebat enim sacrorum evocatio exauguratione. Livius lib. 1. Nam cum omnium sacellorum exaugurationes admitterent aues in Terminis sano non addidere. Ait etiam Festus Originum lib. 1. Catonem sic scripsisse: *Fana in eo loco compluria fuerunt, ea exauguravit, præterquam quod Terminum sanum fuit, id nequitium exaugurari.* Et certe loca quæ rite Deo alicui consecrabantur, inaugurari, & quæ ex sacris prophana fiebant, exaugurari veteribus dicebantur. Sic etiam Livium de Tarquinio Superbo accepimus scripsisse: *Et ut libera a cæteris religionibus area esset, tota Jovis templique ejus quod inadificaretur, exauguravit fana, sacellaque statuit quæ aliquot ibi a Tatio Rige primum in ipso discrimine adversus Romulum pugne vota consecrata, inaugurataque postea fuerant.* Eoque sensu rem sacram profanam fieri posse Paulus, & Venulejus auctores sunt, cap. 83. §. 3. cap. 137. §. 6. de verbor. oblig. De tutelarium Deorum evocatione scripsit eleganter Macrobius, eamque cum hac vulgari, & usitata sacrorum locorum exauguratione, temere, & inconsiderate nimis confundunt interpretes.

## CAPUT XVIII.

*De ornatrixibus puellisque comatis.*

**M**ATRONÆ ornatrixes olim proprias habebant, cap. 65. §. 3. de leg. 3. Extatque vetus inscriptio in



in qua dispensatoris contubernalis ornatricis dicitur verbis ad hunc modum conceptis: CINERIBUS. HAMILLÆ. ALPIONÆ. QUINTÆ. ORNATRICI. FESTUS. M. SEPTIMI. GALLI. DISPENSATOR. CONTUBERNALI. B. M. F. ET. SIBI. Certum etiam est matremfamilias sine comite in publicum prodire non solere, cap. 15. §. 11. & 12. c. 10. & 9. de injur. Et quo nobiliores erant matronæ, eo plures comites habebant, quemadmodum a nobis est demonstratum Variorum lib. 4. Hujusmodi comites puellas appellat in Florentinis Pandectis Ulpianus, quas sibi comatas mulieres exornant c. 49. in princip. de leg. 3. Hoc, ni fallor, sensu, ut injustæ hujusmodi puellarum comæ crispari, & comæ crispatæ acu comari, comatæque puellæ vestibus elegantioribus exornari per ornatrices conlueverint. Eoque perinet quod Quintilianus libro 2. cap. 5. ita scribit: *Atque etiam qui specie capiuntur, nullis levatæque, & inustus comas acn comantibus, & non suo colore nitidis plus esse formæ putant quoniam pectus tribuere incorrupta natura.* Tertullianus de Virginibus Velandis: *Vestunt capillum, & in acu lascivior comam sibi inferunt. crinibus a fronte divisis aperitam professe mulieritatem.* Eoque Festum arbitror respexisse cum scriberet acum esse, qua lacinatrix, vel etiam ornatricis utitur. Martialis Epig. libro 14.

*Tenuja ne nudidos violent dombycina crines*

*Fincat acus, tortas sustineatque comas.* Meminit implicationis crinium Divus Petrus in priore sua Epistola cap. 3. eamque implicationem interpres vulgaris appellat *capillaturam*, haud dubie ad veterum acu comandi rationem respiciens. Et sic quidem puellæ apud Ulpianum appellari *comatæ* videri possunt, quarum comæ calido ferro inu-

Tom. I.

stæ crispatæ comari ab ornatricibus acu solent, quemadmodum ex Tertulliano, & Quintiliano est demonstratum. Nec enim satis erat hujusmodi puellas comatas esse, siquidem eas matronæ in publicum prodeuntes vestibus etiam elegantioribus auctore Ulpiano sibi exornabant. Eamque ornandarum comitum rationem antiquissimam etiamnum apud nos matronæ nobiles videntur observare.

## C A P U T XIX.

### De Præceptoribus puellarum.

SOLENT Romani non mulieribus, sed viris præceptoribus filias suas erudiendas instituendasque tradere. Eumque morem docet nos Julianus de mercedibus differens, quæ ut liberalibus artibus instituerentur pupillæ nomine præceptoribus dantur, c. 4. ubi pupill. educ. Et idcirco mirum non est quod scripserit Svetonius, Q. Cæcilius Attici Satirii Equitis Romani libertum filiam patroni nuptam M. Agrippæ, docuisse. Id enim fieri solere manifestum facit hæc vetus inscriptio: PUDENS. M. LEPIDI. LIBERTUS. GRAMMATICUS. PROCURATOR. ERAM. LEPIDÆ. MORESQUE. REGEbam. DUM. VIXI. MANSIT. CÆSARIS. ILLA. NURUS. Meminit etiam ornatricum Marcianus, quæ duos tantum menses apud magistrum fuerunt, cap. 65. §. 3. de leg. 3. per magistrum eum intelligens præceptorem qui ornandi cemandique industriam quandam singularem profitebatur. Hujusmodi enim magistros olim fuisse libro de cultu seminarum indicat Tertullianus; Ait enim: *Frustra laboratis ornata videri, frustra peritissimos quosque structores capillatura adhibetis.* Columella de Re Rustica

L 1

li-

libro 1. *Capitum, & capillum concinnatus non solum esse auditus, sed & ipse vidi.* Ulpianus etiam, & Paulus auctores sunt non solum magistros dici, qui juventutem literas docent; sed etiam qui aliquam omnino artem tradunt, cap. 13. §. 4. locati, cap. 5. §. 3. ad leg. Aquil. cap. 57. de verbor. signific.

## C A P U T XX.

*De classis, & alligatis testibus.*

**P**AULUS ait, *testes illos, quos vitae humilitas infamavit, interrogari non placere, in teste enim, & vitae qualitatem spectari oportere, & dignitatem.* Hæc ita Paulus Sentent. libro 5. tit. 15. ad notam censoriam omnino respiciens. Erat enim moris, ut cives nimia paupertate laborantes animadversione censoria classibus exempti capite censerentur, & in proletariorum numerum referrentur: Siquidem Svetonius auctor est, Divum Claudium censuram gerentem, cum plures notare conareret magna inquisitorum negligentia innoxios reperisse, quibuscunque cælibatum, aut orbitatem, aut egestatem objiceret, maritos, parentes, opulentos se probantibus. Eoque pertinet quod Aufonius Eidyl. lib. 15. ita scribit: *Vitam parvus agas avidi lacerabero fama*

*Et largitorem gravius censura notabit.* Eaque etiam ratio est, cur testes qui signandis testamentis adhibebantur, *classicos* appellaverit Festus ad quinque classes in quas pro census qualitate distribuebatur populus Romanus, omnino respiciens, & simul indicans, proletarios, ac capite censos, quia classici non erant signandis testamentis adhi-

beri non potuisse, ob nimiam paupertatem, quæ cum falsi ingentem materiam præbeat, semper Romanis suspecta fuit, quemadmodum de Cajo Mario scribit libro 2. Valerius. Proletarii igitur, & capite censi classici non sunt, id quod ab Arnobio traditur Adversus Gentes libro 2. *Definite* (inquit) *hominem, proletarius cum sit, classicus, & capite cum censeatur adscribere ordinibus primis.* Sensus enim est, definite hominem adscribere primis ordinibus, qui classium respectu; sub quibus nimia paupertate nequit censi, nomen habet, & titulum proletarii. Illud etiam solet observari. ut classici testibus, simul atque testimonium suscepissent, liberum non esset, aut dissimulare, aut subtrahere se, indeque etiam *alligati* appellarentur, auctore Isidoro, Etymolog. libro 5. Sique dissimularent, aut se subtraherent, Lege duodecim Tabularum sic puniebantur, ut essent improbi, & intestabiles, & per hoc classibus suis exempti in Cæritum tabulas referrentur, & æarii fierent. Eaque vera est sententia legis illius Decemviralis, cujus libro 15. cap. 13. meminit Gellius. Porro quam Decemviri, & Jurisconsulti *intestabilem* vocant, is a Plauto *nefastus* videtur appellari, in Pœnulo his versibus:

— *Ad sunt testes. M. Tot quidem Non potuisti adducere homines magis ad hanc rem idoneos.*

*Nam istorum nullus nefastus est, Comitiales sunt meri.*

*Ibi habitant, ibi eos conspicias quam Prætorum sapient.*

Sensus enim est, his testibus non esse nefas testimonium perhibere, & sic nec improbos, nec intestabiles eos esse, quandoquidem in comitio sedulam quotidie perhibendis testimoniis operam dent

JACOBI RÆVARDI JC.  
CONJECTANEORUM  
LIBERTERTIUS.

C A P U T I.

*De infantis necandi piaculo.*



UI hominem occidit, lege Cornelia de sicariis tenetur, c. 1. ad leg. Corn. de sic. Ergo, & qui infantem occidit. Infans enim homo est. Idque adeo verum est

ut mulierem visceribus suis vim inferentem, quo partum abigeret, interpretatione iusta legi etiam Corneliae obnoxiam esse voluerint veteres c. 8. d. tit. Quanto igitur magis quæ infantem occidit? Qua de re scribit eleganter in Apologetico ad hunc modum Tertullianus: *Nobis vero homicidio semel interdicto etiam conceptum utero dum adhuc sanguis in hominem delibatur, dissolvere non licet: homicidii festinatio est prohiberi nasci, nec retere natam quis eripiat animam, au nascentium disturbet, homo est, & qui est futurus, & fructus hominis jam in semine est.* Et in Octavio, Minutius Felix: *Sunt, inquit, quæ in ipsis visceribus medicaminibus spotis originem futuri hominis extinguunt, & parricidium faciunt antequam pariant.* Quibus etiam addi potest quod hunc in modum pro Cluentio, Cicero scribit: *Memoria tenet Miletiam quandam mulierem, cum esset in Asia, quod ab heredibus se-*

*cundis accepta pecunia partum sibi ipsa medicamentis abegisset; rei capitalis esse damnatam, nec injuria, quæ sperni parentis, memoriam nominis, subsidium generis, heredem familia, designatum Reipublicæ civem sustulisset.* Et quia hoc exemplum pro lege laudat Tryphoninus, addens insuper mulierem post divortium visceribus vim inferentem, temporali exitio multari Principes voluisse (cap. 39. de pœnis) quis credat eo tempore infanticidio nullam fuisse pœnam irrogatam? Non est quod sibi persuadeat aliquis primos Valentinianum, Valentem, & Gratianum Imperatores videri constituisse, ut is qui infantem occidit, capite puniretur, cap. pen. C. de leg. Corn. de sicar. Illud enim rescriptum quædam ambigui intellectus verba continet, ex quibus ambigua, & incerta eruitur argumentatio. Nam sic scribunt Imperatores: *Si quis necandi infantis piaculum aggressus aggressusve sit.* Piaculum duplicem admittit significationem, scelus enim piaculum est, ut apud Virgilium:

*Distulit in seram commissi piacula mortem.*

Sacrificium etiam per piaculum, etiam intelligi auctor est idem Virgilius Æneidos libro 6. Ait enim:

*Duo nigras pecudes, ea prima piacula sunt.*

Hæc si vera sunt, necandi igitur infantis piaculum tam de singulari sacrificio, quo a parentibus infantes immolebantur, quam de vulgari quovis infanticidio accipi potest, præsertim cum sic in Octavio scripserit Minutius Felix: *Saturnus filios suos non exposuit, sed voravit.* Merito ei in nonnullis Africæ partibus a parentibus infantes immolabantur, blanditiis, & osculo comprimente vagitum, ne flebilis hostia immolaretur. Et Tertullianus in Apologetico: *Infantes, inquit, penes Africam Saturno immolabantur palam, usque ad preconulatam Tiberis, qui eosdem sacerdotes in iisdem arboribus templi sui obumbraticibus scelerum votivis crucibus exposuit, sed & nunc in occulto perseverat hoc sacrum facinus.* Hæc Tertullianus. Ad hujusmodi sacrificium ut credam, necandi infantis piaculum hos Imperatores referri voluisse, variis adducor conjecturis. Certo enim certius est hujusmodi infantium immolationem *piaculum* dici. Nam sic non Valentinianus dumtaxat, sed Laetantius etiam illud sacrificium appellat libro 1. cap. 21. his verbis: *Pescenius Festus in libris historiarum per satyram refert Carthaginienses Saturno humanas hostias salutas immolare, & cum visiti essent ab Agathocle Rege Siculorum, iratum sibi Deum putavisse, itaque ut diligentius piaculum solverent, ducentes nobilium filios immolasse.* Nec est etiam verisimile usque ad tempora Valentiniani Imperatoris infanticidium relictum fuisse impunitum, tam quod infans homo sit, quam quod mulier partum abigens graviter olim puniretur, cap. 39. de poenis. Et quia sacrum hujusmodi facinus ad usque sua tempora in occulto perseverasse testatur expresse Tertullianus, certe nec

dum etiam Valentiniano Imperante videri potest radicitus extirpatum fuisse, ejusque extirpandi gratia hoc rescriptum ad Probum per Italiam Præfectum Prætorio directum fuisse, sub cuius dispositione Italia, Illyricum, & Africa in notitia provinciarum numerantur. Fuisse autem Probum hunc Præfectum Prætorio per Italiam satis in eo carmine demonstrat Aulonius, quo libellum suum ad hunc eundem Probum mittebat. Hunc enim Probum exceptis tribus heris nimirum Valentiniano, Valente, & Gratiano, *beorum primum* appellat, *Prætorioque Præfectum* maximum his verbis:

*Qui solus exceptis tribus*

*Heris, beorum primum est*  
*Prætorioque Maximus.*

*Dico hunc Senatus Præfulem,*  
*Præfectum eundem, & Consularem.*

Est igitur in hoc rescripto piaculum necandi infantis sacrum facinus, non autem vulgare quodvis infanticidium ut putant interpretes.

## C A P U T II.

*De antiquis Justiniani fabulis.*

QUI non animadvertit moris fuisse, ut pueris prælegerentur olim tripartita, nunquam intelliget quid per antiquas fabulas in præmio Institutionum velit intelligi Justinianus. Edidisse autem Sextum Ælium librum quendam qui *tripartita* intcriberetur, testis est Pomponius cap. 2. §. 19. de orig. jur. Addiditque cum librum *tripartita* dictum esse, quod Lege duodecim Tabularum proposita jungeretur interpretatio, ac deinde subtexeretur legis ælio. Hunc librum haud aliter edicebant Romani juvenes quam nunc juventuti nostræ Justiniani

præ-

præleguntur Institutiones. Id quod Cicero demonstrat evidentissime cum ait: *Discebamus pueri duodecim, ut carmen necessarium, quas jam nemo discit.* Si Tabulas duodecim didicerint pueri, certe, & earum quoque interpretationem, & simul legis actionem didicerunt, hoc est tripartita Ælii Sexti. Nam sine interpretatione leges illæ non poterant intelligi. quarum sine legis actionibus nullus etiam usus erat. Ipse pro Muræna Cicero legis actiones quodammodo *fabulas* appellat, cum eas ridiculas ineptias, inanissimasque prudentiæ repertas esse ait. Justinianus etiam expresse testatus est juvenes olim qui ad primam legum veniebant audientiam, inutiles legis antiquæ, hoc est duodecim Tabularum dispositiones, & antiquæ subtilitatis ludibrium accepisse cap. unic. C. de nudo jure Quirit. toll. Hæc si vera sunt, per antiquas igitur fabulas duodecim Tabulas, & legis actiones potius quam responsa prudentum aboluta, quam leges populi Romani abrogatas dissentientibus licet viris doctis arbitrabimur intellexisse Justinianum.

## CAPUT III.

*De Militiis quæ vendi solent.*

**F**UERUNT olim militiarum species variz. Sic enim scripsit de Idololatria Tertullianus: *At nunc de isto quaritur an fidelis ad militiam converti possit, & an militia ad fidem admitti, etiam caligata, vel inferior quæque cui non sit necessitas immolationum, vel capitalium judiciorum.* Nec alio videri potest Ulpianus respexisse, de milite differens qui sub armata militia stipendia meruit cap. 6. in princ. de re judic. Scribas autem Pracones, & via-

tores militasse, inde probari potest, quod executores litium qui alio nomine *viatores* dicuntur, ita solent coerceri, ut non penas solum corporales luerent, sed etiam ut militia exuerentur, cap. 2. C. de sportul. Aique ita tres fuisse militiarum species videri possunt, una armata sive caligata, altera Palatina caligataque, & tertia forensis inferior cap. 1. Cod. Theod. quib. milit. ad urb. non lic. acced. Et id quidem eo mihi verisimilius videtur quod non ignorem omnes qui stipendiis gaudent militare. Sic enim Sermonem 19. de Verb. Dom. scripsit Augustinus: *Nonnulli qui aut militia singulo desinentur, aut in ædæ sunt publico, cum peccatis graviter, hoc solent a peccatis suis prima se voce excusare, quod militans.* Inferior militia, quam esse forenses diximus, alienari potuit, & ad eam respexisse videtur Scævola de venditore, & emptore militiz differens, inter quos convenerat ut salarium quod debebatur, emptori cederet, cap. 52. §. primo de act. empt. Et id quidem eo constantius mihi persuadeo tum quod in quadam Horatii vita quaestorium dicatur Horatius scriptum comparasse, tum etiam quod sciam Acronem recedens scribas deficiente tradidisse, scribas in provinciis cum Magistratibus ivisse, & cum satis rediissent locupletes vendidisse decurias suas. Quid enim est aliud *decurias vendere*, quam militiam vendere? Nam ut sub cohortibus certis caligati milites, sic milites isti forenses, isti inquam scribae, viatores, & Pracones sub decuriis certis militabant. Testis enim est in Claudio Suetonio, corpus Baligulæ obvias scribarum decurias suscepisse. Et Livius libro 40. Scribam, inquit, cum quaestor Q. Petilius in decuriam legeras. Est etiam Seneca auctor primam de-

curiam præconum fuisse. Sic enim Epist. libro 6. scribit: *Ille in primam decuriam decessus in qua vocem præconis experitur*. Hæc si vera sunt, nunc intelligimus, quo sensu scripserit Celsus L. Titium in testamento suo. P. Mævio militiam suam reliquisse, sive pecuniam, quæcunque redigi ex venditione ejus potuerit cum suis commodis, cap. 22. de leg. 2. Sensus enim est decuriam suam L. Titium scribam, viatorem, aut præconem P. Mævio reliquisse. Si enim hujusmodi militiæ confluverint emi, cur non ad heredes transirent? cur non etiam testamento legarentur? Eoque sensu dixit Ulpianus, *serve alieno militiam cedere, jus militia legata persone coherere*: & Scevola, *militiam cum introitu comparare*, cap. 3. §. 7. de minorib. cap. 11. §. 14. & cap. 102. §. 2. de leg. 3. cap. 18. §. 2. de aliment. leg. Nec alio videtur Horatius respexisse, Ser. lib. 2. Sat. 5. cum ait:

— Plerumque recoctus

*Scriba ex quinqueviro corvum deludet biantem.*

In eum enim locum sic scribit Acron: *Scriba ibant in provincias cum Magistratibus, & cum rediissent, vendebant decurias suas, & quinqueviri dicebantur, quod si voluissent iterum magistratibus apparere, & fructus priores percipere recocti dicebantur*. Pro Magistratibus apparere, male vulgo legitur Magistratus appetere, eumque errorem degunt libri manuscripti, quos habet Cruginus noster. Sensus igitur est, scribam qui ex provinciis domum satis locupletis rediit, & ob id decuriam sive militiam suam vendidit, ac quinquevir factus est, nonnunquam ad eam inopiam iterum redigi, ut ex quinqueviro rursus cogatur scriba fieri, fructusque priores accipere, eaque,

ratione captatorem quinqueviratus tempore hereditati ejus invidiantem delusum plerumque a scriba recocto frustratumque postea fuisse.

## CAPUT IV.

*De die natali Calendisque Martiis.*

ROMANI annis singulis diem solemniter celebrabant natalem suum, quemadmodum docet Beatus Augustinus de Tempore, Serm. 1. *Considerato, quæso, inquit, quando aliquis homo potens, aut nobilis, natalem suum, aut filii sui celebrare desiderat, quanto studio ante plures dies quicquid in domo sua sordium invenerit, ordinat emundari, quicquid ineptum, & incongruum, projici, quicquid utile, & necessarium præcipit exhiberi: Domus etiam si obscura fuerit dealbatur, pavimenta scopis mundantur, & diversis respersa floribus adornantur, quicquid etiam ad latitæ animæ, & corporis delicias pertinet, omni sollicitudine providetur*. Hæc Augustinus de die natali. Eoque die cognatos, affines, aliosque amicos, & familiares munera misisse in Curculione Epidico, & Pseudolo demonstrat Plautus: Et in Phormine Terentius cum ait:

— Porro autem Geta

*Ferietur alio munere, ubi vera pepererit,*

*Porro alio ubi erit puero natalis dies.*

Plinius Epist. lib. 4. *Mulsis enim atque etiam Principi dixerat salasse munuscula duntaxat natali suo, aut saturnaliibus accepisse, & plerisque misisse*. Hunc natalis celebrandi antiquum morem Principes etiam observasse testis est Sermone 14. Beatus Ambrosius his verbis: *Latitia quanta sit, quantusque*

concurfus cum Imperatoris Mundi istius natalis celebrandus est bene nobis quemadmodum Duces, & Principes omnes etiam militantes accurate feriis vestibus accin-  
*Bi, operosis cingulis auro fulgente praeio-  
 sis ambiunt solito nitidus, in conspectu  
 Regis incedere. Credunt enim majus esse  
 Imperatoris gaudium, si viderit majorem  
 suae apparitionis ornatum, tantoque illum  
 letum futurum, quanto ipsi fuerint in  
 ejus festivitate devoti, ut quia Impera-  
 tor tanquam homo corda non conspicit.  
 aff. Sum eorum circa se probet, vel ba-  
 b. trum contuenda, ita sit ut splendidius  
 se accurret quisquis Regem fidelius dili-  
 git. Deinde quia in die natalis sui  
 sciunt cum largum futurum, ac dena-  
 turum plurima, vel Ministris suis, vel iis  
 qui in domo ejus obiecti putantur, ac  
 viles, tanta prius thesauros replere di-  
 vitiarum varietate festinant: ut in quan-  
 tum provocare voluerit, in tantum pro-  
 rogatio copiosa non desit, & ante va-  
 luntat donandi deficiat, quam substantia  
 largiendi. Haec autem ideo sollicito fa-  
 ciunt quia majorum remunerationem spe-  
 rant futuram. Haecenus de natalibus  
 Principum Ambrosius expresse demon-  
 strans tam Principum, quam privato-  
 rum hominum feriis natalitiis, dari  
 & accipi munera consuevisse. Martia-  
 lis Epigrammate lib. 10.*

*Natali. Diodore tuo convivae Senatus  
 Accubat, & rarus non adhibetur  
 eques;*

*Et tua tricenas largitur sportula  
 nummos;*

*Nemo tamen natum te Diodore  
 putat.*

Et haec de die natali, quem testatores nonnulli etiam post mortem celebrari, & morari voluerunt annuis in eam rem divisionibus loco munerum testa-  
 mento relictis, cap. 23. de annuis leg. Haec cum non intelligeret Acur-  
 sius, imperite de tempore mortis in-

terpretatus est hoc loco diem natalem, ejusque errorem fertur Tiraquellus fecutus esse. Festus auctor est Martias Calendas matronas calebrasse, quod eo die Junonis Lucinae aedes coli coepta sit. Testatur etiam Acron Caleudas Martias Matronalia dici, eo quod mariti pro conservatione conjugii sup-  
 plicabant, & diem fuisse proprie festum matronis. Eoque die accipi etiam, ac dari solere munera testis est Ter-  
 tullianus sic de feriis scribens lib. de Idololatria: Januaria, & Brumia, & Matronales frequentantur, munera com-  
 meant, strena consonans, iulus, convivioa constrepunt. Svetonius quoque auctor est, Vespasianum apophoreta dedisse viris quidem Saturnalibus, foeminis vero Calendis Martii. Juvenalis Sat. 9.

*En cui tu viridem umbellam, cui su-  
 cina mittas*

*Grandia, natalis quoties redit, aut  
 modicum ver*

*Incipit; & strata postius longaque  
 carbedra*

*Munera foemineis traahas secreta ca-  
 lendis.*

Et Martialis Epig. lib. 5.

*Scis certe puto vestra jam venire  
 Saturnalia, Martias Calendas.*

Tunc reddam tibi Gallia quod dedisti. Sed quorsum haec? Nimirum ut intel-  
 ligamus, quid illud sit quod sic Ul-  
 pianus scribit: Si vir uxori munus  
 immodicum Calendis Martiis, aut natali  
 die dedisset donatio est, cap. 31. §. 7.  
 de donat. inter vir. & uxor. Nec alio  
 sensu solemnia munera quae parentibus  
 cognatisque mitti solent, apud Pau-  
 lum accipienda sunt, cap. 12. §. 3.  
 de administ. & peric. tut.

## CAPUT V.

*Per Fenestram monstrare quid sit.*

**I**D quod obiter, re non diligenter excussa, aut perpenſa monſtratur, *per tranſennam monſtrari* dicitur. *Tranſennam* autem non, ut quidam putant, tranſitum, ſed *fenestram* ſignificare uictor eſt Nonius citans illud Cicero- nis: *Quaſi per tranſennam pratercuntes hiſtum aſpeximus*. Eſt igitur *per tranſennam* idem omnino quod *per fenestram*. Et id quidem adeo verum eſt ut non *per tranſennam* ſolum, ſed etiam *per fenestram* ea dicantur demonſtrari, quæ obiter nec mature ſatis deſcuiuntur. Eoque ſenſu deriſum fuiſſe Nervam Juriconſultum, auctor eſt Paulus, quod ille *per fenestram* monſtraverat ſervos detentos ob penſionem liberari poſſe, cap. pen. in quib. cauſ. pignor. vel. hypot. tac. contr.

## CAPUT VI.

*De Annonis, & contributionibus pradiorum.*

**U**LPIANUS auctor eſt. ob tranſitum exercitus conſerri quid a ruſticis ex fruſtibus ſolere, c. 27. §. 3. de uſuſ. Hæc verba non alio quam ad itinerarium, quod miles iter ingreſſurus accipit, ab Imperatore referenda ſunt. De huiusmodi enim itinerario ſic ſcripſit in Plal. 118. Serm. 5. Beatus Ambroſius: *Miles, qui ingreditur iteritui- di ordinem non ipſe diſponit ſibi, ſed itinerarium ab Imperatore accipit, & cuſtodit illud, præſcripto incedit ordine, cum armis ſuis ambulat, & relique via conſciſcit iter, ut inveniat commean-*

*tium parata ſibi ſubſidia. Si alio ambulaverit itinere, annonam non accipie, manſionem paratam non invenit, quia Imperator ſis jubet præparari hæc omnia qui ſequuntur, nec dextra, nec ſiniſtra a præſcripto itinere declinant, meritoque non deſciſcit qui Imperatorem ſequitur ſuum. Moderato enim ambulat, quia Imperator non quod ſibi utile, ſed quod omnibus poſſibile, conſiderat, ideo & ſtativas ordinat, triduo ambulat exercitus, quarte requieſcis die. Eliguntur Civitates in quibus triduum, quatrinduum, & plures interponantur dies, ſi aquis abundans, commerciis frequentantur, & ita ſine labore conſtituitur iter, donec ad eam urbem perveniat quæ quaſi regalis eligitur, in qua feſtis exercitiſus requit miniſtretur. Et paulo poſt: Sicubi vult requieſcere rex terre exercitum ſuum, non ignobilem vicum, non commentibus indigentem, non arenoſa & nuda gignentium, ſed urbem adſciſciis nobilem, referentem, & uberem capiarum, aut agrum amorum, & vitantem paſcuſis, aut nemoroſa, & campeſtria ſtativis opportuna decernit. Hæc Ambroſius evidenter demonſtrans ita duci exercitum ſolere ut certis locis ordinarentur ſtativæ certæ, non in civitatibus ſolum, ſed etiam in vicis amœniſque pratis, & in iis locis annonam acciperent milites parataſque invenirent manſiones. Huiusmodi annonam gratuita quadam ruſticorum ex prædiis collatione miniſtrari olim debuiſſe, nemo eſt qui non ex eo ſuſpicetur, quod tradidit Ulpianus ob tranſitum exercitus ex fruſtibus conſerri quid a ruſticis ſolere d. cap. 27. Eoque ſenſu arbitror onera annorum, & contributionum temporalium accepiſſe Modeſtinum cap. 32. §. 6. de adminiſtr. & per. tut. Nec alio referendum admonuimus, quod Celfus ait ruſticos ſeneæ dicere ſolitos pecuniam ſi-*



hic peculio fragilem esse *peculium* appellantis quod praesidii, hoc est, transeuntis exercitus causa seponeretur c. 79. de leg. 3. Tunc enim erogari ex fructibus annonæ solent, & ex praediis contributiones fieri, quemadmodum evidenter demonstrat Rex Theodoricus apud Cassiodorum, Var. lib. 5. sic Eutropio, & Acretio scribens: *Præfensi jussu vos credidimus admonendos, ut annonas consistentes exorcitui praebeere debeatis, quatenus nec illi negligentur adverso voto, nec provinciales perniciofa debeas gravare direptio.* Inter loca flativis opportuna, agrum amœnum, & virentem pascuis numerat expresse Beatus Ambrosius. Eaque res efficit ut mihi persuadeam rescriptum illud Arcadii, & Honorii mendosum non esse, quo a publicis pratis, ac amœnis pascuis animalia militum prohibentur, cap. 2. C. de pasc. pub. & priv.

## CAPUT VII.

## De Patriciis

**P**ATRICIORUM interpretatio triplex est, una omnibus Romanis civibus ingenuis communis: Altera solis iis nobilibus, qui plebei non erant, propria: Et tertia denique Senatoribus primariis accommodata. Aliquando enim cives ingenuos non Patres solum, sed etiam plebejos satis constat *Patricios* appellatos fuisse: Id quod apud Festum testatur expresse Cincius lib. de Comitibus. Et Livius lib. 10. *En unquam fando ando audistis*, inquit, *Patricios primo esse factos, non de Cælo demissos, sed qui patrem cives, avamque possunt, hoc est, nihil ultra quam ingenuos?* Erat & alia Patriciorum interpretatio. Nam per Patricios illi nobiles plerumque designabantur soli,

Tom. I.

qui plebei non erant ad eorum quos *plebejos* dicebant differentiam sic appellati. Quo sensu Patricios accepit Festus eum *mulles* genus esse calceorum scriberet quibus Reges Albanorum primi, deinde Patricii usi sunt. Et quidem adeo verum est, ut gens omnis, aut Patricia, aut plebeja esse hac sola ratione diceretur, quemadmodum in Augusto eleganter docet Svetonius: Ait enim, Octaviam gentem a Tarquinio Prisco Rege inter Romanas gentes allectam in Senatum fuisse, mox a Servio Tullio in Patriciam traditam, procedente tempore ad plebem se contulisse, ac rursus magna vi per D. Julium in Patriciatum rediisse. Inter hujusmodi Patricios nonnulli fuisse dicuntur Patricii minorum gentium, quorum meminit Cicero Epist. Fam. lib. 9. sic Papirio Pæto scribens: *Fuerunt enim Patricii minorum gentium quorum Princeps L. Papirius Mugillanus.* Quinam autem illi fuerint, interpretes nequeunt definire. Animadverti Patriciorum olim duas fuisse species diversas, aut enim erant origine Patricii, aut Principis Senatusve beneficio. Origine quidem Patriciorum filii, nepotes, pronepotes, & sic deinceps; beneficio vero Principis, aut Senatus fiebant Patricii allectione, sive cooptatione. Moris enim erat ut plebei, aut a Principe, aut etiam a Patribus inter Patricios allecti a plebeis ad patricios transirent. Eumque morem docuit nos in Tiberio Svetonius. Ait enim, Claudiam gentem a Patribus in Patricios cooptatam fuisse. Idem Svetonius etiam auctor est, Salvianum etiam a Claudio allectum fuisse inter Patricios. Deque hujusmodi patriciis ausim dicere eos accipiendos esse qui *minorum gentium Patricii* dicuntur. Sunt enim revera minorum gentium, hoc est gen-

M m tium

tium plebejaram, eorum videlicet Patriciorum respectu qui origine, successione, & quadam majorum gentium continua serie Patricii sunt. Hæc si vera sunt nunc intelligimus quid Justinianus sibi voluerit cum scriberet appellatione populi cives universos significari, connumeratis etiam Patriciis, & Senatoribus, §. plebs autem. Instit. de Jur. nat. gent. & civ. Non enim dubium est quin tam de minorum, quam majorum gentium Patriciis senserit hoc in loco Justinianus. Atque ita quidem satis esse perspicuum putato, qua ratione genere quodam omnes ingenui, auctore Cincio, Patricii dicantur, qualitate ratione specie quadam ab ingenuis hominibus plebeis sejungantur, separenturque Patricii. Restat enim tertia Patriciorum interpretatio, quam diximus Senatoribus primariis accommodatam fuisse. Et certum quidem est Justiniani seculo Patres Reipublicæ, & Senatorii ordinis Principes viros, ad aliorum Senatorum differentiam appellatos omnes *Patricios* fuisse, nec alios eodem tempore fuisse Patricios, qui non essent, aut Romani, aut Constantinopolitani Senatores quantum ex Suida, & Cassiodoro colligere possum. Eoque sensu *Patriciatum* accepit Justinianus cum scriberet, summam Patriciatus dignitatem filium a patria potestate liberare, §. filiusfamilias. Instit. Quib. mod. jus pat. pot. sol. ca. ult. C. de Consul.

## CAPUT VIII.

*De susceptoribus Vestium Militarium.*

**I**GNORARI scio quid sibi voluerint Honorius, & Theodosius Imperatores, cum scriberent, officio *Proconsulari*, vel *is qui in eodem meruerint*,

*susceptionem vestium militarium committendam esse, eo quod ad contuendum iis commodior cura sit*, cap. pen. C. de suscep. præpos. & arc. Eaque ignorantia factum est, ut pro *Constituendum*, recte ex Theodosiano Codice *Contuendum* in Codice Justiniani reponeretur, & rursus ex *contuendum* non recte emendatum sit *consuendum*. Sensus enim est hujusmodi curam ad contuendum, hoc est, ad inspiciendum, & observandum quinam milites vestibus indigeant, propter assiduam præsentiam officiis cohortalibus longe commodiorem esse, quam ea foret, si curialibus aliquibus injungeretur. Et ita quidem auctores illius seculi locutos esse testis est Ambrosius, de iis qui in natalibus Principum accurate feris vestibus accincti sunt, differens Ser. 14. Idem enim eos facere ait, ut quia Imperator tanquam homo corda non conspiciat, affectum eorum circa se probeat, vel habitum consuendo, ita enim fieri, ut splendidius se decoret quisquis Regem fidelius diligit. Augustinus libro 5. de Genesi: *Interpositis, aut epopositis aliis a nostro contum actusque sperantur.*

## CAPUT IX.

*De Moribus.*

**O**MNES populi, inquit Cajus, qui legibus, aut moribus reguntur partim suo proprio, partim communi omnium hominum jure utuntur, cap. 9. de just. & jur. Mores uno sensu prophanis rebus opponi solent, & sacris accommodari. Definivit enim morem Sextus Pompejus institutum patrium pertinens maxime ad religiones ceremoniasque antiquorum. Altero sensu juri scripto mores contrarii sunt. Ait enim in frag.

frag. Ulpianus mores tacitum esse consensum populi longa consuetudine inveteratum. Atque ita mores accipit Ambrosius, Hexam. libro 5. cap. 23. *Sunt, inquit, leges natura non scripta literis, sed impressa moribus.* Et Varro morem esse communem sensum voluit omnium simul habitantium, qui inveteratus consuetudinem facit, ut est apud Sevirum in Virgilio, & Macrobius Saturn. libro 3. c. 8. Prior interpretatio quæ Festi est, huic Caji responso magis videtur conveniens esse, quam posterior illa Ulpiani, & Varronis: Verisimilius enim est humanum, Divinumque jus quam jus scriptum, & non scriptum legum morumque nomine apud Cajum intelligi. Augustinus contra Faustum libro 22. *Hominibus, aliter se habentibus jam moribus, & legibus, non possunt delectari utrumque multitudinem.*

tem, iidem etiam uti sella curuli possent; sed non e contrario, qui jus haberent ponendæ curulis sellæ, tribunal etiam ascendendi potestatem habebant. Idque ex eo cognosci facile potest, quod Senatores quidam sella uterentur curuli, quos tamen constat, & privatos fuisse, & per consequens jus tribunal ascendendi non habuisse. Nam ubi tribunal, ibi fasces, hoc est insignia alicujus majoris Magistratus. Seneca de Ben. l. 4. c. 31. *Hominem tam palam obscenum ad fasces, & tribunal admisti?* Eos autem quibus concessa fuerat curulis sella, curiam intrare, & sedere inter Senatores potuisse docet evidentur Livius lib. 12. Ait enim C. Flaminium flaminem dialem in Senatum idcirco ausum introire, quod illic sacerdotii jus cum sella curuli, & toga prætexta datum esset. Verba Livii hæc sunt: *Ingressum cum curiam cum Lucius Lacinus Prætor inde edunisset, Tribunos plebis appellavit flamen; vetustum jus sacerdotis reperebat, datum id cum toga prætexta, & sella curuli C. Flaminio fuisse.* Judices qui in subsellis confidebant omnes uno nomine *pedaneis* Judices dicebantur, sive illi Magistratus essent, quales Tribuni, Triumviri, & Quæstores erant, sive a Magistratibus majoribus dati, sive etiam in municipiis inter curiales adscripti. Tribuni Triumviri, & Quæstores, ordinaria quadam Magistratus, quæ gerebat, auctoritate jus dicebat, & sic per consequens jurisdictioni præfuisse recte videri jure Magistratus possunt. Et quia *postulare* nihil aliud est Jurisconsultis, quam desiderium suum in jure apud eum qui jurisdictioni præest, exponere, cap. 1. §. 1. de postul. utique mihi videor intelligere quid sibi voluerit Ulpianus ita scribens: *Item Senatusconsulto etiam apud Judices pedaneos*

## CAPUT X.

## De Pedaneis Judicibus.

JUDICES alii majores, alii minores erant. Et Judices quidem majores in sellis curulibus, aut tribunalibus minores vero in subsellis confidebant. Martialis Epig. lib. 11.

*Non Consulatus ipse, nec Tribunatus,  
Sævisque fasces, nec superba clamor  
Licitoris abiges virga bastiatorem,  
Sedeas in alto tu lices tribunali  
Et e curuli jura gensibus reddas,  
Ascendet illa bastiator.*

Asconius in Divinat. *Sunt enim subsella Tribunalium, Quæstorum, & hujusmodi minora judicia exercentium, qui non in sellis curulibus nec tribunalibus, sed in subsellis confidebant.* Illud etiam observari solet ut qui tribunal ascendendi haberent, potestas

*danos postulare prohibetur calumnia publici iudicii damnatus*, d. c. 1. §. 5. in prin. Sensus enim est, eum qui calumnie publici iudicii nomine damnatus est, ne apud eos quidem Magistratus qui subellis confidebant, postulare potuisse, tantum abest, ut apud eos potuerit, qui pro Tribunali, aut certe de plano posita curuli sella jus reddebant. Et sic quidem si per *Judices pedaneos* minores hujusmodi Magistratus in hoc loco non intellexeris, sed datos Judices ut plerisque persuasum est, doceri utique velim an quis mortalium unquam legerit Judices datos præfuisse jurisdictioni, aut apud eos postulatum fuisse: hæc enim solis tribui Magistratibus præter antiquam juris judicijque differentiam innumera prudentum responsa liquido demonstrant c. 10. de jurid. c. 2. in princip. Si quis in jus vocat. c. 1. quod quisque jur. Et Livius lib. 23. *Prætores*, inquit, *quorum jurisdictio erat, tribunalia ad piscinam publicam posuerunt, eo vadimonia fieri jusserunt, ibique eo anno jus dictum est*. Idem Livius jus privatos non dixisse, sed Magistratus solos multo tradidit dilucidius lib. 42. his verbis: *Idibus Martiis adesse reum jussit, quo die novi Magistratus insituri erant bonorem, ne diceret jus qui privatus futurus esset*. Quod ipsum ab Ulpiano etiam traditum est cap. 13. de juridict. Et hæc quidem adeo vera sunt ut non privati, sed soli Magistratus præesse dicerentur. Sic enim in Chabria scripsit Æmilius Probus: *Erat in classe Chabrias privatus, sed omnes qui in Magistratu erant, auctoritate antebis, cumque magis milites quam qui præerant, aspicientes*. Sunt igitur in hoc loco pedanei Judices Magistratus illi, qui in subellis confidentes minora judicia propria quadam juris dicundi auctoritate exercebant. De qui-

bus etiam accipiendum est quod idem Ulpianus sic ad Edictum libro 5. scribit: *Si quis ad pedaneum Judicem vocatum quem eximat poena ejus edicti cessabit* cap. 3. ne quis eum. Certum est ex Magistratibus alios prehensionem habuisse, alios vocationem populi viritim, alios neutrum. Et inter eos qui nec prehensionem, nec vocationem habebant, Quæstiores, Triumviros, aliosque qui neque viatorem, neque lictorem habentes in subellis confidebant; numerari auctor est Gellius libro 13. cap. 12. & 13. Et ideo si reum, obtorto, ut fieri solet, collo, ad se duci, & rapi potius quam aliqua denuntiata poena evocari pedaneus ille Juxex pateretur, qui nec prehensionem habebat, nec vocationem, dubium non est quin suæ jurisdictionis limites, hoc fieri patiens, excedat. Eaque de causa reum ad pedaneum Judicem tractum eximi sine fraude quis est qui non videat? Siquidem Paulus auctor est supra jurisdictionem suam jus dicere volenti impune non pareri, cap. ultim. de juridict. Videntur etiam Judices municipales appellati fuisse *pedanei Judices*. Certe quia sic Paulus scribit: *Judices pedanei si pecunia corrupti dicantur, plerumque a Præside, aut curia submoventur, aut in exilium mittuntur, aut ad tempus relegantur*, cap. 38. §. 10. de poenis. Ut credam non solum de aliquibus datis Judicibus, sed etiam de Judicibus municipalibus locum hunc accipi debere, hæc verba me movent: *Aut curia submoventur*. Quemadmodum enim offerri curie dicuntur filii naturales, qui in numerum decurionum referuntur c. 3. & 4. C. de natur. lib. c. 15. in princip. ad municip. sic moveri curia illi Judices pedanei recte etiam dici posse videntur, qui decurionum ordine moventur, præsertim cum

cum curiam sic accipi in municipiis solere testetur expresse his verbis Scævola: *Quod major pars curie effecit, pro eo habetur, ac si omnes egerint*, c. 19. ad municipal. per majorem curia partem, decurionum haud dubie majorem partem intelligens, qui alio nomine *curiales* dicuntur, Salvianus de Provid. Dei libro 5. *Quae enim sunt, non urbes, sed etiam municipia, atque vici, ubi non quos curiales fuerint tot tyranni sint?* Ut igitur quis curia moveatur, eum esse curialem: necessum est, hoc est in albo decurionum scriptum. *Curiales* autem appellari Judices illos quos Praesides dabant, non arbitror doceri posse, praesertim ab eo qui de comitibus Praesidium, aut Proconsulum quidam vere sciendum sit non ignorat capi 32. Ex quib. caus. majores, cap. 1. 3. & 4. de assessoribus, c. 41. §. 1. de excus. cap. 38. in fin. ad leg. Jul. de adult. Eaque de causa etiam *pedanei Judices* appellati fuisse videri possunt *Judices municipales*, quod illi non in Tribunalibus, aut sellis curulibus sed in subsellis considerent. Denique a Praetoribus, & Praesidibus, aliisque majoribus Magistratibus datos Judices, propter eandem rationem appellatos etiam *pedaneos Judices* fuisse, tam est manifestum, ut exemplis quae infinita sunt, merito abstinendum sit, cap. 4. de curat. dat. cap. 2. 3. & 5. de pedan. Judic. Hujusmodi enim Judices non in Tribunalibus, aut sellis curulibus sed in subsellis confedissee testatur expresse Gellius libro 14. c. 2. Et sic quidem omnes illi Judices, qui non in Tribunalibus, aut sellis curulibus, sed in subsellis considerabant, sive Magistratus, sive privati essent, appellati fuisse *pedanei Judices* videri possunt.

## CAPUT XI.

## De munere Nuptiali.

NEGAT Cajus nuptiale munus matri, pupillae, vel forori mittere tutorem posse, cap. 13. §. 2. de administ. & peric. tut. Est etiam Ulpianus auctor si munus nuptiale matri pupilli miserit tutor, non eum pupillo imputaturum, idque Labeonem scripsisse, cap. 1. §. 3. de tut. & rationib. distrah. dubium non est, quin ad eum morem Cajus, Ulpianus, & Labeo, his in locis respexerint, quo a foreris eorumque familiis cognatis, & propinquis munera die repositorum novis nuptis mitti solent, ejusque moris meminit in Phormione Terentius. Ait enim:

— *Herilem filium ejus duxisse audio  
Uxorem, ei credo munus hoc corraditur.*

Nec alio videri potest Svetonius respexisse, cum scriberet Augustum legata, vel partes hereditatum a quibuscunque parentibus relicta sibi, aut statim liberis eorum concessisse, aut si pupillari aetate essent, die virilis togae vel nuptiarum cum incremento restituisse. Testatur Suidas postredie nuptiarum a sponsae patre, tam sponsae, quam sponso solemnī pompa munera mitti consuevisse, eamque pompam hujusmodi fuisse, ut puer praecederet alba veste facem incensam ferens, hunc sequeretur mulier canistrum gestans, ceteris ordine sequentibus familiaribus, qui aurum, patellas, lescicas, pestines, lectos, sandalia, thecas, pyxides unguentarias, interdum etiam dotem sponso una offerrent. Eoque videri potest Paulus respexisse. Sentent. lib. 2. tit. 21. cum scriberet dotem, vel antecedere, vel subsequi matrimonium, &

ideo

ideo, aut ante nuptias, aut post nuptias, dari posse. Dos enim quæ post nuptias, hoc est post uxorem ductam, dabatur, inter alia munera plerunque repotiorum die, uti ex Suida probatum est, offerebatur. Quod autem *canistrum* est apud Suidam, id videtur alio modo *cumera* vocari. Ait enim Festus *cumera* antiquos vocasse vas quoddam, quod opertum in nuptiis ferebant, in quo erant nubentis utensilia, illudque etiam *camillum* dici. Et hæc quidem offerendi nuptialis muneris antiquissima ratio etiamnum apud nos in usu est, & observatur die repotiorum a tenuiore plebecula constantissime.

## CAPUT XII.

### *De usitato ædificiorum altitudinis modo.*

**F**UITQUE aliquem Romæ ædificiorum altitudinis præscriptum modum demonstrant evidentissime Severus, & Antoninus Imperatores. Ajunt enim, cuique ædificare in suo, & ei balneum superponere licet, dum ne usitatum altitudinis modum excedat, c. 1. C. de ædific. privat. Animadverti modum hunc tabularis, sive contignationibus tribus solere comprehendi. Cum enim Satyra tertia sic scriberet Juvenalis: *Tabulata tibi jam tertia fumant*, quid quæso exprimere voluit aliud quam illud Virgilii: *Villarum culmina fumant*? Sunt igitur ædificiorum culmina tertia tabulata, & sic per consequens usitatus ædificiorum altitudinis modus videtur olim ex contignationibus, sive tabularis tribus constituisse. Quod ipsum non obscure demonstrat Livius lib. 21. cum ait, foro boario bovem in tertiam contignationem sua

sponte scandisse, atque inde tumultu habitatorum territum sese dejecisse. Non enim dubito quin per *tertiam contignationem* supremum alicujus ædificii tabulatum Livius intellexerit. Et hujusmodi quidem tres contignationes septuaginta pedes altius tolli ab Augusto prohibitum fuisse, eique numero decem pedes Trajanum tandem detraxisse docuit eleganter Brissotius. Observari etiam solet ut adversus, cum qui modum altitudinis usitatum excessit ædificando, novi operis nuntiatio cuivis ex populo competeret. Auctor est enim Ulpianus, si quid in loco sacro, religioso, vel publico, aut si quid contra leges edictave Principum quæ ad modum ædificiorum facta sunt, fiat, nuntiari novum opus posse, c. 1. §. 11. de oper. no. nunt. Ejusque nuntiationis auctoritas tanta fuit, ut id quod ædificatum erat illicite, protinus dirueretur. Siquidem *illicite ædificatum* Ulpianus ait illud esse quod dirui constitutiones jubent, cap. 11. §. 12. de legat. 3. Quod si rursus dirutum ædificium, neglecto altitudinis usitato modo struere dominus illicite non vereretur, ita solet puniri ut cum solo superficies cederet fisco. Idque illud esse mihi videtur quod de restituta domo, hoc est semel diruta, & illicite iterum ædificata scripsit Callistratus c. 1. in princ. de jure fisci. Nec quidem in Civitatibus solum, sed etiam in agris certus aliquis observari solet ædificiorum altitudinis modus, quem qui excedebant illæso ædificio afficiebantur gravi multa, quemadmodum auctor est Valerius Max. lib. 8. Ait enim, M. Æmilius Porcinam a L. Cassio accusatum crimine nimis sublimè extructæ villæ in Allienæ agro gravi multa populi judicio affectum fuisse.

## CAPUT XIII.

*Religionis causa coire, quid sit.*

MARCIANUS auctor est populum religionis causa coire non prohiberi cap. 1. de colleg. & corp. Id ego referendum cenfeo ad statos quosdam solemnesque dies, quibus ad templa, ædes, ædificulaque deorum sacras tam rusticas, quam urbanas, concursu populi celeberrimum supplicabatur, suscipiebantur, nuncupabantur, solvebanturque vota. Eum enim morem veteres observasse docet eleganter Plinius Epist. lib. 9. sic Mustio suo scribens: *Aruspicum monitu resciscenda est mihi ades Cereis in prædiis in melius, in majus, vetus sane, & augusta, cum sit aliqui stato die frequentissima; nam Idibus Septembris magnus a regione tota coit populus. Multa res aguntur, multa vota suscipiuntur, multa redduntur, sed nullum in proximo suffugium; aut imbris, aut solis. Videtur ergo munificæ religioesque facturus; si ad eam quam pulcherrimam extruxero, addidero porticus adi, illam ad usum Deæ, has ad hominum. Augustinus de Tempore, Serm. 241. Quicumque in agro suo, aut in villa, aut juxta villam aliquas arbores, aut aras, vel qualibet vana habuerit, ubi miseri homines solent aliqua vota reddere, si eas non destruxeris, vel succederis in illis sacrilegiis, qua ibi facta fuerint, sine dubio particeps eris. Hæc Augustinus evidenter cum Plinio demonstrans quid apud Marcianum sit religionis causa coire, & simul quo sensu scriperit Ulpianus sub prætextu religionis, vel sub specie solvendi voti, cætus illicitos, nec a veteranis tentari oportere, cap. 2. de extraord. cri. Nec alio spectasse videtur Cornelius*

Fronto *delubrum* appellans, in quo homines pericula sua deluant, pilum, scutum, vel alia plura suscepta votis ponentes.

## CAPUT XIV.

*De Speculatoribus, eorumque jure.*

SI de re sumendum esset supremum in provinciis supplicium centurio cum suis speculatoribus ad locum supplicii eum perducebat, nec ante decedebat quam Præsidis sententia mandata foret executioni. Sic enim in Cypriani matris vita scripsit Pontius Diaconus: *Es cum cives prætorii foret, ibat comes militum turba, & ne quid in passione desces centuriones, & tribuni latus tenebant.* Eumque mortem visus est etiam in Evangelio expressisse Divus Marcus, cap. 15. in hanc enim sententiam scribit: *Militibus Christo extra prætorium educto, totam cohortem convocant, eumque purpura induunt, & postquam ei illuserunt spoliantes eum purpura, ipsiusque vestibus induentes crucifigendum ad locum Golgetha (quod Calvarie locum significat) educunt.* Et quia Divus Matthæus centurionis meminit qui Jesum servabat, ex eo probabiliter conjectari licet, id prorsus esse vero consentaneum, quod de centurione, & speculatoribus dixi, eamque cohortem cujus meminit Divus Marcus ex speculatoribus, & optionibus constituisse. Atque ita speculatores accepisse videri potest Cornelius Tacitus lib. 19. cum ait: *Fabius Valens cum quatuor speculatoribus, & tribus amicis totidemque centurionibus ad naves regrediatur mature.* Observari etiam solet ut reo ad locum supplicii perducto tot speculatoribus, aut forte, aut qua alia ratione execu-

tio

tio sententiæ mandaretur, quot esse ad eam rem necessarii viderentur. Et hinc deinde factum est ut per speculatores interdum carnifices intelligerentur, cum alioquin hi proprie dici speculatores soleant qui hostilia silentio perpicunt, Festo, L. Floro, Emilio Probo, & Tertulliano auctoribus. Julius Firmicus lib. 8. cap. 26. *Speculatores faciet qui nudato gladio hominum amputant cervices*. Meminit etiam speculatorum non ut vulgo legitur *spiculatorum* Paulus Diaconus cum ait, Cyprianum stetit in linteis expectantem speculatorem. Et Seneca de Ira lib. 1. *Tunc centurio supplicio prepositus condere gladium speculatorem jubet*. Et de hujusmodi speculatoribus visus est Ulpianus sensitse, cum scribet *pannicularia* ad speculatores pertinere, cap. 6. de bon. dam. Haud dubie per speculatores carnifices intelligens, eorumque jus vetus simul exprimens. Moris enim erat ut rei damnati, & affecti supremo supplicio vestimenta inter se carnifices dividerent. Eumque morem docent nos Evangelistæ singuli: Ajunt enim, milites quatuor postquam Jesum Cruci affixerant, ejus vestimenta cepisse, & ex iis quatuor partes fecisse singulis militibus unam. Nec alio videtur referendum quod Paulus Diaconus ait; Cyprianum martyrem ad locum supplicii perductum se biro expoliasse, & tradidisse carnificibus. Eaque omnia quæ pannicularia dicuntur, sibi jure suo hujusmodi milites olim usurpasse auctor est idem Ulpianus d. cap. 6. Addiditque *zonam* sub ratione pannicularia non contineri. Idque mirum non videtur ei, qui non ignorat sic de zona Livium lib. 33. scripsisse: *Negotiandi ferme causa argentum in zonis habentes, in commediis erant*. Addatur Paulini illud ad Sulpitium Severum: *Lumbisque pra-*

*cinctis nullo aræ gravi zona sustinens viam tuam curres*. Irenæus Adversus Hæreses lib. 4. cap. 49. *Ex alienis laboribus insigno aurum, & argentum, & aramentum cum inscriptione, & imagine Caesaris in zonis suis ferentes, jussu se facere dicunt*.

## C A P U T XV.

### De Re textoria.

**S**OLENT matronæ etiam nobilissimæ lanæ reique textoriæ cum ancillis, & servis operam dare c. 31. de donat. inter vir. & uxor. cap. 36. de leg. 1. c. 61. de leg. 3. Sic enim de Lucretia scribit lib. 1. Livius: *Nocte fera deditam lanæ inter incubtantes ancillas in medio adium sedentem invenimus*. Auctor est etiam in fabulis, Hyginus Augusti libertus, Penelopen Ulyssis uxorem telam texuisse, quod ipsum Gajæ Ceciliz, Festus, & Corneliz, M. Emilii Lepidi conjugī tribuit Asconius. Nec alio spectat de Andromache illud Virgilii Æneidos lib. 3.

*Textilibusque enervat donis, ac talia saturi accipe, & hac manum tibi quæ monumenta mearum*

*Sint puer, & longum Andromachæ sequester amorem*

*Conjugis Hecaræ.*

Est etiam Svetonius auctor vestem domesticam Augusti ab uxore, filia, sororibus, neptibusque ejus consecratam fuisse. Et id quidem adeo verum est, ut singulæ propemodum matronæ sibi, maritis, liberisque suis, integra sic detexerent vestimenta, ut ea contexta nulla sarcinatricis, nulla sartoris opus haberent industria. Augustinus in Plal. 45. *Finitum cibum dicimus qui manducabatur, & finitam tunicam quæ tenebatur*. Eumque morem

evi-



evidenter expressit in Evangelio Divus Joannes cap. 19. Ait enim Domini Salvatoris nostri inconsumtam fuisse tunicam, totamque a summo contextam. Nec aliud est quod hunc in modum scripsit ad Sabianum Ulpianus: *Vestimentum id est, quod detextum est, etsi defectum non sit, id est, si sit consummatum*, cap. 22. de auro, & arg. leg. Eoque referri potest, quod Ulpianus, & ex Ulpiano Justinianus de aliena purpura scribunt, quam quis vestimento suo intexuit cap. 7. ad exhib. §. si tamen. Instituit de rer. divis. Constitit autem omnis textura partim ex lana, partim ex tela. Lanae dedit mulieres erant, quae lanam ad texturam praeprabant, tela quae in atrio ex vetere more texebant. Idque mihi visus est Terentius voluisse sic in Andria scribens: *Lana, ac tela visum quaritans*. Par lanam enim eam intelligit lanae praeprationem Terentius, quae ad texturam lavando, nendo, tingendo, aut qua alia ratione necessaria est, & per telam ipsam detextionem, cap. 70. in princ. de leg. 3. Goveanus per telam instrumentum textorium intelligit. Cui ut non adsentiar, facit Hyginus Augusti libertus sic Fabula 126. scribens: *Preci Penelope in conjugium potentes venerunt, quos illa conditione ita differt, eam telam detextura, nubam*. Aconius etiam pro Milone ita scribit: *Isemque telas quae ex vetere more in atrio tenebantur, diruerunt*. Ex quibus evidenter constat, non textorium instrumentum (illud enim nec textitur, nec detextitur) sed flamen potius, & subtemen, omnemque ex qua vestimentum sit, substantiam simul confederatam tamdiu telam appellari, quamdiu ea instrumentum textorio contextitur. Eoque sensu id in tela esse, hoc est telae nomine

Tom. I.

contineri scripsit Ulpianus, quod cum nondum pertextum, aut detextum sit, *contentum* appellatur, cujusmodi flamen est, & subtemen c. 22. de auro, & arg. leg. Quod ipsum Tertullianus *telarum* appellat *structuram* lib. de Pallio. Nec alio visus est idem Ulpianus respexisse cum lanae appellationem eatenus extendi scriberet, quoad ad telam pervenisset d. cap. 70. §. 1. Sensus enim est, lana legata, eam lanam non deberi, quae cum in telae structura sit, alia substantiae ad vestimentum texendum praepratis, sic est admixta, ut sine incommodo ab iis nequeat separari. Fortassis ea prorsus ratione lanam non deberi, quae in tela est, scripsit Ulpianus, quia nec auri, nec argenti appellatione electrum contineri idem tradidit, cap. 3. de legat. etiamsi ex auro, & argento foederatum electrum sit, ut suo loco ex Tertulliano demonstravimus. Et haec quidem verissima sunt, si modo lana non fuerit tincta. Ulpianus enim apud veteres ait constitisse, versicoloria lanae appellatione non contineri, & ideo cui lana legatur, id videri legatum, quod tinctum non est, cap. 70. de leg. 3. A quibus dissentit expresse Paulus cap. 32. §. 5. de auro, & arg. leg. eaq. Pauli sententia ab omnibus non videtur recepta, quamvis eam expresse Paulus inter receptas numeret, Sent. lib. 3. tit. 6.

## CAPUT XVI.

*Damnanda memoria ratio vetus.*

EX causa Majestatis, perduellionis, aut ex alia tali causa memoria etiam post mortem damnari solet, cap. 6. §. 8. de injusto, rupto, & irriti

N n

teft.

test. cap. 32. §. 5. de donat. inter vir. & uxor. cap. 76. §. fin. de leg. 2. Eaque damnatio sic fieri consuevit, ut ejus, cujus damnabatur memoria, ex Magistratum albo nomen eraderetur, effigies, & statuae deicerentur, tituliq; luto tegerentur expressa Senatus auctoritate. Morem hunc Modestinus, Cicero, Tacitus, Ambrosius Lampriidius, Suetonius, Capitolinus, & Livius tradiderunt: Sic enim scribit Modestinus: *Eorum qui delegati, vel deportati sunt ex causa Majestatis, statuas detrabendas scire debemus*, capit. 24. de poenis. Et Cicero Philip. 13. *Cujus totus Consulatus est ex omni monumentorum memoria revulsus*. Tacitus Annalium libr. 3. *Nomen Pisonis radendum fastis censuit*. Et libr. 5. *At Romae principio anni quasi recens cognitis Livie flagitiis, ac non pridem etiam punitis atrocis sententia dicebantur in effigies quaeque, & memoriam ejus*. Idem Tacitus sic etiam libr. 11. scribit: *Ac primum in vestibulo effigiem patris Silii consulo Senatus abolitam demonstrat*. Ambrosius de Interpellatione libr. 3. c. 10. *Vide quemadmodum in Civitatibus bonorum Principum imagines perseverent, deleantur imagines tyrannorum*. Suetonius de Domitiano mortuo. *Senatus adeo letatus est, ut repleta certatim curia, non temperaret quin mortuum contumeliosissimo acclamationum genere laceraret, scolas etiam inferri, clypeosque, & imagines ejus coram detrabi, & ibidem solo affigi juberet, novissime eradendos abique titulos abolendamque omnem memoriam decerneret*. Lampriidius in Elagabalo: *Misit qui, & in castris statuarum ejus titulos luto tegerent, ut fieri solet de tyrannis*. Et paulo post: *Nomen ejus, id est, Antonini crasum est Senatu jubente*. Capitolinus in Gordianis, *Appellato igitur*

*Gordiano Imperatore, juvenes qui aulaves hujus facinoris erant, statuas Maximini deiecerunt, imagines perfrugerant, nomen publicitus eraserunt*. Nec arbitrator alio referri quod scripsit Suetonius, eum tramine Majestatis a Senatu liberatum esse, qui statuas Imperatoris reprobatae conflaverit, cap. 4. ad leg. Jul. Majest. Si quidem eorum statuas reprobari certum est, quorum memoria damnatur Senatusconsulto, aut etiam municipalis Magistratus decreto. Sic enim aet. 4. in C. Varrem scripsit Cicero: *Centuripinorum Senatus decrevit, populusque jussit, ut quae statua C. Verri ipsius, & patris, & filii essent, eas Quaestores demolituras locarent, dumque ea demolitio fieret, Senatores triginta non minus adessent*. Eamque auctoritatem inde videri possunt Magistratus municipales assecuti, quod ab his locus ponendis statuis causa cogita soleat impetrari, cap. 14. de condit. & demonstrat cap. 2. de loco pub. fruendo. Si enim sine eorum decreto non potuerit in Provinciis quisquam statuis honorari, utique & illud recte videtur consequi eorundem etiam decreto iustis de causis deici, ac reprobari statuas potuisse. Morem hunc damnandae memoriae ipsi etiam Graeci Romano Imperio non subditi observarunt. Sic enim apud Livium de Atheniensibus scriptum invenio: *Regationem exemplo tulerunt, ptebesque servis ut Philippi statua, imagines omnes, nominaque earum, item Majorum ejus virilis, ad mullebris seaus omnibus tollerentur, delevanturque diis festi, sacra, sacerdotibus, quae ipsius, Majorumque ejus bonoris causa instituta essent, omnia profanarentur, loca quoque in quibus possumt aliquid inscripturne: bonoris ejus causa fuisse, detestabilis esse, neque in eis quicquam posita postea dedicatque placere eorum*, quae

quæ in loco puro poni dedicarique sue  
esset, sacerdotes publicos quotiescunque pro  
populo Atheniensis sociisque, & exerci-  
tibus; & classibus eorum præcarentur,  
toties detestari, atque exerceri Philip-  
pium, liberos ejus, regnumque terrestres  
navalesque copias; Macedonum genus  
omne nomenque; additum decreto, si  
quid postea quod ad notam ignomi-  
niamque Philippi pertinere; ferret,  
id omne populum Atheniensem iussurum:  
Si quis contra ignominiam, prope, bano-  
no ejus dixisset, fecissetve, qui occidisset  
eum jure casurum. Hæc Livius. Ex  
quo loco si quis persuasit sibi anti-  
quam hæc dammandæ memoriæ ratio-  
nem a Græcis ut alia multa Romanos  
acceptam tulisse, non video cur is pos-  
set reprehendi.

## CAPUT XVII.

De Flavii, & Cæsaris appellatione.

CONSTANTINUS Imperator, qui  
Flavius appellatus est, novi  
cujusdam Imperii auctor fuit. Constanti-  
nopolim enim novam Romam voluit  
appellari: Et ita in orbe Romano  
duæ duorum Imperiorum diversæ fue-  
runt sedes, una dicebatur Roma vetus,  
altera nova Roma. Urbs antiqua, urbs  
illa Quirini, quæ simpliciter ap-  
pellari Roma solebat, ad differentiam  
Imperii Constantinopolitani, dicta est  
vetus Roma. Et quia hæc duo Imperia  
fere perpetuo conjuncta fuerunt,  
hinc factum videri potest, ut Imperato-  
res qui Cæsares antea solum dice-  
bantur tandem non Cæsares duntaxat,  
sed etiam Flavii appellarentur. Cæsa-  
res quidem respectu Imperii Romani,  
cujus caput, & Princeps fuit C. Julius  
Cæsar: Flavii vero Constantinopolita-

ni Imperii ratione, cujus Flavius  
Constantinus prima jecerat fundamen-  
ta. Ait enim Eutropius lib. 10. ur-  
bem nominis sui ad tantum fastigium  
evehere molitum esse Constantinum,  
ut Romæ æmulam faceret. Idque mi-  
rum ei non videbitur, qui non igno-  
rat Cyprianum ad Cornelium Papam  
scripsisse, Augusti, vel Cæsaris titulo  
succedentem honorari progeniem, &  
Imperatoris Dignitatis heredes primæ  
originis irradiari fulgoribus. Ut igitur  
a C. Cæsare Imperatores Romani  
Cæsares, sic a Flavio Constantino Con-  
stantinopolitani Imperatores Flavii di-  
cti sunt. Ea quia Justinianus utrum-  
que Imperium simul obtinuit, hæc  
etiam ratione factum est, ut ille non  
Cæsar, non Flavius solum, sed tam  
Flavius, quam Cæsar his verbis ap-  
pellaretur: IMPERATOR CÆsar FLA-  
VIUS JUSTINIANUS, quemadmodum  
ex iis triumphalibus titulis constat,  
qui procemio Institutionum præfixi  
sunt.

## CAPUT XVIII.

De Furiosis, & mente capitis.

DECENVIRI genere quodam furo-  
rem esse rati sunt mentis ad cœnia  
cœritatem, & furiosos, non autem insa-  
nos rerum suarum dominos esse vetant  
duodecim Tabule, inquit Cicero Tulus-  
lanarum Quæst. lib. 3. itaque non esse  
in iis scriptum: Si INSANUS, sed  
SI FURIOSUS ESSE INCIPIT. Sunt  
igitur Decemviris furiosi qui mente ad  
omnia cæci sunt. Et sic ad genus  
furorem referunt, quem ad speciem  
Prætores, & Jurisconsulti postea traxis-  
se videntur. Insanos enim appellant  
eos Jurisconsulti, qui mentem non

habent sanam, quales sunt qui deridenda loquuntur c. 4. in princ. de ædilit. edict. Eosque sic distinguunt, ut ex insanis alios contendant esse furiosos, alios mente captos, sive dementes, §. 2. Instit. de curat. c. 2. de inoff. test. Per *furiosos* eos intelligunt qui mente quidem omnino capti non sunt, sed quibus mens ita commota est, ita conturbata, ut accepta furia, familiari quadam rabie videantur exagitari, interdum tamen non sine dilucidis sanæ mentis intervallis, eosque Cajus *mente insanos* appellat. Ut enim a furore *furius*, sic a furis *furor* nomen videtur accepisse. Idque sibi voluit in ea Declamatione Quintilianus, cui titulus est: *Ego te pater occidi*. Sic enim scribit: *Non sine causa scilicet vetus illa, & antiqua aetas tradidit, eos qui aliquid commiserunt, scelus, furis agitari, & per totum mundum agi*. Quibus etiam consentaneum illud est quod Hyginus Augusti libertus Fabula 107. ad hunc modum scribit: *Ex quo semel manus inquinavit, inserta sunt illi protinus furie, ut hunc hominem palam occideret*. Et quia veteres, Ceteris ira atque indignatione hujusmodi homines vexari, vel potius a larvis, furiisque uti dictum est, exagitari, & exterreri persuasum habebant, tam *Ceritos larvasque*, si Festo, & Plauto credimus, quam *furiosos* illos appellabant. Cæterum *dementes* vocabant eos Jurisconsulti qui omnino mente erant privati, sive quibus mens non conturbata, sed adempta penitus credebatur, quales sunt plane insipientes, & fatui, quibus ablatum est ( ut utar verbis Quintiliani ) rerum omnium intellectus. Atque ita quidem *mente captum dementem*, & *amentem* definiit Festus. Eaque, ni fallor, ratione dicitur quis

mente captus, qui eum qui *incedere* nequit *pedibus captum* scripsit libro 33. his verbis Livius: *Princeps eorum pedibus captus lætica est introlatus*. Appellatione igitur furiosi, a Decemviris, auctore Cicerone, mente capti, sive dementes comprehendantur, insani non comprehenduntur, Jurisconsulti contra sub insanorum nomine furiosos, & mente captos complexi sunt. Nec id mirum. Nam esse vocabula quædam quibus Decemviri generis loco, & Jurisconsulti contra non generis, sed loco speciei usi perpetuo sunt, est a nobis Variorum libro 2. demonstratum. Columella mente captum ad agnatos gentilescque esse deducendum scribit libro 1. de Re Rustica, per *mente captum* etiam furiosum intelligens. Certe quod omnes furiosi quodammodo mente capti sint tempore furoris, præsertim si furor tantus sit ut nequeat expiari. Furiosi, ritu solemniquodam, solent expiari. Sic enim scripsit Festus: *Piari eos veluti proprio verbo ait Verrius, qui perum sunt animati cum mentis sua non sint, & per quadam verba liberatur incommodo*. Eoque arbitror Ulpianum respexisse cum furiosum tutorem Judicemve datum, tunc Judicem scriberet, tutoremve futurum cum mentis compos factus fuerit cap. 39. de judic. §. furiosus. Instituit. qui test. tut. dari poss. Piationis enim beneficio plerumque mentis suæ compos reddebantur furiosi. Sique ad sanam mentem medio expiationis non redirent, tunc eorum furor in morbi fontici appellationem transibat, & eo nomine omnem judicandi necessitatem remittebat, eaque vera sententia est cap. 46. de judic. Hæc piatio circumlatione, hoc est, lustratione fiebat, ejusque lustrationis auctor mihi Nonius est. Erat etiam sacerdos quæ expia-

expiare solebat, eamque *piatricem* appellabant inquit Festus, & ea quibus in expiando hujusmodi sacerdos utebatur, *piamnia* dicta sunt. Solet etiam hujusmodi piatio porcis fieri, eosque porcos veteres appellasse sacros porcos testis est Plautus in *Menechmis* his verbis:

— Responde mihi

*Adolescens, quibus hic pretiis porci veniunt*

*Sacres, synceri, numas eos a me accipi*

*Jube te piari de mea pecunia;*

*Nam ego quidem insanum te esse certo scio.*

In hoc Plauti loco Camerarius parum considerate antiquam hanc vocem, *sacres*; ut proflus ineptam rejecit; & in ejus locum, *sacri*, substituit. *Sacres* autem non *sacri* Plautum scripsisse testis evidentiissimus est M. Varro, hunc eundem proferens, & interpretans Plauti locum libro 2. *Re Rustica* cap. 1. & 4. Quibus consentaneum omnino est illud ejusdem Plauti in *Rudente*: *Sans domi agni, & porci sacres*. Hæc de *juriosis*.

## C A P U T XIX.

*De libris Institutionum Juris civilis, & de Cajo.*

**A**LIA mens, & intentio scribendarum Institutionum fuit Jurisconsultis, alia item Justiniano. Illi enim eas scribebant ut hujusmodi institutionibus civium dissidentium lites contentionesque sopirentur, & magis fuisse forenses videntur quam scholasticæ, Justinianus contra instituendæ legum cupidæ juventutis gratia suas edidit institutiones. Differentiam hanc

ex Lactantio didici qui *Divinar. Instit.* libro 1. cap. 1. ita scribit: *Si quidam prudentes, & arbitri aquisitionis institutiones civilis juris compositas ediderunt, quibus civium dissidentium lites contentionesque sopirent, quanto melius nos; & rectius Divinas Institutiones literis prosequemur, in quibus non de filicidiis, aut equis accendis, aut de manu conferenda, sed de sps, de vita, de salute, de immortalitate, de Deo loquimur?* Et quamvis hæc ita sint, nihilominus tamen ex Jurisconsultorum institutionibus, & præcipue ex Caji tam institutionum, quam rerum quotidianarum commentariis, suas institutiones componi voluit Justinianus. Quisnam autem fuerit hic Cajo, & quibus temporibus vixerit, non est quod amplius dubitetur. Ipse enim Cajo sua ætate Alexandrinam quandam mulierem ad Divum Hadrianum perductam fuisse ait, cum quinque liberis quos uno fœtu enixa erat, cap. 7. in prin. de rebus dub. Et pervenisse eum ad tempora Divi Antonini, hoc est Imperatoris Caracallæ multis locis doceri potest; c. 32. in prin. & cap. 42. de donat. inter vir. & uxor. cap. 90. de condit. & demonstrat. c. 63. §. 5. ad SC. Treb. cap. 96. de legat. 3. &

## C A P U T XX.

*De optima Lege.*

**I**NTERDUM exigente, inquit Pomponius, placuit majoris potestatis Magistratum constitui: itaque Dictatores proditi sunt, a quibus nec provocandi jus fuit, & quibus etiam capitis animæversio data est, cap. 2. §. 50. de orig. jur. Auctor est Livius libro 2. legem de Dictatore latam jubere ut Consulta

res Dictatorem legeret. Eumque a Consularibus lectum non aliter fieri Dictatorem, quam si a Consule Dictator diceretur; testatur M. Varro de Ling. Lat. libro 4. Hujus de Dictatore creando antiquæ legis meminit Pompejus Festus, de optimis spoliis differens: *UT QUI OPTIMA LEGE FUERINT*, inquit Festus, *adjici solet cum quidam Magistratus creatur*. Nam per hunc Magistratum Dictatorem intelligi, eo in loco demonstrat idem Festus, in quo sic de optima lege scribit: *Optima lex illa dicebatur qua in Magistro populi faciendo, quam plenissimum posset, jus esse significabatur*, ut fuit M. Valerii Manii filii, Volastii nepotis, qui primus Magister populi creatus est: *Postquam vero provocatio ab eo Magistratu ad populum data est, que antea non erat, desium est dici: UT QUI OPTIMA LEGE, upote immunitis jura priorem Magistratum.* Hæc Festus; quæ cum essent depravatissima; sic uti hoc loco propolita sunt, ex falsis Capitolinis, sicuti etiam historiæ veritatem, & auctoritatem Livii restituvimus. Sensus autem est in Magistro populi dicendo hæc solemnia verba Consulem usurpasse: *UT QUI OPTIMA LEGE FUERINT, ITA M. VALERIUM DICTATOREM DICO*, & optimam legem eam intelligi quæ quam plenissimum Dictatoris jus esset significabatur. Livius scribit libro 2. sibi nonnullos habuisse falso persuasum, M. Valerium Manii filium Dictatorem primum fuisse, quæ in persuasionem etiam fuisse Festus videtur. Est & alia lex quæ optimæ legis appellationem etiam habet, eaque virginēs Vestales capiebantur. Quam legem cum bis *Papiam* appellaverit Gellius, libro 1. cap. 12. nescio qui fiat ut eandem postea *Popiliam* nomenet.

*Popiliam* autem legem in *Papiam* depravari facilius potuisse, quam *Papiam* in *Popiliam* quis est qui non animadvertat? Nam si ex lege *Popilia* syllabam *li* abstuleris, supererit *Papia*, & tandem ex *Papia Popiam* scriptum ab iis videtur potuisse, qui legis Juliz, & Papiæ meminerant. Earque res efficit ut mihi persuadeam de lege *Popilia*, hoc est Numæ Pompilii Regis Romanorum Gellium sensisse. Nam cum dixisset, Gellius, eos qui literas antiquiores tractant de capiendâ Vestali virginis nihil quicquam aliud tradidisse, quam eam quæ capta prima fuit a Numa Rege fuisse captam, indicans se. quid amplius invenisse subjecit: *Sed Popiliam legem invenimus*, hoc est legem invenimus, quæ ritus sortiundæ capiundæque virginis ita uti a Numa Rege est introductus, continetur. Si enim certum est capiundæ virginis morem instituisse Numam Pompilium virginisque, ut ait Livius, legisse, atque etiam verisimile est; sortitionem præcipuum capiendæ virginis ritum ab eodem Rege excogitam primum fuisse, atque ita per legem *Popiliam* Numæ Pompilii legem recte apud Gellium intelligi posse. Quid igitur inquires, nihilne a *Popilia* lex Pompilia differt? Profecto non magis quam a foro *Popilii* differt *Pompilii* forum. *Pompilii* enim, & *Popilii* forum, idem forum esse Valerius Probus auctor est, qui has notas I. Fo. POP. sic interpretatus est: *In Foro Pompilii alias Popilii*. Sic & I. Instit. de eo cui libert. caus. bon. addic. *Pompilius Rufus*, alias *Pepilius Rufus*. Ut sit hoc saltem constat hanc legem etiam legem optimam Pontifices appellasse, cum in virginē Vestali capiendâ hac formula solemniter uterentur: SACERDOTEM VESTALEM QUÆ

SACRA. FACIAT. QUÆ. JUS. SIET. SACERDOTE. VESTALEM. FACE. RE. PRO. POPULO. ROMANO. QUI. RITIBUS. UTI. QUÆ. OPTIMA. LE. GE. CAPTA. FUIT. ITA. TE. AMA. TA. CAPIO. Hujus formulæ hæc est sententia. Ego te amasa sacerdotem Vestalem ita capio, uti aliqua Vesta- lis virgo per optimam legem, hoc est per legem Popiliam capta fuit. Et sic quidem duæ videntur fuisse leges di- versæ, quæ a veteribus optimæ dice- bantur: una qua Dictator a Consule dicebatur, altera qua Vestalis virgo ca- piebatur. Dicunturque optimæ leges ea prorsus ratione qua sic de optimo jure scripsit Philippica nona Cicero: *Uti quod optimo jure publice sepulchrum datum esset.* Cui & illud etiam adju- ngi potest quod ita de Claudio Impe- ratore Seneca scribit: *Censeo ut Divus Claudius ex hac die Deus fiat, ita uti ante eum quis optimo jure factus sit.* Et quemadmodum virginibus Vestæ quasi proprium fuit ut optima lege

capi dicerentur, eo quod alia ratione nulla ad hujusmodi sacerdotium admit- ti soleant, sic quoque Dictatoribus fuisse videtur peculiare, & plane proprium ut a Consularibus legerentur, lectique optima lege Dictatores a Consule dice- rentur. Eosque Magistros populi ap- pellatos fuisse præter Festum testatur Varro de Ling. Lat. libro 4. & Se- neca Epistol. libro decimo nono. *Præ- terea notat, inquit Seneca, eum quem nos Dictatorem dicimus, & in historiis ita nominari legimus apud antiquos Ma- gistrum populi vocatum. Hodieque id exat in Auguralibus libris, & testimo- nium est, quod qui ab illo nominatur, Magister equitum est.* Illud etiam his omnibus adjungi potest, forte inter- dum dici ab altero Consulium Dictato- rem consuevisse, ejusque fortitionis expresse Livium meminisse libro quar- to, *Sors, inquit Livius, ut Dictatorem diceret (nam ne id quidem inter colle- ges convenerat) T. Quintio evenit.*

FINIS PRIMI TOMI.

2101 17931112





005800394

7.2.136

OPERAZIONI ESEGUITE

- Scucitura, lavaggio, deacidificazione con idrossido di calcio, e rinsaldo con Tylose MH 300 P.
- Rammendo alla piega, imbrachettatura e restauro con carta e velo giapponese.
- Fogli di guardia a struttura C in carta Wangerow
- Cucitura con cuciti e infilati.
- Cucitura con pelle uovo e velo giapponese.
- Coperta in tutta pergamena semi floscia con labbro e 2 lacci di lino.
- Titolo in oro su cartellino in carta Roma-Veronese.

BIBLOS snc  
Torre del Passeri (Pe)

